

PRÆLECTIONUM THEOLOGICARUM

COMPENDIUM

AD USUM THEOLOGICÆ ALUMNORUM.

DE MATRIMONIO,

OPERA ET STUDIO

JOS. CARRIERE,

SEMINARII SANCTI SULPITII PRESBYTERI.

EDITIO SECUNDA,

ACCURATE EMENDATA, FACILIORIQUE ORDINE DISPOSITA.



M

100
27

PARISIIS,

ED MEQUIGNON JUNIOREM,

FACULTATIS THEOLOGICÆ BIBLIOPOLAM.

1842

BIBLIOTHECA S. J.
Maison Saint-Augustin
ENGHIEN

M -100/27

PRÆI

EMINARI

),

PRÆLECTIONES
THEOLOGICÆ
EMINARII SANCTI SULPITII.



PROPRIÉTÉ DE L'ÉDITEUR.

Edition sur papier collé.

SANCTI GERMANI IN LAYA,
Ex typis BEAU.

PRÆLECTIONUM THEOLOGICARUM

COMPENDIUM

AD USUM THEOLOGICÆ ALUMNORUM.

DE MATRIMONIO,

OPERA ET STUDIO

JOS. CARRIERE,

SEMINARII SANCTI SULPITII PRESBYTERI.

EDITIO SECUNDA,

ACCURATE EMENDATA, FACILIORIQUE ORDINE DISPOSITA.




PARISIIS,

APUD MEQUIGNON JUNIOREM,

FACULTATIS THEOLOGICÆ BIBLIOPOLAM,

—
1842
|



MONITUM AUCTORIS.

Quid in hac secunda editione *Compendii* nostri præstiterimus, paucis accipe, benevole Lector.

Ante omnia, brevitati simul et perspicuitati consilere studuimus. Quapropter tractatum nostrum ad eos limites redigere conati sumus, ut solito studiorum theologicorum curriculo melius congrueret. Nonnulla igitur penitus resecta : quædam, sicut in *Compendio* nostro *de Justitia*, minutiori characterè excusa, quæ præteriri possint quin abrumpatur materiæ series. Ordo etiam paululum immutatus, quò facilius esset et magis obviæ, nec tot divisionum subdivisionumque ambage implicatus.

Cùm plura strictim attingi debuerint, cùmque præcipui diversarum opinionum auctores variaque testimonia aut monumenta non nisi breviter indicari plerumque potuerint, ad *Prælectiones Majores*¹, ubi ea fusiùs explanata occurrent, identidem remittimus, hoc modo : (P. M. n^o).

Quæstiones aliquas intricatas et difficiles novo subjecimus examini. In id speciatim incubuimus, ut accuratè et absque partium studio ea proferremus quibus elucidari possent : cæterùm has controversias dirimere non præsumpsimus, satis nobis fuit pro

¹ Prælectiones theologicæ Majores in seminario S. Sulpitii habitæ. *De Matrimonio*, 2 vol. in-8°, 1837.

praxi vel remittere ad superiores ecclesiasticos, vel agendi normam tradere quam postulant reverentia et obsequium eorum documentis debita. Si quid in his omnibus nobis incautis exciderit minùs rectum aut Ecclesiæ fidei minùs consentaneum, pro non dicto haberi volumus.



DE MATRIMONIO.

1. Fidem Ecclesiæ circa matrimonium compendiosè quidem, sed luculenter, exponit concilium Tridentinum, sessionis xxiv initio, his verbis : « Matrimonii perpetuum » indissolubilemque nexum primus humani generis parens » divini Spiritûs instinctu pronuntiavit, cum dixit : *Hoc » nunc os ex'ossibus meis, et caro de carne mea : quam- » obrem relinquet homo patrem suum et matrem, et » adhærebit uxori suæ, et erunt duo in carne una.*

» Hoc autem vinculo duos tantummodo copulari, et con- » jungi, Christus apertiùs docuit, cum postrema illa verba, » tanquam a Deo prolata, referens, dixit : *Itaque jam non » sunt duo, sed una caro* : statimque ejusdem nexûs fir- » mitatem, ab Adamo tantò ante pronuntiatam, his verbis » confirmavit : *Quod ergo Deus conjunxit, homo non » separet.*

» Gratiam verò, quæ naturalem illum amorem perfice- » ret, et indissolubilem unitatem confirmaret, conjugisque » sanctificaret, ipse Christus, venerabilium sacramento- » rum institutor atque perfector, suâ nobis passione pro- » meruit, quod Paulus apostolus innuit, dicens : *Viri, di- » ligite uxores vestras, sicut Christus dilexit Ecclesiam, » et seipsum tradidit pro ea ; mox subjungens : Sacramen- » tum hoc magnum est : ego autem dico, in Christo et » in Ecclesia.*

» Cum igitur matrimonium in lege evangelica veteribus con- » nubiis per Christum gratiâ præstet, meritò inter novæ legis » sacramenta annumerandum sancti Patres nostri, concilia, » et universalis Ecclesiæ traditio semper docuerunt. »

2. Hæc est doctrina quam fusiùs evolvendam suscipimus in præsentì tractatu, cujus tres erunt partes : prima, de natura matrimonii ; secunda, de proprietatibus ; tertia, de conditionibus.

PARS PRIMA.

DE NATURA MATRIMONII.

3. Matrimonium spectari potest vel ut contractus, vel ut sacramentum. Unde pars ista triplici capite constabit : in primo, agemus de natura matrimonii quatenus est contractus ; in secundo, de natura matrimonii quatenus est sacramentum ; in tertio, expendemus utrū et quatenus sacramentum sejungi possit a contractu.

CAPUT PRIMUM.

DE MATRIMONIO SUB RATIONE CONTRACTUS SPECTATO.

4. Matrimonium, spectatum in ratione contractus, definiiri potest : *Conjunctio viri et mulieris mutuum ipsis et perpetuum jus conferens tum in corpora in ordine ad actus ex se aptos ad generationem proles, tum in vitæ communis officia.*

Dicitur 1° *conjunctio*, ne solū intelligatur consensus quo vir et mulier sese mutuò tradunt et accipiunt, et quem theologi appellant matrimonium *in fieri*; sed et vinculum permanens quod ex illo actu transeunte resultat, et ab iisdem vocatur matrimonium *in facto esse*. Itaque vox *conjunctio* sumitur hic utroque sensu, *activo et passivo*; ideoque potius adhibetur quàm vox *contractus*, cui uterque ille sensus non ita facilè aptatur. 2° *Viri et mulieris*, ad indicandum subjectum matrimonii, quod diversitatem sexuum exigit. 3° *Mutuum jus ipsis conferens tum.....*; quibus verbis designantur et finis matrimonii, et jura specialia, obligationesque illi essentialiter annexæ, ut sic distinguatur a quolibet alio societatis aut unionis genere. Finis igitur primarius matrimonii est proles procreatio, ejus con-

Matrimonium : conjunctio viri et mulieris in ratione contractus et in ratione sacramenti.

6. page 8. In hac conjunctio physica est contractus et est sacramentum. Conj. 237, 238, 239, 240, 241, 242, 243, 244, 245, 246, 247, 248, 249, 250, 251, 252, 253, 254, 255, 256, 257, 258, 259, 260, 261, 262, 263, 264, 265, 266, 267, 268, 269, 270, 271, 272, 273, 274, 275, 276, 277, 278, 279, 280, 281, 282, 283, 284, 285, 286, 287, 288, 289, 290, 291, 292, 293, 294, 295, 296, 297, 298, 299, 300, 301, 302, 303, 304, 305, 306, 307, 308, 309, 310, 311, 312, 313, 314, 315, 316, 317, 318, 319, 320, 321, 322, 323, 324, 325, 326, 327, 328, 329, 330, 331, 332, 333, 334, 335, 336, 337, 338, 339, 340, 341, 342, 343, 344, 345, 346, 347, 348, 349, 350, 351, 352, 353, 354, 355, 356, 357, 358, 359, 360, 361, 362, 363, 364, 365, 366, 367, 368, 369, 370, 371, 372, 373, 374, 375, 376, 377, 378, 379, 380, 381, 382, 383, 384, 385, 386, 387, 388, 389, 390, 391, 392, 393, 394, 395, 396, 397, 398, 399, 400, 401, 402, 403, 404, 405, 406, 407, 408, 409, 410, 411, 412, 413, 414, 415, 416, 417, 418, 419, 420, 421, 422, 423, 424, 425, 426, 427, 428, 429, 430, 431, 432, 433, 434, 435, 436, 437, 438, 439, 440, 441, 442, 443, 444, 445, 446, 447, 448, 449, 450, 451, 452, 453, 454, 455, 456, 457, 458, 459, 460, 461, 462, 463, 464, 465, 466, 467, 468, 469, 470, 471, 472, 473, 474, 475, 476, 477, 478, 479, 480, 481, 482, 483, 484, 485, 486, 487, 488, 489, 490, 491, 492, 493, 494, 495, 496, 497, 498, 499, 500, 501, 502, 503, 504, 505, 506, 507, 508, 509, 510, 511, 512, 513, 514, 515, 516, 517, 518, 519, 520, 521, 522, 523, 524, 525, 526, 527, 528, 529, 530, 531, 532, 533, 534, 535, 536, 537, 538, 539, 540, 541, 542, 543, 544, 545, 546, 547, 548, 549, 550, 551, 552, 553, 554, 555, 556, 557, 558, 559, 560, 561, 562, 563, 564, 565, 566, 567, 568, 569, 570, 571, 572, 573, 574, 575, 576, 577, 578, 579, 580, 581, 582, 583, 584, 585, 586, 587, 588, 589, 590, 591, 592, 593, 594, 595, 596, 597, 598, 599, 600, 601, 602, 603, 604, 605, 606, 607, 608, 609, 610, 611, 612, 613, 614, 615, 616, 617, 618, 619, 620, 621, 622, 623, 624, 625, 626, 627, 628, 629, 630, 631, 632, 633, 634, 635, 636, 637, 638, 639, 640, 641, 642, 643, 644, 645, 646, 647, 648, 649, 650, 651, 652, 653, 654, 655, 656, 657, 658, 659, 660, 661, 662, 663, 664, 665, 666, 667, 668, 669, 670, 671, 672, 673, 674, 675, 676, 677, 678, 679, 680, 681, 682, 683, 684, 685, 686, 687, 688, 689, 690, 691, 692, 693, 694, 695, 696, 697, 698, 699, 700, 701, 702, 703, 704, 705, 706, 707, 708, 709, 710, 711, 712, 713, 714, 715, 716, 717, 718, 719, 720, 721, 722, 723, 724, 725, 726, 727, 728, 729, 730, 731, 732, 733, 734, 735, 736, 737, 738, 739, 740, 741, 742, 743, 744, 745, 746, 747, 748, 749, 750, 751, 752, 753, 754, 755, 756, 757, 758, 759, 760, 761, 762, 763, 764, 765, 766, 767, 768, 769, 770, 771, 772, 773, 774, 775, 776, 777, 778, 779, 780, 781, 782, 783, 784, 785, 786, 787, 788, 789, 790, 791, 792, 793, 794, 795, 796, 797, 798, 799, 800, 801, 802, 803, 804, 805, 806, 807, 808, 809, 810, 811, 812, 813, 814, 815, 816, 817, 818, 819, 820, 821, 822, 823, 824, 825, 826, 827, 828, 829, 830, 831, 832, 833, 834, 835, 836, 837, 838, 839, 840, 841, 842, 843, 844, 845, 846, 847, 848, 849, 850, 851, 852, 853, 854, 855, 856, 857, 858, 859, 860, 861, 862, 863, 864, 865, 866, 867, 868, 869, 870, 871, 872, 873, 874, 875, 876, 877, 878, 879, 880, 881, 882, 883, 884, 885, 886, 887, 888, 889, 890, 891, 892, 893, 894, 895, 896, 897, 898, 899, 900, 901, 902, 903, 904, 905, 906, 907, 908, 909, 910, 911, 912, 913, 914, 915, 916, 917, 918, 919, 920, 921, 922, 923, 924, 925, 926, 927, 928, 929, 930, 931, 932, 933, 934, 935, 936, 937, 938, 939, 940, 941, 942, 943, 944, 945, 946, 947, 948, 949, 950, 951, 952, 953, 954, 955, 956, 957, 958, 959, 960, 961, 962, 963, 964, 965, 966, 967, 968, 969, 970, 971, 972, 973, 974, 975, 976, 977, 978, 979, 980, 981, 982, 983, 984, 985, 986, 987, 988, 989, 990, 991, 992, 993, 994, 995, 996, 997, 998, 999, 1000.

servatio et educatio : finis secundarius, mutua opitulatio et sustentatio. Jura autem conjugum et reciproca obligationes ad utrumque illum finem referuntur : de his in alio tractatu speciatim agitur. 4° *Perpetuum*, quia unio conjugalis stabilis et ex se indissolubilis est : sicque excluditur vaga et fornicaria sexuum commixtio.

5. Ex ea definitione sequitur essentiam totam matrimonii *in facto esse* consistere in nexu quo colligantur conjugues, et in juribus cum eo vinculo connexis ; essentiam verò matrimonii *in fieri* sitam esse in mutuo consensu quo inducitur hujusmodi vinculum.

Hæc per se faciliè intelliguntur, et absolutè possent sufficere ut natura matrimonii perspecta habeatur : cùm tamen quædam fuerint in controversiam deducta, paulò fusiùs investigandum est utrùm et quatenus jus ad actum conjugalem pertineat ad essentiam matrimonii, et qualis requiratur consensus ad perficiendum matrimonium : quod duplici articulo præstabimus.

ART. 1. *Utrùm et quatenus jus ad actum conjugalem pertineat ad essentiam matrimonii.*

6. Hic confutandi occurrunt duplicis generis adversarii, quorum alii ultima nostræ definitionis verba impugnant, quasi in iis aliquid desit ; alii, quasi aliquid redundet : scilicet ex una parte JULIANUS, Pelagii discipulus, qui *nihil aliud esse nuptias quàm corporum commixtionem* dicebat, teste S. AUGUSTINO l. v contra illum, c. xvi, n. 62 : ex altera verò parte, quidam theologi, inter quos eminet PONTIUS, l. vii, c. lvi et seq., qui matrimonii essentiam reponunt in individua vitæ et officiorum societate ; adeò ut, juxta ipsum, jus ad usum sit quidem essenziale, quando matrimonium initur in ordine ad generationem, sed matrimonium iniri possit in ordine tantùm ad vitæ communis officia : unde concludit matrimonium inter impotentes jure naturali validum esse posse.

Contra illos igitur duplicem statuemus propositionem.

PROPOSITIO I. — *Actus ipse conjugalís non est de essentia matrimonii.*

Prob. I. Ex matrimonio B. Mariæ. Dogma certissimum est B. Mariam nunquam virum cognovisse, ut ostenditur in Tr. *de Incarnatione* : atqui tamen vero matrimonio juncta fuit S. Josepho, ut constat : 1° ex Scriptura. Joseph dicitur *vir* Mariæ, *Matth.* I, 16, 19; Maria dicitur *conjux* Josephi, *ib.* 20, 24; Joseph vocatur a Maria *pater* Christi, *Luc.* II, 35, 48, quod aliâ ratione concipi nequit; Christus ipse vocatur *filius* Joseph a Judæis, *Matth.* XIII, 55; *Luc.* III, 23; *Joan.* VI, 42, qui ignorare non debuerunt an initum fuisset matrimonium, quod profectò comitabantur quædam solemnitates. 2° Ex traditione. Ita agnoverunt multi ex SS. Patribus, præsertim SS. Ambrosius et Augustinus¹, locis mox citandis : ita omnes theologi, qui illud ut certum habent, adeò ut SUAREZ cum quibusdam aliis pronuntiet esse de fide; alii agnoscunt saltem illud sine temeritate negari non posse. Id testatur BENEDICTUS XIV, *de Festis*, part. II, n° 3; et *de Synod.* I. XIII, c. XXII, n° 13. 3° Ex ratione. Valde congruebat matrimonio adesse : ne Christus abjiceretur ab infidelibus tanquam illegitimus, et infamia aspergeretur B. Virgini; ut in Josepho custodem et nutritium haberet puer, et socium atque adiutorem mater; quia testimonio S. Joseph faciliùs comprobatur virginitas Mariæ, et miraculum ortûs Christi.

II. *Ex traditione.* In re satis apertâ sufficiat indicare S. AMBROSIIUM, *de Instit. Virgin.* c. VI, et S. AUGUSTINUM, I. V *contra Julianum*, c. XVI, ubi expressè asserunt matrimonium fieri solâ pactione conjugali, solâ voluntate, et afferunt in exemplum ac probationem matrimonium B. Mariæ.

III. *Ex ratione.* Usus rei de qua contrahitur non constituit contractum, sed illum consequitur, ut patet ex variis contractibus : porro nulla est ratio cur aliud diceretur de contractu matrimonii. Hinc, ut advertunt plures theologi, omnium animis insitta est hæc opinio, ideo virum et

mulierem sine crimine uniri, quia conjuges sunt, nedum ideo sint conjuges, quia uniuntur.

Solvuntur objectiones.

7. *Obj. 1. Contra probationem desumptam ex matrimonio B. Mariæ.* Non fuit verum matrimonium : nam 1^o *Matth. i, 18*, B. Maria dicitur tantum *desponsata*; quæ vox indicat mera sponsalia. 2^o S. Joseph voluit occultè dimittere Mariam, *Matth. i, 19*; porro eam, si verè fuisset illius uxor, non potuisset occultè dimittere, sed debuisset ei dare libellum repudii, juxta legem *Deuteron. xxiv, 1*. 3^o. Demum docuerunt multi Patres B. Mariam non fuisse propriè S. Josephi uxorem.

R. ad I. Vox illa *desponsata* sæpe in Scripturis designat veram uxorem. *Deuter. xxii, 23*; *Osee, iv, 13*. Vid. MAUDUIT, *Analyt. de l'Evang. Diss. ii, t. i*. Hic autem sensus determinatur ex circumstantiis jam indicatis : unde *Luc. ii, 5*, legitur *cum desponsata uxore*.

Ad II. 1^o Lex illa Deuteronomii, juxta multos, non respiciebat adulteras, quibus non dabatur libellus repudii, sed quæ lapidandæ erant : imò locum non habebat in omni repudio, sed in eo tantum quo dabatur facultas uxori virum alterum ducendi ; illud indicat contextus. 2^o Licet lex fuisset generalis, erat merè judicialis, ideoque, juxta multos, non obligabat cum gravi incommodo : proinde hic non observandam esse judicare potuit S. Joseph, tum quia Mariam diffamasset, et lapidationi exposuisset, eam ut adulteram traducendo ; qualem nec ipse credidit, ob eximiam de ejus virtute opinionem, potiùs prodigium suspicatus : tum quia probationes ipsi deerant. Unde ne vel innocentem accusaret, vel adulteræ videretur assentari, voluit occultè ab ea recedere.

Ad III. Nihil aliud intendunt SS. Patres, nisi quòd inter B. Mariam et S. Josephum non adfuerit matrimonii consummatio : quod est de fide. Ita intelligendos esse constat : 1^o ex eo quòd alibi expressè dicant adfuisse verum matrimonium ; 2^o ex scopo quem intendebant, scilicet ut ostenderent perpetuam Mariæ virginitatem : cui attingendo sufficiebat ut excluderent matrimonii consummationem.

8. *Obj. 2. Contra ipsam propositionem.* Adamus, utique a Deo edoctus, matrimonii naturam expressit his verbis *Gen. ii, 24, Erunt duo in carne una* : quæ nonnisi per matrimonii usum verificantur.

R. Hæc verba indicant effectum matrimonii ordinarium, non verò ipsius essentiam : vel intelligi possunt quoad jus et potestatem utendi corporibus ; quæ explicatio valde congruit textui Græco, qui habet : *Erunt duo ad carnem unam*. Addi potest Adamum ea protulisse ante usum matrimonii, seu ante lapsum, ut aiunt vulgò theologi post S. Augustinum, qui exinde contrà deducunt verum consistere posse matrimonium ante ipsius consummationem.

9. *Obj. 3.* Matrimonium, præsertim Christianorum, unionem Christi cum Ecclesia significare debet, ex S. Paulo, *Ephes. v, 32*, et totâ traditione : atqui non nisi per commixtionem carnis significari potest

PARS I. DE NATURA MATRIMONII.

unio Christi cum Ecclesia, quæ in eo consistit quòd Verbum per incarnationem una caro effectum sit cum sponsa sua Ecclesia.

R. Duplex distinguitur conjunctio Christi cum Ecclesia : altera moralis, per charitatem et continuum gratiæ influxum; altera physica et naturalis; per incarnationem. Fatemur istam non repræsentari nisi per matrimonium consummatum : sed nihil ostendit essentialia esse ut repræsentetur, nec sufficere significationem prioris, quæ in quolibet matrimonio reperitur. Certè Apostolus in loco allato præcipuè attendit ad unionem moralem, ut patet ex contextu.

10. *Obj. 4.* Illud essentialia est matrimonio, sine quo obtineri non possunt fines illius primarii : atqui sine usu non possunt obtineri fines primarii matrimonii, nempe procreatio prolis et remedium concupiscentiæ. Ergo, etc.

R. 1º. Argumentum illud totum in æquivocatione positum est, et est merum sophisma : aliud est quòd conjuges non utantur matrimonio, aliud quòd non possint uti ; sic et aliud est quòd non obtineantur fines matrimonii, aliud quòd non possint obtineri. Sine usu non obtinentur illi fines ; sed, positâ facultate utendi matrimonio, intelligitur possibilitas illius fines obtinendi. Igitur ad scholasticorum normam, Resp. *Dist. Maj.* Illud est essentialia, sine quo fines matrimonii obtineri nequeunt, etiam in actu primo, C. in actu secundo, N.

R. 2º. *Neg. Min.* Finis matrimonii non est præcisè procreatio prolis per singulos conjuges ; alioquin non staret matrimonium inter steriles, quod nemo admittit : sed est propagatio generis humani. Porro sufficienter obtinebitur, positâ facultate utendi matrimonio : quia constat ex naturali inclinatione sat multos usuros esse. Pariter finis ex levamine concupiscentiæ desumptus non est nisi secundarius, nec illis necessarius qui aliis modis concupiscentiæ medentur ; nihil proinde concludi potest quoad matrimonii essentialiam.

11. PROPOSITIO II. — *Jus ad actum conjugalem est de Matrimonii essentialia.*

Prob. I. Scripturâ sacrâ. Sic legitur apud S. Paulum, I Cor. VII, 4 : *Mulier sui corporis potestatem non habet, sed vir : similiter autem et vir sui corporis potestatem non habet, sed mulier* : atqui hæc sensu obvio intellecta indicant conjugem ita jus habere in corpus alterius, ut non solum alios ab hujus usu prohibere, sed et ipse uti possit.

II. *Ratione.* Vel essentialia est matrimonio jus ad usum, vel solum jus ad individuam vitæ societatem et cætera officia : atqui posterius non sufficit. 1º Ex sensu communi hominum. Supponatur enim virum cum femina de mutuis duntaxat charitatis et amicitiae officiis sibi invicem persol-

vendis mutuò convenire; verus et legitimus poterit esse eorum contractus, sed nemo illos habebit pro veris conjugibus. 2° Ex absurdis quæ sequerentur. 1. Ergo non solum frater et soror, sed duo ejusdem sexûs homines possent matrimonio invicem conjungi: quidquid enim dicat Pontius, ideo requiritur diversitas sexûs, quia alioquin dari nequit jus in corpora. 2. Ergo sic nupti non possent ad invicem accedere quin essent fornicarii, possent autem ad alios quin essent adulteri: siquidem malitia fornicationis in eo est quòd accedatur ad corpus in quod jus non competit; adulterii autem, quòd accedatur ad corpus alterius dominio subjectum; cur enim conjux potest impedire accessum alterius, nisi quia ipse jus habet? Ergo, etc.

12. Nec obstat quòd pro valido agnoscat matrimonium initum a sponsis quorum unus aut uterque votum castitatis emisit. — R. Votum castitatis, sive ante matrimonium, sive durante matrimonio emissum, non est ex se et independenter a lege positiva, incompatible cum jure mutuo conjugum radicali,* sed tantum reddit matrimonii usum illicitum et sacrilegum, quia votum obligat ex virtute religionis, non ex justitia: adeò ut qui, non obstante voto, matrimonium iniissent, non forent fornicarii matrimonio utentes, nec filii eorum essent illegitimi; et licetè uterentur, obtentâ dispensatione, absque novo matrimonio; tandemque adulteri fierent, si commercium haberent cum extraneis. Tunc tantum castitatis servandæ propositum ob stare potest validitati matrimonii, quando est inter conjuges deductum in pactum, prout articulo sequenti (n° 22) dicemus. Hinc facile concipitur quomodo B. V. Maria potuerit validè nubere cum S. Josepho, licet votum perpetuæ virginitatis ab ipsa infantia emisisset. Imò potuit licetè: meritò enim supponitur eam certam fuisse sive ex revelatione, sive quocumque alio modo, sanctissimum conjugem suum nunquam jure suo usurum esse in matrimonii consummationem, sed potiùs fore suæ virginitatis custodem. Nullatenus proinde opus est ad explicandum B. Virginis matrimonium ut recurramus ad opinionem quam eo fine excogitavit Pontius.

* a c o r v t i n i u s r a d i c a l i / h a t e i n d e - J u r i s
 i n i u s r a d i c a l i / h a t e i n d e - J u r i s
 2 2 2 0 d .
 i n i u s r a d i c a l i / h a t e i n d e - J u r i s
 i n i u s r a d i c a l i / h a t e i n d e - J u r i s

ART. 2. *Utrum et qualis requiratur consensus ad perficiendum matrimonium.*

13. Agemus de necessitate et dotibus consensûs; deinde nonnulla seorsim addemus de matrimonio sub conditione, et de matrimonio per procuratorem, de quibus speciales moveri possunt difficultates.

§ 1. *De necessitate consensûs in matrimonio.*

14. Deus, utpote supremus omnium jurium dispensator, posset profectò sponsis, etiam non consentientibus, conferre jus mutuum in corpora: potuisset ita res ordinare, ut non nisi ex ejus determinatione et imperio homines hanc vel istam uxorem acciperent. Sed talis non est ordo ipsius Providentiæ. In hoc negotio sicut in cæteris, hominem relinquit in manu consilii sui: quod apertum fit ex ipsa institutione matrimonii, qualis describitur *Genes. 11, 18* et seq.; Adam enim uxorem, licet manu Dei oblatam, sponte accepit et suam fecit per liberam suæ voluntatis determinationem.

Eam autem potestatem, quâ Deus uti noluit, fuisse Ecclesiæ aut principibus concessam nemo sapiens dixerit: et reipsâ nullâ ratione verisimili probari potest. Contrarium docent omnes, idque certissimum esse ait SANCHEZ. Nunquam Ecclesia aut principes tale jus sibi tribuerunt: nec bono societatis expediret ut vinculum mutui et perpetui amoris absque sponsorum consensu efformaretur.

Hinc, ex jure canonico, *Si solus* (consensus) *defuerit, cætera etiam cum ipso coitu celebrata frustrantur*, ut post Nicolaûm I ait INNOCENTIUS III, cap. *Tuas*, v, de *Sponsa duorum*: ex Codice autem civili, art. 146: « Il n'y a pas de mariage, lorsqu'il n'y a pas de consentement. »

Meritò igitur matrimonium inter contractus adnumeratur, quamvis in pluribus ab aliis contractibus differat, ut in fine præsentis articuli fusiùs evolvemus (nº 25).

§ 2. — *De dotibus consensús matrimonialis.*

15. Contractui matrimonii applicantur principia generalia, de consensu ad contractus, generatim spectatos, requisito : quæ cum exponantur in *Tr. de Contractibus*, ea hic indicare sufficiet, iis tantum insistendo quæ matrimonio specialia sunt.

Itaque consensus in matrimonio debet esse

1° *Internus*. Id est, non sufficit voluntas proferendi seriò verba quibus exprimitur intentio contrahendi, si ea proferens nolit interiùs contractum inire, sed decipere ; seu, ut loquuntur theologi, non sufficit consensus fictus.

Prob. 1°. Ex omnibus momentis quibus id adstruitur pro aliis contractibus. 2°. Ex decisione INNOCENTII III, qui expressè declarat, cap. *Tua nos*, xxvi, *de Sponsal. et Matrim.*, irritum matrimonium cui defuerat consensus, *sine quo*, inquit, *cætera nequeunt fædus perficere conjugale*. 3°. Qui dicunt in aliis contractibus sufficere consensum fictum, docent id oriri ex dispositione legum quæ ei talem vim conferunt : jam verò ea ratio hic nequit applicari, ex dictis.

Ut autem meliùs intelligantur sensus et consecutaria nostræ assertionis, simulque præcaveantur objectiones, quædam supersunt observanda.

1°. Qui fictè consensit, in foro externo reputabitur conjux, ideoque non admittetur ad novum matrimonium, saltem ordinariè. Ita statuit GREGORIUS IX, in cap. *Is qui*, xxx, *de Sponsalibus et Matrimonio* : si enim admitteretur qui allegat se fictè consensisse, jam via aperiretur dissolvendis pluribus conjugiiis ; unde sequerentur incommoda longè majora, quàm sequi possint ex eo quòd validum reputetur quod est irritum ; præsertim cum isti posteriori incommodo præstò adsit remedium facile, scilicet in supplendo consensu qui defuit. Aliunde omnino æquum est ut fides ei non adhibeatur qui vel instanti conjugii, vel nunc necessariò mentitus est.

Dixi *saltem ordinariè*, quia, juxta multos, si certò probari posset fictio, irritum declararetur matrimonium,

quia veritati cognitæ cedere debet præsumptio; imò novum permetteretur matrimonium, nisi obstaret necessitas injuriam illatam reparandi, de quo mox: sed requiruntur probationes moraliter certæ.

2°. Qui fictè tantum consensit, graviter peccavit et gravem injuriam alteri parti intulit. Quam ut reparet, ordinariè tenetur verum consensum præbere: alioquin grave damnum ordinariè patietur pars decepta, quæ nec admitteatur ad novum matrimonium, nec in conscientia poterit ad illud recurrere, nisi fictio certò ipsi constet.

Diximus *ordinariè*, quia fingi possunt casus in quibus non teneatur: 1. si impossibile foret, v. g. quia novum jam iniisset matrimonium; 2. si ex hoc matrimonio tot et tanta timerentur incommoda, ut jam remedium meritò censi posset malo pejus; 3. si pars læsa nollet matrimonium ratum habere, vel saltem consentiret ut non confirmaretur.

16. — II° *Liber* esse debet consensus. Quæ conditio duo involvit: 1° ut sit plenè deliberatus, seu qualis requiritur ad peccatum mortale; contractus enim tanti momenti oriri non debet ex consensu semipleno. 2° Ut sit *voluntarius*, non quidem necessariò eâ spontaneitate plenâ quæ requiritur in contractibus gratuitis, sed saltem secundum quid, ut loquuntur theologi.

Ea autem libertas tolli potest per amentiam, aut errorem, aut metum, de quibus dicemus opportuniùs ubi *de Impedimentis*.

III° *Externus*. Ita exigit finis contractûs, per quem transfertur jus seu dominium; quod fieri non potest nisi per actus externos: item voluntas contrahentium, qui non intendunt se obligare per voluntatem merè internam. Illa autem conditio requiritur etiam in acceptance consensûs.

Consensus regulariter exprimitur per verba: in mutis sufficiunt signa et nutus. Verba illa debent esse clara et aperta, id est, clarè indicare matrimonium: in contractu enim tanti momenti, nulla relinqui debet ambiguitas.

IV° *Mutuus*. Siquidem agitur de juribus reciproce tra-

dendis et acceptandis. Hæc autem conditio exigit ut consensus uterque veluti in unum coalescat, seu moraliter uniatur: quod ut fiat, necessarium est ut consensus unius alteri intimetur, seu ut alteri manifestetur ex voluntate et intentione ponentis, et ut ab illo acceptetur; ~~sed non~~ opus est ut ea acceptatio priori innotuerit; ~~antea enim perfectus est contractus~~, ut explicatur in Tr. de Contractibus.

V. De præsentī. Non sufficiunt verba aut voluntas de futuro, quibus fiunt sponsalia. Attamen non est necessarium ut utriusque consensus detur eodem instanti; sed quando ex una parte datus est, perseverat donec revocetur, adeò ut, accedente consensu alterius, validum fiat matrimonium, licet inter utrumque longum intercesserit temporis spatium. ^{Quod si in matrimonio quod contractum est, ita ut uterque sub conditione sit, non potest revocari, quia tunc evenit tamquam adiecta conditio.}

17. COROLLARIUM. — Ex principiis positīs deduci potest quid sentiendum de matrimonio illius qui falsò existimaret se esse quodam impedimento ligatum. — Videtur sic distinguendum esse: vel ita animum habebat ideâ impedimenti detentum, adeoque sibi persuaserat se actu nubere non posse, ut ne ad illud quidem volendum cogitaret, et solummodo concubinatum quæreret; et tunc irritum est matrimonium, quia evidens est non adesse consensum necessarium: vel ex ignorantia aut ex inadvertentia, voluit revera et intendit matrimonium contrahere, ita ut censeri possit illud voluisse quantum in sua potestate erat; et tunc valet matrimonium, quia voluntas contrahendi est voluntas prædominans.

§ 3. — De matrimonio sub conditione.

18. Cùm ex dictis matrimonio applicari possint pleraque ex iis quæ circa alios contractus statuuntur, hic sufficiat quædam observare de nonnullis difficultatibus matrimonio conditionato specialibus: 1° an adveniente conditione renovandus sit consensus; 2° et 3° quid de conditione impossibili aut contrariâ substantiæ matrimonii; 4° demum an permitti debeant matrimonia conditionata.

I. Non omnino constat an matrimonium initum sub conditione suspensiva, statim eâ adveniente validum et

conditio est eadem et si de conditione de qua per se non est intentio.

perfectum sit, an verò necessariò renovandus sit consensus, prout communiùs docebant veteres theologi.

Si attendamus ad solam naturam contractùs, nulla videtur ratio cur iste a cæteris differat : ac proinde dicendum statim validum effici ; talis fuit voluntas contrahentium, qui supponuntur dixisse, *Duco te, si....*, et non tantùm, *Ducam te*, et nihil obstat quin sortiatur suum effectum. Igitur ante eventum conditionis, contractus medium tenet inter sponsalia et matrimonium purum : differt a sponsalibus, cùm fiat per verba de præsentì, id est, quæ indicant voluntatem actualem contrahendi ; differt a matrimonio puro, cùm non sit absolutus et omnino perfectus : unde nondum adest matrimonium *in facto esse*, sed *in fieri*, si ita loqui fas est. Hinc si consensus interim revocetur, non perficietur matrimonium, et, si novum absolutè ineatur, validum erit. Ratio est quòd indissolubilitas non competat nisi matrimonio perfecto et absoluto, quale non est matrimonium conditionatum ante eventum conditionis. *Id quia est sacramentum.* ✕

Si qua esset difficultas, oriretur ex decreto concilii Tridentini circa præsentiam parochi. Attamen etiam post illud decretum docent communiter canonistæ, et communiùs theologi recentiores, necessarium non esse ut renovetur consensus : testatur FAGNANUS ita servari in curia Romana, etiam post concilium Tridentinum, et in eo sensu pluries responsum fuisse, approbante S. Pontifice. Et revera supponitur consensum dari præsentè parochò, ad normam concilii : Ecclesiæ igitur constat de matrimonio, nec novum permittetur nisi probetur adimpletam non fuisse conditionem, vel revocatum fuisse consensum modo sufficienti.

Dixi, *si attendamus ad solam naturam contractùs*, quia si quæstio expendatur sub respectu sacramenti, major adest difficultas ; de ea nonnulla dicemus in cap. seq. (nº 52). Hic monere sufficiat tutius esse in praxi renovare consensum sub eonditione datum.

19. II. Conditiò impossibilis irritum redderet matrimonium, sicut alios contractus, si reipsa vellent contrahentes huic conditioni consensus alligare. Sed in foro externo ecclesiastico non præsumuntur id

✕ 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

voluisse, conditioque pro non adjecta habetur. Ita statuit GREGORIUS IX, cap. *Si conditiones*, VII, de *Condition. apposit.*, nempe, ut ipse ait, *propter matrimonii favorem*. Et huic dispositioni standum est etiam in foro interno, nisi constet de voluntate contraria contrahentium.

Quod de conditione impossibili dicimus dicendum videtur de conditione turpi seu illicita : de utraque loquitur pariter Gregorius IX.

III. Si conditio sit contraria substantiæ matrimonii, qualis esset conditio resolutoria, et generatim quæcumque conditio contraria iis quæ a matrimonio separari non possunt, vel pro objecto habens aliquid quod cum matrimonio conciliari non potest, irritum reddit matrimonium, quotiescumque volunt contrahentes consensum pendere ab illa conditione. In foro autem ecclesiastico præsumuntur id voluisse, quando conditio in pactum expressè deducta fuit. Ita statuit GREGORIUS IX, cap. *cit.* : « Si conditiones contra substantiam conjugii inserantur, puta si » alter dicat alteri : *Contraho tecum, si generationem prolis evites*, vel » *donec inveniam aliam honore vel facultatibus digniorem*, aut si pro » *quæstu adulterandam te tradas*, matrimonialis contractus, quantum- » cunque sit favorabilis, caret effectu. »

20. IV. Matrimonia conditionata non sunt ordinariè permittenda. Illud enim esset contra praxim Ecclesiæ; locus daretur multis dubiis et difficultatibus; et timendum esset ne sic nupti se haberent ut veros conjuges, etiam ante impletam conditionem. Adhiberi tamen potest conditio, quando agitur de revalidando matrimonio dubio : sed non est verbis exprimenda, quia illa expressio non est ex se necessaria, et sine necessitate recedendum non est a forma in Ritualibus præscripta.

21. COROLLARIUM.—Ex dictis in præsentì paragrapho deduci potest, 1º quid sentiendum de matrimonio Græcorum aut Protestantium, qui existimant dissolvi posse per adulterium, vel alia de causa.—Distinguendum est cum BENEDICTO XIV, de *Synod.* l. XIII, c. XXII, nº 7. Vel facultas dissolvendi matrimonium, in tali vel tali casu, deducta est in pactum, vel non. 1. Si deducta sit in pactum, irritum est matrimonium : talis enim facultas contraria est substantiæ matrimonii, quod, saltem ex jure divino, est indissolubile, ut videbimus. Nec præcisè necessarium est, ut, eodem instanti physico quo datur consensus, statim apponatur illud pactum : nam sive apponatur antea, sive post, dummodo sit animo præsens quando datur consensus, adeò ut unusquisque actus ex utroque efformetur, et non ponatur unum nisi dependenter ab altero, pariter irritum erit matrimonium, quia adest eadem ratio. 2. Si non adfuerit pactum, sed tantummodo per errorem crediderint contrahentes matrimonium esse dissolubile, valet matrimonium. Ratio est quòd credendum sit eos generali voluntate contrahere voluisse matrimonio juxta Christi legem, ideoque indissolubile : privatus enim error

Si conditiones contra substantiam conjugii inserantur, puta si alter dicat alteri : Contraho tecum, si generationem prolis evites, vel donec inveniam aliam honore vel facultatibus digniorem, aut si pro quæstu adulterandam te tradas, matrimonialis contractus, quantumcunque sit favorabilis, caret effectu.

non potest præjudicium afferre voluntati generali, sed ab illa quodammodo absorbetur. Doctrinam hanc seu distinctionem constanter secutas fuisse congregationes Romanas, testis est idem Benedictus XIV, n° 8.

22. Deduci potest 2° quid sentiendum de matrimonio celebrato *sub conditione servandæ continentie*. Supponitur non adesse merum propositum, sed veram conditionem, id est, inter sponso initum esse pactum de servanda continentia, obligatorium ex virtute justitiæ, adeo ut neuter possit rigore ab altero exigere usum matrimonii.—Duplex adest theologorum opinio. Sed probabilius videtur irritum esse matrimonium. Nam essentialiter est matrimonio ut contrahentes sibi mutuò transferant jus in corpora: atqui hic non transferunt; jus enim in una parte supponit obligationem in altera; atqui hic altera pars non vult se obligare, cum jus sibi reservet denegandi: ergo jus non transfertur. Ita sentire vide tur BENEDICTUS XIV. *ibid.* n° 10.

§ 4. De matrimonio per procuratorem.

23. Agnoscunt omnes matrimonium *in ratione contractus* validè iniri posse per procuratorem. 1° Etenim, si spectemus *jus naturale*, ea est natura contractuum ut eo modo iniri possint: ergo idem dicendum de matrimonio; nihil enim ostendit Christum sub eo respectu mutavisse naturam hujusmodi contractus. 2° Si spectemus *jus ecclesiasticum*, nedum Ecclesia aliquid per leges suas immutaverit, contra statuit in jure canonico conditiones ad validitatem matrimonii per procuratorem celebrandi necessariò servandas; et non raro hujusmodi matrimonia approbat, præsertim inter principes. Equidem præscribit concilium Tridentinum, *sess. xxiv, cap. 1, de Reform. matrim.*, ut *Parochus, viro et muliere interrogatis, et eorum mutuo consensu intellecto, dicat, etc.* Verùm communis opinio est, teste BENEDICTO XIV, *de Synod. l. xiii, c. xxiii, n° 9*, nihil inde concludi debere contra matrimonia per procuratorem, sed dicendum concilium permisisse ut *Qui per alium facit, per seipsum facere videatur*, et ut *Possit quis per alium quod potest facere per seipsum*, prout dicitur in jure. 3° Si demum spectemus *jus civile*, de antiquo jure nulla controversia. Sed etiam jus novum, juxta doctores jurisperitos, nihil statuit quod pro matrimoniis deroget principiis modò allatis: non enim imponitur partibus obligatio se sistendi per seipsas coram officario civili, quemadmodum imponebatur pro postulando divortio, art. 294.

Varie tamen requiruntur *conditiones*.

Prima est, ut mandatum sit speciale. Ita fert *cap. procurator, ix, de Procurat.* in 6°. Hæc autem conditio ex jure duo includit: 1° ut adsit mandatum de matrimonio contrahendo; non sufficit mandatum generale de omnibus negotiis: 2° ut respiciat personam determinatam. Ita expressè in jure Romano, *l. 34, ff. xliii, 2, de Ritu nuptiarum*.

Secunda conditio est, ut procurator non excedat fines mandati: patet per se. Hinc 1° alium non debet delegare, quia ad id non accepit potestatem; hinc 2° si mandatum acceperit ut contraheret tali conditione, non potest alià contrahere.

Tertia conditio est, ut mandatum non fuerit revocatum : alioquin deest consensus contrahentis, ac proinde non potest adesse matrimonium. Illud verum est, licet revocatio non innotuerit mandatario; vel sit merè interna : item licet mandans jurasset se non revocaturum.

Quarta conditio, juxta quosdam, est, ut detur mandatum coram paracho et testibus. Sed videtur illud non requiri : 1^o quia concilium Tridentinum non præscribit nisi ut matrimonium celebretur coram paracho; porro mandatum non est celebratio matrimonii : 2^o non ita fert praxis communis. Requiritur tamen ut mandatum detur eo modo, ut probari possit, et ut paracho et testibus de illo constet; alioquin essent incommoda matrimonii clandestini.

Dixi in *ratione contractus*, quia si matrimonium spectetur sub *ratione sacramenti*, possunt graviores moveri difficultates : de quibus nonnulla dicemus in cap. seq. (n^o 52).

24. Quæ dicimus de matrimonio per procuratorem applicari possunt juxta theologos *matrimonio per litteras*, quia idem præstat epistola ac procurator; et satisfieri potest Concilio Tridentino, modò litteræ paracho et testibus exhibeantur. Quamvis autem ille modus parum decere videatur, ideoque nunquam fortè fuerit adhibitus, inservire tamen potest aliquando ubi agitur de *Revalidatione matrimonii irriti*, ut postea videbimus (n^o 276).

25. SCHOLIUM. — Postquam in toto hoc capite exposuimus ea quæ spectant ad matrimonium sub ratione contractus, operæ pretium erit paucis exponere qualis sit ille contractus, seu quanam sint præcipui illius respectus.

Satis apertum est ex dictis matrimonium esse *contractum naturalem* : non solum quia vinculum quod inducit natura liter sequitur ex mutuo partium consensu, et quia conformis est institutioni naturæ, sed quia necessarius planè est ad generis humani propagationem, et societatis conservationem. Plurimum tamen differt ab aliis contractibus, non tantum excellentiâ et necessitate, sed etiam propter Dei specialem interventum jam ab initio, ut refertur *Genes. I, 27, 28*, et *II, 18* et seq., et ipsius Christi in promulgatione Evangelii, ut constat ex *S. Matth. XIX*, prout indicat concilium Tridentinum cujus testimonium attulimus (n^o 1). Unde dicendum matrimonium partim ad naturæ, partim ad positivam Dei institutionem pertinere, et consequenter lege naturali et divinâ esse regulandum, tum quoad ea quæ spectant ejus licitatem, tum quoad ea quæ spectant validitatem.

In magno igitur errore versaretur qui existimaret posse

conjuges matrimonio quascumque voluerint clausulas apponere, quemadmodum in plerisque aliis contractibus licet; vel qui matrimonium reponeret inter actûs merè civiles, quorum vis pendet tantum a lege civili, quales sunt, juxta multos jurisperitos, testamenta, successio, præscriptio, etc.

Non tamen negari potest matrimonium haud parum conferre ad bonum nationum, seu societatum civilium, saltem quatenus vinculo legali conjungit earum membra; proindeque dici posse sub hoc respectu *contractum civilem*. Quousque autem extendatur potestas principum in matrimonium, quæstio est gravissimi momenti, et difficilis; an nempe possint, non tantum curare de observatione obligationum quas pactum inter conjuges initum induxit, sed etiam ferre leges prohibentes et præsertim irritantes: de ea dicemus in tertia parte.

Sed non minus certum est matrimonium conferre plurimum ad bonum societatis religiosæ. Unde nemo, ut putamus, negavit Ecclesiam invigilare posse ut religiosè servetur pactum inter conjuges initum; itemque ferre leges prohibentes. Potestatem quidem ferendi impedimenta dirimentia quæ attingant ipsum contractum naturalem negare non pauci novatores: verum eos in eadem tertia parte invidetis argumentis refellemus. Hinc meritò matrimonium a multis, præsertim recentioribus, dicitur *contractus religiosus*, seu *ecclesiasticus*.

Triplici ergo nomine donatur matrimonii contractus; dicitur nempe contractus naturalis seu divinus, civilis, et religiosus seu ecclesiasticus. Sed non ideo putandum tres adesse contractus, a se invicem distinctos: unus est ratione objecti, ille scilicet quo traditur jus mutuuum in corpora, quem initio capitis (nº 4) definivimus, quique varia illa nomina sortitur, prout sub diversis respectibus consideratur. De quo tamen nonnulla sunt advertenda. 1º Existere nequit matrimonium, quin sit contractus naturalis; potest verò existere, quin sit contractus civilis, et ecclesiasticus, si nempe iniretur inter personas non baptizatas, et extra societatem civilem degentes. 2º Aliquando nomine contractûs civilis aut ecclesiastici designatur mera illius appa-

rentia, seu species externa, quando scilicet non existit vinculum conjugale in foro conscientiae et coram Deo, et tamen adest vinculum legale in foro civili, vel ecclesiastico; v. g. si lex civilis validum reputet et favoribus matrimonii validi donet matrimonium in rei veritate irritum; vel si iudex ecclesiasticus, ex falsa informatione, validum pronuntiet matrimonium reipsa irritum: vel vice versa, quando matrimonium, licet in rei veritate validum, non producit vinculum legale in alterutro foro ideoque dicitur non adesse contractum ecclesiasticum aut civilem. Jam verò, si id non attendatur, facile inducetur haud parva confusio. 3^o Cavendum pariter ne matrimonium ut contractus, de quo hic loquimur, confundatur cum conventionibus matrimonialibus quæ solum spectant dispositionem bonorum inter conjuges, vel in favorem liberorum: (quæ quidem conventiones, ex nostro Codice civili, duobus modis fieri possunt: vel expressè coram notario; vel tacitè coram officario civili, quatenus sponsi, dum directè suas personas obligant, censentur obligare bona sua juxta regimen communitalis legalis, quæ efformat jus commune Galliae, ex art. 1393 et 1400 Codicis civilis.) Illæ conventiones in eodem codice vocantur *Contrat de mariage*, et in consueto loquendi modo non rarò dicuntur *contractus civilis matrimonii*. Sed nemo non videt quantum iste contractus ex objecto suo differat ab eo de quo in præsentì capite actum est.

CAPUT II.

DE MATRIMONIO SUB RATIONE SACRAMENTI SPECTATO.

26. Inquirendum est 1^o an matrimonium sit novæ legis sacramentum; 2^o quisnam sit illius minister; 3^o quænam materia et forma.

ART. 1. *An matrimonium sit novæ legis sacramentum.*

27. Non loquimur hic de veteri lege, quia nulla est ratio recensendi matrimonium inter sacramenta mosaica, nec reipsa vulgò a theologis recensetur, quando de iis sa-

cramentis agunt in Tr. *de Sacram. in genere* : quamvis dici possit fuisse sacramentum latiori sensu, quatenus eo nomine designatur quidquid ex sua institutione habet ut sit signum alicujus rei sacræ; matrimonium enim Adæ cum Eva fuisse signum futuræ Christi inter et Ecclesiam conjunctionis, constans est Ecclesiæ doctrina, deducta præsertim ex S. Paulo, *Ephes. v, 32*, ubi relatis verbis Adami, *Hoc nunc os*, etc., subdit : *Sacramentum hoc magnum est, ego autem dico, in Christo et in Ecclesia.*

Sub nova autem lege, matrimonio sacramenti dignitatem eripuerunt, non tantum veteres hæretici qui ejus honestatem negaverunt et de quibus infra, sed et qui ejusdem sanctitatem et divinam originem agnoscebant, Lutherus et Calvinus : quorum errorem profligavit concilium Tridentinum, (cujus testimonium jam retulimus n° 1), non solum declarans matrimonium esse sacramentum, sed et quibus argumentis id probari possit indigitans. Sit itaque

PROPOSITIO. *Matrimonium Christianorum, ritu legitimo celebratum, est verum novæ legis sacramentum.*

Prob. 1° Ex Scriptura. S. PAULUS, *Ephes. v, 23* et seq., sic loquitur : « Vir caput est mulieris, sicut Christus » caput est Ecclesiæ; ipse salvator corporis ejus. Sed sicut Ecclesia subjecta est Christo, ita et mulieres viris suis in omnibus. Viri, diligite uxores vestras, sicut et Christus dilexit Ecclesiam, et seipsum tradidit pro ea ut illam sanctificaret... Ita et viri debent diligere uxores suas ut » corpora sua. Qui suam uxorem diligit, seipsum diligit... » Propter hoc relinquet homo patrem et matrem suam, et » adhærebit uxori suæ : et erunt duo in carne una. Sacra- » mentum hoc magnum est, ego autem dico, in Christo et » in Ecclesia. » Ex his verbis non demonstrativum quidem, sed probabile argumentum deduci potest. S. Paulus enim magnificis adeo verbis extollit dignitatem matrimonii in christianis, officia adeo gravia et perfecta imponit conjugibus, ut inde merito conicere liceat esse sacramentum, cujus virtute et efficaciam valeant exprimere dilectionem mutuum et unionem mysticam Christi. Hinc præclare BOSSUET,

Exposit. de la doct. de l'Égl. cathol. n° IX, circa finem ;
 « Quand on considérera que Jésus-Christ a donné une nou-
 » velle forme au mariage, en réduisant cette sainte so-
 » ciété à deux personnes immuablement et indissoluble-
 » ment unies, et quand on verra que cette inséparable
 » union est le signe de son union éternelle avec son Église,
 » on n'aura pas de peine à comprendre que le mariage des
 » fidèles est accompagné du Saint-Esprit et de la grâce ;
 » et on louera la bonté divine de ce qu'il lui a plu de con-
 » sacrer de cette sorte la source de notre naissance. » *Præ-*
iverat concilium Tridentinum loc. cit. ubi dum utitur hæc
voce tantum innuit, satis ostendit educi non posse argu-
mentum omnino ineluctabile : ex S. Paulo constat pro-
fectò conjuges indigere maximâ gratiâ ; sed non concludi-
tur rigorosè eam ipsis conferri vi matrimonii.

2° *Ex SS. Patribus.* Eodem fere modo locuti sunt de
 matrimonio ac de cæteris sacramentis. Illud ubique exhi-
 bent ut rem sacram omnique reverentiâ dignam ; asserunt
 gratiam ei ex Dei et Christi institutione esse annexam. Sic
 TERTULLIANUS, l. II *Ad uxorem* : « Unde sufficiamus ad
 » enarrandam felicitatem ejus matrimonii, quod Ecclesia
 » conciliat, et confirmat oblatio, et obsiguit benedictio, an-
 » geli renuntiant, Pater cœlestis rato habet ! » S. CYRILLUS
 Alexandrinus, l. II *in Joannem*, cap. 1 : « Ipse Christus
 » invitatus (ad nuptias) venit ut generationis humanæ
 » principium sanctificaret, quod ad carnem nimirum attinet.
 » Conveniebat enim ut qui naturam hominis renovaturus
 » erat... non solùm iis qui jam in ortum vocati erant bene-
 » dictionem impertiretur, sed et iis quoque qui postea nas-
 » cituri essent gratiam præstrueret, et eorum ortum sanctum
 » efficeret. » Qui plura voluerit, adeat GIBERT, *Tradition*
ou Histoire de l'Église sur le sacrement de mariage,
 t. I, p. 7 et seq., ubi varia quæ occurrunt singulis sæculis
 monumenta recenset et ponderat.

Cæterùm si cui videatur aliqua superesse difficultas, eo
 quòd unusquisque textus sigillatim expensus pluribus ca-
 villationibus possit esse obnoxius, hæc tollitur per fidem
 et usum Ecclesiæ : nam hic agitur de veritate de qua edo-

cendi sunt fideles in instructionibus privatis; ergo mirum non esset hanc clariùs et expressiùs traditam fuisse in privatis instructionibus quàm in libris Doctorum; et sic quod deesse posset traditioni scriptæ, satis suppleri per traditionem oralem.

3° *Ex constanti et perpetua Ecclesiæ fide.* Si quæstio versaretur inter catholicos tantum, indicare sufficeret definitiones conciliorum: jam attulimus verba concilii Tridentini, quibus addi potest ejusdem sess. can. 1: *Si quis dixerit matrimonium non esse verè et propriè unum ex septem legis evangelicæ sacramentis a Christo Domino institutum, sed ab hominibus in Ecclesiam inventum, neque gratiam conferre: anathema sit.* Sed ut scopum nostrum attingamus, ulteriùs progrediendum est, et probandum hanc fuisse perpetuam et constantem Ecclesiæ fidem: illud autem facilè ostendi potest *argumento*, ut vocant, *præscriptionis*.

Ea doctrina pro certa est habenda quam Ecclesia constanter et perpetuò credidit; a solo enim Christo ortum ducere potuit, ac proinde a nemine christiano rejici potest: atqui matrimonium esse verum et propriè dictum novæ legis sacramentum, constanter et perpetuò credidit Ecclesia. Nam tempore quo prodierunt, imò pluribus sæculis antequàm prodirent Lutherus et Calvinus, illud tenebat Ecclesia: atqui exinde sequitur eam semper tenuisse. Ergo, etc.

Prob. maj. postremi argumenti, quæ in faeto posita est: 1° quoad Ecclesiam Latinam, tum ex reelamationibus exortis contra eos novatores, quæ satis notæ sunt; tum ex definitionibus jam allatis concilii Tridentini; tum ex concilio Florentino, Constantiensi, et pluribus SS. Pontificum decretis, quibus matrimonium inter septem Ecclesiæ sacramenta recensetur. 2° Quoad Ecclesiam Græcam, tum ex ejus euchologiis et libris ritualibus, tum ex testimonio scriptorum, tum præsertim ex duobus actis authenticis: quorum primum est responsum Jeremiæ patriarchæ Constantinopolitani ad Confessionem Augustanam; secundum est censura a pluribus synodis inflicta contra Cyrillum Lucar. Ab iis referendis supersedemus,

quia spectant ad septem sacramenta, ideoque potius pertinent ad Tract. *de Sacram. in genere*.

Prob. min. in qua reposita est vis argumenti. Si dicant Protestantes Ecclesiam a tempore Apostolorum hanc doctrinam non tenuisse, sed factam fuisse mutationem, ipsorum est illud ostendere; alioquin ipso facto possessionis satis stat causa nostra: assignent ergo mutationis illius tempus, auctorem, circumstantias: atqui nihil tale præstant. Sed ulterius progredimur, et quamvis non necessarium, facile tamen est demonstrare prorsus impossibilem fuisse mutationem, multiplici de causa. 1° Ratione modi. Vel facta fuisset subito, vel paulatim et sensim sine sensu: prius autem prorsus repugnat; posterius verò nequit admitti: agitur enim de re practica, quasi populari, magni momenti; et mutatio introducenda fuisset apud homines locis, studiis, moribus, opinionibus dissitos: unde et rei natura, et personarum indoles mutationem impossibilem reddere debuit. 2° Ratione temporis. Quonam tempore facta fuisset? Num a tempore Lutheri ad sæculum nonum? Sed Ecclesia Græca jam divisa erat a Latina, ac proinde non magis Græca a Latina, quam Latina a Græca novam doctrinam recepisset. Num a sæculo nono ad quintum? Sed jam tunc erant plures sectæ in Oriente ab Ecclesia divisæ, quæ idem ac nos agnoscunt; de quibus eadem redit observatio. Num a quinto sæculo ad tempora Christi? Sed tunc memoria documentorum evangelicorum erat nimium recens, et doctrina sana permanserat, ex ipsis Protestantibus. Ergo, etc.

28. Diximus in propositione: 1° *Matrimonium ritu legitimo celebratum*, ut abstrahamus a variis controversiis infra expendendis: disputatur enim an omne matrimonium Christianorum sit sacramentum, et in quonam præcisè consistat natura sacramenti; hic intendimus tantum, aliquando adesse sacramentum, quando nempe omnia adhibentur quæ Christus præcepit, quæcumque reipsa sint. 2° *Verum sacramentum*, ut innuamus admitti jam non posse opiniones veterum quorundam theologorum, qui, agnoscetes matrimonium esse sacramentum, non

tamen ei tribuebant omnes sacramentorum effectus : intendimus esse sacramentum , quod ab aliis non differat , nisi in iis quæ ei peculiariter conveniunt eo quòd sit contractus.

Solvuntur objectiones.

29. *Obj. 1.* Veteres Scholastici de matrimonio locuti sunt modo prorsus ambiguo, et qui parum consonat cum notione sacramenti novæ legis : multi enim negant huic annexam esse gratiam ; et qui illud inter novæ legis sacramenta recensent , suam sententiam duntaxat ut probabiliorē proponunt , et agnoscunt quæstionem posse in diversas partes agitari absque dispendio fidei. Ergo dici nequit constantem et perpetuam fuisse Ecclesiæ fidem.

R. 1º. Controversiæ inter veteres theologos non præcisè spectabant existentiam sacramenti matrimonii , cum omnes summo consensu septennarii numeri sacramentorum fidem profiterentur : sed illorum disputationes erant de quæstionibus subtilibus ; nempe 1. de natura sacramenti , an esset ejusdem speciei , seu univocum cum aliis , ut tunc loquebantur : cum admitterent consensum esse totum sacramentum , non ibi reperiebant , ut in aliis , materiam ab Ecclesia applicatam ; 2. de modo et natura gratiæ in matrimonio collatæ ; tunc non adeo clarè ac postea expositi fuerant effectus sacramentorum ; nondum Ecclesia tam apertè delinierat conferri gratiam ex opere operato ; et præsertim quando determinandum erat qualis gratia conferretur , pro matrimonio aderant difficultates speciales.

R. 2º. Non existimandum his disputationibus , quæ scholarum limites non excedebant , obnubilatam fuisse aut infirmatam fidelium fidem : iis nihilominus tradebatur matrimonium esse sacramentum , et gratiam huic esse annexam , quamvis modus non explicaretur , nec gradus certitudinis : ita evenit in quibusdam articulis practicis : pastores in docendo abstrahunt a controversiis et opinionibus scholæ , sicque fit ut illud fidelibus sit quodanumodo vulgare et familiare , quod apud Doctores in disceptationem venit. Porro illud sufficit ut subsistat argumentum præscriptionis , et constet fieri non potuisse ea de re innovationem.

30. *Obj. 2.* Assignari nequit , 1º quandonam Christus sacramentum matrimonii instituerit ; 2º in quonam præcisè consistat sacramentum : utrùm scilicet in actu transcunte , utrùm in statu permanente , id est , utrùm sacramenti dignitas conveniat matrimonio *in fieri* , utrùm *in facto esse* ; 3º quisnam sit minister , quænam materia et forma , etc. : ergo non debet inter sacramenta annumerari.

R. 1º. Inane prorsus esse illud argumentum , quo omnia convelli possent dogmata : quot enim sunt a Deo revelata , et ab ipsis Protestantibus admissa , et in quorum explanatione multa occurrunt , quæ vel penitus nos latent , vel saltem sunt ita nobis impervia , ut nihil certi de iis possimus statuere ! Sic sacramentum Baptismi admittunt Protestantes , et tamen non constat quandonam fuerit institutum. In his valet axioma , *Non sunt neganda clara propter obscura.*

R. 2^o, Hæc omnia assignari posse, quamvis non omnino certè et determinatè.

Quoad I^{am}, nihil vetat quin agnoscatur, non quidem cum multis theologis institutio, sed aliqua præparatio hujus sacramenti sive in nuptiis Cana, sive quando Christus per hæc verba, *Quod Deus conjunxit homo non separet*, matrimonium revocans ad primævam institutionem, præsumi potest præparasse gratiam quæ hujus onera facilius perferrentur: simulque dicatur fuisse propriè institutum post resurrectionem Christi, quando apparens discipulis loquebatur de regno Dei.

Quoad II^{am}, quamvis BELLARMINUS, c. VI, asserat matrimonium simile esse Eucharistiæ, quæ non solum dum fit, sed etiam dum permanet, sacramentum est, alii longè communius docent sacramentum consistere in ipsa celebratione contractûs, et solam Eucharistiam esse sacramentum permanens, quia ex usu suo et applicatione sanctificat, quod non occurrit in aliis sacramentis. Et huic posteriori sententiæ adhærendum putamus, si quæstio habeatur de sacramento strictè sumpto: sed nil obstat quin dicatur cum priori opinione matrimonium *in facto esse*, sacramentum latiori sensu, quatenus scilicet representat unionem Christi cum Ecclesia.

Quoad III^{am}, quid probabilius videatur indicabimus in articulis sequentibus.

31. COROLLARIUM.—Ex dictis colligi potest, I. *Quales sint effectus sacramenti matrimonii?*—Producit certè gratiam: et quidem 1^o *gratiam sanctificantem*. Scilicet, utpote sacramentum vivorum, *per se et directè* non confert primam gratiam justificantem: utrùm autem illam conferre possit *per accidens*, nempe in iis qui sacramentum recipiunt, falsò et bonâ tamen fide existimantes se esse in statu gratiæ, et eâ tantùm contritione instructi quæ cum sacramento poenitentiae justificat, expendunt theologi. *Tr. de Sacram. in gen.*; quæstio enim illa spectat ad omnia sacramenta vivorum. Confert igitur matrimonium secundam gratiam, seu gratiæ sanctificantis augmentum.

2^o Confert *gratiam sacramentalem*. Per hanc intelligitur jus fundatum in gratia sanctificante ad accipienda, opportuno tempore, ea auxilia quibus obtineantur fines propter quos institutum est sacramentum. Cùm ergo sacramentum matrimonii institutum sit, 1^o ut conjuges christianè se gerant in liberorum procreatione et educatione; 2^o ut sese mutuò diligant et adjuvent in necessitatibus et infirmitatibus; 3^o ut juxta castitatis et temperantiæ

leges concupiscentiam coerceant, gratiam ad fines illos assequendos recipiunt, quando ad matrimonium accedunt cum debitis dispositionibus.

32. Colligitur II. *Quænam dispositiones requirantur ad sacramentum Matrimonii?* — Eædem requiruntur quas omnia sacramenta vivorum postulant, inter quas præcipuæ sunt scientia debita, et status gratiæ.

Quoad primum, refert BENEDICTUS XIV, *de Synod. l. VIII, c. XIV, n° 1, 2*, non defuisse theologos qui negarent episcopum aut parochum posse quemquam a matrimonio repellere, eo quòd ignoret rudimenta doctrinæ christianæ: ratio eorum erat, quia ea causa non reperitur inter impedimenta prohibentia. Verùm ipse apertè pronuntiat non ita sentiendum. 1° Contrarium habetur in Rituali Romano, in concilio Mediolanensi sub S. Carolo, in multis episcopalibus synodis, in plerisque Ritualibus: idem sanxerunt plures SS. Pontifices, inter quos ipse Benedictus XIV. 2° Cùm il de quibus agitur rei sint gravis peccati, certum est non esse dignos sacramento; porro parochus debet curare ut sacramentum nonnisi a dignis suscipiatur; quia est vel illius minister, vel saltem ab Ecclesia deputatus ad assistendum matrimonio.

Monet tamen idem Benedictus XIV, n° 6, rationem habendam esse eorum qui sunt hebetis ingenii, vel perturbati animo, nec ab iis ultra eorum vires exigendum. Pariter hodie aliquando non nimis urgenda interrogatio, ob metum majoris mali.

33. Quoad secundum, scilicet statum gratiæ, moveri potest quæstio, an adsit obligatio recipiendi sacramentum pœnitentiæ, et utrùm parochus exigere possit et debeat libellum confessionis.

1°. Si attendatur ad jus divinum, disputatur inter theologos, an in sacramentis diversis ab Eucharistia, necessariò ab iis qui volunt ea suscipere et consci sunt cujusdam peccati mortalis recurrendum sit ad confessionem, an verò ipsis sufficiat contritio: sub illo respectu, quæstio spectat ad *Tr. de Sacrament. in genere*.

2°. Si attendamus ad leges generales Ecclesiæ, nulla

affertur quæ strictè præcipiat confessionem : Concilium Tridentinum, sess. 24 *de Reform. matrim. cap. 1*, *hottatur* tantum conjuges ut confiteantur ; nihil ultra dicere videtur Rituale Romanum, hoc verbo, *admoneantur*.

3°. Si attendamus ad peculiare variarum diocesium, præsertim Ecclesiæ Gallicanæ, leges, paulò aliter judicandum erit. In plerisque diocesisibus præscribitur confessio, nec debent parochi ad benedictionem procedere, donec exhibeatur libellus confessionis. Ita præscribere potuerunt episcopi, eò quod confessio sit valde utilis, tum ut ad sacramentum, quod alioquin contritionem perfectam requireret, se disponant conjuges, tum ut agnoscantur impedimenta, si qua adsint.

Notandum tamen occurrere posse, præsertim miserimis temporibus nostris, casus in quibus ab hac regula generali recedere liceat, v. g. quando una pars tantum est bene disposita, et tamen adsunt graves rationes matrimonium ineundi ; vel quando agitur de redintegrando matrimonio. Sed generatim ita se gerere non debet parochus sine episcopi auctoritate, quia ipsi non licet recedere a disciplina in diocesi recepta.

ART. 2. *Quisnam sit minister sacramenti matrimonii.*

34. Communissima et fere unanimis fuit theologorum sententia ante Melchiorem Canum, qui scripsit an. 1562, sacramentum matrimonii non alium habere ministrum quam ipsos contrahentes : eandem tenuere multi theologi etiam recentioribus temporibus, apud extraneos, adeò ut verè communior extra Galliam remanserit ; nec dici potest apud nos antiquata, cum plures etiam non ita pridem eam propugnaverint.

MELCHIOR CANUS in celeberrimo opere *de Locis theologicis*, l. VIII, c. v, post Guillelmum Parisiensem et nonnullos alios veteres quos citat, strenuè propugnauit solum sacerdotem esse ministrum. Quamvis ab initio multi theologi contra eum insurrexerint, imò et satis acriter ejus re-darguerint opinionem, eam tamen postea plures et cele-

berrimi secuti sunt, præsertim in Galliis (v. P. M. 64). Utriusque opinionis præcipua argumenta et responsiones referemus.

I. *Expenduntur argumenta eorum qui propugnant sacerdotem esse ministrum sacramenti matrimonii.*

35. I. *Ex Scriptura.* Nihil quidem expressè asserit de præsentì quæstione : principia tamen continet ex quibus deduci potest argumentum theologicum. Scilicet S. Paulus, I Cor. 1, sacerdotes exhibet ut *dispensatores mysteriorum Dei*, id est, sacramentorum. Hæc est regula generalis, cui nulla afferri debet exceptio, nisi deducatur ex Scriptura vel traditione. Porro nullibi indicat Scriptura excipiendum esse matrimonium ; et traditio quæ sæpius nos edocet laicum in casu necessitatis Baptismum ministrare posse, silet prorsus de matrimonio.

Reponunt alterius sententiæ patroni, exceptionem satis indicari per traditionem cujus testes legitimi sunt theologi ; imò innui per Scripturam, quæ ipsum contractum, cujus utique ministri sunt contrahentes, exhibet ut signum rei sacræ.

36. II. *Ex traditione priorum sæculorum.* Sacerdos est minister, si benedictio quam confert sit ritus sacramentalis ; atqui.... Nam ritus apostolicus, semper in Ecclesia observatus, cui annexam esse gratiam docent SS. Doctores, habendus est tanquam ritus verè sacramentalis, seu ad sacramenti substantiam pertinens, nisi ex fide constanti Ecclesiæ vel factis notoriis agnoscatur ut mera cæremonia ; hæc est regula quâ discernuntur ritus sacramentales a ritibus merè accessoriis : atqui his dotibus gaudet benedictio nuptialis. 1° Est ritus apostolicus : eam videmus a primis sæculis fuisse in usu, et, juxta S. Augustini regulam, quod semper observatum, nec a Conciliis aut Patribus institutum reperitur, ad Apostolos referendum est. 2° Fuit ubique et semper observatus. Illud fusè adstruit GIBERT, in *Historia sacramenti matrimonii*, tom. 1, collectis undequaque variorum sæculorum monumentis. 3° Huic annexam esse gratiam docuerunt SS. Patres et Concilia :

dicunt enim *benedictione jugum imponi*, conjugium *obsignari, sanctificari oportere*; pro *ipsius benedictionis* reverentia virginitatem servandam primâ nocte; *instar sacrilegii* esse, si ullâ transgressionem violetur; *sine illa* conjugium esse tantum *humanum officium*: ita S. Basilius, Tertullianus, S. Siricius, S. Cyrillus Alexandrinus, S. Ambrosius, Concil. Carthag. IV. 4° Nihil est in fide Ecclesiæ quod indicet meram cæremoniam. Ergo, etc.

Et verò caveant adversarii ne suâ opinione grave detrimentum inferant causæ catholicæ: probandum enim est contra Protestantes matrimonium esse sacramentum, et simul vindicanda assertio concilii Tridentini affirmantis ita docuisse Patres et Concilia: porro, si quæcumque loquuntur monumenta de benedictione nuptiali referantur ad meram cæremoniam ecclesiasticam, jam difficile erit utrumque præstare.

Respondent alii, non esse insuetum ut sacramenta denominationem accipiant suam a ritu merè accidentali, præsertim quando ritus ille sensus maximè afficit; et ut accessorio tribuatur quod convenit principali. Sic Patres effectus sacramenti pœnitentiæ tribuunt impositioni manuum, et gratiam nuptialem impositioni velaminis, etc.

37. III. *Ex monumentis ecclesiasticis recentiorum temporum.* Hic proferri possunt varia concilia et ritualia. Concilium Coloniense, an. 1536, satis indicat benedictionem esse sacramentum, dicens, tit. *de Administ. sacram.* c. IV, in matrimonio, *accedente sacerdotali precatione, conferri donum Spiritûs sancti.* Sed apertiùs idem docetur in *Enchiridio* jussu illius Concilii edito, tit. *de Sacram. matrim.* art. penult. (P. M. 70.) In aliis Conciliis dicitur sacerdotem esse *ministrum* sacramenti matrimonii, ad illum pertinere hujus *administrationem*: ita in Concilio Cameracensi, an. 1567, et pluribus aliis; in Actis Ecclesiæ Mediolanensis sub S. Carolo; idem asserunt plures episcopi in suis synodis. Sacerdotale Romanum editum circa an. 1494, ait: *Sacerdos pronuntiet verba quæ sunt forma sacramenti, cum consensu utriusque.* Rituale Romanum recenset matrimonium inter sacramenta quorum

administratio ad parochos pertinet. Sacerdos vocatur *minister* ejusdem sacramenti in pluribus aliis Ritualibus seu Manualibus. Ergo, etc.

Respondent alii, vel illas auctoritates non esse tanti ponderis ut prævalere debeant momentis quæ ipsi afferunt, vel explicari posse in sua sententia; sic v. g. sacerdotem vocari *ministrium*, quia est *minister* solemnitatis, quatenus nempe ex præcepto Ecclesiæ necessaria est ejus præsentia ut valeat matrimonii contractus. Et revera, inquiunt, verisimile non est monumenta concilio Tridentino antiquiora aliam exprimere doctrinam quàm quæ in scholis vigeat; multò minùs monumentorum posteriorum scriptores voluisse contrariam dirimere quam intactam relinquit Concilium.

38. IV. *Ex incohærentia sententiæ oppositæ cum natura sacramenti.* Sacramentum constare debet ritu sacro; habere materiam et formam distinctam; requirit *ministrium* a subjecto distinctum, et qui habeat debitam intentionem; neque sinit reverentia sacramento debita ut conferatur in sciis et dormientibus, hæreticis et peccatoribus publicis. Atqui in sententia eorum qui tenent contrahentes esse *ministros*, 1° nedum adsit ritus sacer, nihil est nisi merè profanum et quod in ipsis infidelium conjugis reperiatur. Quis contrà non videat ritum sacrum præcipuè in iis quæ agit sacerdos? 2° Nulla adest distinctio inter materiam et formam, cum utraque reponatur in contractu: hinc maximè laborant et inter se dissentiunt illi theologi in iis assignandis. 3° Nullus adest *minister* a subjecto distinctus: imò dicendum erit unumquemque conjugem sibimet ipsi conferre sacramentum, saltem partialiter. 4° Sæpe deest intentio: nam ii qui nubunt etiam coram Ecclesia, cogitant quidem de recipiendo sacramento, nullatenus verò de eo conficiendo. 5° Sacramentum confertur in sciis et dormientibus, etiam approbante Ecclesiâ, quando nempe conceduntur dispensationes *in Radice*, vel quando matrimonium initur per procuratorem; item confertur hæreticis, quando permittit Ecclesia matrimonium catholici cum hæretico. Ergo, etc.

Reponunt alii, diversitates illas inter matrimonium et

cætera sacramenta satis explicari ex eo quòd matrimonium, licèt elevatum ad dignitatem sacramenti, suam nihilominus contractus naturam retineat; unde fit ut, juxta omnes, in pluribus ab aliis sacramentis differat.

II^o Expenduntur argumenta eorum qui propugnant ipsos contrahentes esse ministros sacramenti matrimonii.

39. I. *Ex Concilio Florentino*, seu ex decreto Eugenii IV ad Armenos, in quo sic legitur: « Septimum est sacramen-
tum matrimonii, quod est signum conjunctionis Christi
et Ecclesiæ, secundum Apostolum... Causa efficiens ma-
trimonii regulariter est mutuus consensus per verba de
præsenti expressus. » Unde sic. Ille est minister sacra-
menti matrimonii, qui ponit causam illius efficientem;
causa enim efficiens sacramenti materiam simul et formam
complectitur: porro contrahentes ponunt consensum, qui
ex decreto Eugenii IV ad Armenos, in Concilio Florentino,
est causa efficiens matrimonii, et quidem in ratione sacra-
menti: nam 1^o capitis initio expressè declarat se velle tra-
dere doctrinam de sacramentis: et revera edoceri non in-
digeant Armeni de contractu, nec quemquam latere po-
terat eum consensu perfici. 2^o Alioquin dicendum erit
S. Pontificem nihil dixisse de ministro, materiâ et formâ,
ac proinde omnino incompletam doctrinam tradidisse, et
Armenis erroris occasionem præbuisse; dum contrâ, semel
edoctis causam efficientem esse consensum, satis constabat
materiam, formam, et ministrum adesse cum aderat con-
sensus, nec opus erat hæc omnia rigorosè distinguere.
Ergo, etc.

R. 1^o Eugenius IV non loquitur de materia, forma, et ministro, quemadmodum ubi agit de cæteris sacramentis, quia voluit abstrahere a scholæ controversiis. 2^o In omni sententia consensus est causa efficiens sacramenti, saltem partialis, seu positis ponendis. Cæterum nemo nescit quantæ sint difficultates de materia et forma quas assignat Eugenius IV pro quibusdam aliis sacramentis, v. g. pro Ordine, etc.

40. II. *Ex Concilio Tridentino*. Hæc leguntur cap. 1

De Reform. Matrimonii : « Dubitandum non est clandestina matrimonia, libero contrahentium consensu facta, » rata et vera esse matrimonia, quandiu Ecclesia ea irrita » non fecit. » Unde sic. Illa matrimonia, sin semper, saltem sæpius carebant benedictione nuptiali : atqui tamen ex eo decreto erant vera sacramenta. Nam Concilium eam vocem *rata* profectò adhibuit quo sensu intelligebant tunc theologi et canonistæ, et quo sensu sumitur in sacris canonibus : atqui theologi per matrimonia rata idem intelligebant ac sacramenta ; item in sacris canonibus, ut desumitur ex INNOCENTIO III, cap. *Quanto*, VII, de *Divoritiis*, qui ait : *Etsi matrimonium verum inter infideles existat, non tamen est ratum : inter fideles autem verum et ratum existit, quia sacramentum fidei quod semel est admissum, nunquam amittitur, sed ratum efficit conjugii sacramentum.*

R. 1^o Constat Concilium noluisse præsentem controversiam definire. 2^o Vox illa *ratum* designat matrimonium verum et firmum, et dicitur per oppositionem ad matrimonium irritum aut solubile, quale est matrimonium in infidelitate contractum, ut suo loco (n^o 83) dicetur : unde voces illæ *ratum* et *sacramentum* pro synonymis ab iis tantùm habentur qui putant omnia matrimonia fidelium esse necessariò sacramenta ; sed nihil probat Concilium hanc opinionem admisisse : contrà expressè testatur PALLAVICINUS, l. XXIII, c. IX, n^o 13, *nunquam declarasse concilium matrimonia clandestina fuisse sacramenta.*

41. III. *Ex auctoritate theologorum.* Certum est usque ad Melchiorem Canum, imò diu postea, theologos constanter tenuisse contrahentes esse ministros ; illudque tanquam adeò certum habuerunt, ut Cani sententiam improbabilem et singularem, falsam, temerariam, aliquà notâ dignam, in fide periculosam non pauci dixerint : atqui non licet a tali sententia theologorum recedere. Nam sunt testes, et quidem maximâ fide digni, 1^o traditionis præcedentis ; cur enim eis in mentem venit sacerdotem excludi ab administratione hujus sacramenti, nisi quia ita ferebat traditio oralis ? Agitur enim de quæstione magni momenti, circa quam supponi nequit eos recessisse a doctrina majorum.

2^o Testes sunt fidei Ecclesiæ suis temporibus, quæ per illos præcipuè innotescit; nec enim aliam tradunt doctrinam pastores quàm in scholis acceptam. Ergo, etc.

R. Veteres illi theologi suam sententiam proponebant, non ut dogma fidei, sed velut opinionem, quam fulciebant præsertim argumentis philosophicis: potuerunt ergo deseri a recentioribus, qui doctrinam traditionis magis accuratè expenderunt. Idem accidit in variis opinionibus, quæ, olim communes, hodie rejiciuntur. Insuper ipsâ illâ ætate eandem doctrinam ac M. Canus professi sunt Patres concilii Coloniensis, Cameracensis, etc.: unde concludi potest eam esse altiùs repetendam.

42. IV. *Ex novitate et varietate formulæ in benedictione nuptiali adhibitæ.* Formæ hodie adhibitæ, *Ego vos conjungo*, nullum vestigium apparet ante XIV aut XIII sæculum: et etiamnum Concilium Tridentinum jubendo ut sacerdos his verbis utatur, addit: *Vel aliis, juxta receptum uniuscujusque provinciæ ritum*, quamvis non ignoraret multis in locis adhiberi formulas substantialiter diversas, et quæ supponunt matrimonii sacramentum jam perfectum: atqui hæc satis indicant hanc benedictionem non haberi tanquam formam sacramenti: ergo, etc.

R. Varietas illa consistit in verbis tantum, non in ipso sensu: nec minor reperitur in formis Confirmationis, Ordinis, etc. Cæterum difficultas illa elucidabitur ex iis quæ circa formam matrimonii dicemus art. seq. (n^o 47).

43. V. *Ex praxi Ecclesiæ.* 1^o Plura antiqua Ritualia, inter quæ Romanum, permittunt ut domi matrimonium celebretur absque benedictione, dummodo postea hæc detur in Ecclesia, sed absque renovatione consensûs: « Matrimonium in Ecclesia celebrari decet; sed si domi celebratum fuerit, præsentem parochum et testibus, sponsi veniant ad ecclesiam benedictionem accepturi, et tunc caveat sacerdos ne iterum a contrahentibus consensum exigit. » Imò concilium Tridentinum hortatur tantum, non verò præcipit rigorosè ut hæc benedictio suscipiatur: « S. Synodus hortatur ut conjuges ante benedictionem sacerdotalem, in templo suscipiendam, in eadem domo

» non cohabitent. » 2° Omnia Ritualia vetant ne benedictio nuptialis detur in secundis nuptiis; pleraque, ne detur in tempore clauso. 3° Per disciplinam Ecclesiæ cautum est ne in matrimonii mixtis sacerdos ullum ritum sacrum, ullas preces adhibeat. 4° Quando matrimonium validè initum fuit absque benedictione aut etiam præsentia sacerdotis, quod pluribus modis evenire potest, Ecclesia, teste BENEDICTO XIV, *de synod.* l. VIII, c. XIII, n° 8, non curat ut suppleatur benedictio omissa. 5° Quinimo, quando revalidandum est matrimonium irritum ex causa occulta, non exigit ut adhibeatur sacerdotis ministerium. Porro hæc omnia satis indicant benedictionem nuptialem ab Ecclesia non haberi ut jure divino præceptam, nec proinde ut sacramentalem.

R. 1°. Generatim, ea quæ afferuntur vel non respiciunt nisi benedictionem accidentalem, diversam ab ea in qua reponitur forma sacramenti; vel, si respiciant formam sacramentalem, ostendunt solummodo ea quæ spectant ad receptionem sacramenti ita esse prudentiæ Ecclesiæ commissa, ut ipsius sit decernere pro variis circumstantiis quandonam necessarium sit, quandonam deceat, quandonam expediat recipere vel non recipere sacramentum, quemadmodum facile ostendi posset ex ipso exemplo sacramentorum Confirmationis, Eucharistiæ, et Extremæ Unctionis.

R. 2°. Speciatim, ad I. Ritualia et Concilium Tridentinum manifestè supponunt matrimonio domi celebrato adesse parochum, et pronuntiare verba *Ego vos conjungo*, quæ saltem hodie sunt forma sacramenti: unde benedictio, quam permittunt ab ea celebratione separari, non est nisi benedictio accidentalis.

Ad II. Hodiernis saltem temporibus, non denegatur secundis nuptiis, et tempore vetito, benedictio essentialis, sed tantum benedictio sollemnis quæ datur intra missam, et est accidentalis.

Ad III. Ecclesia vult ostendere quantum sit ab hujusmodi matrimoniis aliena. Aliunde dici potest hanc esse meram applicationem regulæ quæ vetat ne sacramenta conferantur peccatoribus publicis.

Ad IV. Hortatur Ecclesia ad recipiendam benedictionem, sed non obligat : sive quia dubium est an matrimonium jam antea initum possit fieri materia sacramenti, cum videatur materiam sacramenti esse contractum in fieri, non verò contractum in facto esse, aut meram ipsius renovationem; sive quia daretur locus dubitandi de validitate matrimonii, et alia sequerentur incommoda.

Ad V. Ecclesia non exigit novam matrimonii celebrationem, quia id esset nimis molestum conjugibus, et multos forsan removeret a revalidando matrimonio.

44. Hæc sunt præcipua utriusque opinionis argumenta : de quibus ut omnino accuratum iudicium ferri possit, antea opportunum est investigare ea quæ spectant ad materiam et formam : sunt enim cum præsentī quæstione connexa, iisque expensis, melius innotescet quænam sint utriusque opinionis commoda et incommoda.

ART. 3. *Quænam sit materia et forma sacramenti matrimonii.*

45. Quæstio sigillatim expendenda venit quoad materiam, et quoad formam.

I°. QUOAD MATERIAM. Theologi catholici, quæcumque ex parte stent circa quæstionem de ministro, inter se consentiunt ut materiam reponant in contractu, cum eo tamen discrimine, quòd illi qui tenent contrahentes esse ministros in contractu reponant etiam formam, ut mox explicabitur; dum illi qui tenent sacerdotem esse ministrum, pro forma habent benedictionem sacerdotis : ideoque utrique dicunt matrimonium evectum esse ad dignitatem sacramenti; quia nempe, saltem accedente benedictione sacerdotis, fit sacramentum; quemadmodum fit sacramentum poenitentiae, quando tribus actibus poenitentis accedit absolutio.

Aliter sentiunt quidam neoterici qui Ecclesiae potestatem circa impedimenta dirimentia impugnaverunt. Existimantes ideo tantum docuisse theologos Ecclesiae subijci contractum naturalem, quia illum habent ut materiam sacramenti sicque aliquatenus confundunt matrimonium et matrimonii sacramentum, contenderunt materiam et for-

mam esse reponendam in ritu omnino distincto a contractu, nempe in ritu a Christo instituto cum virtute producendi gratiam. Hinc asserunt improprie dici matrimonium evectum esse ad dignitatem sacramenti, sed dicendum Christum instituisse sacramentum quod gratiam conferret matrimonio. Hinc, juxta illos, contractus neque est totum sacramentum, ut volunt qui tenent contrahentes esse ministros, neque illius pars, ut volunt alii; sed est solum illud circa quod versatur sacramentum, quod ideo summâ curâ a matrimonio distinguendum est. Ita primus, anno 1753, fusè edocuit LE RIDANT, advocatus Parisiensis, quem secuti sunt MAULTROT, AGIER, TABARAUD et alii novatores.

Contra illos sit

PROPOSITIO. — *Materia sacramenti matrimonii reponenda est in contractu matrimonii, seu in partium consensu legitimo.*

Prob. Pro certo tenendum est, juxta doctrinam Ecclesiæ, ^{contractus ipse matrimonii} matrimonium ipsum esse sacramentum: atqui matrimonium dici non potest sacramentum, nisi sit saltem ejus materia: ergo etc.

Prob. Maj. 1° S. Paulus in textu quem post Concilium Tridentinum attulimus, manifestè loquitur de ipso-
met contractu, non verò de ritu ab eo prorsus distincto: ergo vel nihil omnino probat, vel ostendit ipsum matrimonium esse sacramentum. 2° Hæc est doctrina omnium theologorum, quæ intra limites scholæ non stetit, sed totius Ecclesiæ suffragiis est comprobata, ut satis clarè agnoscere cogitur ipse Tabaraud. Revera Concilium Tridentinum exponens doctrinam de sacramento matrimonii, loquitur primùm de matrimoniis veteris legis, ac proinde de ipso contractu matrimonii, et addit: *Cum igitur matrimonium in lege evangelica veteribus connubiis per Christum gratiâ præstet, meritò inter novæ legis sacramenta annumerandum*, etc.; quæ certè indicant ipsummet matrimonium inter sacramenta annumerandum. Pariter in primo canone anathemate percellit eos qui dicerent *Matri-*

monium non esse verè et propriè unum ex septem legis evangelicæ sacramentis : quæ verba sunt satis per se aperta. 3º Demum ex principiis theologicis, juxta doctrinam Ecclesiæ, ut ratiocinatur C. GERDIL, illud idem est sacramentum propriè dictum, quod Deus instituit ut signum unionis Christi cum Ecclesia, quod ante Christum erat sacramentum impropriè dictum, quodque Christus reduxit ad primævam institutionem : atqui hæc competunt matrimonio ipsi, non verò ritui quem fingunt adversarii. Dicendum ergo sacramentum matrimonii eatenus fuisse a Christo institutum, quatenus id quod antea erat contractus accepit ab eo rationem sacramenti; quia nempe Christus contractui contulit vim producendi gratia m

Prob. Min. quæ cùm ab adversariis non negetur, potiùs explicatione quàm probatione indiget. Verissimo sensu dicitur matrimonium esse sacramentum, si contractus sit saltem sacramenti materia, quia sacramenta sæpe nomen accipiunt ab elemento materiali, vel ab eo quod illius instar se habet, quodque, accedente formâ, gratiam producit; sic ablutio, unctio extrema, etc.; a fortiori verissimus est et valde proprius ille loquendi modus, si contractus sit simul materia et forma; tunc enim erit totum sacramentum. Sed in sententia eorum quos impugnamus, illud nullatenus dici posset; siquidem, juxta ipsos, sacramentum esset aliquid a contractu omnino diversum, et contractus esset tantummodo objectum circa quod versatur sacramentum; unde reipsa contendunt illum loquendi modum esse omnino improprium, ab erroribus scholasticorum ortum habuisse, vel illis locum dedisse.

Et vero vel admittendum quod propugnamus, vel dicendum sacramenti materiam esse impositionem manuum: atqui istud dici nequit: obstat enim 1º quòd nemo illud excogitaverit ante Leridanum; 2º quòd in multis Ritualibus omittatur, ut agnoscere coguntur ipsinet adversarii.

46. IIº. QUOAD FORMAM. Aliter, ut jam indicavimus, sentiunt qui conjuges, aliter qui sacerdotem ministrum esse putant. Sed neque hi, neque isti, inter se omnino concordant.

1. *In opinione eorum qui tenent contrahentes esse ministros.* Illi contendunt Christum nihil mutavisse in natura matrimonii, nec ullum ritum sacramentalem instituisse distinctum ab eo quo perficitur contractus: unde agnoscunt non esse in matrimonio distinctionem realem inter materiam et formam, sed eundem consensum esse sub diverso respectu materiam simul et formam. Sed quando subtilius volunt inquirere sub quonam respectu consensus sit materia, sub quonam sit forma, in varias abeunt opiniones. Communior ea est quam tenent **BELLARMINUS**, **SUAREZ** et alii plerique, præsertim inter recentiores; docent materiam esse traditionem corporum, formam verò esse eorum acceptationem. Nam, inquit, illud se habet per modum materiæ, quod est determinabile, illud verò per modum formæ quod est determinativum; ita explicant theologi, ubi de sacramentis in genere, per analogiam deductam ex rebus naturalibus: atqui traditio se habet per modum determinabilis, cum sit quid informe et inefficax, et maneat suspensa; acceptatio autem per modum determinantis, cum perficiat contractum. Ergo, etc.

47. II. *In opinione eorum qui tenent sacerdotem esse ministrum.* Forma est benedictio nuptialis a sacerdote collata, ut satis intelligitur ex dictis: sed quænam sit illa benedictio, non ita apertum est.

1°. Communiùs dicunt aut supponunt eam esse quæ datur ante missam, statim post emissum consensum, et quæ exprimitur his verbis, *Ego vos conjungo*, etc., vel aliis æquivalentibus. — Attamen communis illa assertio theologorum difficultate non caret: 1. ob magnam illius formæ varietatem in variis locis, ut jam dictum est; 2. ob illius novitatem, quam testatur Martene, et agnoscit Gibert, qui huic non dat nisi antiquitatem quadringentorum annorum.

2°. Quidam docuerunt formam sitam esse in benedictione quæ datur intra missam, post *Libera nos*. Ita **AGIEN**, quem sequitur **TABARAUD**. — Sed stare nequit illa assertio cum sententia unanimi theologorum, cum praxi hodierna Ecclesiæ circa secunda matrimonia, circa ea quæ celebrantur tempore vetito, etc.

3°. Alius modus excogitari potest quæstionem solvendi, dicendo scilicet, formam sacramenti esse benedictionem sacerdotis generatim, sed derelictam Ecclesiæ determinationi. Ea esse videtur opinio GIBERTI pluribus in locis. In ea sententia dicendum, ex præsentî determinatione Ecclesiæ formam esse in his verbis, *Ego vos conjungo*, quæ substituta sunt formæ antiquiori, quæ ideo ex essentiali facta est accidentalis. In ea sententia, nullam moram faciunt sive novitas formulæ nunc adhibitæ, sive monumenta antiquiora quæ sacramentum reponere videntur in benedictione solemniori quæ datur intra missam. Quatenus autem potuerit Ecclesia ita determinare sub pœna nullitatis, non ita constat: principia ea de quæstione exponuntur, tum in *Tr. de Sacram. in genere*, ubi expenditur an Christus Ecclesiæ determinandas reliquerit formam et materiam sacramentorum, tum in *Tr. de Pœnit.*, ubi de forma indicativa et deprecativa. Ea hîc indicasse nobis sufficiat.

48. SCHOLIUM.—His dictis, jam præ oculis habentur quæ inservire possunt ad solvendam quæstionem de ministro matrimonii. Porro ex his patet utramque opinionem sua argumenta, suas difficultates, sua incommoda habere; unde concludimus, liberum esse cuilibet illam sententiam sequi, quam ipse putat esse veriore, aut nullam amplecti, cum nihil definierit Ecclesia: si tamen iudicium aliquod ferendum esset, inclinarem in sententiam quæ stat pro contrahentibus.

Verum nemo negabit in praxi (id enim prudentia exigit), agendum esse quasi benedictio esset essentialis, ac proinde tractandam esse ut ritum sacramentalem. Unde 1°. non prætermittenda est, nisi in casibus specialibus in quibus id expressè permittit aut jubet Ecclesia. 2°. Sacerdos qui matrimonio benedicit, curet ut sit in statu gratiæ; alioquin, ratione dubii, periculo sacrilegii se exponit: et esto quòd non conficiat sacramentum, peragit rem sacram, et quidem maximi momenti; unde adesse videtur satis gravis irreverentia: aliud esset, si matrimonio tantum assisteret, nec benedictionem conferret, quod satis raro evenit.

CAPUT III.

AN ET QUATENUS SACRAMENTUM SEJUNGI POSSIT A
CONTRACTU MATRIMONII.

49. Facile intelligitur quæstionem hic non moveri de matrimonio inito *inter duos infideles non baptizatos*: quandiu permanent in infidelitate, satis patet eorum matrimonium, licet validum, sacramenti propriè dicti rationem non habere, cum sint sacramenti recipiendi incapaces.

Sed quæri potest, quid dicendum, si infideles sic nupti convertantur et baptismum suscipiant, vel si matrimonium ineatur inter unum fidelem et alterum infidelem?

1º. Si *infideles nupti convertantur*, affirmant non pauci, quorum opinionem communior dicit BENEDICTUS XIV, *de Synod. l. VIII, c. XIII, nº 8, matrimonium in infidelitate contractum posse sacramenti rationem postea obtinere*. Juxta quosdam ex ipsis, quorum sententia videtur satis improbabilis, id fit per solam baptismi susceptionem. Juxta alios, per renovationem consensûs, addendo benedictionem sacerdotalem, si habeatur pro forma: quia illa consensûs renovatio potest esse materia sacramenti, cum sit consensus in traditionem corporum novo titulo et modo firmiore insolubilem, et sic quodammodo haberi possit ut novus moraliter contractus.

Nihilominus satis probabilis videtur opinio contraria quæ tenet non posse fieri sacramentum: non enim fiet per contractum jam initum, quia sacramentum consistit in actu transitorio, seu materia sacramenti est contractus in fieri, non in facto esse (nº 30): non per consensûs renovationem, quia ille solûm consensus est sacramenti materia, per quem efficitur verus contractus: atqui hic non efficitur; res enim semel donata non potest de novo validè donari, cum non remaneat sub potestate donatoris. Caterùm, ut postea (nº 278) dicemus, moris non est ut conferatur benedictio, vel ut renovetur consensus; quod favere videtur secunda opinioni.

2º. Quoad *matrimonium fidelis cum infideli*, quæstio est an, si ineatur cum dispensatione, sacramentum esse possit ex parte fidelis, seu, ut loquuntur theologi, *an sacramentum possit claudicare?*

Alii negant; quia matrimonium, ut contractus, non potest esse in uno et non in altero, sed est unum in duobus: porro sacramentum sequitur naturam contractûs.

Alii verò affirmant; quia fidelis habet quidquid necessarium est ad recipiendum sacramentum: gratis enim asseritur contractum non posse esse sacramentalem ex una parte, quin sit ex altera, cum id pendeat ab institutione Dei: imò contrarium verisimile videtur; cum enim, in

junxisse gratis asseritur ; quando enim dicitur matrimonium esse sacramentum , illud facile intelligitur *positis ponendis*. Imò contrarium verisimilius videtur : nam Christus, elevando matrimonium ad dignitatem sacramenti , non minuit vim consensûs , sed tantum addidit vim supernaturalem, quemadmodum in ablutione quoad baptismum : sicut ergo qui ablueret sine intentione conferendi sacramentum , verè et efficaciter ablueret corpus , nec conficeret sacramentum ; ita pariter , etc.

51. Hinc colligi potest, quid in unaquaque theologorum opinione sentiendum sit de matrimoniis validè initis *inter hæreticos* qui non admittunt sacramentum matrimonii , aut ministerium sacerdotis non adhibent.—Nempe 1° ob defectum benedictionis, deficit vel non deficit sacramentum, pro diversa sententia circa ministrum. 2° Si expressè sacramentum excludant, applicanda sunt quæ modò dicta sunt. Sed si credentes matrimonium non esse sacramentum, de eo non cogitent, forsàn dici posset eos habere intentionem generalem et prædominantem nubendi juxta legem a Christo institutam. 3° Non ideo præcisè quòd fiat extra Ecclesiam catholicam deficit sacramentum , cùm nec fidem nec jurisdictionem in ministro aut suscipiente essentialiter requirat. Cæterum quid servandum sit quando hæretici convertuntur, alio loco (n° 278) dicemus.

52. Quoad II^{um}, *an scilicet licitè fieri possit hæc separatio*, regula generalis est : *In praxi conjuges tenentur omnia præstare quæ necessaria esse possunt ad certam sacramenti susceptionem.*

Prob. 1°. Religio non sinit ut negligatur medium adeò efficax consequendi gratias necessarias. Christus enim, instituendo sacramenta in Ecclesia , noluit profectò ut cuique liberum esset ea recipere vel negligere ; sed voluit , ut qui statum quemdam amplecteretur , sacramenta reciperet huic statui propria , ne iis gratiis orbaretur quibus indiget ad illius onera sustentanda.

2°. Ex praxi Ecclesiæ, quæ quolibet tempore curavit, saltem generatim loquendo, ut fideles matrimonium inirent coram sacerdote et cum ritibus sacris, matrimonia-

que inita absque sacerdotis ministerio detestata est. Id fusè ostendit GIBERT, in *Historia benedict. nuptialis*. Concilium autem Tridentinum, non solum irritum declaravit matrimonium quod fieret aliter quàm præsente parcho, ut postea evolvemus, sed et benedictionem sitam in his verbis, *Ego vos conjungo*, etc., vel aliis similibus, præscripsit, quamvis non sub pœna nullitatis: eam pariter præscribi a Ritualibus factum est omnino notorium. Ergo, etc.

Dixi *generatim loquendo*: sunt enim matrimonia quædam quæ fiunt approbante, permittente, aut tolerante Ecclesiâ, etiam quando non ita gravis adest necessitas, et quæ, saltem in multorum sententia, eorum præsertim qui stant pro sacerdote, dici possunt valere tantum in ratione contractûs.

Sic 1^o Ecclesia permittit matrimonium *per procuratorem*: negant tamen graves theologi, ut ESTIUS, SYLVIVS, etc., hæc esse sacramenta. Sed alii communiùs affirmant, quia reperiuntur omnia ad sacramentum requisita: nempe materia, quæ in contractu consistit; forma, sive posita sit in verbis contrahentium, sive in benedictione sacerdotis; et demum minister, cum intentione faciendi quod facit Ecclesia. Nulla videtur ergo ratio sufficiens cur non esset sacramentum, si servantur conditiones requisitæ. Unde monet SANCHEZ eum qui sic contrahit teneri permanere in statu gratiæ tempore quo probabile est procuratorem nomine ipsius initurum esse matrimonium: alioquin graviter peccaret, sacramentum recipiendo in statu peccati. Attamen theologi prudenter consulunt ut qui matrimonio per procuratorem juncti sunt, vel iterum ipsimet coram parcho et testibus contrahant, vel saltem, quod ipsis absentibus actum est, præsentes ipsi coram Ecclesia ratum habere declarent: sed observat BENEDICTUS XIV, ex communi opinione hoc minimè necessarium reputari, sed majoris duntaxat cautelæ gratiâ faciendum suaderi. Observant pariter theologi parochum non debere propriâ auctoritate talia matrimonia celebrare, quia ex praxi hodiernâ Ecclesiæ vix inter alios quàm inter principes fiunt.

Huic primo casui satis affinis est casus matrimonii initi per litteras, de quo antea (n° 24); item matrimonii conditionati (n° 18). Sed agnoscendum est hujusmodi matrimonia ab Ecclesia communiter non permitti.

Sic 2° Ecclesia permittere potest matrimonium fidelis cum infideli, et certè olim permisit : et tamen periclitatur sacramentum, ex dictis (n° 49).

Sic 3° permittit aliquando matrimonia mixta : et vetat ne detur benedictio, sine qua tamen valere nequit sacramentum in multorum sententia.

Sic 4° in secundis nuptiis olim, juxta plures, non datur ulla benedictio; hodie tamen iis non denegatur benedictio essentialis, ut diximus (n° 43).

Sic 5° quando matrimonium irritum fuit ex causa occulta, obtentâ dispensatione, conjuges compelluntur quidem ad renovandum consensum, non verò ad se sistendum coram paroco et recipiendam benedictionem.

Idem dicendum de matrimoniis etiam ex causa publica invalidis, quando conceditur dispensatio *in radice*. Sed ibi adest semper aliqua urgens necessitas.

Sic 6° quando conjuges matrimonium validè inierunt sine benedictione (quod pluribus modis contingere potest), testis est BENEDICTUS XIV, *de Synod.* l. VIII, c. XIII, n° 8, olim praxim Ecclesiæ non fuisse ut ad recipiendam benedictionem induceret : hodie tamen hortatur ut postea videbimus (n° 278).

Hi sunt casus circa quos unusquisque revereri debet disciplinam Ecclesiæ, quæ, ubi est conspicua, nobis semper esse debet norma agendi, quæcumque opinionem speculativam in quæstionibus controversis amplectamur. Unde theologi præsertim qui tenent sacerdotem esse ministrum, non possunt dicere exstare præceptum divinum quod obliget absque ulla exceptione ad recipiendum sacramentum quotiescumque initur contractus.

53 Sed quæstio moveri potest, utrùm ratio sit sufficiens non statim recipiendi sacramentum, *quando sponsi sunt indispositi*? Scilicet maxima in praxi occurrit difficultas quoad sponso qui adduci nequeunt ut matrimonium pro-

positum ad tempus differant, et tamen non sunt sufficienter dispositi ad sacramentum suscipiendum. Potestne confessarius vel pastor illis permittere, aut etiam suadere, ut ineant matrimonium solum in ratione contractus, sacramentum suscepturi, quando ad meliorem frugem redierint?

Respondemus id minimè fieri posse, saltem attentà hodiernâ Ecclesiæ disciplinâ.

Prob. Vel suadebitur hujusmodi sponsis ut civiliter tantum matrimonium ineant, prout volunt Tabaraud et alii novatores; vel admittentur ad contrahendum coram Ecclesia, omissâ tamen benedictione consuetâ, et cum intentione non recipiendi sacramentum, prout proposuerunt quidam theologi, quamvis haud asseveranter. Atqui neutrum ex his duobus fieri potest. Non I^{um}: etenim matrimonium non initum coram Ecclesia, sed tantum coram officario civili, hodie in Gallia irritum foret, non solum quatenus sacramentum, sed quatenus contractus, ex decreto concilii Tridentini, quod vim habere independentè a sanctione legis civilis postea ostendemus; prorsus ergo rejiciendum illud systema, quod his solis probari potest qui non agnoscunt potestatem Ecclesiæ in ferendis impedimentis. Non II^{um}: non enim potest sacerdos omittere benedictionem, quin agat contra generalem Ecclesiæ disciplinam et Ritualium præscriptiones; et quin sæpe adstantibus non leve scandalum generet. Nec sponsi possunt excludere intentionem recipiendi sacramentum, quin se reos constituent fictionis, quæ non minùs veritati quàm religioni esset contraria. Insuper quis non videat plerumque contrahentes, qui incertas theologiæ speculationes ignorant, matrimonium sic initum vel pro nullo habituros esse, vel saltem multis ambagibus fore implicandos?

An autem ad vitanda mala quæ ex profanatione sacramentorum, aut ex matrimoniis merè civilibus ac proinde invalidis, quotidie apud nos, proh dolor! oriuntur, expediat ut Ecclesia aliquid immutet in sua disciplina, nostrum non est curiosius expendere. Satis sit animadvertere non omnia esse immutanda unde peccandi occasionem accipiunt

homines; alioquin omnia brevi corruerent. Hic incommoda ex hominum malitia profluunt, et sæpe compensantur per bona quæ ex actu religionis, eâ circumstantiâ præscripto, consequuntur: eâ enim occasione confessarium aut pastorem adeuntes multi prævaricatores revertuntur ad cor, juxta Scripturæ verba, religioni aliquatenus reconciliantur, et saltem semen verbi divini recipiunt quod fructum dabit in tempore suo.

54. SCHOLIUM. — Ut finem imponamus huic capiti de natura matrimonii in ratione sacramenti, duo observabimus.

1°. Nunc facilius intelligetur sacramenti matrimonii definitio, quam huc usque ex industria remisimus. Hæc vulgò profertur a theologis: *Sacramentum novæ legis, gratiam conferens ad sanctificandam legitimam viri et mulieris conjunctionem, et prolem sanctè educandam*. Quidam, ut magis directè removeant errorem novatorum de quibus supra (n° 45), matrimonium quæ sacramentum non aliter definiunt ac ipsum contractum, ea tantum addendo quæ sacramenti rationem designant: unde hanc proferunt definitionem: *Conjunctio viri et mulieris... et ex institutione Christi gratiam quam significat conjugibus conferens*.

2°. Intelligi potest etiam quomodo sumenda sit ea matrimonii divisio quam vulgò afferunt theologi et canonistæ, in *legitimum, ratum, et consummatum*. Scilicet *legitimum*, seu, ut auctores intelligunt, merè legitimum, dicitur matrimonium quod secundum leges celebratum est, ibi præcisè sistendo, quale inter infideles reperitur: *ratum* duplici sensu accipitur, vel per oppositionem ad legitimum, et tunc significat matrimonium Christianorum, sive deinde sit sacramentum, sive non, de quo supra (n° 40); vel per oppositionem ad consummatum: *consummatum* tandem dicitur, quod carnali copulâ est completum.

PARS SECUNDA.

DE PROPRIETATIBUS MATRIMONII.

55. De tribus agendum habemus: 1° de honestate; 2° de unitate; 3° de indissolubilitate.

CAPUT PRIMUM.

DE HONESTATE MATRIMONII.

56. Matrimonium, in præsentī quæstione, consideratur præcipuè quatenus ad prolem generandam ordinatur. Porro triplex potissimum circa illud exortus est error.

Primus, eorum qui voluerunt matrimonium esse ex natura sua malum et inhonestum, prout prædixerat Apostolus, I *Tim.* iv, 2. Ita Simon Magus, Saturninus, Marcion, Tatianus, et Encratitæ, Manichæi, Priscillianitæ, Apostolici, etc.

Secundus, eorum qui e contrario docuerunt matrimonium esse ita in se bonum, ut virginitas non sit ei anteponenda, sed æqualis sit utriusque statûs sanctitas: ita sæculo iv Jovinianus.

Tertius, eorum qui volunt nuptias esse virginitate meliores; imò virginitatem esse malam. Ita Protestantes initio Reformationis, ubi contendebant matrimonium esse singulis lege naturali præceptum; unde cælibatum sacrorum ministrorum suggillabant. Nunc verò non hucusque progrediuntur, sed stant errori Joviniani.

Contra illos errores, triplicem statuemus propositionem.

PROPOSITIO I. — *Matrimonium est in se bonum et honestum.* Contra Manichæos.

Prob. Illud est bonum quod Deus instituit, imò præcepit, Christus confirmavit, etc..... Atqui matrimonium

1° Deus instituit. Ex *Genes.* 1, 27, 28 : *Masculum et feminam creavit eos, benedixitque illis et ait : Crescite et multiplicamini.* Et 11, 21-24, fusiùs refertur ea institutio. 2° Imò aliquando præcepit aut consuluit. Sic in *Deuter.* xxv, 5, jubetur frater *accipere uxorem* fratris sui defuncti, ut *suscitet semen fratris sui.* 3° Christus confirmavit, tum assistendo nuptiis Cana, quo argumento usi sunt Patres; tum varia circa illud statuendo; tum denique elevando, ex dictis, ad dignitatem sacramenti. 4° Commendârunt Apostoli, præsertim S. Paulus : vocat *Honorabile*, *Hebr.* xiii, 4; ait, *Qui matrimonio jungit virginem bene facit*, I *Cor.* vii, 38; præcipit ut *Debitum reddatur*, *ib.* 3; consulit viduis, *Volo juniores nubere*, I *Tim.* v, 14; recenset doctrinam *prohibentium nubere inter doctrinas dæmoniorum*, *ib.* 1 et 3. Nec contrarium docet I *Corinth.* vii, ubi id sibi unice proponit ut continentiam præ matrimonio extollat, prout legenti caput integrum patebit. 5° Contra detractores vindicavit Ecclesia : in re tam apertâ supervacaneum est referre testimonia SS. Patrum qui hæreticos suprà memoratos impugnaverunt, et decreta conciliorum quæ eosdem errores profligaverunt. 6° Natura ipsa postulat; cùm sit medium unicum ad propagandam speciem humanam, juxta legem a Deo creatore in præsentî rerum ordine institutam.

57. PROPOSITIO II. — *Matrimonium, quamvis jure naturali et ex primæva institutione præceptum communitati, non præcipitur individuis determinatè sumptis, saltem ordinariè.* Contra veteres Protestantes.

Prob. per partes illa propositio, quæ explicatione potissimùm indiget.

1° *Respectu communitatis*, matrimonium dici potest præceptum *jure naturali*, quatenus est necessarium ad conservationem societatis : non enim sufficit conjunctio transitoria, qualis locum habet in brutis; sed requiritur ut proles habeat determinatos parentes, vinctulo quodam inter se permanenter alligatos, qui possint providere illius educationi et variis necessitatibus. Huc etiam refertur

institutio primæva, seu illa Dei verba, *Crescite et multiplicamini*, necnon et illa quæ protulit Adamus Dei instinctu, *Propter hoc relinquet homo patrem et matrem*, etc.

2° *Respectu individuorum*, prorsus immeritò diceretur matrimonium *jure naturali* præceptum. Ritè enim genus humanum propagari et conservari potest, absque eo quòd singuli homines matrimonium ineant, multò magis absque eo quòd matrimonium ex præcepto inire teneantur : sufficit inclinatio naturæ. Ad summum requireretur ut communitas jus haberet pro circumstantiis matrimonium imperandi aliquibus e suis membris : sed de facto communitas ab ea cura liberatur. Afferri nequit etiam *præceptum divinum* : quidquid enim dicatur de primævis mundi temporibus, donec nempe satis diffusum esset genus humanum, saltem gratis et immeritò diceretur adfuisse sub lege mosaica hujusmodi præceptum ; illud autem sub nova lege admittere prorsus absurdum esset.

Dixi *saltem ordinariè*, tum ut abstrahatur a peculiari-
bus circumstantiis, quales occurrerunt exordio mundi et post diluvium : tum quia singi possunt casus, in quibus privatus aliquis teneatur ad matrimonium. Triplicem assignant theologi. Primus est necessitatis politicæ, qualis esset in principe qui, nullum habens regni sui hæredem, prævideret exinde, post mortem suam, oritura bella et perturbationes. Secundus, infirmitatis, quando quis, propter graves tentationes, salutis periculum incurrit in cælibatu : possunt quidem per alia remedia superari ; sed si hæc non adhibeantur, matrimonium fit necessarium per accidens. Tertius, paupertatis ; v. g. si vir dives et probis moribus consentiat accipere puellam, quæ non habet unde vivat : sed rarò orietur vera obligatio ex isto tertio casu.

58. PROPOSITIO III. — *Virginitas pro Deo suscepta nuptiis melior est ac excellentior*. Contra Jovinianum et recentiores Protestantes.

Prob. 1. Ex Scriptura. Habemus 1° doctrinam Christi, *Matth.*, XIX, 10, 11, 12. Cùm exposuisset varia matrimo-

nii onera, iisque territi discipuli exclamassent : *Si ita est causa hominis cum uxore, non expedit nubere*, illud humaniori fortè sensu dictum planè confirmat, asserens quosdam reipsa se a nuptiis segregare *propter regnum cælorum*, sed tantæ acquirendæ, vel etiam intelligendæ perfectionis omnes non esse capaces, sed illos *quibus datum est*; ex quibus præclarè commendatur virginitas pro Deo suscepta. 2° Doctrinam Apostoli, I Cor. VII. Ibi, ut vidimus, honorificè loquitur de matrimonio, sed de virginitate longè honorificentius : 1, *Bonum est homini mulierem non tangere*; 7, *Volo omnes vos esse sicut meipsum*; 34, *Mulier innupta et virgo cogitat quæ Domini sunt, ut sit sancta corpore et spiritu; quæ autem nupta est cogitat quæ sunt mundi*; 38, *Qui matrimonio jungit virginem suam bene facit, et qui non jungit melius facit*. Hæc certè sunt satis aperta.

2. *Ex SS. Patribus*. Virginitatis excellentiam supra matrimonium miris laudibus extulerunt SS. Doctores; inter quos citari possunt SS. Hieronymus et Augustinus, qui Jovinianum ex professo confutârunt, S. Ambrosius, lib. *de Virginibus*, S. Cyprianus, Tertullianus, etc.

3. *Ex decisionibus Ecclesiæ*. Jovinianus, qui contrarium propugnabat, inter hæreticos recensitus fuit; et Concilium Tridentinum, sess. XXIV, can. 10, sic statuit : *Si quis dixerit statum conjugalem anteponendum esse statui virginitatis vel cælibatui, et non esse melius ac beatius manere in virginitate aut cælibatu, quàm jungi matrimonio, anathema sit*. His perstringitur simul error Joviniani, qui matrimonium virginitati æquiparabat, et Protestantium qui anteponunt.

4. *Ex rationibus theologicis*. 1° Exemplo Christi. Christus virgo virginem matrem habere voluit; discipulum virginem præ cæteris dilexit, eique soli moriens matrem suam commendavit : quibus satis ostendit quanto in pretio virginitatem habeat. 2° Ex virginitatis excellentia, et effectibus relativè ad salutem. Per virginitatem homo magis removetur a sollicitudinibus sæculi, et liberius Deo vacat, ut indicat S. Paulus; supra seipsum quodammodo extol-

*Remus Roma : virginitas hoc est in hostibus !
 et si les in, alio loco supponit scilicet eos qui non sunt virginitatem
 dicitur. Exemple virginitatis, in continencia, cælibatu, castitatem.
 et si les in, alio loco supponit scilicet eos qui non sunt virginitatem
 dicitur. Exemple virginitatis, in continencia, cælibatu, castitatem.
 et si les in, alio loco supponit scilicet eos qui non sunt virginitatem
 dicitur. Exemple virginitatis, in continencia, cælibatu, castitatem.*

litur, sitque angelicæ naturæ particeps, ut aiunt SS. Doctores.

Confirmari posset *ex rationibus philosophicis et politicis*, ostendendo expedire, imò et moraliter necessarium esse ad bonum societatis, in regione incolis redundante, ut plures continentiam servant; sed hæc ad scopum nostrum directè non spectant.

Dixi *pro Deo suscepta*; quia requiritur ut Dei intuitu servetur; alioquin non est præcisè meritoria. Cæterum, quamvis excellens, non omnibus consulenda est, sed antea inspicendum an congruat voluntati Dei, an regulis prudentiæ. Ideoque antequam ad votum castitatis quisquam admittatur, spectari debent, 1° ætas, ex S. Paulo; 2° virtus; 3° indoles, et præsertim constantia et fortitudo; 4° agendi ratio, an mollis, an abnegationi et mortificationi dedita. Ex his omnibus intelligetur an expediat tale consilium dari. Ut adhuc maturius detur, permitti potest primùm solummodo votum ad tempus; sicque experientiâ innotescet quid deceat.

CAPUT II.

DE UNITATE MATRIMONII.

59. Matrimonii unitas, quæ *monogamia* dicitur, est conjunctio unius tantum cum una. Huic opponitur *polygamia*, quæ in eo sita est quòd unus cum pluribus jungatur, vel simul, vel successivè. Hinc duplex polygamia, simultanea, et successiva.

ART. 1. De polygamia simultanea.

60. Duplex distinguitur: conjunctio unius uxoris cum pluribus viris, quæ dicitur *polyandria*, vel *polyviria*, et unius viri cum pluribus uxoribus, quæ retinet nomen *polygamie*.

De *polyandria*, vix ulla est difficultas: agnoscunt omnes eam adversari primariis matrimonii finibus, nempe

1° generationi prolis, cùm experienciâ constet mulieres quæ pluribus viris commiscuntur esse infœcundas; 2° educationi prolis, cùm incertum redderet patrem.

Igitur agendum superest de *polygamia* simpliciter dicta, an sit contraria juri naturali, an et qualiter vetita jure divino pro variis temporibus. Porro de hoc non una est omnium sententia.

1°. Calvinus docuit polygamiam repugnare juri naturali, adeò ut excusari nequeant veteres patriarchæ. In hoc imitatus est Manichæos, qui patriarchas traducebant ut adulteros, et inde concludebant libros et legem veteris Testamenti, in quibus exhibentur tanquam amici Dei, esse a principio malo.

2°. A Calvino multùm dissentit Lutherus, qui contendit polygamiam ne lege quidem evangelicâ absolutè prohibitam esse, adeò ut in casu necessitatis liceat: hinc eam permisit, simul cum Bucero et Melanchtone, Landgravio de Hesse, an. 1539.

3°. Theologi catholici ab utroque excessu recedunt; sed non omnes consentiunt circa prohibitionem polygamiae ex jure naturali: hanc prohibitionem, post Durandum, negavit MALDONATUS, et quidam alii; sed admittunt plerique, quamvis diversis modis explicent. Non constat etiam quid pro variis temporibus jure divino statutum fuerit. Quæstionem solvemus quadruplici propositione.

PROPOSITIO I. — *Polygamia simultanea adversatur juri naturali; sed secundario tantùm, saltem quando intrâ fines temperantiæ sistitur.*

Nota. Antequam ad probationem deveniamus, ut rite intelligatur propositio, advertendum est legem naturalem duplicis generis præcepta complecti; primaria, et secundaria, ut juxta doctrinam communem theologorum observat BENEDICTUS XIV, *de Synod.* l. XIII, c. XXI, n° 9. Scilicet per jus naturale intelligitur ordo legitimus relationum inter Deum et homines, vel inter ipsos ad invicem homines: quæ illi ordini congrua et necessaria sunt, dicuntur præcepta; quæ verò ipsi adversantur, dicuntur prohibita

jure naturali. Porro inter illas relationes, quædam fundantur in ipsa rerum essentia, quamlibet voluntatem Dei liberam antecedunt, et sunt prorsus immutabiles; talis est relatio obsequii, amoris, etc. Deo a creatura debiti: aliæ verò non consequuntur nisi ordinem a Deo institutum, ita ut, posito quòd Deus tale vel tale quid egerit et constituerit, ipsâ naturâ duce locum habeant, non habituræ locum si Deus alio modo egisset: præcepta quæ oriuntur ex relationibus prioris generis dicuntur primaria, seu juris naturalis primarii, vel ut alii loquuntur, absoluti; illa verò quæ ex relationibus secundi generis, dicuntur secundaria, seu juris naturalis secundarii, vel conditionati. Hoc posito,

Prob. 1^a pars, scilicet polygamia adversatur juri naturali. 1^o Quia impedit reciprocam debiti redditionem, et æqualitatem contractûs; æquitas enim postulare videtur ut quemadmodum uxor totam se tradit viro, ita vir se totum tradat uxori. 2^o Pacem domesticam turbat. Unaquæque enim uxor in eo tota erit ut ad se pertrahat affectum viri; facillè accidet ut vir non omnes æquali amore prosequatur: exinde porro jurgia, quæ vix compescere poterit maritus, nisi exerceat auctoritatem quæ mutuo conjugum affectui non satis congruit. 3^o Nocet congruæ proles educationi. Valde timendum erit ne maritus, in prædilectæ uxoris filios præcipuè intentus, cæteros negligat: ipsæ uxores etiam sæpissimè ex invidia nocebunt mutuæ puerorum educationi.

Prob. 2^a pars, scilicet adversatur tantum juri secundo. Etenim ex una parte, non repugnat primario fini conjugii, cum possit unus et idem vir ex pluribus uxoribus filios suscipere; ex altera verò parte, fines ipsi secundarii absolute obtineri possunt, præsertim si Deus per suam providentiam incommoda avertat saltem graviora.

Dixi saltem si intra limites..., quia nemo negabit juri naturali omnimodè adversari polygamiam illam tyrannicam, ex sola ortam libidine, totque incommotis obnoxiam, quæ viguit et adhuc viget apud quosdam populos infideles.

Hinc intelligitur communem theologorum opinionem,

quæ propugnat polygamiam repugnare juri naturali, gravibus momentis inniti, neque adesse rationem sufficientem ab ea recedendi, et admittendi opinionem Durandi et aliorum, de qua sic pronuntiat BENEDICTUS XIV, *de Synod.* l. XIII, c. XXI, n° 9 : « Quamvis singularis hæc eorum » opinio dici non possit a Tridentino Concilio fuisse pro- » scripta, censuram tamen non fugit doctrinæ improbabilis « et alienæ a communi sententia aliorum theologorum : » et tamen potuisse Deum dispensare, multumque abesse quin ex illa sententia in errorem Calvinii deducamur.

Cæterum observandum est præsentem quæstionem ad praxim nihil conferre, semel admissio jure divino polygamiam absolutè prohibente, de quo mox ; non minus enim illicitum et invalidum erit secundum matrimonium, vivente primâ uxore initum, etiam apud infideles : quia et illi, ex communi theologorum doctrina, subjiuntur juri divino, quod omnes obligat. Hinc ex praxi constanti Ecclesiæ, matrimonia infidelium sic inita pro irritis habentur, quando ad fidem convertuntur.

61. PROPOSITIO II. — *Polygamia contraria est institutioni primæ matrimonii.*

Prob. 1° Ex Genes. II, 21 et seq. Si Deus voluisset ut vir unus pluribus uxoribus jungeretur, *Cum unum hominem fecit, multas fecisset mulieres*, ut observat S. CHRYSOSTOMUS. Hinc Adamus matrimonii naturam exponens, ut observat INNOCENTIUS III, cap. *Gaudemus*, VIII, de *Divortiis*, *Non dixit tres vel plures, sed duo ; nec dixit adhærebit uxoribus, sed uxori* ; quæ polygamiam excludunt. 2° Ex verbis Christi, interprete Concilio Tridentino sess. XXIV : *Hoc autem vinculo duos tantummodo copulari et conjungi Christus Dominus apertiùs docuit, cum postrema illa verba (adhærebit uxori, etc.) tanquam a Deo prolata referens, dixit : Itaque jam non sunt duo, sed una caro.* 3° Ex auctoritate SS. Pontificum. NICOLAUS I, *Resp. ad consulta Bulgaror.* n° 51, ait, *Adulterii flagitium quod Lamech omnium primus in duabus uxoribus perpetravit, non nisi sanguine Christi abolitum existi-*

tisse. INNOCENTII III verba jam attulimus; eodem sensu loquitur GREGORIUS IX. Item Patres mox indicandi.

62. PROPOSITIO III. — *Polygamia fuit Judæis permissa sub lege Mosaica; imò et patriarchis ante Moysen.*

Prob. 1^a pars. 1^o Ex lege Moysis, *Deuter. XXI, 15* et seq. Lex ibi permittit aut potiùs permissam supponit polygamiam: non solùm enim vir qui duas mulieres duxit non improbatur, sed ambæ vocantur uxores, et æquiparantur filii quoad jus hæreditatis; atqui non ita lex loqueretur, si una tantùm fuisset legitima uxor. 2^o Exemplis Sanctorum. Legimus enim in Scripturis viros maximè pietate insignes plures habuisse uxores: sic de Elcana, *I Reg. 1*; de David, *II Reg. II, 2*; de Joa, *II Paralip. XXIV, 3*, etc.

Prob. 2^a pars. 1^o Exemplo patriarcharum: Abraham, Jacob, et alii passim leguntur in Scripturis plures habuisse uxores, nec tamen ideo reprehenduntur, contrà proponuntur ut viri pietate insignes. 2^o Ita docent SS. Chrysostomus, Hieronymus, Augustinus, etc.

63. *Obj. 1^o*. Vocantur concubinæ mulieres quas, præter Sarā, habuit Abraham, *Genes. XXV, 6*; item pluribus aliis in locis. Ergo non erant veræ conjuges, nec proinde licita erat polygamia.

Confirm. Judæi, Joan. VII, 41, ut significant se descendere ex Sara, non verò ex Agar, dicunt: *Nos ex fornicatione non sumus nati*; ergo putabant Agar non fuisse legitimam uxorem.

R. Concubinæ nomen in locis objectis non idem designat quod nos hodie vulgò eo nomine intelligimus, sed designat uxorum genus secundarium quæ scilicet unicè ad procreandos liberos, non ad familiam regendam resque familiares administrandas essent admissæ: eadem enim quæ dicuntur concubinæ, alibi vocantur uxores, v. g. Agar, *Genes. XVI, 3*; Cethura, *XXV, 1*. Hæc concubinæ acceptio aliquandiu perduravit etiam sub lege evangelica, ut constat ex pluribus antiquis canonibus. *Vide BENEDICTUM XIV, de Synod. I. IX, c. XII, n^o 2, 3.*

Ad Confirm. R. Verba Judæorum alludere ad Agar gratis omnino supponeretur, et immeritò: tum quia alioquin inhonorassent tanquam fornicatorem Abrahamum quem *ibid.* patrem appellant; tum quia, si in ea fuissent sententia quæ ipsis tribuitur, jam indirectè confessi essent quod directè negabant, e suis scilicet multos ex fornicatione natos; cum plures ortum ducerent ex Rachelis et Liæ ancillis, Balà et Zelphà, non minùs fornicariis quàm ipsa Agar, ancilla Saræ. Sunt ergo intelligenda de fornicatione spirituali, seu de idololatria, quæ sæpe eo nomine

in Scripturis designatur : huic interpretationi apprimè cohærent verba subsequentiâ, *Unum patrem habemus Deum* ; quasi dicerent : *Nos non ex idololâtris nati sumus, sed ex patribus verum Deum colentibus* : nullatenus autem cohærent, si ibi ageretur de fornicatione carnali.

Obj. 2^o. III Reg. xi, 1, 2, crimini vertitur Salomoni quòd plures uxores habuerit. Ergo, etc.

R. Non in eo præcisè reprehenditur Salomon quòd plures, sed quòd alienigenas, et ad scandalum usque multiplicatas uxores habuerit, quæ eum, a Deo tot bonis cumulatum, ad idololatriam pertraxerunt. *Ibid.* 3, dicitur : *Fuerunt ei uxores quasi reginæ 700, et concubinæ 300 ; et averterunt mulieres cor ejus.... ut sequeretur deos alienos.*

64. COROLLARIUM. — Ex dictis in duabus præcedentibus propositionibus, sequitur per Deum concessam fuisse dispensationem seu derogationem primævæ institutioni quâ excludebatur polygamia. De illa dispensatione quædam observare operæ pretium erit.

1^o. Communiter dicunt theologi eam dispensationem concessam non fuisse ante diluvium. Etenim vix dubitari potest quin saltem hocce temporis lapsu viguerit primæva institutio. Hinc ait INNOCENTIUS III, *loc. cit.* : *Nec ulli unquam licuit insimul plures uxores habere, nisi cui fuit divinâ revelatione concessum.* Porro ante diluvium solus Lamech legitur plures habuisse uxores ; sed præsumptio non est in illius gratiam, et satis durè reprehenditur a SS. Patribus, imprimis TERTULLIANO, S. HIERONYMO, et SS. Pontificibus supra citatis (n^o 61). Ergo nondum permissa erat polygamia : quia scilicet, ait S. CHRYSOSTOMUS, ob longævam hominum vitam non ita erat necessaria ad generis humani propagationem ; vel, juxta alios, ne putarent homines polygamiam esse primævam matrimonii constitutionem. Quondam igitur concessa fuit dispensatio ? Quidam putant concessam fuisse primum Abrahamo, utpote qui constitutus erat caput populi Dei, qui eâ viâ propagandus erat. Nec opus fuit ut cuilibet speciatim concederetur, sed post factam Abrahamæ, aut alteri patriarchæ sanctitate eximio, revelationem, cæteri satis intellexerunt idem sibi licitum esse.

2^o. Non convenit inter theologos utrùm illa dispensatio data fuerit, non solum Judæis, sed etiam ipsis Gentilibus. Quidam negant, ut SANCHEZ, ESTIUS, DROUIN. 1. Quoad illos non militabant rationes, quibus verisimile est Deum permotum fuisse ad eam dispensationem concedendam, quas vulgò repetunt theologi, tum ex multiplicatione populi Dei, tum ex præfigurandis legis novæ mysteriis. 2. Non jam dispensatio dicenda fuisset, sed abrogatio legis.

Alii tamen, post BELLARMINUM, communius affirmant polygamiam fuisse etiam Gentilibus permissam. 1. Ex pluribus exemplis quæ in Scriptura occurrunt. Sic Gen. xx, Abimelech voluit uxori suæ Samaram addere, nec reprehenditur nisi quia tulerat uxorem alterius. Sic Gen. xxvi, 34, et xxviii, 9, plures duxit uxores Esau extraneus populo Dei, nec ideo reprehenditur. Sic Esther conjuncta est Assuero jam uxorem habenti, quamvis sperare non posset filios suos ad legem Moysicam informandos, nec proinde ipsi applicari posset dispensationis Judæis concessæ motivum. 2. Si dispensatio data fuit statim post dilu-

vium, debuit ad omnes extendi : si data Abraham et Jacob, saltem ad omnes eorum posteros pertinere debuit. 3. Etiam apud gentes propagari poterat populus Dei, quatenus procreari poterant veri Dei cultores, quales occurrunt plures etiam extra populum judaicum. Aliunde polygamia; etiam apud Gentiles, præfigurare poterat conjunctionem multorum populorum ad unum Christum.

65. PROPOSITIO IV. — *Christus, revocato ad primævam institutionem matrimonio, polygamiam simultaneam abrogavit.*

Prob. 1°. Ex verbis Christi, Matth. XIX, 4 et 5 : Christus indicat se revocare matrimonium ad primævam institutionem : *Non legistis quia qui fecit hominem ab initio, etc.* Eam autem institutionem exponit per hæc verba : *Itaque jam non sunt duo, sed una caro :* quæ excludunt polygamiam. Sed clarius adhuc loquitur *Luc. XVI, 18 :* *Qui dimiserit uxorem suam, et aliam duxerit, mœchatur ;* ex quibus concludendum : ergo a fortiori qui, priore retentâ, aliam duxerit. Nam, ut ratiocinatur BELLARMINUS, ideo mœchatur qui alteram ducit, quia prior in rei veritate non desinit esse uxor : atqui quando non est dimissa, a fortiori remanet uxor : ergo est verè adulterium.

2°. *Ex S. Paulo*, qui non solum semper loquitur de uxore in singulari numero, *I Cor. VII*, sed ait, *Rom. VII, 3 :* *Mulier vivente viro vocabitur adultera, si fuerit cum altero viro ;* cum autem ex eodem Apostolo, *1 Cor. VII*, pares sint conjuges in jure ad usum matrimonii, non magis potest vir fieri alterius uxoris maritus sine adulterio.

3°. *Ex SS. Patribus et conciliis*, quorum doctrina adeò constans est et unanimis, ut nullum ex adverso proferri possit testimonium. His consentanea fuit praxis omnium Christianorum. Et si quando principes quidam, priore uxore vivente, alteram ducere tentaverint, nemo nescit quantâ vi reclamaverint SS. Pontifices. Cum autem Lutherus Philippo, Hessiæ landgravio, priori superstite uxore, aliam ducere permisisset, præsensit ipse quantum reformationi suæ dedecus exinde oriturum esset, ideoque ut occulta manerent hujus concessionis instrumenta cona-

tus est. Cum tamen postea publici juris facta fuissent, palàm dicere potuit BOSSUET, absque ullo reclamationis metu : « Il fut dit pour la première fois depuis la naissance du christianisme..... que Jésus-Christ n'avait pas » défendu de tels mariages. » *Hist. des Variat.* l. VI, n° 6.

Hinc Concilium Tridentinum, sess. XXIV, can. 2, sic decrevit : *Si quis dixerit licere Christianis plures simul habere uxores, et hoc nullâ lege divinâ esse prohibitum, anathema sit.*

66. Ut Bossuetii assertionem confutaret, et reformationis suæ auctorem vindicaret, duo facta seu testimonia protulit BASNAGE. Primum est Socratis, qui refert Valentinianum imperatorem duas simul uxores habuisse, et latâ lege statuisset ut idem cuilibet volenti liceret. Secundum est Gregorii II, respondentis licere ducere aliam uxorem viro cui sua, ob infirmitatem corporis, debitum reddere non valet.

Verùm hæc testimonia, etsi genuina agnoscerentur, nullius ponderis esse possent contra aliunde unanimem omnium sæculorum traditionem. Sed insuper commentitia reputatur ab eruditis Valentiniani lex : vid. BOSSUET, *Déf. de l'Hist. des Variat.* n° 63. Non desunt etiam rationes habendi responsionem Gregorii II ut supposititiam : aliunde intelligi potest et debet de muliere, quæ, ob corporis infirmitatem, impotens erat, cujus proinde matrimonium ab initio irritum erat : quo posito, nulla difficultas.

ART. 2. De Polygamia successiva.

67. Secundas et ultiores nuptias damnaverunt Montanistæ, quibus se adjunxit Tertullianus, et postea Novatiani. Plurimi SS. Patres, præsertim Græci, licet ab eorum errore alieni, de iis tamen satis durè locuti sunt. Priores confutare, posteriores explicare oportet.

PROPOSITIO I. — *Licitæ sunt etiam sub lege christiana secundæ et ultiores nuptiæ.*

Prob. 1° Ex Scriptura. S. PAULUS, *Rom.* VII, 3 : *Mulier, si mortuus fuerit vir ejus, liberata est a lege viri, ut non sit adultera, si fuerit cum alio viro.* Idem docet, *1 Cor.* VII, 39, addens : *Cui vult nubat, tantum in Domino.* Et *1 Tim.* v, 14, ait de viduis : *Volo juniores nubere.*

2° Ex traditione. Si quis SS. Patrum testimonia per-

currere velit, hæc illi occurrent: secundæ et posteriores nuptiæ non sunt crimen, ex S. AUGUSTINO; non peccatum, ex HERMA; licent, etiam nimis repetitæ, ex AMBROSIO; non sunt lege prohibitæ, ex CLEMENTE; ab omni culpa absolvuntur, ex S. EPIPHANIO; ad normam evangelicæ legis fiunt, ex S. CHRYSOSTOMO. Sufficiat addere decretum EUGENII IV ad Armenos, quod ita expressè definit; et Constitutionem BENEDICTI XIV, quæ exigit ab Italo-græcis ut illud agnoscant. *Bullar. t. 1, Const. LVII, § 8, n° 3, et Const. CXXIX, § 29.*

3° *Ex ratione.* Secundæ et posteriores nuptiæ nullâ lege prohibentur. 1. Non lege naturali, cum nullatenus repugnent finibus matrimonii. 2. Non lege divinâ; sive Mosaicâ, quæ contrâ aliquando illas præcipiebat, ut in casu defuncti fratris sine liberis; sive evangelicâ, ex qua nihil afferri potest. 3. Non lege ecclesiasticâ, saltem generali et adhuc vigente, cum quotidie hujusmodi nuptias per suos ministros celebret Ecclesia. Ergo, etc.

68. PROPOSITIO II. — *Ecclesiæ veteris pastores et doctores non habuerunt unquam secundas et posteriores nuptias ut jure naturali aut divino prohibitas: eas tamen vituperati sunt ut quid sanctitati christianæ minùs conveniens; imò et variis pœnis subjecerunt, quamvis non videantur ullâ lege generali eas prohibuisse.*

Prob. 1^a pars, scilicet secundæ et posteriores nuptiæ habitæ non fuerunt ut jure naturali aut divino prohibitæ. Satis evidenter sequitur ex dictis in prima propositione: unde difficultas nulla superesse potest, nisi forsitan ex quorundam Patrum vel Conciliorum particularium paulò durioribus verbis, quæ tamen benignè explicari possunt, si attendantur principia sequentia. 1° Nonnulla ex iis quæ opponuntur possunt intelligi vel de polygamia simultanea, vel saltem de secundis nuptiis initis post datum more Judæorum aut Gentilium libellum repudiî. 2° Patrum scopus est secundas nuptias ut aliquid minùs perfectum reprehendere: eâ autem occasione, oratorum more loquætes, paulò duriora adhibent verba, quæ non sunt in toto suo rigore sumenda. Et revera S. Hieronymus, quo nemo forsitan duriùs locutus est, cum uxorem bis nuptam *prostitutam* dicat, expressè tamen profitetur se bigamiam non damnare. 3° Illi ipsi qui secundas nuptias penitentiae subjiciunt, simul agnoscunt eas esse in se licitas. 4° Nullibi legimus Concilia aut SS. Patres edixisse ut talibus juncti matrimoniis ab invicem separarentur; quod tamen non omisissent, si talia matrimonia credidissent lege divinâ prohibita. 5°. Tandem si, ope principiorum quæ mox attulimus, quidam textus explicari nequeant, nil vetat dicere in quibusdam locis secundas nup-

tias fuisse positivâ lege prohibitas, imò etiam fortè irritas; quo posito, explicantur varia SS. Patrum in illas impropria: de quo statim.

Prob. 2^a pars, scilicet fuerunt minus probatæ. S. PAULUS, 1 Cor. vii, 8 et 40, consilium dat de non ineundis secundis nuptiis: primis autem præcipuè sacculis, cùm major esset fervor fidei, minus probabantur qui consilia evangelica non sectabantur. Hinc SS. Patres de secundis, et præsertim de tertiis et ulterioribus nuptiis, satis durè locuti sunt. Rationes autem, præter continentiae excellentiam, erant 1^o quòd plurimæ nuptiæ habebantur ut signum libidinis et incontinentiæ: hinc magis improbabantur tertiæ et posteriores nuptiæ; 2^o quia per eas non ita perfectè repræsentatur unio Christi cum Ecclesia: quod sæpe exprimitur per ea verba, *ob defectum sacramenti*, quæ tamen non indicant præcisè tale matrimonium non esse sacramentum.

Prob. 3^a pars, scilicet fuerunt variis penis subjectæ, enumerationem earum pœnarum, quæ tamen non omnes ubique et semper viguerunt. 1^o Pluribus in locis subiciebantur pœnitentiæ publicæ, præsertim in Ecclesia Græca. 2^o Bigami erant irregulares ad sacros Ordines suscipiendos. Illa disciplina, quæ fundamentum habet in S. Paulo, hodie perseverat. Idem vigeat pro viduis quæ ad diaconissarum munus assumebantur. 3^o Secundæ et posteriores nuptiæ privabantur benedictione quâdam sacerdotali. Hodie ex Rituali Romano, non confertur benedictio quæ dari consuevit intra missam. Ratio autem præcipua hujus disciplinæ desumenda est ex jam dictis, inprimis juxta BENEDICTUM XIV, de Synod. l. viii, c. xiii, n^o 7, ex defectu sacramenti sensu mox explicato. 4^o Iisdem de causis apud Græcos sæpe bigami non coronabantur. 5^o Tandem, teste S. Hieronymo, bigami minorem Ecclesiæ eleemosynam recipiebant quàm alii.

Prob. 4^a pars, scilicet non lege generali prohibita. 1^o Quoad Ecclesiam Latinam, id satis communiter admittitur, eo quòd nulla lex, nulla auctoritas proferatur quæ talem exhibeat prohibitionem: solummodo citantur quædam Hispaniæ Concilia, sub finem sæculi vii habita, quæ prohibere videntur ne regina viro suo superstes secundum inerat matrimonium; sed illam disciplinam jamdiu abrogatam supponunt auctores. 2^o Quoad Ecclesiam Græcam, quanvis quidam teneant secundas nuptias fuisse quibusdam in locis prohibitas, communius tamen id negant, quia nulla satis expressa affertur auctoritas, et parum verisimile est latuisse hujusmodi legem post canonem Concilii Nicæni contra Novatianos. De tertiis autem nuptiis, graviore adsunt rationes judicandi eas fuisse prohibitas jure ecclesiastico: sunt enim quidam Patres quorum verba in sensu obvio atque proprio illud indicare videntur. Vi autem præsentis disciplinæ, tertiæ nuptiæ non nisi in certis casibus validè contrahi possunt; et a pluribus sæculis, quartæ nuptiæ pro invalidis habentur.

CAPUT III.

DE INDISSOLUBILITATE MATRIMONII.

69. Matrimonium, ut jam diximus, inducit 1° vinculum seu nexum inter conjuges; 2° jus ad usum, seu debitum conjugale; 3° jus ad individuam vitæ societatem et mutua officia. Hinc triplex distinguitur matrimonii dissolutio, seu divortium: 1° *quoad vinculum*, ubi conjuges ita restituuntur libertati, ut novas possint inire nuptias; 2° *quoad torum*, ubi, manente nexu, conjuges liberi sunt a debito conjugali; 3° *quoad habitationem*, quando conjuges sub eodem tecto vivere desinunt. Prima dissolutionis species vulgò apud nos nomine *divortii* designatur: duæ posteriores nomine *separationis* intelliguntur. Quæstio est ergo, utrùm et quatenus matrimonium sub his diversis respectibus sit indissolubile.

Quidquid dicendum occurrit duplici articulo complectemur: agemus 1° de indissolubilitate matrimonii quoad vinculum; 2° de dissolutione quoad torum et habitationem.

ART. 1. *De indissolubilitate matrimonii quoad vinculum.*

70. Expendendum habemus quid generatim statuat lex naturalis aut divina de indissolubilitate matrimonii, et an quasdam exceptiones patiatur ista indissolubilitas etiam sub lege Evangelica. Agemus igitur 1° de indissolubilitate matrimonii generatim spectata; 2° de casu adulterii; 3° de casu, ut aiunt, Apostoli, id est, de matrimonio duorum infidelium, quorum alter christianam fidem amplectitur; 4° de professione religiosa; 5° de dispensatione Summi Pontificis.

§ 1. *De indissolubilitate matrimonii generatim spectata.*

71. Cum hæc quæstio valde affinis sit illi quam supra expendimus de polygamia simultanea, eundem sequemur ordinem.

Hic autem confutandos habemus præsertim Lutherum, qui contendit matrimonium etiam ex lege Evangelica non ita esse indissolubile, quin plures divortii causas admittat; et varios recentiorum temporum pseudo-philosophos, qui divortium exhibent tanquam naturæ consentaneum, et bono sive conjugum, sive societatis moraliter necessarium, ideoque insurgunt adversus religionem Christianam quæ divortium omnimodè reprobatur.

Inter catholicos vix ulla est de jure divino controversia. Quod spectat autem jus naturale, agnoscunt omnes, et facile intelligitur ex dictis, matrimonii indissolubilitatem non esse repetendam ex jure primario; sed de jure secundo major difficultas: quamvis enim fateantur omnes matrimonium ex eo jure habere quamdam indissolubilitatem, in eo sensu quòd ex natura sua non sit contractus ad arbitrium contrahentium sicut alii contractus rescindibilis, sed quamdam exigit firmitatem, nihilominus in controversiam inter eos venit quousque extendenda sit ea firmitas, et præsertim an sit omnino absoluta.

Errores memoratos confutare nostrâ interest præcipuè: simul tamen breviter exponemus quid eligendum videatur inter varias theologorum opiniones.

PROPOSITIO I. — *Indissolubilitas matrimonii, præsertim consummati, ipsimet juri naturali innititur.*

Prob. Illud juri naturali tribuendum, quod postulant 1º æqualitas contractûs; 2º unio conjugum; 3º educatio filiorum; 4º boni mores; 5º pax familiarum. Atqui hæc omnia indissolubilitatem postulant, seu, quod idem est, his omnibus repugnat facultas divortii.

I. Divortium abrumpit *æqualitatem contractûs*. Matrimonium est societas: ergo ut in ea servetur æqualitas, ita debet esse ordinata, ut, si dissolvatur, quælibet pars possit sua bona extrahere, et æqualiter reponi in statu in quo erat antea: atqui illud in matrimonio est impossibile; vir quidem nihil amisit, mulier autem a sua dignitate excidit, et vix aliud quàm suam pecuniam inde asportare valet: notum est enim mulierem jam nuptam, et præsertim

dimissam, despectam esse, et vix invenire qui eam ducere velint.

Et verò vel permittetur viro tantum uxorem dimittere, vel utrique : si 1º, jam non adest æqualitas in contractu ; si 2º, jam illius naturæ derogatur, cum uxor non debeat in virum sic quamdam exercere auctoritatem.

II. Obest quamplurimum *unioni conjugum* : quod multiplici ratione ostendi potest. 1. Quia favet conjugii disparibus, gallicè *mal assortis*. Nihil magis unionem conjugum impedire potest, quam si duo conjuges sibi mutuò non conveniant : porro huc sæpissime adducet divortii facultas : majori enim curâ instituuntur conjugia cum cognoscitur inde conjugum felicitatem aut infelicitatem perpetuam pendere ; dum e contrario infelicis conjugii consecutaria minus cavebuntur, si fas sit illud post aliquod tempus dirumpere. 2. Quia conjugum amorem restringit. In eo præcipuè consistit eorum felicitas, quòd sibi intimè sint conjuncti, et sint cor unum et anima una, sicut sunt una caro ; porro illa animorum conjunctio vix subsistere potest cum divortii facultate : quis enim tam intimè illi adhæreat, qui quolibet instanti potest discedere ? tunc ita datur amor quasi deberet odium succedere, ut ait quidam paganus. 3. Quia leves discordias adauget. Si matrimonium sit indissolubile, timent conjuges ne per discordias gravissimum et intolerabile fiat jugum quod excutere non valent ; dum contrà, concesso divortio, levissimæ discordiæ gravissima evadent jurgia, quia conjuges sibi felicitatem alibi pollebuntur quam hic impossibilem effingent.

III. Facultas divortii multum obest *educationi filiorum*. Certum est infantem indigere utriusque parentis auxilio : satis non est ut a matre enutriatur, nisi adsit cura patris, ad quem præcipuè pertinet educatio moralis, et cujus auctoritas in multis est necessaria : porro ad hoc requiritur ut inter conjuges adsit naturale vinculum, non ad breve tempus, sed diu et per totam vitam ; nam antequam omnium infantum perfecta fuerit educatio, sæpissimè in eo statu sunt illorum parentes, ut jam non sint amplius ad matri-

monium habiles, aut saltem mutuis officiis invicem indigeant; et aliunde si separari possent, perfectâ educatione, quot nascerentur controversiæ ad judicandum quandonam fuerit sufficiens educatio! Ergo, etc.

Et verò utrilibet parentum adhæreant filii, vix possibile est ut ad alterum odio prosequendum multimodè non incitentur, sicque a præstandis pietatis verè filialis officiis non removeantur. Insuper si patri adhæreant, quid non ipsis metuendum ex invidia novercæ? Si verò adhæreant matri, quomodo poterit hæc ferre omnia matrimonii onera? quid præterea ex parte secundi mariti, qui timebit ne, ob ipsorum curam, proprii filii negligantur? Ergo utrinque multa et gravia mala filiis imminet. Ergo, etc.

IV. *Facultas divortii in morum depravationem vergit.*

1. Quia matrimonium vertit in concubinatum. Quis enim pro palliato concubinato non haberet matrimonium per unum, duos, tres aut quatuor annos duraturum? Porro facultas divortii eundem effectum producit; poterit enim matrimonium abrumpi post unum aut quosdam annos, ut faciliè perspiciet qui attenderit quanta sit hominis inconstantia. 2. Quia dat locum innumeris criminibus. Per eam facultatem laxatur habena cupiditatibus: eò faciliùs adulterio se tradent conjuges, quòd matrimonii dissolutionem sperabunt. Dabitur locus innumeris instigationibus, quas cohiberet matrimonii indissolubilitas. 3. Quia mulierum communitatem potest inducere. Hanc horret natura, hanc nemo hodie excusare ausit: attamen uxor si a marito dimittatur, poterit alteri nubere, et ab isto dimissa, ad priorem redire, et sic pluries: ita mulier quasi communis erit tribus, quatuor, aut pluribus maritis; ergo, etc.

V. *Divortium perturbat pacem familiarum.* Matrimonia varias familias inter se coadunant, aliquando lites et inimicitias extinguunt, et nemo ignorat per hujusmodi fœdera præcipuè efformari et veluti stringi vincula pacis et concordiae inter varia ejusdem societatis membra: porro ex divortio effectus omnino contrarii sequuntur; etenim per divortium mulieri præsertim infamia inuritur, quæ in

Historia de regno de la Chapelle. Paris. 1772. — Histoire de la Monarchie, par M. de la Chapelle. Paris. 1772. — Histoire de la Monarchie, par M. de la Chapelle. Paris. 1772.

totam familiam redundat, et hinc odia et vindictæ privatæ orientur, et maxima mala in societatem.

Hæc sunt præcipua incommoda quæ ex facultate divortii sequuntur : pleraque totius societatis bonum respiciunt; ac proinde prævalere debent incommodis peculiariibus, quæ ex indissolubilitate aliquando experiri possunt quidam privati, qui per hæc inducendi sunt tantum ad matrimonia magis cautè et prudenter instituenda. Hinc non mirum quod, apud eos etiam populos quibus lex permittebat divortium, huic semper inusta sit quædam ignominia in existimatione communi, ut ex variis historiæ monumentis constat.

72. Dixi in propositione : 1° *Matrimonii præsertim consummati*, quia pro eo præcipuè militant rationes allatæ. Attamen quædam respiciunt etiam matrimonium ratum; unde in utroque ad jus naturale indissolubilitatem refert BENEDICTUS XIV, q. 546, n° 33.

Dixi 2°, *Innititur juri naturali*; quæ verba in omni theologorum sententiâ vera sunt, et sufficiunt ad obtinendum scopum quem præcipuè a nobis intentum diximus.

Ut autem exponamus quousque sint urgenda, seu quatenus indissolubilitas matrimonii præcepta sit jure naturali, libenter distinguemus inter divortium auctoritate privatâ, et auctoritate publicâ : prius iudicamus juri naturali contrarium, quia tot et tanta sunt illius incommoda, et tam proximè ex illa facultate semel concessâ consequuntur, ut juri naturali repugnare faciliè concipere debeat, ut nobis videtur, qui illa omnia perspexerit, et attenderit hæc esse inspicienda moraliter, seu prout, positis hominibus ut sunt, solent accidere. Quoad posterius autem, major adest difficultas, quia concipitur per publicam auctoritatem ita posse restringi et ordinari divortii facultatem, ut tollantur aut minuantur quædam ex allatis incommodis : unde non ita apertè auderemus pronuntiare. Cæterum sive indissolubilitas matrimonii dicatur ex jure naturali, sive non, magni non est momenti, cum sit satis aperta lex divina, quæ omnes obligat, et de qua nunc dicendum habemus.

73. PROPOSITIO II. — *Matrimonium ex primæva Dei institutione est indissolubile.*

Prob. Ita omnes theologi catholici. 1° *Ex illius institutionis historia*, Genes. II, 18 et seq. Eva formatur ex ipsomet corpore Adami; inde agnoscit Adamus quid Deus

per hæc designare voluerit, et concludit, non solum pro se, sed pro futuris in posterum matrimoniis, per verba quibus magis expressa adhiberi nequeunt ad indicandum quam arcta et firma debeat esse illa unio: *Hoc nunc os ex ossibus meis*, etc. Porro hæc ab Adamo non nisi Deo inspirante prolata esse constat ex ipsius Christi testimonio. Ergo, etc. 2° *Ex verbis Christi*. Magis expressa desiderari non possunt. Etenim *Matth.* xix, 3 et seq., et *Marc.* x, 4 et seq., relatis verbis Adam, apertè concludit: *Quod ergo Deus conjunxit, homo non separet*. Cùmque reposuissent Judæi Moysem mandasse dare libellum repudii, statim respondet: *Ab initio non fuit sic*. Ergo, etc. 3° *Ex Concilio Tridentino*, cujus verba protulimus (n° 1): « Ma-
 » trimonii perpetuum indissolubilemque nexum primus
 » humani generis parens divini Spiritus instinctu pronun-
 » tiavit, cùm dixit: *Hoc nunc os*, etc. » Ergo, etc.

74. PROPOSITIO III. — *Matrimonium sub lege mosaica dissolvi poterat per libellum repudii, non solum in foro externo, sed etiam in foro conscientie, non tamen sine certis limitationibus.*

Prob. 1^a pars, de qua nulla potest esse difficultas, nempe pro foro externo. Legitur *Deuteron.* xxiv et seq.: « Si acceperit homo uxorem, et habuerit eam, et non
 » invenerit gratiam ante oculos ejus propter aliquam fœ-
 » ditatem, scribet libellum repudii et dabit in manu illius,
 » et dimittet eam de domo sua. Cùmque egressa alterum
 » maritum duxerit, et ille quoque oderit eam, dederitque
 » ei libellum repudii, et dimiserit de domo sua, vel certò
 » mortuus fuerit, non poterit prior maritus recipere eam
 » in uxorem, quia polluta est et abominabilis facta est
 » coram Domino. » Porro ex his verbis intelligitur Moysem concessisse, aut concessam supposuisse facultatem repudii, quo ipsum matrimonii vinculum dissolvebatur, saltem in foro externo. Illud constat tum ex ipso nomine divortii; tum ex verbis legis, quæ apertè supponunt uxorem posse alteri viro nubere; tum ex eo quòd *Levitic.* xxi, 7, prohiberetur sacerdotibus uxorem repudiatam ducere,

quod supponit aliis fuisse licitum; tum denique ex praxi constanti Judæorum.

Prob. 2^a pars, de qua est tota difficultas, nempe quoad *forum conscientiae*. De ea dissentiunt inter se Patres: dissentiunt et theologi. Non desunt qui putent meram fuisse tolerantiam: ita ESTIUS, SYLVIVS, et alii, præsertim ex antiquis, apud quos hanc fuisse opinionem communiorum testatur BELLARMINUS, l. I, c. XVII, *obj.* 14. Alii tamen, ut videtur, longè communius, præsertim inter recentiores, propugnant fuisse veram permissionem; illaque opinio probabilior nobis videtur.

1°. Magis congruit *verbis legis*. Nam 1. divortium vocatur abscissio, ^{divisio}. 2. Qui dimissam ducit vocatur purè et simpliciter maritus, et potest ipse dare libellum repudii; quod soli vero marito competebat. 3. Prior maritus prohibetur recipere in uxorem; quod supponit jam non fuisse uxorem.

2°. Magis congruit *interpretationi Judæorum*. Nam 1. habemus interpretationem quasi practicam Prophetarum: dum enim Judæis exprobrant crimina longè minora, non videmus quòd unquam exprobraverint secunda illa matrimonia*, quæ, in adversariorum sententia, fuissent verè adulterina, et quæ satis frequentia fuisse constat. 2. Adest etiam auctoritas ecclesiæ Judaicæ, etiam tempore quo erat vera ecclesia: nam duæ scholæ, Schammai scilicet et Hillel, in hoc consentiebant, et non dissentiebant nisi circa causas.

3°. Magis congruit *rationi et æquitati*. Nam 1. in adversariorum sententia, lex toleravisset adulteria publica: porro, præterquàm quòd illud omnino incredibile est in lege quâ adeò severè puniebatur adulterium, nulla assignari posset hujus dispositionis ratio sufficiens: nam ex una parte, mariti cui licita erat polygamia, nihil intererat an uxor dimissa posset denuo nubere, necne; eà quoad thorum et habitationem dimissâ, consequebatur maritus quicquid optare poterat: ex altera parte, vitæ uxoris satis consulebatur per separationem a toro et domo mariti. 2. Iniquissima sanè fuisset mulierum conditio: cùm enim

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

mulieri non liceret plures viros habere, repudiata debuisset perpetuò se continere, vel fieri adultera: porro vix credibile est legem Mosaicam voluisse repudiatas ad perpetuam continentiam obligare, præsertim cum verisimiliter non rarò absque sua culpa repudiarentur, eo quòd casus repudii non essent in lege modo certo et inconcusso determinati. 3. Vir prohibebatur uxorem denuo recipere: porro in adversariorum sententia, difficillimè explicatur illa prohibitio: esto cnim quòd non teneretur recipere repudiatam a secundo marito; at non debuisset prohiberi, cum sæpe ad id compellere posset charitas, ne infausta mulier, et facti forsàn pœnitens, in perpetua peccandi occasione relinqueretur. Ergo, etc.

Dixi *non tamen sine certis limitationibus*: facultas enim divortii non omnibus erat concessa, nec qualibet de causa, variisque erat formalitatibus adstricta, et cautionibus munita.

75. I. *Non omnibus* concedebatur facultas divortii. Sic 1º non concedebatur uxori erga maritum: ita sequitur ex ipsismet verbis legis, et constanter intellexere Judæi. Ita meritò statuit Moyses: tum quia sic servatur ordo a Deo constitutus in matrimonio, ex quo uxor auctoritatem non debet exercere in maritum: tum quia ideo, ut advertunt auctores, Moyses permisit aut toleravit facultatem divortii, quia alioquin sæpe magnum periculum, ipsius aliquando vitæ, subiisset uxor ex immanitate mariti: porro illa ratio non militabat ex parte uxoris, cui satis providebatur permissa separatione quoad torum et habitationem; igitur, ultrà non progrediens Moyses, servavit, quantum potuit, primævam matrimonii institutionem; tum demum quia mulieres multò facilius abusæ fuissent illà licentiâ, quàm viri, qui, cum plures uxores ducere possent, mœrorem de una conceptum poterant alterius solatio lenire. Sic 2º ipsi viro non mittebatur divortium, quando injustè accusaverat uxorem quòd eam non invenisset virginem, *Deuteron. xxii, 19*; vel quando ante matrimonium cum ea commercium habuerat. *Ib. 29.*

II. *Non qualibet causâ.* Quænam autem esset illa causa, non satis constat: illud pendet a sensu qui tribuitur illi verbo Deuteronomii, *aliquam fœditatem*: per hoc designari aliquid turpe ex omnibus versionibus constat; sed scindebantur doctores Judæi: quidam intelligebant solùm libidinem seu impudicitiam; quidam verò putabant comprehendere multa alia minùs gravia, et intelligendam esse fœditatem non solùm moralem, sed et physicam. Prævaluisse videtur hæc posterior opinio ultimis præsertim temporibus. Hinc frequentius factum est di-

vortium; sed contra mentem legis, quæ certissimè exigebat causam gravem, et contra reclamaciones Prophetarum.

III. *Variis formalitatibus* adstricta erat facultas divortii. Scilicet 1. vir dimittens uxorem scriptum tradere debebat libellum repudiî: in eo sensu, dicitur in Evangelio Moysem mandavisse libellum repudiî. Per hanc scripti necessitatem, non solum providebatur statui uxoris, sed et difficilior et rarius evadebat repudium. 2. Plura requirebantur ut valeret ille libellus: decem circumstantias enumerant Rabbini, quæ concurrere debebant, et quæ eò præcipuè tendebant ut etiam ex his difficilior efficeretur illius facultatis usus.

IV. *Variis cautionibus* honestati publicæ lex consulebat. Sic 1. quando secundo matrimonium inierat uxor, prior maritus non poterat eam recipere in uxorem: per hanc cautionem difficilior reddebatur divortium, et providebatur honestati publicæ; alioquin prior maritus videri potuisset uxorem suam alteri quasi commodasse. 2. Uxor quæ novum inierat matrimonium, contrahebat impuritatem legalem; ita deducitur ex textu Deuteronomii jam allato, et ex *Jeremia* III, 1: verum illa impuritas non erat absoluta, nec impediēbat quin uxor, dimissa a secundo marito, vel eo mortuo, posset alium ducere; sed respiciebat tantum priorem maritum.

76. Superest ut ad solvendas alterius opinionis difficultates, et quæstionem apertius enucleandam, quædam observemus.

1º. Uxor repudiata, quæ ducit alterum virum, dicitur quidem in textu Deuteronomii *polluta et abominabilis coram Domino*. Verum illa verba quidam intelligunt de pollutione legali tantum, et quidem respectu solius prioris mariti. Alii probabilius dicunt eum esse sensum, ut abominatio sit uxorem redire ad priorem maritum, propter rationes jam indicatas: in textu enim primigenio et antiquis versionibus legitur: *Quia abominatio hoc est coram Domino*.

2º. Eodem sensu intelligi potest *Jeremias*: nihil disertè pronuntiat de divortio; sed ex eo quod viro non liceret uxorem recipere, arguit quanta sit Dei benignitas, qui recipit populum qui fornicatus erat, id est, coluerat deos alienos.

3º. *Malachias*, II, 13 et seq. contra eos invehitur qui *despiciunt uxorem pubertatis suæ*, et ait: *Uxorem adolescentiæ tuæ noli despiciere. Cum odio habueris, dimitte, dicit Dominus Deus Israel: operiet autem iniquitas vestimentum ejus*. Per hæc verba, non reprobat propheta divortium præcisè in se, sed quale fiebat, scilicet temerè et absque causa, ad ducendas uxores alienigenas, quas designat in versibus præcedentibus per hæc verba *filiam dei alieni*. Imò, juxta eruditissimos interpretes, hic non agitur præcisè et directè de divortio, sed propheta invehitur in Judæos qui ad servitutem redigebant, seu ad meræ ancillæ ordinem, uxorem juventutis suæ, ut ducerent uxorem alienigenam; quasi diceret: Si vobis displicet prior uxor, potius dimittite eam; hoc erit minus malum, et ipsa feret insignia injustitiæ vestræ, si dimittitis sine causa; sed nolite eam despiciere, a suo ordine dejiciendo.

4º. Ait quidem *Christus* Moysem non permisisse divortium nisi ad

duritiâ cordis: sed inde non sequitur non fuisse verè permissum. Indicat tantùm divortium esse quid minùs perfectum, et primævæ matrimonii institutioni minùs consentaneum; ideòque Moysem hanc facultatem non concessisse, nisi ut se accommodaret eorum infirmitati et duritiæ cordis, ad vitanda scilicet majora mala.

Observandum denique non constare apud auctores, an ea permissio respiceret ipsos Gentiles, apud quos divortium in usu fuisse certum est. Ipsi licitum fuisse negant multi, eo quòd de hac dispensatione nihil expressum exstet in sacris litteris. Verùm observant alii, non magis quid expressum exstare circa polygamiam, quam tamen ipsis Gentilibus permissam jam (nº 64) diximus: unde idem hic dicendum probabiliter judicant. Quidquid sit, certum satis est divortium, quale vigeat apud varios populos, plerùmque fuisse illicitum, eo quòd fieret sine gravi causa, et eo modo qui multa secum afferebat incommoda.

77. PROPOSITIO IV. — *Sub lege evangelicâ, matrimonium saltem consummatum, in christianis ita est indissolubile, ut nullâ auctoritate humanâ dissolvi possit.*

Prob. 1º Ex verbis Christi. Legantur illius verba

Matth. v, 31, et xix, 3 et seq.; Marc. x et seq.;

Luc. xvi, 18, et manifestum fiet ipsum statuere matri-

monii indissolubilitatem. Nam 1. asserit matrimonium ab initio fuisse indissolubile, et divortium non fuisse a Moyse permissum nisi ob duritiâ cordis; et postea illud revocat ad primævam institutionem. 2. Declarat eum esse adulterum qui uxorem dimittit, vel dimissam ducit; quod verum esse nequit nisi matrimonium sit indissolubile. Verba Christi sunt absoluta apud S. Marcum et Lucam; in S. Matthæo autem, ad summum paterentur exceptionem in casu adulterii, quod non impediret legem generalem. Ergo, etc.

2º *Ex S. Paulo.* 1 Cor. vii, 10, in allatis Christi verbis agnoscit matrimonii indissolubilitatem: iis qui matrimonio juncti sunt, *Præcipio non ego, sed Dominus, uxorem a viro non discedere: quòd si discesserit, manere innuptam.* Et postea, 39, *Mulier alligata est legi, quanto tempore vir ejus vivit.* Demùm Rom. vii, 2 et seq. *Mulier, vivente viro, vocabitur adultera si fuerit cum alio viro.* Verba illa sunt omnino generalia, nec ullâ explicatione indigent.

3º *Ex traditione.* Innumera afferri possent SS. Patrum

et ecclesiarum statim pòst propositis: Sub lege evangelicâ, matrimonii indissolubilitatem restituit et confirmant Christiani.

testimonia, quæ collegit GIBBER, t. III, p. 22 et seq. Adnotare sufficiat, 1. si excipiat casus adulterii, Patres esse unanimes in eadem sententia : porro hoc nobis nunc sufficit; 2. plurimos ex iis, leges quæ in certis casibus repudium permittebant, eo modo insectatos esse, qui planè ostendit quàm certò tenerent matrimonium esse indissolubile.

Hinc Concilium Tridentinum illud expressè statuit *sess. XXIV*, tum in *Doctr. de sacram. matrim.* : « Matrimonii » perpetuum indissolubilemque nexum primus humani » generis parens divini spiritûs instinctu pronuntiavit..... » Christus..... ejusdem nexûs firmitatem.... his verbis » confirmavit : *Quod Deus conjunxit, homo non separet*; » tum can. 5 : « Si quis dixerit, propter hæresim, » aut molestam cohabitationem, aut affectatam absentiam » a conjugè, dissolvi posse matrimonii vinculum, anathema sit. »

Dixi 1° *saltem consummatum*, quia non desunt auctores qui contendant matrimonio tantùm rato non competere perfectam indissolubilitatem.

78. Quomodò ad id deducti sint intelligitur ex iis quæ dicemus circa dissolutionem matrimonii rati per professionem religiosam. Nittuntur autem 1. verbis legis divinæ, quibus statuitur indissolubilitas eo quòd conjuges sint duo in carne una. 2. Ex motivis legis. Motiva quæ præcisè jus divinum spectant, desumuntur ex eo quòd matrimonium sit signum unionis Christi cum Ecclesia : porro duplex distinguitur unio Christi cum Ecclesia, altera physica per incarnationem, altera moralis per gratiam : jam verò prior non repræsentatur per matrimonium ratum, sed solùm per consummatum; posterior autem, licèt firma et indissolubilis ex parte Christi, potest abrumpi ex parte animæ fidelis per peccatum mortale. 3. Ex SS. Pontificibus et SS. Patribus, qui præcipuè repetunt indissolubilitatem ex eo quòd conjuges sint una caro, id est, ex consummatione; sicque innuunt eà seclusà non esse omnino indissolubile.

Attamen dicendum videtur, cum communiori sententia, matrimonium, etiam non consummatum, esse indissolubile ex jure divino. Probari potest 1° ex institutione matrimonii. Verba allata protulit Adamus, etiam ante consummationem matrimonii, cujus firmitatem concludit ex eo quòd Evaeducta sit de ejus corpore, *Hoc nunc os....., propter hoc....* 2° Ex lege Christi. Christus, *Matth. XIX, 4*, ex creatione et matrimonio Adami et Evæ deducit matrimonii firmitatem : *Non legistis... propter hoc...* Loquitur quidem de consummatione,

sed non tanquam de firmitatis principio, sed potius consecratio. 3° Ex S. Paulo. *Rom. viii*, 2, 3, loquitur absque ulla restrictione: item 1 *Cor. vii*, 3 et 10; supponit tantum jus in corpora, quod per contractum acquiritur, non per consummationem, cum usus jus necessarii supponat. 4° Ex SS. Patribus: multi loquuntur generatim absque ulla restrictione; ideo autem saepe mentionem faciunt de consummatione, quia saepius consummari contingit. Multi quoque eas rationes indissolubilitatis asserunt quae conveniunt etiam matrimonio non consummato: v. g. quod Eva educta sit e corpore Adami; quod uterque conjux jus habeat in corpus alterius; quod Deus unum tantum hominem, unamque mulierem creaverit, antequam matrimonium institueret, etc. Hinc BENEDICTUS XIV, q. 546, n° 35, asserit matrimonium ratum, juxta veriore sententiam, esse indissolubile ex jure divino.

Dixi 2°. *In Christianis*, quia docent quidam theologi matrimonium infidelium etiam consummatum ab Ecclesia, sive S. Pontifice, dissolvi posse. Sed alii id negant: nec videmus SS. Pontifices hanc potestate unquam usos fuisse (v. P. M. n° 277).

Dixi 3°. *Ut nullâ auctoritate humanâ...*, quia cum ista lex non fundetur jure naturali primario, Deus potuit ei apponere quasdam exceptiones; utrum autem reipsa apposuerit, intelligetur ex dicendis in paragraphis sequentibus.

Solvuntur objectiones.

79. *Obj. 1. Ex legibus et usu variorum saeculorum.* 1° Plures christiani imperatores, ut Constantinus, Theodosius, etc., leges tulerunt quibus permittebatur aut permissa supposebatur conjugum separatio, etiam quoad vinculum. 2° Leges haud absimiles adhuc vigeant in Galliis octavo saeculo, ut patet ex formulis Marculphi, inter quas reperitur formula divortii. 3° Iis autem legibus non est dubium plures praxim suam accommodasse: sic circa finem saeculi quarti Fabiola, viro ob depravationem repudiato, ad alias nuptias convolvit. 4° Sic ipse Carolus Magnus, qui ut sanctus in pluribus ecclesiis colitur, dimissis duabus uxoribus viventibus, tertiam duxit. Ergo dici nequit legi divinæ repugnare divortium.

R. Nec per leges humanas, nec per exempla quaecumque, infirmari posse legem divinam, quâ indissolubile statui matrimonium invictè ostendimus. Unde

Ad I. 1° Varias illas leges nunquam approbavit Ecclesia; imò adversus illas reclamârunt SS. Doctores. Earum occasione dicebat S. HIRONYMUS: *Aliæ sunt leges Caesarum, aliæ Christi: aliud Papinianus, aliud Paulus noster præcipit.* Eodem sensu locuti sunt S. AMBROSIIUS, S. AUGUSTINUS, S. GREGORIUS MAGNUS, NICOLAUS I, etc. 2° Ple-

ræque ex illis legibus, ex parte imperatorum christianorum, erant ex mera tolerantia: non existimârunt illi principes posse, absque graviore incommodo, statim penitus aboleri consuetudinem longo usu firmatam: quapropter in foro externo malum illud, sicut plura alia, metu mali gravioris, tolerârunt; sed exinde contra legis divinæ existentiam nihil concludi potest.

Ad II. In formula Marculphi, dicitur locum esse repudio *probatis causis*, sed non explicatur quænam sint illæ causæ: nil obstat quin dicatur eas fuisse aliquod impedimentum dirimens, matrimonio præ-existens. Si aliter intelligenda videatur dicta formula, huic applicandum quod mox dicebamus; forum externum tantum et civile respiciebat.

Ad III. Varia exempla nihil probant contra regulam. Aliunde multo alio modo possunt explicari. Fabiolam redarguit S. Hieronymus, et eam Romæ, propter illud factum, publicam egisse pœnitentiam testatur.

Ad IV. Non constat apud eruditos qualis præcisè fuerit agendi ratio Caroli Magni: illud pro certo tenendum, vel non nisi successivè eum plures habuisse uxores, unam scilicet post alterius mortem; vel priorem aut priores fuisse ab eo dimissas, propter aliquod impedimentum ante matrimonium existens; vel demum, si aliter egerit, maculam esse in vita celeberrimi illius imperatoris, quam pœnitentiâ eluisse persuasum habent ecclesiæ quæ eum ut sanctum venerantur.

Obj. 2. Ex usu Poloniæ. In provinciis Polonorum catholicis, quotidie, videntibus et annuentibus episcopis, dissolvuntur matrimonia et nova contrahuntur, non tantum propter adulterium, sed ex variis aliis causis; illud est factum satis notorium: ergo apud ipsos Catholicos licet in dubium revocare indissolubilitatem matrimonii.

R. 1. Etiam si divortium frequens esset apud Polonos, nihil exinde concludi posset, quia non probatur locum habere sciente et approbante, aut saltem non improbante Ecclesiâ; unde essent penitus deserendi, et prout varias causas divortii admitterent, de iis ferendum esset iudicium, secundum canones V et VII Concilii Tridentini.

R. 2. Prorsus falsum est Polonos catholicos admittere facultatem divortii, et in hoc a cæteris Catholicis dissentire. Nam 1º nulla citatur auctoritas quæ illud ostendat; 2º in contrarium multa citantur apud auctores testimonia scriptorum omnimodâ fide dignorum; 3º quamvis non necessarium, facili tamen assignari potest quid dare causam potuerit huic allegationi: multiplex affertur. Prima hæc est: cum plurimi Judæi, Protestantes, et Græci schismatici, qui divortii legem sequuntur, permixti degant cum catholicis, facili evenire potuit ut viatores, sæpius non ita cauti, omnibus, etiam Catholicis, idem adscriberent. Secunda est, quod sæpe prætenduntur et facilius pronuntiantur matrimonii nullitates; quod oritur potissimum, sive quia non satis observatur decretum Concilii Tridentini de promulgatione bannorum et de præsentia proprii parochi, quod facile eludunt multi ob domiciliorum pluralitatem; sive ex allegatione metûs sub quo initum prætenditur matrimonium. Abusus illos graviter reprehendit, hisque mederi conatus est

cludi potest. 1^o Quia, licet ea verba, *nisi ob fornicationem*, referrentur ad ea quæ subsequuntur, quemadmodum ad ea quæ præcedunt, non ideò omnino confecta res esset: nil enim absolutè vetat dicere cum S. AUGUSTINO, l. I, de *Adulterin. conjug.* c. IX, n^o 9, hæc verba intelligenda esse negativè, non exceptivè, adeò ut sensus sit: *Qui ducit uxorem dimissam propter aliam causam quàm fornicationis, mæchatur; de eo autem qui ducit dimissam ob fornicationem, nihil pronuntio.* 2^o Sed prorsus ruit difficultas, si illa exceptio possit restringi, et referri tantum ad ea quæ præcedunt: hoc enim posito, licitum quidem erit dimittere uxorem adulteram, sed non ideò novum iniri poterit matrimonium, et prius stabit semper quoad vinculum: atqui reipsa potest, imò et debet. 1. *Ex ipsismet textibus* qui objiciuntur. Satis patet in priori textu, v, 32, in quo exceptio respicit dimissionem, non verò novum matrimonium. Quamvis autem de altero, XIX, 9, non ita apertum sit, potest tamen ostendi: nam ibi sunt duo ejusdem phrasis membra; igitur si particula exceptiva utrumque afficeret, poni debuisset post utrumque; cùm ergo ponatur post primum, ad illud restringenda est, juxta regulas sermonis, ut multis exemplis ostendi posset. 2. *Ex aliis textibus* Scripturæ. Ad summum dici potest textum S. Matthæi esse obscurum et ambiguum: jam verò hoc posito, debet explicari per textus aliorum Evangelistarum, et S. Pauli, qui sunt omninò clari: isti nullam restrictionem apponunt; eam tamen omittere non debuissent, alioquin lectores in errorem inducerent, præsertim cùm ii qui illorum opera legebant sæpe S. Matthæum non legerent, qui hebraicè, et præsertim pro Judæis scripserat. 3. *Ex ratione et æquitate.* Ut ratiocinatur BELLARMINUS, in sententia adversariorum, dicendum esset mulierem dimissam propter adulterium posse inire novum matrimonium, non posse verò injustè dimissam: porro illud vix admitti potest; hinc enim melior efficeretur conditio adulteræ, quàm innocētis; et exinde conjuges quibus grave videretur matrimonii jugum, excitarentur ad adulteria committenda. Illud reipsa

confirmat experientia, in locis ubi viget divortium adulterii causâ, ut in Anglia.

II. *Ex traditione.* Eam inspicere possumus tum quoad priora Ecclesiæ sæcula, tum quoad posteriora.

1°. *Quoad priora sæcula*, ne singulos textus sigillatim expendamus, rem conficiemus quibusdam observationibus. Itaque, comparatione institutâ inter SS. Doctores quos allegant adversarii, et eos qui nobis apertè favent, contendimus multiplici ratione anteponendum esse testimonium eorum qui nobiscum sentiunt. Nam 1. si numerus spectetur, longè pauciores citant adversarii, qui non nisi quinque aut sex cum quâdam verisimilitudine sibi vindicare possunt. 2. Si auctoritas attendatur, pro nobis stant SS. Augustinus, Hieronymus, Ambrosius, Chrysostomus, Gregorius Nazianzenus, et alii celebriores, simul et antiquiores, ut Hermas, Athenagoras, S. Justinus: ex parte adversariorum, Tertullianus, Lactantius, SS. Epiphanius, Asterius, et ad summum S. Basilius, cujus tamen mens valde incerta evadit, si varia illius testimonia invicem conferantur. 3. Si rerum adjuncta perpendantur, animadverti potest, leges imperiales errandi causam his præbuisse qui pro matrimonii dissolutione stare visi sunt; nil vero simile nostris objici posse.

Idem, proportionem servatâ, dici potest de Conciliis; de quibus illud addimus: quæ adversariis favent, pleraque eodem fere tempore et iisdem in regionibus habita sunt, ac proinde unum duntaxat traditionis ramum expandunt; quæ autem nos afferimus, variis sæculis congregata, variis terrarum tractibus, omnem traditionem quasi repræsentant; ergo, etc. Ergo etiam concedentes adversariis auctoritates quas allegant, causâ vincimus: id unum exinde sequetur, non statim planè eliquatam fuisse præsentem quæstionem; quod in quibusdam aliis accidisse satis notum est.

2°. *Quoad posteriora sæcula*, prorsus inconcussa efficitur nostra sententia. Etenim ad summum ostendent adversarii dubiam esse priorum sæculorum traditionem: in ea hypothesi, interroganda erit posteriorum sæculorum doctrina, et fides Ecclesiæ, ad quam pertinet traditionem

interpretari: porro de hac nulla moveri potest controversia; indicare sufficiat Concilium Florentinum et Tridentinum. Posterius sic loquitur, can. 7: « Si quis dixerit Ecclesiam errare, cum docuit et docet, juxta evangelicam et apostolicam doctrinam, propter adulterium alterius conjugum matrimonii vinculum non posse dissolvi..... anathema sit. » Ubi observandum, Concilium non solum tradere nostram doctrinam, sed duo addere maximi momenti, nempe 1. ita *Ecclesiam docere et docuisse*; ex quo sequitur doctrinam Ecclesiae non exhiberi in iis quæ in sui gratiam allegant adversarii; 2. hanc esse *doctrinam evangelicam et apostolicam*; ex quo deducitur quàm immeritò canonem illum veluti meræ disciplinæ interpretari voluerit Launoius. Ergo quæcumque dubia superesse possent de priorum sæculorum traditione, tolluntur per doctrinam sæculorum subsequentium: ergo 2º ex parte traditionis non adest locus apponendæ exceptionis.

Solvuntur objectiones.

81. *Obj. 1º. Ex Scriptura.* Textus S. Matthæi, præsertim XIX, 9, debet intelligi in sensu Græcorum. Nam responsio Christi convenire debet interrogationi Judæorum; isti autem interrogabant de divortio apud Judæos fieri solito, quod veram matrimonii dissolutionem importabat: ergo Christus non potuit loqui de mera dissolutione quoad torum; aliunde si de hac tantum esset locutus, non dixisset solam causam esse adulterium, cum constet plures alias dari. Ergo, etc.

Rº. Etiam admissâ nostrâ interpretatione, interrogationi Judæorum convenit Christi responsio, cujus hic est sensus et series: interrogatus an liceat uxorem dimittere quacumque ex causa, primum respondet promulgando primævam indissolubilitatis legem, quæ est omnino generalis; Pharisei ipsi opponunt dispositionem legis Mosaicæ de libello repudii; cumque duo includeret libellus repudii, perpetuam ab uxore discessionem, et facultatem ducendi alteram, quoad priorem partem respondet Christus non licere nisi ob fornicationem; quoad posteriorem, nunquam

Handwritten notes:
 Rº. Etiam admissâ nostrâ interpretatione, interrogationi Judæorum convenit Christi responsio, cujus hic est sensus et series: interrogatus an liceat uxorem dimittere quacumque ex causa, primum respondet promulgando primævam indissolubilitatis legem, quæ est omnino generalis; Pharisei ipsi opponunt dispositionem legis Mosaicæ de libello repudii; cumque duo includeret libellus repudii, perpetuam ab uxore discessionem, et facultatem ducendi alteram, quoad priorem partem respondet Christus non licere nisi ob fornicationem; quoad posteriorem, nunquam

licere. Ideò autem in priori parte, solam allegat fornicationem, 1° quia hæc est sola causa ex se perpetua, utpote fidem conjugalem solvens; porro de hujusmodi causa loquebantur Judæi, qualis nempe oriebatur ex libello repudii: 2° quia hæc est unica ratio peculiaris matrimonio ut tali; aliæ enim conveniunt cuilibet societati, adeò ut propter illas possit filius a patre, frater a fratre, etc. discedere.

Obj. 2° longum catalogum auctorum, sive Latino-
rum, sive præsertim Græcorum, quem texit Launoius, qui plus minùsve expressè docuerunt matrimonium adulterii causâ dissolvi posse.

R. Nostri non est propositi hunc tædiosum, ut vocat *TOURNELY*, catalogum percurrere, et singula testimonia discutere, de quibus videri possunt *TOURNELY*, *COLLET*, *DROUIN*, etc. Quædam indicare principia satis erit. 1° Quidam textus fuerunt a Launoio adulterati; 2° quorundam suspecta est integritas seu authenticitas; 3° multi SS. Patres intelligi possunt et debent de dissolutione quoad torum, nec proinde nobis adversantur; 4° quidam loquuntur de licentia secundi matrimonii, non ex Evangelio, sed ex lege civili; 5° quidam varias agnoverunt causas priorem deserendi conjugem et ad novas nuptias convolandi; sed illæ causæ, in eorum mente, erant impedimenta dirimentia quæ matrimonium præcesserant; 6° quidam supponunt, aut saltem supponere dici possunt mortem prioris conjugis; 7° tandem si qui supersint, qui nullo ex indicatis principiis explicari possint, nihil exinde concludi potest, nisi quòd quæstio foret eorum tempore adhuc obscura, et nondum planè eliquata: nihil autem inde contra nos, ut patet ex dictis in probatione.

82. PROPOSITIO II. — *Indissolubilitas matrimonii, in casu adulterii, non fuit a concilio Tridentino definita tanquam de fide catholica.*

Antequam adstruamus illam propositionem, opportunum erit quædam prænotare.

1° Notandum cum *MONTAGNE*, de *Opere sex dierum*, *appendix*, distinguendum esse inter fidem divinam seu

theologicam, et fidem catholicam : aliquid dicitur de fide divina, eo ipso quòd revelatum est et continetur in Scriptura, quia eo ipso propter auctoritatem Dei credendum est : dicitur verò de fide catholica, quod non solum revelatum est, sed proponitur ab Ecclesia credendum ut in se et immediatè revelatum. Qui prius negat, reus est sanè, imò dici potest hæreticus in foro Dei, si veritas illi satis innotescat ; sed non est purè et simpliciter hæreticus, seu in foro Ecclesiæ, sed tantum qui posterius. Igitur, ut aliqua propositio sit de fide catholica, seu ut illius contradictoria sit hæretica, tria requiruntur : 1. ut sit immediatè et in se revelata ; 2. ut sit ab Ecclesia definita ; 3. ut ab Ecclesia proponatur tanquam de fide divina, seu tanquam immediatè revelata.

Not. 2º cum *Theolog. Nanceiensi*, p. 101, vocem illam *error* alio sensu sumi a philosophis, alio a theologis : apud philosophos indicat quodlibet falsum iudicium ; apud theologos verò, indicat propositionem quæ sit revelationi clarè et certò opposita, et ut talis a Christo vel Ecclesia reprobata.

His prænotatis, adstruimus nostram propositionem cum eodem theologo Nanceiensi. 1º *Ex iis quæ præcesserunt* canonem Tridentinum. Juxta PALLAVICINUM, *Hist. Concil. Trid.* l. XXII, c. IV, nº 27, canon fuerat ita adornatus, ut eum anathemate percuteret qui diceret matrimonia consummata ob adulterium dissolvi ; deinde verò reformatus est, qualis nunc exstat, postulantibus Venetis oratoribus, qui observârunt Græcos, licet matrimonia dissolverent, non fuisse anathemate damnatos : ergo in mente Concilii fuit, ut nota hæreseos opinioni Græcorum non inureretur. 2º *Ex ipsomet canone*. Anathema inuritur tantum ei qui diceret *Ecclesiam errare, cum docet...* atqui exinde non deducitur propositionem esse de fide catholica. Nam 1. aliud est dicere adulterio dirimi matrimonium, aliud Ecclesiam errare cum docet contrarium, ut constat ex prænotatis : anathema non incurreret qui questionem haberet ut dubiam, et suam sententiam propugnaret ut opinionem. Igitur, ut visum est oratoribus Venetis, canon ille anathema

infligit tantum temerariis vituperatoribus Ecclesie, quae optimis nixa fundamentis, eam doctrinam, tametsi non tanquam fidei dogma, tradit. 2. Licet asserat canon Ecclesiam docere *juxta evangelicam et apostolicam doctrinam*, non statim sequitur illud ad ipsam fidem de qua loquimur pertinere; ut enim aliqua propositio juxta evangelicam doctrinam doceatur, minimè necessum est ipsam in revelatione immediatè contineri, sed satis est si ex revelatione, ope ratiocinii, per consequentiarum seriem deducatur: atqui talis propositio non est propositio fidei catholicæ. Ergo nihil est in canone, etc. 3°. *Ex agendi ratione Ecclesiae post Concilium*. Si credidisset hunc articulum esse de fide catholica, post Concilium Græcos sibi subjectos, tanquam hæreticos, e sinu suo eiecisset, nisi suam opinionem abjicerent: porro nihil tale egit, quamvis vehementer reprehenderit, præsertim in insulis Italiae adjacentibus. Hinc BENEDICTUS XIV in sua constitutione *de Dogmatibus et ritibus ab Italo-Græcis tenendis atque servandis*, § VIII, n° 3; *Bullar.* t. 1, *Const.* LVII, non exigit ut opinionem suam abjurent tanquam hæresim.

§ 3. *De matrimonio inter duos infideles, quorum alter ad fidem christianam convertitur.*

83. Si post matrimonium validè initum, uterque ad fidem convertatur, certum est matrimonium non dissolvi, quia, ut ait INNOCENTIUS III, cap. *Gaudemus*, VIII, *de Divortiis*, *Per sacramentum Baptismi non solvuntur conjugia, sed crimina dimittuntur*; sed quæstio respicit casum quo unus tantum convertitur. Huic locum dedit textus S. Pauli, 1 Cor. VII, 12 et seq.: *Cæteris ego dico, non Dominus: si quis frater uxorem habet infidelem, et hæc consentit habitare cum illo, non dimittat illam.... Quod si infidelis discedit, discedat: non enim servituti subjectus est frater aut soror in hujusmodi; in pace autem vocavit nos Deus*. Hinc quæstionem illam vocant multi canonistæ *Casum Apostoli*.

Docuerunt communissimè theologi et canonistæ, post INNOCENTIUM III, cap. *Quanto*, VII, *de Divortiis*, et quos-

dam alios SS. Pontifices, matrimonium dissolvi posse, si pars quæ remanet in infidelitate nolit conversæ parti cohabitare, aut non nisi cum contumelia creatoris, vel pertrahendo ad peccatum.

Cùm autem illa quæstio maximo animorum æstu agitata fuisset an. 1758, occasione Judæi conversi, cui nomen Borach Levi, contra matrimonii dissolutionem pronuntiavit Senatus Parisiensis, sed forsàn, juxta quosdam auctores, ob rationes casui peculiares. Eâ occasione, plura prodierunt scripta contra communem theologorum doctrinam, pleraque auctoribus jansenianis (v. P. M. 256): quorum multa damnata fuere Romæ, in Indice librorum prohibitorum. Contra eos sit

PROPOSITIO. — *Conjux conversus potest dissolvere matrimonium in infidelitate contractum, si alter infidelis nolit cum eo cohabitare, aut non nisi cum contumelia Creatoris, vel pertrahendo ad peccatum mortale.*

Prob. Illa sententia tenenda est, quæ gravi Scripturæ momento innixa, nec traditionis auctoritate omnino destituta, invictè adstruitur praxi Ecclesiæ: atqui, etc.

I. Gravi Scripturæ momento nititur, nempe textu jam allato S. Pauli. Nam 1º Apostolus ibi concedit facultatem matrimonium dissolvendi quoad vinculum, et non tantum quoad torum et cohabitationem: quod deducitur ex tota serie textûs. S. Paulus scribens ad Corinthios mox conversos e gentilibus apud quos permittebatur divortium, nec vigeat simplex separatio, purè et simpliciter dicit, loquendo de infideli, *Si discedit, discedat*, dum ubi loquitur de fidei, ait, *Quòd si discesserit, manere innuptam*; nullam quoque restrictionem apponit his verbis, *Non est subjectus servituti*: porro hæc omnia naturaliter debuerunt intelligi de dissolutione matrimonii quoad vinculum. Etenim ex his, et ex toto contextu clarè patet Apostolum velle infideli converso aliquod privilegium concedere, et quidem quod non concedit nuptis post baptismum: atqui nisi ageretur de dissolutione vinculi, privilegium non concederet: tum quia Apostoli declaratione opus

non erat, ut agnosceretur eum liberari a cohabitatione quæ sit ipsi impossibilis ; tum quia, in adversariorum sententia, gravissimo potius oneri subjaceret, cum cogeretur vel invitatus ac immeritus ab usu conjugii abstinere. Pariter nihil peculiare concederet neophyto : nam profectò apud fideles, quando unus e conjugibus non vult cohabitare, alter non tenetur ad cohabitationem. Ergo, etc. 2º Hanc facultatem concedit Apostolus pro triplici casu assignato : ita S. Paulum explicant INNOCENTIUS III, BENEDICTUS XIV, et omnes theologi, et meritò quidem : nam duo ultimi casus includuntur in primo ; in his enim pars infidelis discedit moraliter, si non physicè, cum optimè sciat aut scire debeat fidelem non posse cohabitare cum tanto conscientie cruciatu. Ergo, etc.

Confirmari potest nostra expositio Apostoli, ex sententia omnium ferè interpretum et theologorum, qui sic intellexerunt.

II. Nostra propositio *traditionis* auctoritate omnino non destituitur. Quamvis enim agnoscendum sit non exstare monumenta, quibus constet prioribus Ecclesiæ temporibus dissoluta fuisse matrimonia de quibus nunc agimus ; quamvis fatendum sit etiam de eo casu siluisse plerosque ex Patribus (quod quomodo factum sit explicabimus, ubi de solvendis objectionibus) ; attamen non desunt omnino testimonia ; suppetunt enim textus SS. Ambrosii, Chrysostomi, Theophylacti, OEcumenii et quorundam aliorum, qui vix aliter intelligi possunt, quique sufficiunt ad explicandum quomodo INNOCENTIUS III, BENEDICTUS XIV et alii SS. Pontifices, item plerique theologi antiqui deducti sint ad agnoscendum privilegium de quo nunc agimus : eo magis quòd inniti etiam potuerunt traditioni orali. Ergo, etc. (v. P. M. 258).

III. Nostra propositio invictè adstruitur *praxi Ecclesiæ* recentioribus temporibus. Etenim praxis plurium insignium ecclesiarum, cum dogmate et moribus connexa, a pluribus SS. Pontificibus approbata, tacente imò et approbante universâ Ecclesiâ, invictum est veritatis argumentum : illud principium sacræ Scripturæ et S. Augustini

auctoritati innixum fusiùs exponitur in *Tr. de Ecclesia* : atqui pro matrimonii dissolutione in nostro casu militat praxis hujusmodi. 1° Talis est praxis multarum ecclesiarum : ita omnes ecclesiæ institutæ apud gentes recens conversas, apud Indos, Sinenses, Americanos, etc. 2° Ea praxis connectitur cum dogmate, nempe cum quæstione de indissolubilitate matrimonii; et cum bonis moribus, quia, si non innitatur veritati, adulterina fovet conjugia. 3° Approbata est a SS. Pontificibus, qui, post Innocentium III, non solum docent matrimonium in eo casu dissolvi, sed regulas tradidere missionariis observandas : ita præsertim Gregorius XIII, S. Pius V, et præcipuè Benedictus XIV, in pluribus constitutionibus. Vid. *de Synod.* l. VI, c. IV, et l. XIII, c. XXI. Ita constanter respondit S. Congregatio Concilii Tridentini interpret, videntibus et approbantibus SS. Pontificibus. Addi posset damnatos fuisse in Indice librorum prohibitorum plures libros, eo quòd doctrinam nostram impugnarent. 4° Nedùm reclamaverit Ecclesia, contrà satis apertè approbat. Nam 1. ita statuitur in pluribus libris ritualibus variarum ecclesiarum. Occasione litis suprâ memoratæ, allegata sunt Ritualia Suessionense, Metense, Bononiense, et Ebroidense, quibus plura alia faciliè addi possent. 2. Talis est usus in regionibus ubi degunt Judæi, v. g. in Alsatia : eadem occasione producta sunt testimonia quæ id probant pro diœcesibus Argentinensi, Virdunensi, Metensi, Tullensi. 3. Ita docent omnes theologi et canonistæ, qui id tanquam certum habent, ita ut ab aliqua temeritate non excusent paucos illos auctores qui aliter sentiunt; ac proinde ita observari debuit, ubi casus occurrit. Ergo, etc.

Tertium illud argumentum ex *praxi Ecclesiæ* deductum, ad quod non satis attenderunt qui in præfata lite causas dixerunt, et cui non satis insistant multi theologi, invictum putamus. Unde mirum non est, quòd BENEDICTUS XIV, cujus tanta eruditio et prudentia in ponderandis theologorum opinionibus, apertè pronuntiet certum esse matrimonium tunc dissolvi, *de Synod.* l. VI, c. IV, n° 3.

84. Dixi autem in propositione, 1° *Conjux conversus*,

quia apud omnes non constat an infidelis possit quoque novum inire matrimonium : res adhuc in dubio est, ait BENEDICTUS XIV, *Bullar.* t. II, *Const.* xxviii, § 58, et *Const.* xxxviii. Affirmandum tamen videtur, quia matrimonium reipsa est dissolutum.

Dixi 2°, *Potest dissolvere*, quia, cùm privilegium sit in gratiam conversi, non tenetur eo uti : neque ipso facto matrimonium dissolvitur, sed tantùm quando conversus novum matrimonium init, juxta probabiliorem sententiam, ut infrà dicemus (n° 86).

Dixi 3°, *Matrimonium in infidelitate contractum*, quia si fidelis nupsisset cum infideli, licèt textus S. Pauli sit omnino generalis, attamen nec Innocentius III, nec theologi de eo casu agunt; et non applicatur motivum privilegii : qui enim nupsit cum infideli, tali periculo se sponte exposuit, nec proinde potest conqueri.

Solvuntur objectiones.

85. *Obj.* 1°. Lex indissolubilitatis est absoluta; ergo non afferenda exceptio. Saltem lex a Deo lata est; ergo S. Paulus non potuit exceptionem apponere propriâ auctoritate, ex quâ tamen solâ loquitur eo loco, *Ego dico, non Dominus* : ergo intelligendus est tantùm de separatione quoad torum et habitationem, de qua statuit disciplinam suo tempori accommodatam.

R. ad I. Non tollitur lex generalis, etiamsi quædam admittatur exceptio, modò non admittatur absque probatione sufficienti : porro satis probatam reputamus eam quæ a nobis affertur.

Ad II. S. Paulus vult solùm dicere Christum nihil expressè statuisset de hoc casu; sed tamen ipse, statuens auctoritate apostolicâ, loquitur nomine Christi : unde ait in fine ejusdem capituli, *Puto autem quòd et ego spiritum Dei habeam.*

Obj. 2°. *Ex silentio traditionis.* Si Apostolus tale privilegium concessisset aut promulgasset, certè hujus aliquod vestigium superesset prioribus Ecclesiæ sæculis, et SS. Doctores de eo mentionem fecissent; atqui tamen nullum citatur exemplum ante x aut xi sæculum; nihil ferè occurrit apud antiquos Doctores, imò non pauci vel illud privilegium rejiciunt, vel saltem generatim dicunt matrimonium esse indissolubile absque ulla restrictione. Ergo, etc.

R. 1°. *Quoad defectum exemplorum* in prioribus sæculis, nihil inde concludi potest. Nam 1. in rebus practicis consuetudo traditione orali sufficienter conservatur. Hinc factum est ut plurima constanter fuerint observata in Ecclesia, quæ tamen non nisi seriùs scriptis mandata sunt. 2. Praxis hodierna invictè probat existentiam privilegii, quia alioquin

Ecclesia debuisset in eam praxim animadvertere : quamvis autem nemo usus fuisset privilegio, non inde sequeretur illud non existere, quia non ideò reclamare debuit Ecclesia. 3. Exemplorum vestigia potuerunt temporum injuriâ deperire. Nec mirum quòd prioribus sæculis hæc rariora fuerint : siquidem sæpe timere potuerunt recens conversi ne, novum matrimonium ineundo, infidelium animos offenderent, atque a fide christiana magis avocarent; et insuper ipsi forsân leges ab Ecclesia contra bigamos latas incurrissent.

2º. *Quoad SS. Patrum silentium*; ut aliquid probaret, ostendendum esset postulavisse rerum adjuncta ut de præsentî casu loquerentur: porro nihil tale ostenditur; plerique enim scribebant contra hæreticos, pauci Scripturam uno tenore exponebant: jam verò prioribus non se dabat occasio disserendi de præsentî privilegio; inter posteriores verò non desunt qui de eo verba fecerunt.

3º. *Quoad testimonia* quæ opponi possent, pleraque non sunt ad rem: alii dicunt non dirimi vel impediri matrimonium propter infidelitatem; quod fatemur, cùm sola non sufficiat infidelitas: alii dicunt fornicationem sive carnalem, sive spiritualem, seu infidelitatem, non dissolvere matrimonium; quod intelligi potest de infidelitate quæ subsequitur matrimonium, seu apostasiâ: alii dicunt adulteram esse partem infidelem, si nubat; quod verum esse potest, si nubat antequam pars conversa ad novum matrimonium transierit: alia demum testimonia sunt generalia, nec desinunt esse vera in nostra opinione.

Cæterum, licet admittatur traditionem priorum sæculorum esse dubiam, explicatur per praxim et doctrinam sæculorum posteriorum, et præsertim Ecclesiæ Romanæ: illud sanè rationi et veris principiis est valde consentaneum, et a nemine verè catholico rejici potest.

SCHOLIUM. — *De variis quæstionibus quibus locum dedit præcedens controversia.*

86. Pauca de iis dicemus, nempe ut intelligatur theologorum doctrina, et perspiciatur sensus variarum decisionum Sedis Apostolicæ.

I. *De tempore quo dissolvitur prius matrimonium.* Aliquando evenit ut, parte conversâ ad novas nuptias non transeunte, pars infidelis novum ineat matrimonium: si hæc postea convertatur, ut judicium feratur de secundo isto matrimonio, judicandum est an prius fuerit dissolutum, et quandonam, ut exponit BENEDICTUS XIV, qui testatur ita evenisse Florentiæ anno 1726, *de Synod.* l. VI, c. IV, nº 4.

Triplex adest sententia: alii volunt dissolvi per ipsum conversi baptismum, modò constet alterum nolle converti; alii tunc, quando constat infidelem nolle cohabitare; alii tandem tunc solum quando conversus novum init matrimonium. Hæc tertia opinio sola admittenda est. 1º Ita apertè supponit INNOCENTIUS III, cap. *Gaudemus*, VIII, *de Divortiiis*. 2º Hæc est communis et communissima hodie theologorum et canonistarum opinio, ait idem BENEDICTUS XIV, q. 546, nº 6. Ita decidit S. Congregatio Concilii an. 1680, *ibid.* nº 10, et an. 1726, in casu mox indicato; et ita decidere etiam debent episcopi in suis syno-

dis, ex *Synod. l. vi, c. iv, n° 6*. Ita demùm declarat ipse Benedictus XIV, *Bullar. t. ii, Const. xxviii, § 58*. 3° Ex ratione. Cùm privilegium sit in gratiam solius fidelis conversi, ne cælebs manere cogatur, ad hunc finem obtinendum sufficit ut eo instanti dissolvatur, quo novum iuit matrimonium.

87. II. *De casibus in quibus potest conversus privilegia uti*. Difficultas præcipua est, utrùm, si altera pars nolit quidem converti, sed velit habitare pacificè, possit conversus novum inire matrimonium?

Tres sunt ea de re opiniones. Prima purè et simpliciter affirmat. Secunda purè et simpliciter negat. Tertia varia tempora distinguit: prioribus sæculis non licebat, quia id versum fuisset in odium religionis et offensionem infirmorum; ideoque prohibitum erat in eo casu repudium, non quidem præcepto divino, sed humano per S. Paulum lato, per hæc verba, *Cæteris ega dico, non Dominus*: posterioribus verò sæculis, licuit; quia, cùm graviora mala metuenda forent ex cohabitatione fidelis cum infideli, quàm ex eorum separatione, obligare desiit præceptum Apostoli.

Inter eas opiuiiones, secundæ standum putamus, saltem generaliter. 1° Ex S. Paulo, cuius verba sunt omnino expressa: privilegium non debet extendi ultra verba concessionis; porro Apostolus non concedit facultatem dissolutionis, nisi pro casu quo infidelis discedit; ergo ad huic debet restringi. 2° Ex INNOCENTIO III, qui ait, cap. *Gaudemus, viii, de Divitiis*: *Nunquam eà vivente (uxore) licitè poterit aliam, etiam ad fidem Christi conversus, habere, nisi post conversionem ipsius illa renuat cohabitare cum ipso, aut etiamsi consentiat, non tamen absque cantumelia Creatoris, vel ut eum pertrahat ad mortale peccatum*. 3° Ex ratione; tunc non applicatur ratio privilegii, nempe ne conversus detrimentum fidei patiat, aut cælebs remanere cogatur. Hinc ita declarasse S. Congregationem Concilii refert BENEDICT. XIV, *de Synod. l. xiii, c. xxi, n° 1*.

Dixi *saltem generaliter*, quia dubium est an apponenda non sit restrictio: scilicet, juxta multos, si ex Ecclesiæ lege, vel ex circumstantiis, illicita fiat cohabitatio fidelis cum infideli, qui non vult converti, eligendo cohabitationem quam interdictam non ignorat, censetur velle discedere. Huic rationi nollemus nimium insistere, quia æquum non videtur ut Ecclesia indirectè efficiat matrimonium dissolvi, ultra casum ab Apostolo assignatum: unde satis crederemus, positâ lege Ecclesiæ cohabitationem prohibente, dari tantum locum separationi quoad torum et habitationem.

88. III. *De interpellatione facienda parti infideli, antequam conversus uovum ineat matrimonium*. Hæc statui possunt, inhærendo potissimum doctrinæ BENEDICTI XIV.

1°. Regulariter necessaria est interpellatio: ita decidit S. Congregatio apud BENEDICTUM XIV, q. 241; et reipsa, ut ipse observat *de Syn. l. xiii, c. xxi, n° 4*, si conversus non possit novum inire matrimonium, quando alter converti aut pacificè cohabitare consentit, prius illud debet inquirere.

2°. Si illa interpellatio sit moraliter impossibilis, omitti potest,

saltem cum dispensatione S. Pontificis. Nam 1. alioquin sæpe vanum esset privilegium ab Apostolo concessum; pars enim infidelis posset illud inutile reddere, et sic alterum denuò ad infidelitatem pertrahere. 2. Reipsa dispensarunt plures SS. Pontifices, non quidem solvendo matrimonium, ait BENEDICTUS XIV, *de Synod.* l. XIII, c. XXI, n° 4, sed interpretando jus divinum, et declarando tunc locum habere privilegium Apostoli. Ita inter alios GREGORIUS XIII, *ibid.* et ipse BENEDICTUS XIV, *Bullar.* t. 1, *Const.* CXVII. Eâ ratione declararunt etiam matrimonium initum subsistere, licet postea comperiretur partem infidelem fuisse legitimè a respondendo impeditam, imò et sacris initatam: quia semel applicatum privilegium postea cessare non debet.

Dixi *saltem cum dispensatione S. Pontificis*. Multi putaut eam non requiri; alii requirunt, quia S. Pontificis est declarare quandonam obligare desinat jus divinum: huic sententiæ adhæsit S. Congregatio, an. 1722. Vid. BENEDICT. XIV, *de Syn.* l. VI, c. IV, n° 3. Et ipse statuit postea ut interpellatio non omitteretur absque auctoritate S. Pontificis. *Bullar.* t. II, c. XXXVIII.

3°. Si infidelis interpellatus moras nectat, aliquandiu exspectandum erit; sed elapso termino, conversus poterit ulterius progredi, quia non debet privilegio suo frustrari.

89. IV. *De variis ab infideli converso servandis, quando vult uti suo privilegio.* Quædam breviter observare satis erit.

1°. Sententia judicis absolutè necessaria non est, cum nec a S. Paulo, nec ab ullo jure, nec vulgò ab auctoribus exigatur. Attamen multò melius et tutius est, ut nihil fiat inconsulto episcopo.

2°. Si infidelis plures uxores habeat, cum prima solum, ex dictis, sit vera uxor, ei soli adharendum, quando vult converti aut cohabitare pacificè; si verò nolit, poterit retineri una ex aliis, sed iterandum erit matrimonium. Vid. Benedict. XIV, *de Syn.* l. XIII, c. XXI, n° 3 et seq.

3°. Judæus conversus, ut varias ambages vitaret, non posset uxori dare libellum repudii, more Judaico: hunc detestabilem abusum, ut vocat BENEDICTUS XIV, *de Synod.* l. VI, c. IV, n° 6, ipse proscripsit, an. 1748, *Bullar.* t. II, c. XXXVIII. Illud revera saperet Judaicam superstitionem.

§ 4. *An matrimonium dissolvi possit per professionem religiosam, seu per votum solemne castitatis.*

90. Ut ea quæstio accuratè solvatur,

Not. 1° quæstionem non institui de matrimonio consummato Christianorum: agnoscunt omnes non dissolvi per professionem religiosam.

Not. 2° agi tantum de professione solemnî, seu de voto solemnî castitatis: agnoscunt omnes, et pluries declara-

tum est in jure canonico, non dissolvi matrimonium per professionem votorum simplicium.

Not. 3° duplicem hinc adesse controversiam : an matrimonium verè solvatur ; quo jure id fiat. Matrimonium dissolvi negant Protestantes, votis religionis infensi : iis se adjunxerunt ultimis temporibus non pauci Janseniani, qui contendunt Concilii Tridentini decretum adversari Scripturæ et traditioni. Quo jure dissolvatur, non concordant auctores : alii dissolutionem referunt ad jus naturale, alii ad jus divinum, alii ad jus ecclesiasticum. Cùm autem posterior hæc controversia accuratè investigari vix possit, nisi prius expositum fuerit in quo præcisè consistat solemnitas voti, et quo jure dirimat matrimonium ineundum, ideò hujus solutionem differemus usque dum agamus de *Impedimento voti*.

His præmissis, sit

PROPOSITIO. — *Matrimonii rati, non consummati, vinculum dissolvitur per solemnem religionis professionem alterius conjugum.*

Prob. 1°. Ex definitione Concilii Tridentini, quæ sanè sufficiet ei qui auctoritatem Ecclesiæ, ut par est, revereatur ; sess. XXIV, can. VI : *Si quis dixerit matrimonium ratum, non consummatum, per solemnem religionis professionem alterius conjugum non dirimi, anathema sit.*

2°. Ex praxi Ecclesiæ. Certum est saltem a XII sæculo talem esse Ecclesiæ praxim : id constat tum ex decisionibus SS. Pontificum ALEXANDRI III, an. 1180, INNOCENTII III, an. 1210, tum ex consensu adversariorum : porro ex illa praxi invictè adstruitur nostra propositio : hinc enim applicari possunt duo illa S. Augustini axiomata, ab omnibus catholicis Doctoribus semper admissa : primum, *Quæ sunt contra fidem vel bonam vitam Ecclesia nec facit, nec approbat, nec tacet.* Ep. LV, al. CXIX, ad Januar. c. XIX, n° 35 ; certè in sententia adversariorum, esset hæc praxis contra fidem et contra bonos mores. Secundum, *Quod universa per orbem frequentat Ecclesia, quin ita faciendum sit disputare, insolentissimæ insanicæ est.* Ep.

LIV, al. CXVIII, ad Jan. n° 6. Nihil apertius desiderari potest.

91. Quomodo concilietur hæc propositio cum lege indissolubilitatis matrimonii supra stabilitâ, elucidari poterit ex iis quæ dicemus, quando expendemus quo jure locum habeat dissolutio in casu de quo nunc agimus (n° 152). In præsentî superest ut proponamus quasdam regulas ad praxim spectantes : quæ cæterum apud nos rarò applicandæ erunt, tum quia in foro civili non admittitur vis illa professionis religiosæ, tum quia non dantur, aut saltem pauca dantur vota solemnîa, ut videmus uli de *Impedimento voti* (n° 153).

I. *Quoto tempore dissolvi possit matrimonium.* 1° ALEXANDER III, cap. *Ex publico*, VII, de *Convers. conjugatorum*, eam cautionem a muliere exigendam præscribit, *Ut vel ad religionem transire, vel ad virum suum redire intra duorum mensium spatium debeat*. Quamvis illa dispositio pro casu tantum peculiari lata fuerit, attamen tanquam regula generalis admissa fuit, cum nil aliud in jure ea de re statutum fuerit, ut advertit GIBERT. t. III, p. 245. Unde, juxta omnes auctores, per illos duos menses, potest qui de religione amplectenda meditatur, debitum negare.

2° Elapso bimestri, nec consummato matrimonio, poterit adhuc unus e conjugibus validè religionem ingredi, quia semper subsistit privilegium professioni religiosæ concessum. Imò probabilius videtur posse licitè : nam fieri potest ut non peccaverit non utendo matrimonio ; et etiamsi peccavisset, non ideo jus suum amisit : ergo tenetur quidem non ampliùs differre, ne injuriam protrahat, sed potest statim monasterium ingredi.

92. II. *Quale matrimonium dissolvi possit per professionem religiosam.* De duobus casibus moveri potest difficultas.

1° *De matrimonio post fornicationem contracto.* Quidam affirmant habendum esse ut consummatum, quia conjuges effecti sunt una caro. Attamen communiùs negant, quia prius est existere matrimonium, quàm consummari.

2° *De matrimonio ex vi vel metu consummato.* Hæc duo statui possunt. 1. Juxta communem et certam theologorum opinionem, matrimonium in tali casu non dissolvitur, quia est verè consummatum. Utrum vero licitè possit pars oppressa religionem ingredi, renuente alterâ, videtur distinguendum. Vel vis illata fuit per spatium temporis concessi ad deliberandum, vel postea. Si 1°, ordinariè ingredi poterit. Etenim certum est ipsi irrogatam fuisse gravem injuriam ; porro oppressor injuriam reparare nequit, nisi hæc facultas alteri competat, nec debet vis illi patrocinari. Dixi ordinariè, quia aliquando fieri potest ut alia de causa religionem ingredi prohibeatur, v. g. si nata sit proles quæ illius ope indigeat ad suam educationem. Si 2°, id est, si post bimestre, tunc non videtur posse ingredi, quia, elapso bimestri, non ampliùs jus habet negandi debitum ; sicque conjux non facit ipsi injuriam, si vi copulam extorqueat : potest peccare in modo, sed non quoad substantiam.

§ 5. — *An matrimonium dissolvi possit per dispensationem S. Pontificis aut Ecclesiæ.*

93. Certum est dissolvi non posse matrimonium consummatum, saltem fidelium : est enim omnino indissolubile, nec quidquam afferri potest in gratiam talis facultatis. Dixi *saltem fidelium*, quia disputant theologi, ut jam diximus (nº 78), an S. Pontifex possit dissolvere matrimonium consummatum infidelium. Quæstio est igitur de matrimonio rato.

Prima opinio, quam plures et præcipuè antiqui Doctores amplexi sunt, et quam teneri communiter a theologis testatur Sanchez, denegat hanc potestatem S. Pontifici.

Prob. Cùm matrimonii etiam rati indissolubilitas sit ex jure divino, imò aliquatenus et naturali, S. Pontifex in ea dispensare nequit, nisi constet hanc ei facultatem fuisse concessam : atqui hoc nullatenus potest probari. 1º Non ex Scriptura : nihil in ea reperitur. Si autem dicatur comprehendere sub iis verbis, *Quodcumque solveris*, etc., cur ergo non applicatur matrimonio consummato? 2º Non ex traditione. Nihil in SS. Patribus aut Conciliis reperire est quod hanc facultatem innuat : afferri potest solùm praxis plurium SS. Pontificum ; atqui hæc nihil probat : 1. quia non incipit nisi a Martino V, initio sæculi xv. Porro quis credat nunquam sededissee antea occasionem utendi hæc facultate, si fuisset concessa? Quomodo dicitur Ecclesiæ necessaria potestas, quam per quatuordecim sæcula non exercuit? 2. Quia etiam a tempore Martini V, multum abest quin SS. Pontifices fuerint ea de re unanimis ; multi enim dispensare renuerunt, existimantes hoc non esse in sua potestate. Citantur inter alios Innocentius VIII, Adrianus VI, etc. 3º Non ex ratione. Ratio enim silet circa ea quæ pendent a libera Dei voluntate. Aliunde nihil deduci potest ex eo quod esset valde utilis ea facultas ; nam non minus utilis esset potestas dissolvendi matrimonium consummatum ; et tamen eam non habet Ecclesia. Ergo, etc.

94. Secunda opinio hanc facultatem tribuit. Ita canonicistæ ferè omnes, et plurimi hodie theologi.

Prob. Illa sententia tenenda est, quæ nec Scripturæ, nec traditioni repugnans, certò deducitur ex praxi SS. Pontificum : atqui hæc sententia 1º non adversatur Scripturæ : agitur ibi præcipuè de matrimonio consummato ; ergo non mirum quòd ratum solvatur gravi de causa, præsertim cùm tunc non potestate humanâ, sed divinitus concessâ dissolvatur. 2º Non traditioni adversatur ; non illius testimoniis, de quibus idem dici potest ac de Scriptura ; non illius silentio : prioribus sæculis rarissimæ erant dispensationes circa matrimonium ; ergo non mirum inauditam fuisse dispensationem longè majoris momenti, et quæ graviolem causam requirit. Insuper in rebus hujusmodi non omnia scriptis mandari solent quæ eveniunt. 3º Deducitur ex praxi SS. Pontificum. A Martino V saltem usque ad nos, exstat series multorum Pontificum, inter quos non pauci, tum doctrinâ, tum sanctitate insignes, qui has dispensationes concesserunt : id testatur BENEDICTUS XIV, q. 546, nº 36, qui asserit hodie haberi ut certum, neque de hoc ullam in praxi moveri disputationem ; et postea ipse S. Pontifex creatus ordinavit formam procedendi quoad hujusmodi dispensationum petitiones, *quæ sæpe porrigi solent.* Bullar. t. I, Const. xxxii, § 15. Tandem referunt nostris temporibus eâ potestate pluries usum esse Pium VII. Atqui ex illa praxi, etc. Quis enim sibi persuadeat tot et tantos Pontifices hanc sibi tribuisse facultatem, si non competeret, et sic adulteria permisisse ? Certè debuerunt maturè expendere an ipsis competeret, antequam eâ uterentur. Saltem in dubio stat præsumptio pro superiore, præsertim si agatur de SS. Pontificibus, quibus speciali modo assistit Spiritus Sanctus in Ecclesiæ regimine, et ad quos interpretari jus divinum pertinet. Ergo, etc. Cæterùm cùm dissolvant vinculum professionis religiosæ, mirum non est quòd solvant vinculum matrimonii rati, quod est minus strictum.

Hæc sunt præcipua utriusque opinionis argumenta : no-

bis sufficiat annotare admittendam esse posteriorem opinionem ab iis omnibus qui dissolutionem matrimonii per professionem religiosam referunt ad jus ecclesiasticum; de quo postea. Cæterum securus profectò erit in praxi qui, casu obveniente, existimaverit sibi fas esse uti S. Pontificis concessione.

ART. 2. *De dissolutione matrimonii quoad torum et habitationem.*

95. Necessaryam esse regulariter conjugum cohabitationem agnoscunt omnes: illud indicat ipsa matrimonii institutio: *Relinquet homo patrem et matrem, et adhærebit uxori suæ*; illud etiam exigit tum debitum conjugale mutuò reddendum, tum prolis educatio, ad quam uterque conjux concurrere debet. Idem sancit Codex civilis, art. 214: « La femme est obligée d'habiter avec le mari, et de le suivre partout où il juge à propos de résider; le mari est obligé de la recevoir. »

Tota quæstio est, an et quatenus possit tolli, aut suspendi hæc cohabitationis obligatio. Quod ut evolvamus, 1° expendemus an aliquando liceat separatio; 2° agemus de variis causis separationis ex jure canonico; 3° de causis separationis ex jure civili.

§ 1. *An aliquando liceat separatio inter conjuges.*

96. Negaverunt plures Lutherani posse matrimonium, durante vinculo, dissolvi quoad torum et habitationem: contendunt opus non esse separatione simplici, eo quòd magis expediat integra dissolutio, quæ remedium efficacius præbet variis malis. Contra illos sit

PROPOSITIO.—*Conjuges possunt, certis de causis, quoad torum et habitationem separari.*

Prob. 1° *Ex Scriptura.* Jam attulimus textum S. Matthæi, ex quo vulgò deducitur licitam esse separationem, ex causa adulterii. Cur autem Christus hanc unicam causam assignans, non ideò excludat alias, jam diximus (n° 81).

Confirm. 1. Ex S. *Matth.* XIX, 29 : *Omnis qui reliquerit domum, vel fratres... aut uxorem... propter nomen meum, centuplum accipiet.* Ergo aliquando licet, imò expedit separari ab uxore. 2. Quando Christus ait, *Matth.* XVIII, 9 : *Si oculus tuus scandalizat te, erue eum*, adnotarunt SS. Patres dimittendos esse etiam charissimos, ut parentes, filios, uxorem, quando ruinæ nobis occasio efficiuntur.

2° *Ex constanti et perpetua Ecclesiæ praxi*, quam sanxit Concilium Tridentinum, sess. XXIV, can. 8 : « Si » quis dixerit Ecclesiam errare, cùm ob multas causas » separationem inter conjuges quoad torum, seu quoad » habitationem, ad certum incertumve tempus fieri posse » decernit, anathema sit. »

§ 2. *De variis causis separationis ex jure canonico.*

97. Quatuor præcipuæ assignari possunt : 1° grave detrimentum corporale, 2° aut spirituale; 3° adulterium; 4° professio religiosa vel susceptio ordinis sacri.

De duabus primis nulla est difficultas : earum fundamentum est quòd conjuges non censeantur voluisse se obligare ad cohabitationem cum tanto incommodo.

Prior speciatim locum habet in casu immoderatæ sævitiae, prout expressè admittit INNOCENTIUS III, cap. *Litteras*, XIII, *de Restitut. spoliator.*, in fine. Quidam contendunt eam non posse allegari a marito, ut uxorem dimittat, quia ipsius est eam corrigere : verùm jura sunt reciproca, et aliquando ex parte uxoris maritus timendum habere potest. Quandonam autem satis gravis reputanda sit sævities, dijudicandum ex circumstantiis, habità ratione qualitatis personarum. Sed invigilare debent pastores et confessarii ne citiùs et faciliùs, ob leves et transitorias discordias, ad separationem deveniatur.

Posterior locum habet, quando unus e conjugibus deserit veram fidem et alterum conatur pertrahere ad infidelitatem, vel hæresim, vel si inducat ad peccatum quod vix cohabitando vitari possit, etc. Sed hic etiam maximà prudentià opus esse faciliè intelligitur.

Dicendum ergo superest de duabus postremis causis.

98. I. DE ADULTEBIO.—Hæc sufficiant. 1° Per fornicationem, de qua loquitur Christus, ex antiquis versionibus et ex Patrum communiori interpretatione, intelligi debet solum adulterium : quo nomine tamen designatur quodcumque commercium carnale ; sed requiritur ut sit completum et consummatum.

2° Jus separationis ad utrumque conjugem pertinet. Agnoscunt omnes tanquam certissimum parem esse utriusque conjugis sub eo respectu conditionem : et revera S. PAULUS, I Cor. VII, 3, 4, eodem prorsus modo loquitur de utriusque juribus, et ita semper intellexit Ecclesia.

3° Jus separationis non datur per adulterium in quatuor casibus.

1. *Si adulterium fuerit tantum materiale*, et non formale : v. g. si quis credens conjugem mortuum, alii nupserit, etc.

2. *Si uterque sit adulter*. Ita supponit ALEXANDER III, cap. *Significasti*, IV, et cap. *ex Litteris*, V, de *Divortiis*. Quamvis enim majus crimen sit adulterium uxoris, adest eadem injuria quoad substantiam, ac proinde fit compensatio.

3. *Si vir ipse uxorem prostituerit* : ut enim ait INNOCENTIUS III, cap. *Discretionem*, IV, de *Eo qui cognovit*, *Adulterium non potest ei objicere, qui eam adulterandam tradidit*. Requiritur tamen ut possit censi verè causa adulterii, nec sufficit ut aliquam indirectam occasionem præbuerit.

4. *Si adulterium cognitum secuta fuerit reconciliatio*. Illud adeò verum est, ut si pars quæ condonavit postea ipsa in adulterium laberetur, dimitti strictè posset, quia res per reconciliationem omnino restitutæ fuerunt in pristinum statum : attamen charitas postularet ut, alterius benignitatem experta, et ipsa benignè remitteret. Illa reconciliatio fieri potest vel *expressè*, per condonationem : vel *tacitè*, v. g. per usum matrimonii ; sed requiritur ut condonans notitiam habeat adulterii, et libere condonet.

4° An vir non solùm possit, sed teneatur uxorem adulteram dimittere, non omnino constat. Admissum videtur ab omnibus aliquando teneri, aliquando non teneri. Obligatio, quando adest, provenit e ratione correctionis fraternæ, et scandali vitandi : quæ duo attendenda sunt, ut iudicium feratur in casibus peculiaribus : porro his attentis, satis rarò eveniet, ut putamus, virum teneri ad uxorem adulteram dimittendam. Minùs adhuc stricta est in uxore obligatio dimittendi maritum, quia non est marito superior, nec censetur approbare illius adulterium, quamvis non dimittat. Si tamen ex separatione correctionem viri speraret, deberet eam petere.

99. II. DE PROFESSIONE RELIGIOSA, VEL SUSCEPTIONE ORDINIS SACRI. — 1° Non licet sine consensu compartis ingredi religionem nisi in duobus casibus : 1. ante matrimonium consummatum, quando agitur de religione in qua emittuntur vota solemnia, secundùm ea quæ diximus suprâ (n° 90) : 2. etiam post matrimonium consummatum, quando altera pars adulterium commisit ; quia id est adulterio proprium ut sit causa separationis perpetua, nec teneatur pars innocens alteram partem, licèt respiscentem, ad se revocare. Extra hos casus, non licet, et professio esset invalida, possetque pars religionem ingressa ab altera revocari.

2° Non liceret recipere ordines sacros sine consensu uxoris, nisi in secundo casu mox allato : imò in eo ipso casu, magnâ opus esset prudentiâ, tum ob quamdam indecentiam, tum ob metum scandali et variorum incommodorum.

3° Ex mutuo consensu licet conjugum ingredi religionem, etiam post matrimonium consummatum. Sed tunc regulariter requiritur ut alter quoque conjux cœnobium ingrediatur, et in eo regularem professionem emittat. Ita pluries præscribitur in jure canonico.

Dixi tamen *regulariter*, quia 1. si conjux sit provecetæ ætatis, et ab omni incontinentiæ suspitione immunis, ipsi permitti poterit ut inter sæculares versetur, modò castitatis voto simplici se adstringat. 2. Si conjux in sæ-

culo remanens, velit sacros ordines suseipere, illud sufficit, quando talis est conditionis ut ei votum simplex permitteretur: si autem sit adhuc juvenis, opportunum esset a Sede Apostolica dispensationem implorare. 3. Quando pars rea adulterii, criminis sui pœnitens, vult se in monasterium recipere, non cogitur altera pars, quamvis ætate florens, religionem ingredi, sed satis est ut simplex castitatis votum in sæculo emittat.

4^o Potest vir, ex consensu uxoris, sacris ordinibus initiari; sed tunc 1. absolute debet uxor in monasterio profiteri : ita statuitur in Jure; unde ut possit, si sit propectæ ætatis, simplex votum emittere, requiritur dispensatio Sedis Apostolicæ : dubium tamen an id vigeat in Galliis. 2. Uxor, licet ipsa non emiserit votum solemne, viro e vivis erepto, ita alteri nubere prohibetur, ut matrimonium ejus irritum esset. Ita statuit lex ecclesiastica, ob reverentiam habendam erga votum solemne, licet ab altero conjugē emissum.

100. Tales sunt causæ separationis in jure canonico
admissæ : de quibus duo observanda supersunt.

1° Separationes illæ fieri non debent regulariter privatâ auctoritate. Ita prudenter statutum, tum ne detur locus multis abusibus, tum ratione scandali vitandi. Dicitur tamen *regulariter*, quia aliquando fieri potest ut adsit periculum in mora, v. g. in casu sævitiae; vel ut causa manifestari nequeat sine gravi alterius partis damno, etc. : tunc vel scandalum vitari poterit, separationem obteğendo sub aliquo prætextu, vel aderit ratio sufficiens illud permittendi. A fortiori poterunt aliquando conjuges separari ex mutuo consensu, si adsit rationabilis causa, v. g. negotiorum gestio, iter aliquod suscipiendum, etc.

✱ 2º Dubium non est quin Ecclesia iudicium ferre possit de his causis canonicis. Sed in præsentî rerum statu apud nos, illius iudicia nullam vim haberent in foro civili. Attamen cùm Ecclesia suâ auctoritate spoliari nequeat, posset adhuc iudicia ferre, et ea sancire pœnis spiritualibus, seu censuris. Sed de facto vix ullibi erecta sunt tribunalia ecclesiastica, ad quæ huiusmodi causæ referantur; unde

[illegible]

b) Sandwich-Platzierung der Ionen mit, wenn ein separater Schritt in der Synthese vorliegt.

18. nov. 1960. 10.000. 2. koordinatni letak ul. 10.000. 1. 10.000. 1. 10.000.

elaborar a la vez un informe sobre el estado de la obra.

...the
... ..
... ..

Lycopodium obscurum, *Selaginella selaginoides*, *Equisetum arvense*, *Adiantum species*

[illegible]

di storia civile e politica di Giuseppe D'Alagni

2. from countries with no nuclear power industrial sales maximized.

plerumque id tantum præstant iudices ecclesiastici, quod pronuntient in foro conscientiae quid liceat, quid expediat.

§ 3. De causis separationis ex jure civili.

101. Ex lege 20 septembris 1792, quæ permittebat divortium, non admittebatur simplex separatio: sed Codex civilis aliter statuit, utrumque admittens, ut omnium conscientiae prospiceretur, ut nempe ad separationem possent recurrere qui divortium judicant illicitum. Separatio autem illa de qua statuit, non est simplex separatio facti, quæ fieret ex mutuo consensu, sed separatio judiciaria, quæ dicitur *séparation de corps*, et ex art. 311 semper inducit alteram separationem quæ dicitur *séparation de biens*.

1°. Hujus separationis Codex civilis, art. 306, eas tantum causas admittit quæ sufficiebant ad divortium ex causa determinata, antequam facultas divortii abrogaretur per legem latam die 8 maii 1816; nempe juxta art. 229 et seq., 1. adulterium, cum hoc discrimine inter virum et mulierem: « Le mari pourra demander la séparation pour cause d'adultère de sa femme. La femme » pourra demander la *séparation* pour cause d'adultère de » son mari, lorsqu'il aura tenu sa concubine dans la mai- » son commune; » 2. sævitiam; 3. condemnationem ad pœnam infamantem. Sed ex art. 307 non admittitur, sicuti admittebatur pro divortio, consensus mutuus: timuit lex ne illæ separationes frequentiores evaderent; et cum inde sequatur separatio bonorum, sæpe eo medio mutarentur conventiones matrimoniales, contra dispositionem articuli 1395. Nullæ etiam aliæ causæ admittuntur, nisi reduci possint ad unam ex tribus allatis.

2°. Ex ipsa separationis civilis notione faciliè intelligitur necessariò recurrendum esse ad *sententiam* judicis civilis. Unde concludi potest, ut jam innuimus, quantâ prudentiâ opus sit in applicandis sanctionibus canonicis circa separationem, quando defuit hæc sententia civilis: non solum enim sententia judicis ecclesiastici vim non haberet in foro civili, sed propter interventum magis-

et causas matrimoniales ad separationem pertinent quia sunt male nuptiales; non
sunt ratio specificæ aditæ in articulo, qui materiam continet; ergo ex his
causis matrimoniales ad dissolutionem pertinent.

§) Benedictus XIV in De Jure Do.

tratûs aliquando oriri possent haud levia incommoda.

3°. Quando pronuntiatur separatiô, et adsunt filii ex matrimonio orti, eorum sorti providet lex civilis : ea nempe quæ statuit Codex civilis pro casu divortii, sunt applicanda etiam separationi, art. 302 et seq.

4°. Etiam post latam sententiam, nil vetat quin conjuges possint, propriâ auctoritate, ad se invicem reverti : imò Ritualia monent parochos et confessarios, ut conjuges separatos ad mutuam reconciliationem cohortentur : idem vulgò suadent theologi, nec indicant ad id requiri sententiam judicis. Attamen advertendum est ut cesset separatio bonorum, quæ, ex dictis, separationem corporum consequitur, requiri actum coram notario : quo peracto, res reducuntur ad priorem statum, eodem modo ac si non adfuisset separatio; nec possunt priores conventiones mutari. Ita statuit Cod. civ. art. 1451.

102. COROLLARIUM. — Ex his omnibus deduci potest quænam esse debeat agendi ratio pastoris aut confessarii qui de separatione facienda consulitur. Ante omnia, sedulò causas expendat. Si insufficientes videantur, omnimodè a separatione avertat. Si sufficiant, nec tamen separationem necessariam reddant, conjuges ad reconciliationem vehementer hortetur. Si necessaria videatur separatio, et causa admitti possit in foro civili, suadeat ordinariè ut exspectetur sententia. Si admitti non possit, maximè cautus sit ad vitandum scandalum, et episcopum consulat.

PARS TERTIA.

~~DE CONTRACTIBUS MATRIMONIALIBUS~~ de jure matrimoniali.

103. De conditionibus quæ directè et speciatim sacramentum respiciunt, jam datâ occasione diximus (n^o. 32, 33). Dicendum superest de illis quæ ad ipsum matrimonii contractum referuntur. Porro tres sunt quæ matrimonium præcedunt, nempe sponsalia, bannorum denuntiatio, et consensus parentum: quarta autem et præcipua est quasi negativa, ut nempe nullum adsit impedimentum, sive ex lege ecclesiastica, sive ex lege civili. Istam igitur partem quinque capitibus absolvemus: 1^o de sponsalibus; 2^o de bannis; 3^o de consensu parentum; 4^o de impedimentis canonicis; 5^o de impedimentis civilibus.

CAPUT PRIMUM.

DE SPONSALIBUS.

104. Quæ de sponsalibus dicenda habemus, quatuor quæstionibus complectemur: 1^o quid sint, et quotuplicis speciei; 2^o an necessaria; 3^o. quinam illorum effectus; 4^o quænam dissolutionis causæ. Pauca sufficient, quia ibi applicantur principia generalia de contractibus.

I. Quid et quotuplicis speciei sint sponsalia?

Sponsalia vulgò definiuntur: *Promissio mutua futuri matrimonii*. Requiritur ergo ut uterque alteri obligetur: unde quando unus promittit, strictè non sufficit ut alter promissionem acceptet, sed insuper requiritur ut ex illius parte accedat repromissio. Hinc sponsalia ineunda sunt per verba *de futuro*.

Multiplex distingui potest species sponsalium. 1^o Sunt absoluta vel conditionata, quemadmodum alii contractus:

ex probabiliori sententia, sponsalibus conditionatis non applicantur decisiones speciales juris circa condiciones appositae matrimonio (n° 19), sed principia quæ respiciunt contractus generatim spectatos.

2° Dividuntur in ecclesiastica, seu solemnia, quæ in facie Ecclesiæ, coram testibus et parochio benedicente celebrantur; et civilia, quæ fiunt extra Ecclesiam et sine ministerio sacerdotis: ista autem sunt vel publica, vel occulta, prout contrahuntur coram vel sine testibus.

105. — II. *An necessaria sint sponsalia?*

Quamvis ex rei natura iniri possit matrimonium quin præcesserint sponsalia, eorum tamen usus est antiquissimus, et valde laudabilibus motivis innixus, nempe ut nupturi ad matrimonium sese disponant, et maturius illud ineant, simulque ut interim facilius impedimenta detegantur. Hinc sponsalia, etiam solemnia, olim multis in locis erant in Ritualibus præscripta. Paulatim illorum usus in variis locis obsolevit: imò in quibusdam fuere expressè prohibita, eo quòd sic desponsati non rarò tanquam verè nuptos se haberent, et interim maritaliter viverent. Hodie vix ullibi non desièrè, aut saltem immediatè ante matrimonium celebrantur. Sed sicubi adhuc præscriberentur, non deberent omitti, et peccaret parochus qui, iis omissis, nuptiis benediceret.

106. III. *Quinam sint effectus sponsalium?*

Triplex distingui potest effectus.

1^{us} est obligatio unius ad contrahendum cum altero: unde, ut postea dicemus, ex sponsalibus oritur impedimentum prohibens nubendi cum qualibet alia persona.

Sed duo quæri possunt: 1° An et quatenus ille qui renuit sponsalia implere sit ad id compellendus; 2° quid, si adjecta sit clausula pœnalis.

Quoad 1^{um}, si unus e sponsis renuat sponsalia adimplere, ALEXANDER III, an. 1180, cap. *Ex Litteris*, x, de *Sponsalibus et Matrimonio*, decernit compellendum esse censuris ecclesiasticis; LUCIUS vero III, an. 1181, cap. *Requisivit*, xvii, *ibid.* statuit monendum esse potius quàm cogendum, eo quòd coactiones soleant difficiles habere exitus. Varii auctores varias inierunt vias ut eas decisiones conciliarent: sed plerique extranei stant, saltem pro casibus ordinariis, dispositioni Alexan-

dri III; in Gallia potius praevalebat decisio Lucii III. Olim in foro civili non compellebantur sponsi ad sponsalia adimplenda, sed tantum ad compensanda damna ex eorum dissolutione serutura. Hodie non concordant jurisperiti nostri. Sed quidquid sit pro foro civili, in foro conscientiae hortari debent confessarii ad executionem promissionum, et si eam non obtineant, precipere reparationem damni aut liberam utriusque partis compositionem, quod plerumque satius est; sed non ultra progredi.

Quoad II^{um}, communis est inter jurisperitos, canonistas et theologos opinio, sponsalibus clausulam poenalem adjici non posse: nituntur quibusdam textibus juris Romani, et decisione juris canonici, cap. *Gemma*, *xxix de Sponsal. et Matrim.* Permittuntur quidem arrhae in sponsalibus; sed inter arrhas et clausulam poenalem, ea affertur ratio discriminis, quod homines soleant esse cautiore in dando quam in promittendo, ac proinde arrhae sint ordinariè minoris momenti, minusque restringant matrimoniorum libertatem.

Multi tamen, inter recentiores, contrarium opinantur, et merito quidem, ut videtur. Nam 1^o quae afferuntur ex jure Romano non tam respiciunt ipsum matrimonium, quam illius dissolutionem, ideoque nullam vim habere possunt: et insuper priora statuta statutis posterioribus emendata fuere. 2^o Decisio juris canonici non respicit nisi casum peculiarem, de puella nondum septenni, quam mater illius alteri desponsaverat, et de poena convenerat solvenda casu quo non iniretur matrimonium: et nullà ratione ostendi potest eam extendendam esse ad omnes casus. 3^o Si clausula, ut supponitur, non respiciat nisi injustè resilientem, inducit tantum ad actum honestum, imò ex justitia debitum, ac proinde haberi nequit ut libertati nociva. Quid in foro civili hodie judicandum foret, non constat: ex utràque parte allegantur graves auctores, et varia tribunalium judicia.

II^{us} effectus est jus initiale unius in corpus alterius: unde qui, initis sponsalibus, cum alio fornicatur, non modò contra castitatem peccat, sed et contra justitiam. Ita communiùs theologi et canonistae, quia meritò censetur et fidem datam frangere, et alteri sponso injuriam inferre. Est proinde hæc circumstantia, utpote peccati speciem mutans, necessariò in confessione declaranda.

III^{us} effectus est impedimentum dirimens honestatis publicae; de quo postea.

107. Sed quæri potest, 1^o an, ut locum habeant hi effectus, necessarium sit ut sponsalia inita fuerint coram ecclesia; 2^o an, sub eo respectu, sponsalibus æquivalet postulatio bannorum; 3^o an saltem matrimonium civile.

Quoad I^{um}, hæc observari possunt. 1^o *Ex jure com-*

muni, nulla requiritur peculiaris solemnitas; sufficiunt conditiones quæ ad contractus generatim requiruntur. 2° *Olim* ex jure civili Gallico sponsalia fieri debebant scripto: sed illud requirebatur tantum ad probationem, non verò ad solemnitatem, seu ad ipsam promissionis substantiam, ut testatur POTHIER, *Contr. de mariage*, n° 30. Ex jure autem *ecclesiastico*, varia erat disciplina: in quibusdam diocesisibus ut irrita habebantur sponsalia non solemnita, et proinde nullum producebant effectum; in aliis, habebantur ut valida, sed non sufficiebant ad producendum impedimentum honestatis publicæ; in plerisque demum, habebantur ut prorsus valida. Porro, quando certa erat unius diocesis disciplina, huic standum erat; in dubio, standum communi juri.

Hodie Codex civilis ne verbum quidem habet de sponsalibus: exinde concludunt jurisperiti ea apud nos vim habere posse, modò servantur omnes conditiones generatim pro contractibus præscriptæ, quia ex mente legislatoris vim habent omnes conventiones quæ non reprobantur a lege, nec adversantur bonis moribus. Ratione autem habitâ disciplinæ olim in variis diocesisibus vigentis, interrogandus episcopus, ad quem pertinet interpretari et moderari consuetudines suæ diocesi peculiare.

Quoad II^{um}, semel admissio quòd in sponsalibus nulla requiratur specialis solemnitas, satis verisimile videtur sponsalium instar haberi posse postulationem bannorum a nupturis porrectam sive parochò, sive officario civili. Saltem, quando antea initæ sunt coram notario conventiones matrimoniales, ad sensum articuli 1394 Cod. civilis, a fortiori si detur a notario testimonium scriptum de promissione, quod simul cum bannis in ecclesia promulgetur, ut fit in pluribus diocesisibus, nullum videtur moveri posse dubium quin hujusmodi contractus vim habeat sponsalium.

Quoad III^{um}, quæstio respicere nequit nisi tertium effectum, id est, impedimentum honestatis publicæ. Porro, supponendo non requiri ad validitatem ullam solemnitatem ecclesiasticam, salvo meliori judicio, sic distinguen-

dum videretur. Vel partes contrahentes intentionem habent recurrendi postea ad Ecclesiam, ita ut in eorum mente exterius manifestatâ, nunc matrimonium non perficiant, sed tantum legis civilis præscripto satisficiant; vel non. In primo casu, non potest dici matrimonium clandestinum, cum partes non verè attentaverint matrimonium illegitimum; est potius legitimi matrimonii inchoatio: porro exinde oriri videntur vera sponsalia; cum enim non possint ad aliud matrimonium convolare, censentur sibi invicem promittere quod inchoatum perficient, ac proinde adest promissio saltem implicita matrimonii. In secundo casu, adest verè matrimonium clandestinum, seu aliter quàm præsentè parochò et testibus initum: porro matrimonium clandestinum non habet vim sponsalium: ita decidit S. Congregatio Concilii, et ita docent auctores; ergo dici nequeunt in eo casu adesse vera sponsalia. Utrum autem adsit impedimentum publicæ honestatis expendemus, ubi de illo impedimento (nº 171).

108. IV. *Quibusnam ex causis dissolvi possint sponsalia?*

Quatuor causæ præcipuæ assignari possunt. 1º Communis consensus, expressus vel tacitus, quia *Quæ consensu contrahuntur, contrario consensu dissolvuntur*. Adest autem ille consensus tacitus, si v. g. partes tempus præfixum elabi sinant, si concurrant ad ponendum matrimonio impedimentum, ut si sponsus viduæ filium ejus posthumum de sacro fonte, eâ rogante, suscipiat. 2º Violatio fidei datæ, v. g. per fornicationem: quia ex regula juris *Frustrâ quis sibi fidem postulat ab eo servari, cui fidem a se præstitam servare recusat*. Quod si fornicatio ex utraque parte locum habuerit, quamvis satis communis videatur opinio quæ ait tunc posse sponsum resilire, non sponsam, quia longè gravius est crimen sponsæ; at tamen satis probabile est jus utrique competere, quia utrinque adest saltem motivum sufficiens dubitandi de fide in posterum servandâ. Si autem non per fornicationem, sed per matrimonium cum alia persona initum fides frangatur, liber est profectò ille erga quem sic violata est fides: sed qui fregit, ita adstrictus remanet, ut, soluto priori matrimonio, non possit ad aliud convolare; non enim debet ex malitia sua fructum consequi, et nulla est ratio asserendi extinctam fuisse illius obligationem; fuit tantum suspensa. 3º Mutatio notabilis superveniens in alterutrius sponsi persona, talis nimirum, ut, si illam prævidisset sponsus alter, nuptias spondere noluisset. Hæc autem mutatio alterius contingere potest, vel in ejus mente, si v. g. incidat in amentiam, in hæresim; vel in corpore, si in paralysim; vel in fama si fiat infamis jure aut facto; vel in fortuna; item, si alter ordines suscipiat, vel religionem profiteatur. Non sufficit tamen

simplex castitatis votum, quia votum non potest derogare juri acquisito alteri. 4° Cognitio defectûs aut vilii tempore sponsalium igno-
rati, et talis naturæ ut sponsalia fuissent exinde impedienda.

CAPUT II.

DE BANNIS.

109. *Bannum* vox est germanica, quæ idem est ac publica declaratio; hic sumitur pro denuntiatione futuri inter tales personas matrimonii coram frequenti populo faciendâ.

Duplex hodie distinguitur. Cùm scilicet lex civilis præcepta ecclesiastica non attendat, præscripsit ipsa quamdam denuntiationem, quæ bis fieri debet coram *domo*, ut dicitur, *communi*, art. 63 et seq. Codicis civilis. Hæc omnino diversa est, ut patet, a denuntiatione ecclesiastica; de illâ proinde directè agendum non habemus. Quædam tamen, datâ occasione, propter materiæ connexionem, dicemus.

Agemus 1° de necessitate bannorum; 2° de modo promulgandi; 3° de dispensatione a promulgatione bannorum; 4° et 5° de obligationibus quæ ex bannis nascuntur, sive pro fidelibus, sive pro pastoribus.

ART. 1. — *De necessitate bannorum.*

110. Banna, quoad substantiam, vel ipsis primævis Ecclesiæ sæculis fuerunt probabiliter in usu. Quo enim tempore statuta fuere impedimenta, necesse fuit ut quædam de illis inquisitio ante matrimonium fieret, et ideo verisimile est, per analogiam ex antiqua Ecclesiæ disciplina desumptam, interrogatum esse populum. Aliunde multis in locis celebrabantur sponsalia coram plebe; quod æquivaiebat bannis.

Quoad formam hodiernam, juxta BENEDICTUM XIV, ex statuto ODONIS DE SOLIACO, Parisiensis antistitis, qui vixit sub initium sæculi XIII, denuntiationum manavit exordium, quæ tum bannum nuncupatæ fuerunt. Eam denuntiationem pro tota Ecclesia præscripsit Concilium Lateranense quartum, an. 1216. Cùmque hujus decretum non

satis observaretur, illud renovavit Concilium Tridentinum, ad petitionem præsertim episcoporum et theologorum Gallorum, his verbis, sess. XXIV, c. 1, *de Reform. matrim.*
 « Sancta synodus sacri Lateranensis Concilii, sub Innocentio III celebrati, vestigiis inhærens, præcipit ut in posterum, antequam matrimonium contrahatur, ter a proprio contrahentium paroco, tribus continuis diebus festivis in Ecclesia inter missarum solemnias publicè denuntietur, inter quos matrimonium sit contrahendum. »
 Inserta est lex illa omnibus Ritualibus, et longo usu confirmata.

Hujus legis motiva sunt, 1° ut præcaveantur matrimonia clandestina; 2° ut detegantur matrimonia, si qua sint, impedimenta; 3° ut qui jam uni est desponsatus, alteri nubere non possit; 4° ne filii familias, inconsultis parentibus, matrimonium contrahant: huic rationi multum olim insistebant edicta regia; 5° ut fideles præmoniti Dei benedictionem in sponso implorent.

Hinc intelligitur 1. legem illam sub gravi obligare; disciplina enim generalis, gravibus motivis innixa, gravem utique parit obligationem: 2. legem ad omnes spectare; ex usu tamen excipiuntur supremi principes, quia eorum genus satis notum est, et ordinariè satis publica connubia: 3. non tamen requiri hanc promulgationem sub pœna nullitatis. Olim aderat difficultas, ex edictis regiis, pro quodam casu peculiari, de quo agit POTHIER, n° 366, et quem expendemus ubi *de Clandestinitate*: Sed nulla potest hodie adesse difficultas: non enim subsistunt illa edicta regia. Codex civilis non agit nisi de proclamatione prorsus diversa, nec eam præcipit sub pœna nullitatis, saltem ordinariè, ut explicabimus ubi *de Impedimentis civilibus* (n° 323).

ART. 2. *De modo promulgationis bannorum.*

111. Hic expendemus 1° quo tempore; 2° quo loco; 3° a quo; 4° quânam formâ promulganda sint banna.

I. DE TEMPORE. Indicatur in suprâ allatis Concilii Tridentini verbis.

1°. *Antequàm matrimonium contrahatur.* Satis patet ex

motivis bannorum, ea esse matrimonio præmittenda. Concilium tamen Tridentinum vult ut, si denuntiationes ex dispensatione omissæ fuerint, deinde ante consummationem matrimonii fiant, nisi aliter judicaverit episcopus : observant auctores hoc rarò fieri in Galliis.

2°. *Diebus festivis.* Per hæc verba designantur dies qui ex præcepto Ecclesiæ festivantur, saltem in loco ubi promulgantur banna : unde non possunt promulgari in festis meræ devotionis, v. g. in festis apud nos suppressis per indultum anni 1802, feriâ iv Cinerum, diebus ultimis Majoris hebdomadæ. Alicubi prohibentur denuntiationes diebus solemnioribus, v. g. Paschatis, Pentecostes, etc. : standum præscriptionibus in qualibet diœcesi receptis.

3°. *Tribus continuis diebus.* Sensus non est faciendas esse denuntiationes tribus diebus festivis sese immediatè subsequentibus, ut olim in Paschate, Pentecoste, etc. : sic non satis obtineretur finis legis, quia vix tempus suppeteret fidelibus, ad revelanda, si qua nôrint, impedimenta ; unde in plerisque Ritualibus præscribitur aliquod inter varias denuntiationes intervallum : pariter præscribitur ut non statim post ultimam denuntiationem celebretur matrimonium, sed mora unius aut plurium dierum intercedat, ob eandem rationem. Sensus itaque verborum Concilii est, non debere matrimonium longo a denuntiationibus intervallo, vel denuntiationes ab invicem distare, ne, per illam distantiam, aliquod suboriatum impedimentum quod Ecclesiæ non innotescat. Hinc, dilato matrimonio, opus est novis denuntiationibus, alicubi quidem post duos menses, alibi post tres aut quatuor, alibi post sex duntaxat, alibi post unum annum.

4°. *Inter missarum solemnia.* His verbis significatur missa parochialis, et quidem sola. Hinc fieri non debent denuntiationes in missis privatis, vel in officio vespertino. Si plures adsint missæ parochiales, ut Parisiis frequens est, in unaquaque fieri possunt : vulgò eligitur tempus, ut dicitur, *Pronai*.

112. II. DE LOCO. Concilium Tridentinum decernit promulganda esse banna *in ecclesia*, scilicet *parochiali*, ut

intelligitur ex dictis ; non autem in capellis, sive privatis, sive publicis, nisi tota parochia huc processisset, et missa parochialis ibi celebraretur. Quoad ecclesias quæ dicuntur *Chapelles vicariales*, vel *Annexes*, variæ sunt in variis diœcesibus consuetudines, quibus standum : seclusa speciali lege aut consuetudine, dicendum videtur cum D. BOUVIER, sufficere denuntiationem in annexa, quando habet territorium determinatum, quia sacerdotes qui talibus ecclesiis deserviunt, habent quasi ordinariam jurisdictionem, ex institutione episcoporum : secus verò, si non habent territorium determinatum ; tunc enim proclamatio facienda est in ecclesia principali.

Per ecclesiam autem parochialem, non est intelligenda parochia in qua quis natus est, seu parochia originis : agnoscunt enim omnes non necessarium esse ut in ea fiat proclamatio, quando alibi diu fuit commoratum. Intelligitur ergo parochia domicilii actualis.

Sed aliquando requiritur ut banna in pluribus ecclesiis promulgentur : nempe triplici in casu.

1° Si duo contrahentes sint *e duabus diversis parochiis*, in utraque proclamanda sunt banna : satis deducitur ex motivo legis et ex generali consuetudine. Ita etiam pro foro civili, art. 166.

2° Si unus aut uterque contrahens æquale circiter *in duobus locis domicilium* habeat, in utroque banna sunt promulganda. Ita communiter auctores nostri. Sed requiritur ut domicilium sit *circiter æquale*, quia si unum tantum sit propriè dictum, etiamsi per aliquod tempus quotannis alibi commoretur, v. g. ruri, rerum agendarum, aut cœli liberioris fruendi causâ, non ideo exigenda duplex promulgatio.

3° Si contrahentes *a sufficienti tempore domicilium non habeant* in parochia sua actuali, banna promulgari debent etiam in parochia in qua antea habitaverunt. Olim ad acquirendum domicilium illud sufficiens de quo nunc loquimur, ex edicto anni 1697 requirebatur habitatio sex mensium, si contrahentes venirent ex altera parochia ejusdem diœcesis ; unius vero anni, si ex altera diœcesi : et

hæc regula in plerisque Ritualibus recepta fuerat. Hodie in quibusdam diœcesibus, viget adhuc eadem regula; in aliis, quandiu non adest habitatio saltem unius anni, banna promulgantur in loco præcedentis domicilii; in aliis demum non exigitur in ullo casu nisi habitatio sex mensium. Servanda est lex vel consuetudo uniuscujusque diœcesis: sed meritò observant auctores, opportunum aliquando esse, etiam quando non præscribitur duplex bannorum denuntiatio, ut parochus cautè et prudenter inquirat de statu spon-
sorum.

113. Ex his determinari potest quid speciatim agendum sit, 1º quoad *minores*. Banna eorum promulganda sunt tum in domicilio facti, id est, in quo habitant, tum in domicilio juris, seu parentum aut eorum sub quorum potestate sunt in ordine ad matrimonium. Ita olim sancitum erat edictis reglis, et Ritualibus; idemque hodie observatur.

Aliquid simile statuit Cod. civ. art. 168. Sed non eodem modo ac olim determinatur minoritas in ordine ad matrimonium. Olim *minores* erant qui non compleverant vigesimum quintum ætatis annum. Hodie, distinguendum: si habeant ascendentes, *minores* sunt viri usque ad an. 25 completum, feminae usque ad an. 21; ita art. 148: si verò non habeant ascendentes, usque ad an. 21 pro utrisque; ita art. 160: Quæri potest ergo cuinam præcisè determinationi standum sit, in foro ecclesiastico? Satiùs videretur sequi determinationem recentiore; sed ante omnia standum consuetudini locorum, et determinationibus episcoporum, ad quos pertinet ea statuere quæ banna ecclesiastica respiciunt.

2º Quoad *famulos*, banna eorum promulgantur in parochia heri apud quem ab uno saltem anno famulantur: si verò vel tempore sufficienti commorati non fuerint, vel sint *minores*, iis applicanda sunt quæ antea diximus. Qui perpetuò laborant vel famulantur in una parochia, et in altera fixam habent domum, vel cubiculum, in ista posteriori publicandi sunt, ait D. BOUVIER. Observant auctores, sæpe opportunum esse, nisi aliunde noti sint, percunctari in loco originis, vel in quo antea commorati sunt, utrùm sint ab omni vinculo verè liberi.

3° Quoad *milites*, promulganda sunt banna eorum in præsidiis seu locis ubi degunt, et insuper in domicilio parentum, si sint minores, et, si sint majores, in loco in quo residebant ante militiam. Ita statutum pro foro civili : omnino prudentiæ regulis consentaneum videtur, ut idem servetur in foro ecclesiastico. Observant insuper auctores, non esse promulganda militum banna, nisi vel habeant licentiam a suis superioribus, si adhuc stipendia mereantur, vel, confectis stipendiis, testimonium quo constet eos esse ad matrimonium liberos.

4° Quoad *vagos*, satis communiter dicunt auctores promulganda esse eorum banna tum in loco in quo actualiter degunt et matrimonium inire volunt, tum in loco originis, vel saltem in quo diutius commorati sunt. In quibusdam tamen diœcesibus, banna non promulgantur nisi in loco ubi nunc sunt. Quidquid sit, agnoscunt omnes maximâ cautione opus esse, et recurrendum esse ad episcopum, ex præscripto Concilii Tridentini, *sess. XXIV, c. VII, de Reform. matrim.*

114. III. A QUO BANNA PROMULGANDA. A proprio contrahentium parochio promulganda banna decernit Concilium Tridentinum; sub eo nomine comprehenduntur vicarij. Sed promulgari non debent a quocumque alio sacerdote aut clerico, nisi fuerit a parochio, vel ab episcopo delegatus; a fortiori nec a quocumque laico, notario, apparitore, etc.

Antequàm ad promulgationem deveniat parochus, varias cautiones adhibere debet.

1° Diligenter inquirat an sponsi liberè consentiant; an consentiant etiam parentes, aut illi sub quorum potestate versantur; an nullo cognationis, aut alio impedimento sint ligati. Si ipse aliquod impedimentum, aliâ quam confessionis viâ, noverit, etiam sponsis ignotum, ipsos instruat, saltem regulariter loquendo, ut postea explicabitur (n° 288).

2° Banna non promulget, nisi postulantibus ipsismet nupturis : si verò id aliorum petitioni concedendum videatur, exigendum est ut petitionem chirographo muniant. Imò quidam consulunt ut petitio ipsorum sponzorum scripto sit consignata : ne extranei malevoli postulent promulga-

tionem bannorum, ne una pars sola postulet, ut alteram quasi ad matrimonium necessitet; ne, si partes postea poeniteat, possint conqueri de parcho, etc.

3° Post promulgationem factam, si testimonium de ea tradendum sit, non debet tantum exprimi verbis generalibus, sed indicandum est tempus. Neque statim dari debet, sed post moram unius diei, nisi longiorem præscribat Rituale; ut nempe tempus suppetat fidelibus impedimenta revelandi, si quædam nôrint.

115. IV. DE BANNORUM FORMA. Forma illa determinatur in Ritualibus. Hæc observari possunt. 1° In ea generatim exprimi debent nomen, patria, parochia, conditio seu professio contrahentium, et eorum ex quibus nati sunt: si pater aut mater vitæ functi sint, illud exprimitur; si de vidua agatur, mentio fit prioris mariti.

2° Cavendum tamen ne infamia cuiquam inuratur. Hinc 1. si mulier cujusdam viri vidua existimetur, licet non fuerit uxor ejus legitima, debet designari sub viduæ nomine quo solet appellari. Hinc 2. si unus e sponsis sit illegitimus, reticenda erit illa circumstantia, et illius honori providendum erit, meliori quo fieri poterit modo, pro variis circumstantiis: designandus erit nomine sub quo in parochia notior esse solet.

3° Dicendum est post singulas denuntiationes, hanc esse primam, vel secundam, vel tertiam; et si unius, vel duplicis obtenta vel obtinenda sit dispensatio, illud pariter exprimendum, ut citò revelent qui aliquid revelandum habere possunt.

4° Altâ, intelligibili voce facienda est promulgatio; alioquin non obtinetur finis legis, ut patet.

ART. 3. *De dispensatione a promulgatione bannorum.*

116. I. *An et qua de causa concedi possit?*

Certum est posse aliquando dispensationes concedi a lege bannorum: illud expressè permittit Concilium Tridentinum, et satis constat tum ex natura legis, quæ est merè positiva, tum ex praxi quotidiana.

Quoad dispensationis causas, mens Ecclesiæ est profectò ut adsit ratio gravis, et BENEDICTUS XIV in Constit. 17 nov. 1741 monuit episcopos ut essent difficiliiores ad remittendum publicationes. Præcipuæ ex rationibus quæ afferri possunt enumerantur apud auctores et plerumque in Ritualibus. Sed agnoscendum est nostris temporibus, ubi non rarò timendum est ne, si dispensatio denegetur, partes nihilominus matrimonium civile ineant, et forsàn in eo se sistant, concedi solere dispensationem, saltem partialem, seu a duobus bannis, ob causam non ita in se gravem.

117. II. *Ad quem pertineat dispensationem a bannis concedere?*

1º Ex Concilio Tridentino, illud ad ordinarium pertinet : per ordinarium intelligitur episcopus, ejusve vicarius generalis, necnon et capituli sede vacante : non verò parochus, ut constat tum usu communi, tum pluribus Galliæ Conciliis quæ illum formaliter excludunt. Aliquando tamen poterit parochus, non quidem dispensationem concedere, sed uti, ut dicunt, *epikeià*, id est, judicare legem non obligare in quodam casu necessitatis, v. g. si agatur de jungendis in articulo mortis concubinariis civiliter tantum junctis, ad legitimandam prolem coram Ecclesia ; si autem non adsit proles, non videtur, ait D. BOUVIER, cur tam præcipitanter daretur benedictio nuptialis, maximè si altera pars non esset rectè disposita, et mors certa appareret ; tunc sincera promissio matrimonium catholicè ineundi, si recuperetur sanitas, sufficeret, ut confessarius ultima ministraret sacramenta. Cæterum aliquando præscribitur in Ritualibus quid in hujusmodi casibus necessitatis agendum ; his absque dubio obtemperandum est.

Satis intelligitur, si agatur de dispensatione a proclamationibus civilibus, recurrendum esse ad auctoritatem civilem, ad normam articuli 169 *Cod. civ.* Cura illa commissa fuit procuratori regio, qui non potest dispensare nisi a secunda proclamatione, et quidem gravibus de causis, quas notas facit ministro justitiæ.

2º Si duæ partes sint diversæ diœcesis, contendunt multi sufficere unius episcopi dispensationem. Verùm commu-

nius aliter sentiunt auctores. Ait ALASIA ita censuisse plura Concilia provincialia, et ita declarasse S. Congregationem 20 april. 1606. Huic sententiæ consentanea est praxis communis, a qua non recedendum : nam cum proclamationes fieri debeant in utraque diœcesi, nulla videtur inter eas connexio : possunt adesse rationes dispensandi pro una, quin adsint pro altera : impedimenta possunt detegi ex utraque parte : ergo hic non applicatur ratio dubitandi quæ militat quando agitur de impedimento, quod nempe impedimentum non possit tolli in una parte quin tollatur et in altera.

118. III. *Quâ formâ concedenda sit dispensatio?*

Quamvis nullo jure statutum videamus, ad validitatem dispensationis bannorum, ut scripto concedatur, attamen a longo tempore fert praxis in Galliis recepta, ut sicut bannorum proclamationes, ita et dispensationes sigillo episcopali munitæ, in tabulis a parochio referantur, ad quas, si opus sit, recurri possit. Illud est prudentiæ regulis omnino consentaneum, ut et parochio melius constet de dispensatione, et, casu exigente, ipse aliis eam probare possit.

ART. 4. *De obligatione quam fidelibus imponit bannorum promulgatio.*

• 119. Certum est fideles generatim teneri, sub peccato mortali, revelare impedimenta, sive dirimentia, sive etiam prohibentia, quæ noverint : lex enim ecclesiastica, quæ illud præcipit, est in materia gravi, ut patet sive ex summa cura quâ illius observationi invigilat Ecclesia; sive ex pœna sub qua fertur, nempe excommunicationis; sive demum ex consecrariis, siquidem agitur de impediendis nubentium iniquitate et peccatis ex illicito matrimonio secuturis, sacramentorum profanatione, familiarum perturbatione, etc. Neque ab ea obligatione immunes sunt incolæ alterius parochiæ, aut etiam diœcesis; lex enim illa fertur nomine Ecclesiæ, cui omnes Christiani subjacent, et nititur præcepto charitatis quod ad omnes spectat.

Sed difficultas est de iis qui noverunt sub secreto, aut qui sine gravi damno revelare nequeunt.

120. I. *De iis qui impedimentum noverunt sub secreto.* Distinguendum est inter varias secreti species. Vel est secretum *promissum* tantum, vel est *commisum*: secretum dicitur simpliciter *promissum*, quando res jam aliunde cognita erat; *commisum* verò, quando res non est declarata nisi sub conditione secreti.

1° Qui novit impedimentum sub secreto *promisso*, debet revelare: quando enim rem cognovit modo legitimo, societas jus acquisivit illius revelationem exigendi propter bonum commune; nec illo jure privari potuit, per promissionem subsequentem.

2° Si sub secreto *commisso*, rursus distinguendum est: vel est secretum confessionis, vel consilii, vel solummodò conversationis.

1. Qui novit sub secreto *confessionis*, revelare non tenetur, imò nec potest: hujusmodi sigillum nullo in casu violari potest.

2. Qui noverunt sub sigillo *consilii*, quia ratione suæ professionis ab iis petitum est consilium, quales sunt parochi, doctores, advocati, medici, obstetrices, etc. eximuntur etiam ab obligatione revelandi: ita expostulat bonum commune; quia si hi fidem fallant, jam nemo erit qui in rebus difficilibus consuli possit, et omnis consiliis præcluditur aditus, cum maximo totius societatis detrimento, ut facile intelligitur.

3. Qui novit impedimentum sub secreto *conversationis*, revelare debet: ita communiter Doctores post S. THOMAM. Revelando enim providet bono publico, bono ipsorum contrahentium: nec tanti interest ut locus semper adsit hujusmodi secretis.

121. II. *De iis qui impedimentum revelare non possunt absque gravi damno.* Principium generale est, neminem teneri revelare impedimentum, quando id non potest sine gravi detrimento: lex Ecclesiæ et charitas non obligant cum tanto incommodo.

Hinc 1° revelare non tenetur qui ex revelatione timendam

habet mortem aut gravia mala, ut accidere potest famulis, etc. Item qui non nisi cum propria infamia.

Hinc 2° excusatur qui revelare nequit nisi cum gravi detrimento suorum, v. g. patris, matris, filiorum : censeretur damnum ipse subire.

Hinc 3° excusant non pauci eum qui revelare nequit nisi cum infamia tertiæ personæ; quia inter duo præcepta illud observandum est quod gravius urget : porro præceptum charitatis et justitiæ quod ad silentium obligat aliis omnibus præstat. Attamen hanc decisionem parum probant alii; eā enim admissā, maxima ex parte inutiles evadit lex Ecclesiæ. Aliunde valeret quidem ratio allata, si magnum timeretur scandalum, quia crimen tertiæ personæ publicum evadet, exindeque magnum illa patietur detrimentum : sed cum plerumque hæc timenda non sint, si revelatio fiat parochus aut episcopo prudenti, revelatio videtur exigi tum ex reverentia sacramenti, tum ex charitate erga ipsosmet sponso, præsertim erga innocentem et crimen alterius ignorantem. Cum illud pendeat multum a circumstantiis, et tertiæ personæ honori et famæ plus minusve consulendum sit, satius erit ut, nemine designato, interrogetur vir prudens, quid agendum sit.

Sed 4° infamia sponsorum non est ratio sufficiens abstinendi a revelatione. Equidem primò sunt ipsi monendi, ut vel a matrimonio desistant, vel dispensationem obtineant. Si verò monito non obtemperent, revelandum erit impedimentum : malum quod incurrunt sibi debent tribuere, et insuper eorum saluti consulitur, quæ est anteponenda eorum famæ. Ita communiter auctores.

ART. 5. Quid agere debeant pastores quibus denuntiantur impedimenta.

122. Parochus cui denuntiatur impedimentum, omnia debet quæ christiana prudentia suggererit media adhibere, quibus denuntiati impedimenti perspectam habeat veritatem aut falsitatem. Itaque 1° omni quâ poterit apud denuntiatorem aget solertiā, ut ab illo scriptam denuntiationem obtineat, vel saltem, si possibile sit, coram duobus testibus

emissam : ne scilicet fortè postea denuntiatio denegetur, et ipse in calumniæ suspicionem veniat. 2° Diligenter conquirit qualem ille denunciator apud vulgus habeat opinionem probitatis : et supponendo eum esse aliàs virum fide dignum, an forsàn in hac peculiari occasione non aliquo invidiæ aut vindictæ spiritu ducatur. 3° Maturè perpendet quales prædicti impedimenti probationes, qualiave proferat indicia. Si illud revelet cum propria infamia, non ideo illius testimonium omnino recusabit, sed magnâ utetur cautione. 4° Tandem, juxta monitum S. Caroli, cum ipsis partibus, eorumve parentibus, seorsim colloquetur, graviterque eos monebit, ut liberè dicant utrùm hujus impedimenti sint, vel non sint conscii.

His autem absolutis, vel videt parochus fulem esse et probatione destitutam denuntiationem; vel talem afferri probationem, ut statim posset, etiam coram iudice, admitti; vel demùm adeò ambigua proferri impedimenti indicia, ut partes nunquam possent de illo coram iudice convinci. Si 1°, potest, et, ubi partes exigunt, debet ad matrimonii celebrationem procedere. Si 2°, partibus absolutè denegat benedictionem, donec certò existentis impedimenti dispensationem obtinuerint. De quo advertendum est, ad id sufficere aliquando posse unius testis denuntiationem : est opinio communissima, innixa pluribus juris canonici dispositionibus, præsertim cap. *Præterea*, XII, de *Sponsalibus*, et variis decisionibus S. Congregationis Concilii. Ratio est, quia hic non agitur de infligenda pœna, sed de peccato vitando, et de removendis multis incommodis. Si 3°, supersedeat, et rem ad episcopum deferat.

123. *Nota.* Olim non tantùm viâ revelationis, sed etiam viâ *intercessionis*, seu ut dicitur, *par voie d'opposition*, poterat quis matrimonio obsistere apud parochum. Tunc a paracho servandæ erant formalitates variæ iis similes quas præscribit Codex civilis art. 172 et seq. ab officario civili adimplendas : quia nempe, cùm personam gereret officarii etiam a principe delegati ad assistendum matrimonio, ad eum recurrere debebant illi qui ex causa etiam civili matrimonio obsistere volebant. Hodie verò causæ omnes

civiles ad judicem civilem deferendæ sunt : et si quis velit ex motivo canonico obsistere , id unum ei superest , ut recusante paroco , ad episcopum recurrat.

APPENDIX.

DE MATRIMONIIS OCCULTIS QUÆ CONSCIENTIÆ DICUNTUR.

124. Cùm eò præcipuè spectent banna , ut publica sint matrimonia , ideo opportunè hic agendum occurrit de matrimoniis occultis , quæ *Conscientiæ* vulgò nuncupantur.

Variis temporibus vario quoque sensu intellecta sunt hæc matrimonia conscientiæ , ut explicat BENEDICTUS XIV, *de Synod.* , l. XIII , c. XXIII , n° 12. Hodie ea dicuntur matrimonia *conscientiæ* , quibus vir et femina , coram paroco et duobus testibus familiaribus , sed omissis ex indulto denuntiationibus , conuubio junguntur : omnis cura adhibetur ut hæc matrimonia occulta remaneant , ad evitanda hominum improbautium dicteria , aliasque molestias : unde silentium imponitur paroco et testibus. Ab his non multum differunt matrimonia quæ sæpe fiunt in Germania , et dicuntur *ad Morganaticam* , gallicè *Mariages de la main gauche*. Satis erit breviter exponere quid de hujusmodi matrimoniis censendum sit.

1. *Ex jure canonico*. 1° Illa matrimonia *sunt valida*. Si enim nulum aliunde obstat impedimentum , nihil est in eorum forma quod eorum validitatem infirmare possit.

2° *Sunt ordinariè illicita*. 1. Ex legibus Ecclesiæ , cujus hic est spiritus , ut publica inter fideles matrimonia celebrentur. Id inculcat Benedictus XIV in constitutione *Solus vobis compertum* , 17 nov. 1741 , quæ præsentem materiam respicit. 2. Ex ratione , nempe ex gravibus incommodis quæ ex his matrimoniis sequi possunt. Præcipua sunt : scandalum exinde ortum , quòd conjugaliter vivere conspiciantur ii qui pro conjugatis non habentur ; si autem , ut vitetur illud incommodum , conjuges separatim vivant , tollitur individua vitæ societas , quæ matrimonio competit : malum puerorum , qui sæpe exinde derelinquantur , et qui pro spuris haberi periclitantur : facilitas novi matrimonii contrahendi.

3° *Possunt tamen aliquando esse licita*. 1. Ex auctoritate. Ait Benedictus XIV, *de Synod.* n° 13 , contrariam Sambovii opinionem esse nimis a communi sensu remotam , cùm non desint casus in quibus debet superior matrimonia conscientiæ permittere. 2. Ex ratione. Si quid obstaret quominus aliquando licita fierent hæc matrimonia , maxime scandalum : porro , si justa causa adsit clam contrahendi , scandalum non erit datum , sed acceptum ; jam verò aliquando possunt ad esse legitimæ causæ ita contrahendi.

4° *Licita non fiunt nisi servatis quibusdam conditionibus* : has regulas prudentiæ commendat Benedictus XIV in *præfata const.* 1. Moneat ut illæ dispensationes non concedantur nisi ex gravi , urgenti et

urgentissima causa; 2. ut fiat diligens personarum inquisitio, ita ut constet nihil eorum matrimonio ob stare; 3. ut ad assistendum matrimonio deputetur parochus vel sacerdos qui doctrinâ et prudentiâ commendetur; 4. ut instrumentum celebrationis cum omnibus ad illud attinentibus servetur accuratè in libro, vel folio obsignato; 5. moneantur conjugés quòd, si proles nata fuerit, non solum baptizetur, sed ea efficiantur quibus constet eam esse legitimam et baptizatam: quòd si hæc negligant, matrimonium divulgabitur.

II. *Ex jure civili.* Olim illa matrimonia habebantur ut valida quoad vinculum, sed erant irrita quoad effectus civiles, adeò ut filii ex iis orti incapaces forent successionis. Hodie nihil peculiare statuitur: matrimonium ergo, modò serventur formæ per legem præscriptæ, etiamsi nihil negligatur ut occultum remaneat, valebit etiam quoad effectus civiles.

CAPUT III.

DE CONSENSU PARENTUM.

125. Hæc tria statuere sufficiat. — I. Peccant filii, saltem ordinariè, quando nubunt absque consensu parentum.

Prob. 1° Ex Scriptura, in qua parentibus commissum videtur officium filiis suis conjugés dandi. *Exod.* xxxiv, 26; *Deuter.* vii, 3; *Jerem.* xxix, 6. 2° Ex variis legislatorum dispositionibus, qui hujusmodi matrimonia sub gravissimis pœnis prohibuerunt. 3° Demùm ex ipsa ratione: hoc erga parentes, in re tanti momenti, obsequium postulant reverentia eis debita, pax familiarum, optima societas civilium constitutio, felix iu præsentis et quoad alteram vitam conjugiorum exitus. Unde graviter reus est qui nubit omnino inconsultis parentibus: qui autem iis consultis non obedit, judicandus erit plus minùsve peccare pro variis circumstantiis.

Hinc vim non habent sponsalia inita absque consensu parentum, etiamsi fuissent juramento confirmata. Cùm enim ea promissio sit de re illicita, vim habere non potest; neque juramentum est vinculum iniquitatis.

Non tamen filius per se tenetur, saltem sub gravi, obedire parentibus præcipientibus matrimonium, aut tale matrimonium: quia in matrimonio ineundo, filius debet esse liber; et aliunde tanta ordinariè mala oriuntur ex matrimo-

giis et jurisprudentiâ constanti recentioribus præsertim temporibus, irrita esse apud nos matrimonia filiorum familiâs sine consensu parentum inita. Idem hodie docent nostri jurisperiti ex Codice civili : sed difficultas est, an princeps potuerit, an voluerit attingere ipsum vinculum matrimonii ; de quo ubi *de Impedimentis civilibus*.

Cæterùm cùm apud multos auctores satis implicata sint ea quæ spectant illud decretum Concilii Tridentini, si quis ea fusè investigare velit, vid. P. M. n° 448 et seq., et auctores ibi indicatos.

CAPUT IV.

DE IMPEDIMENTIS MATRIMONII CANONICIS.

128. Agemus 1° de impedimentis in genere ; 2° de impedimentis in specie ; 3° de dispensatione ab impedimentis ; 4° de ratione agendi tenenda quando aliquod occurrit impedimentum.

ART. 1. *De impedimentis canonicis in genere.*

129. Per impedimentum matrimonii generatim intelligitur illud omne quod obstat ne matrimonium licetè, aut etiam validè contrahatur : si obstat validitati, *dirimens*, si verò solum legitimitati, *prohibens* seu *impediens* appellatur ; unum ex lege simpliciter prohibente, alterum ex lege irritante oritur.

Cùm autem plura in matrimonio spectari possint, ut in prima parte vidimus, nempe sacramentum, vinculum naturale seu conscientiam ligans, vinculum externum et legale, conventiones matrimoniales seu pecuniariæ, et varii alii effectus civiles, ut bene perspecta habeatur natura impedimenti dirimentis, sedulò attendendum est in quodnam præcisè cadat nullitas per illud inducta. Porro satis patet illud solum propriè et absolutè sine restrictione dici posse impedimentum dirimens matrimonii, quod vinculum naturale matrimonii afficit in conscientiâ, seu quod ipsum contractum naturalem dirimit. Et revera, si appellemus non solum theologos, sed et eos omnes qui notionem ali-

quam distinctam habent circa impedimenta matrimonii, omnibus persuasum est eos qui cum impedimento dirimente contraxerunt, non posse uti matrimonio sine fornicatione, sed posse ab invicem separari et aliud matrimonium inire; quod locum non haberet, si facta fuisset domini in corpora translatio : porro, ut impediatur illa translatio, evidens est requiri ut irritetur contractus naturalis, cum ille nihil aliud sit quam contractus quo transfertur dominium in corpora ; ergo, etc. Hunc esse effectum impedimentorum quæ ex jure naturali aut divino oriuntur, nemo ambigit : sed quando agitur de impedimentis juris positivi, illud quidam negaverunt, aut non satis attenderunt, ut in decursu videbitur, ubi exponemus et quomodo ad id adducti sint, et quam graviter in eo erraverint.

His præmissis, tria hic expendemus : 1° an Ecclesia possit ferre impedimenta dirimentia ; 2° quibusnam in Ecclesia competat hæc potestas ; 3° quinam his impedimentorum legibus subjiciantur.

§ 1. *An Ecclesia ferre possit impedimenta matrimonium dirimentia.*

130. Quæstio non est, 1° an possit Ecclesia statuere impedimenta prohibentia; id facile concedunt omnes. 2° Non quæritur etiam an possit impedimenta juris naturalis et divini declarare, et legibus suis sancire; nemo de hoc dubitat. 3° Difficultas est igitur solummodo, an possit ferre nova impedimenta dirimentia, quæ verè contractum naturalem irritent sensu mox exposito. Porro 1° auctoritatem Ecclesiæ impugnaverunt Lutherus et Calvinus, qui docebant matrimonium non esse sacramentum, sed contractum merè civilem, ideoque subjici tantum auctoritati principum, et Ecclesiam nil aliud posse quam promulgare leges in Scriptura sacra contentas, a quibus proinde non potest dispensare. 2° Lutheri errorem renovavit, saltem magna ex parte, M. Ant. de Dominis : item Launoïus, qui directè intendit asserere hanc potestatem competere principibus, sed simul eam Ecclesiæ eripere nititur ; Leridanus, Maultrot, Agier et multi alii Janseniani ; et demum

nostris temporibus Tabaraud. 3^o Alii demùm ore tenus admittentes auctoritatem Ecclesiae, eam nihilominus in rei veritate convellerunt, admittentes quidem Ecclesiam posse apponere impedimenta dirimentia sacramento, sed principi reservantes facultatem ea apponendi contractui, vel ita explicantes naturam impedimenti dirimentis, ut, nomine retento, res ipsa de medio tolleretur. Ita quidam theologi, et praesertim jurisperiti.

Contra eos omnes sit

PROPOSITIO. — *Ecclesia jure divino auctoritatem habet statuendi impedimenta matrimonii verè dirimentia.*

Prob. I. Ex praxi Ecclesiae. Ecclesia a primævis sæculis potestatem exercuit apponendi matrimonio impedimenta dirimentia : atqui hæc praxis invictè probat hanc potestatem ipsi competere jure divino; ergo revera, etc.

Prob. Maj. Duplici quidem ratione.

1^o. *Ex historiæ monumentis.* Si percurrantur annales Ecclesiae, quolibet sæculo occurrent leges latae ab Ecclesia circa matrimonium; rariùs quidem prioribus sæculis, sed quarto sæculo quædam memorantur tanquam a Patribus acceptæ et usu firmatæ, quæ proinde in tribus prioribus latae fuerant : aliæ eodem quarto sæculo constitutæ referuntur, et multò plures posterioribus sæculis, ut videri potest apud GIBERT, *Histoire sur le Sacrement de mariage*. Porro plures ex illis legibus expressè statuunt impedimenta dirimentia, quidquid contradicant adversarii : in iis enim legitur *non adesse matrimonium, non esse uxorem eam* quæ ducta est, *non esse conjugii nomine deputandos, matrimonium esse solvendum, conjunctionis vincula dissolvenda, irritas esse nuptias, esse fornicationem vel adulterium*, et alia hujusmodi. Ergo, etc.

2^o. *Ex præscriptione.* Agnoscunt adversarii jam a multis sæculis Ecclesiam exercere auctoritatem apponendi matrimonio impedimenta dirimentia. Porro exinde sequitur eam semper exercuisse. Nam vel res ita est, vel illius exercitii initium repetendum est a falsis Decretalibus, ut contendunt adversarii; atqui posterius dici nequit : quod

stenditur 1. ex praxi ecclesiæ Græcæ, apud quam viget hujus auctoritatis praxis, quamvis falsas Decretales nunquam admisit. 2° Ex ratione. Si novam omnino disciplinam induxissent illæ Decretales, nunquam tantam auctoritatem obtinuissent : quis enim sibi persuadeat, omnes ita potuisse decipi, ut tanquam jam a longo tempore receptum illud admitterent, de quo nunquam audierant? Ideo igitur fuerunt admissæ, quia confirmabant magna ex parte disciplinam antea vigentem. Ergo, etc.

Prob. Min. Scilicet ex illa praxi deducendum hanc potestatem Ecclesiæ competere jure divino. Vel enim Ecclesia hanc habet ex jure divino, vel eam usurpavit, vel a principibus accepit, vel solummodò consequenter ad principum leges ipsa statuit : atqui tria posteriora dici nequeunt.

1°. *Non eam usurpavit.* Ecclesia enim, cui perpetuò assistit Spiritus sanctus, non potest sibi tribuere potestatem quam non habet. Aliunde certò reclamassent principes, et conquesti fuissent; quod tamen factum non legimus.

2°. *Non eam potestatem a principibus accepit.* Hujus enim concessionis quædam exstarent vestigia; atqui nulla tamen supersunt : imò videmus ipsos principes ad Ecclesiam recurrere, ut impedimentorum dispensationem obtineant; et eos ad suum tribunal evocat Ecclesia, quando, spretis ipsius legibus, nubunt, et se submittunt principes. Et verò eam profectò non recepit sub principibus ethnicis, nec etiam nunc in terris principum infidelium : atqui tamen hanc exercuit sub ipsis principibus ethnicis; et nunc in missionibus infidelium, neophyti subjiciuntur legibus Ecclesiæ. Ergo, etc.

3°. *Dici nequit Ecclesiam non statuuisse de matrimoniis nisi consequenter ad leges principum,* scilicet ad jus Romanum, quod per universum ferè orbem vigeat. Obstant quin illud dici possit, 1. natura legum Ecclesiæ; plura enim impedimenta, in jure canonico memorata, non admittebantur in jure Romano : 2. circumstantiæ temporum; jus illud a sua auctoritate excidit, quando, nono sæculo, Europam invaserunt gentes barbaræ; et tunc ni-

Non aliquid canonice mutaverunt quia dicta impedimenta jure canonico non erant. Non usurpavit quia Ecclesia sancta est et sine macula.

hilominus vigeant leges ecclesiasticæ : 3. circumstantiæ locorum ; ubi fides alicubi prædicata est, SS. Pontifices populos, etiam juri Romano extraneos, impedimentis canonicis subjecerunt ; sic S. Gregorius Magnus Anglos, Gregorius II Germanos, Nicolaus I Bulgaros ; sic hodie subjiciuntur populi recens conversi.

131. II. *Ex Concilio Tridentino*. Videri possunt sessionis xxiv canones 3, 4, 9, 12 ; ex quibus sic argumentamur. Illa potestas Ecclesiæ competit, quam sibi jure divino competere definivit ; evidenter id sequitur ex infallibilitate Ecclesiæ : atqui Ecclesia definivit, in canonibus allatis, potestatem statuendi impedimenta dirimentia sibi competere jure divino ; quod probandum per partes.

1° *Ecclesia* definivit, nempe in Concilio de cujus œcumenicitate nemo catholicus ambigere potest.

2° Definivit *sibi* competere. Etenim vix ulla confutatione indiget quod contendit Launoius, Concilium nomine Ecclesiæ voluisse designare cœtum fidelium, et maxime principes ; illud enim adeo est absurdum, ut a nemine quem sciamus, post Launoium, admissum fuerit.

3° Definivit sibi competere *jure divino*, seu jure proprio, non verò tantum jure mutuato a principibus ; ideoque Canon Concilii habendus est ut verè dogmaticus, et non meræ disciplinæ. Istud est præcipuum, et duplici momento adstrui potest. 1°. *Ex sensu obvio verborum*. 1. Concilium loquitur purè et simpliciter de jure Ecclesiæ ; porro quando Ecclesia loquitur de jure suo, intelligendum est de jure proprio, nisi contrarium indicetur ; alioquin in errorem inducerentur fideles. 2. Error Lutheri in eo erat, quòd negaret jus proprium Ecclesiæ ; ergo illud asserere debuit Concilium. Insuper, quisquis fuerit error Lutheri, non debuit Concilium, ut illum damnaret, in alium errorem incidere, sed debuisset tantum definire legibus positivis irritari posse matrimonium. 3. Damnat Ecclesia eos qui contenderent Ecclesiam errasse in constituendis impedimentis : porro si non ageretur nisi de potestate quam haberet Ecclesia ex concessione principum, jam in illius usu nullam haberet infallibilitatem ; Christus enim assistentiam non promisit

Ecclesiæ potestate extraneâ utenti. 4. Concilium infligit anathema contradictoribus; jam verò nemo non videt satis ridiculum fore Ecclesiam eo modo sibi vindicare potestatem, quam quolibet instanti posset amittere, si nempe concessionem revocarent principes. 2°. *Ex agendi ratione Concilii*. Quando actum est de matrimoniis clandestinis et filiorum familiâs, Concilium 1. declarat valida esse, quandiu ea Ecclesia irrita non fecit; 2. matrimonia clandestina irritat; 3. quamvis vehementissimè expostularent oratores Galli, ut irritarentur matrimonia filiorum familiâs sine consensu parentum inita, renuit Concilium: porro hæc omnia sanè non indicant Concilium agere tantùm voluisse et credidisse ex jure sibi a principibus concessio; ergo Concilium loquitur de jure Ecclesiæ proprio; ergo illius definitio non potest ad meram disciplinam revocari; ergo, etc.

Confirmatur illud argumentum, et tota simul propositio, ex Constitutione *Auctorem fidei*, quæ, ut constat apud catholicos, vim irrefragabilem habet in universa Ecclesia. In ea sic legitur, prop. 59: « *Doctrina synodi asserens, ad*
 • *supremam civilem potestatem duntaxat originariè spec-*
 • *tare contractui matrimonii apponere impedimenta ejus*
 • *generis, quæ ipsum nullum reddunt, dicunturque di-*
 • *rimentia;...* quasi Ecclesia non semper potuerit ac pos-
 • sit in Christianorum matrimoniis jure proprio impedi-
 • menta constituere, quæ matrimonium non solum im-
 • pediant, sed et nullum reddant quoad vinculum, quibus
 • Christiani obstricti teneantur etiam in terris infidelium,
 • in eisdemque dispensare, canonum 3, 4, 9, 12, sess.
 • xxiv Concil. Trident. eversiva, hæretica. » Hæc definitio-
 ne nihil apertius desiderari potest.

132. III. *Ex ratione*. Ecclesia potest apponere matrimonio impedimenta dirimentia, si matrimonium, etiam spectatum sub ratione contractûs, sit de illius foro: atqui revera matrimonium est de foro Ecclesiæ; ergo, etc.

Prob. Maj. Potestas suprema et independens in suo ordine, quotiescumque versatur circa materiam sibi subjec-
 tam, non alios agnoscit limites nisi justitiæ et æquitatis,
 seu boni publici; porro quando agitur de contractu, præ-

Handwritten notes:
 12. a) ...
 b) ...
 c) ...

sertim indissolubili, bonum publicum, nedum obstat, contra sæpe postulat ut irritus declaretur; quia, si prohibeatur tantum, qui legem infringere volent ulterius progredientur, eâ spe inducti quod contractus semel initus dissolvi non poterit: ergo, si matrimonium sit de Ecclesiae foro, poterit statuere impedimenta dirimentia.

Prob. Min. Scilicet matrimonium esse revera de foro Ecclesiae. Illud haberi debet tanquam objectum ecclesiasticum, quod, ex sua substantia et suo fine, relationem dicit ad ordinem spirituales, seu quod directè tendit ad bonum spirituale Ecclesiae; hæc est unica regula, quâ discerni possint objecta ecclesiastica ab objectis merè civilibus. Porro tale est matrimonium; quidquid dicant adversarii, non minùs spectat ad ordinem spirituales quàm ad temporalem: etenim sicut patriæ cives, milites, etc., procreant ita et Ecclesiae filios et ministros; matrimonia malè composita multa inducunt incommoda nociva societati, sed non minùs nociva religioni; ex matrimoniorum regulis pendet filiorum educatio, quæ non minoris refert ad bonum spirituale quàm ad bonum temporale; uno verbo, nulla afferetur matrimonii relatio ab bonum temporale, quæ non simul respiciat bonum spirituale. Ergo, etc.

133. Diximus in propositione impedimenta matrimonium verè dirimentia, id est, ipsum contractum naturalem directè irritantia: quod quidem jam ex allatis argumentis satis probatum censi potest, cum omnia referantur ad impedimenta dirimentia sensu obvîo et secundum notionem vulgarem supra datam intellecta; specialibus tamen quibusdam momentis confirmare operæ præmium erit, tum ad confutandos tertiæ classis adversarios quos nacta est Ecclesiae auctoritas, tum quia frequenter evenit ut non satis id attendant multi catholici. Probatur itaque 1° *Ex Concilio Tridentino*. In Can. III, apertè supponit impedimenta ab Ecclesia instituta ejusdem esse ordinis et roboris ac impedimenta consanguinitatis et affinitatis quæ in Levitico exprimuntur: atqui hæc certè afficiebant ipsum contractum. Insuper melius cognosci nequit quid censuerit Concilium de natura impedimenti, quàm illud expendendo quod sta-

tuit; porro adeò sunt aperta illius verba, ut nullâ explicatione indigeant: « Qui aliter quàm præsentè parochio... et » duobus vel tribus testibus, matrimonium contrahere attentabunt, eos S. Synodus *ad sic contrahendum omninò inhabiles reddit*, et hujusmodi *contractus irritos et nullos* esse decernit. » Ergo, etc. 2° *Ex definitionibus SS. Pontificum*. 1. BENEDICTUS XIV, ut ipse refert *de Synod. l. VI, c. VII, n° 5*, respondit cuidam missionario Hollandiæ, « Ubicumque promulgatum sit et receptum Concilii Tridentini decretum, ibi nulla prorsus atque in omni ratione irrita esse conjugia aliter celebrata, quia Tridentina synodus, non sacramentum modò, sed contractum ipsum irritum disertè pronuntiat. » 2. PIUS VI, *loc. cit.* loquitur de impedimentis, quæ *matrimonium non solum impediunt, sed et nullum reddant quoad vinculum*: ergo impedimentum attingit contractum naturalem, ex quo oritur illud vinculum. 3° *Ex ratione*. Vel impedimentum directè attingit contractum naturalem, vel sacramentum; nemo enim dixerit attingere contractum civilem quatenus distinguitur a contractu naturali: atqui non attingit directè sacramentum. Impedimentum enim dirimens, quod directè attingeret sacramentum, esset quædam incapacitas ad faciendum vel recipiendum sacramentum, vi cujus non conficeretur sacramentum, licèt positis materiâ, formâ, et intentione ministri per Christum determinatis: atqui talem incapacitatem nulla potestas humana directè inducere potest. Deus enim solus statuit omnes conditiones ad validitatem sacramenti requisitas, id est materiam, formam, et ministrum: quotiescumque adsunt, conficitur sacramentum; potest Ecclesia prohibere receptionem aut confectionem sacramenti, directè verò irritare nequit, cùm nihil possit in substantiam sacramentorum. Ergo, etc.

Dixi *directè*, quia indirectè impedimentum attingit 1° sacramentum, quatenus, sublato contractu qui est materia aut saltem veluti basis sacramenti, sacramentum subsistere nequit, ut patet. 2° Attingit contractum civilem, quatenus destruit contractum naturalem, qui est basis et fundamentum contractus civilis: sed ne indirectè

quidem attingit necessariò existentiam legalem matrimonii; lex enim civilis potest habere tanquam validum matrimonium quod in rei veritate non existit, et quod tunc dici debet matrimonium putativum, seu species externa tantùm matrimonii: a fortiori non attingit necessariò conventiones matrimoniales, quia lex tribuere potest effectus civiles etiam matrimonio irritò.

Hinc qui matrimonium contrahit cum impedimento canonico dirimenti, non solum non recipit sacramentum, sed nec facit contractum matrimonii, ideoque non potest uti matrimonio. Potest tamen habere jus ad effectus civiles, quando agitur de impedimento quod non agnoscit auctoritas civilis.

Solvuntur objectiones.

134. *Obj. 1°.* Ecclesia non potest mutare substantiam sacramentorum, ut constat ex Concilio Tridentino, *sess. xxi*, cap. II, ubi declarat Ecclesiam posse statuere de sacramentorum dispensatione, *salvâ illorum substantiâ*: atqui tamen, statuendo impedimenta dirimentia, mutaret substantiam sacramenti matrimonii, siquidem efficeret ut consensus, qui antea validus erat, invalidus fieret ad matrimonium efformandum. Ergo, etc.

R. 1°. Illa difficultas impetit, saltem a pari, potestatem principum; ergo proponi nequit ab iis quos impugnandos hic habemus.

R. 2°. *Neg. Min.* Mutare materiam sacramenti esset efficere ut quod antea sufficiebat ad sacramentum, adhuc retinens suum *esse* jam non sufficeret, vel ut aliquid diversum ab eo quod requirebatur jam sufficeret; sed si illud quod sufficiebat amittat suum *esse*, non ideo mutatur materia sacramenti. Sic v. g. qui ex aqua faceret cerevisiam, ex vino acetum, aut ex pane cineres, non sanè diceretur mutare materiam Baptismi aut Eucharistiæ: quid ita? quia aqua, vinum et panis remanent semper materia Baptismi et Eucharistiæ; solummodò, quod erat, jam non est aqua, etc. Porro idem locum habet in matrimonio: materia sacramenti est contractus validus, seu translati-

vus domini in corpora ; illudque verum remanet post legem Ecclesiæ, sicut antea : Ecclesia impedit tantum ne talis contractus sit validus, ac proinde ne existat materia ; ergo nullatenus mutat materiam sacramenti. Ita difficultatem illam in Concilio Tridentino solvit CAMILLUS CAMPEGIUS, Dominicanus, cui annuerunt plerique Patres.

135. *Obj.* 2°. Matrimonium est contractus civilis; atqui Ecclesia nihil potest in contractus civiles: etenim si aliquid posset directè, jam ipsi competeret potestas directa in res temporales, quam nemo agnoscit; si verò dicatur non attingere contractum civilem, nisi propter alium ejusdem respectum, semper verum remanebit ipsi competere potestatem indirectam in temporalia; quæ tamen admitti non potest. Ita TABARAUD.

R. Dist. Maj. Est contractus civilis simul et religiosus seu ecclesiasticus, C. merè civilis, N. Constat ex dictis, matrimonium non posse haberi ut contractum merè civilem, sed alios habere respectus, quorum ratione subijcitur auctoritati Ecclesiæ. Nec ideo tribuenda est Ecclesiæ potestas, etiam indirecta, in res temporales. Nam potestas indirecta ea esset quæ tribueretur in res merè civiles, ob relationem indirectam ad spirituales : porro hic non ita est. Sed quando objectum est mixtum, etiamsi utraque potestas illud attingat, non indè concluditur unam indirectè attingere quæ sunt alterius : si verò illud vocetur potestas indirecta, potest profectò admitti absque ullo incommodo, quia non contendendum de verbis.

136. *Obj.* 3°. Christus nihil detraxit auctoritati principum : atqui tamen detraxisset, si, etc. Nam ante Evangelii promulgationem, ipsis solis subiciebatur matrimonium : vel ergo dicitur potestatem ab ipsis transiisse ad Ecclesiam, vel dicitur Ecclesiam participem tantum effectam fuisse ejusdem potestatis ; porro in utroque casu aliquid amiserunt principes : in priori, patet ; in posteriori etiam, quia potestas divisa eo ipso minor est. Ita TABARAUD, passim.

R. N. Min. Ante Christum, poterant principes ea statuere quæ ipsis videbantur necessaria aut utilia ad bonum temporale; sub eo respectu, potestas eorum est suprema,

imò et exclusiva : porro eadem remanet post Christum, quia Ecclesia non attingit matrimonium nisi quoad bonum spirituale. Ergo, etc.

§ 2. *Quibusnam in Ecclesia competat jus ferendi
impedimenta dirimentia.*

137. 1° Certum est hanc potestatem inesse Concilio generali, quod Ecclesiam repræsentat.

2° Certum est etiam eam potestatem competere S. Pontifici : in ipso enim residet plenitudo auctoritatis ecclesiasticæ, vi cujus potest leges condere et decreta quæ pertinent ad omnes ecclesias.

3° Certum adhuc videtur potuisse olim Concilia particularia constituere impedimenta dirimentia. Revera pleraque ex iis quæ viguerunt in primis sæculis, originem ducunt a Conciliis provincialibus. Sed controvertitur an episcopi id possint jure ordinario pro suis diocæsesibus. Quamvis id videatur naturaliter sequi ex potestate legislativa quam habent, nunquam tamen videmus impedimentum dirimens a privato episcopo inductum ; quod satis mirum est, si hæc potestas eis competat.

Quidquid sit, communissimè tradunt theologi, hodie ad solum Concilium generale, vel S. Pontificem pertinere impedimenta dirimentia statuere. Cum enim episcopi et Concilia particularia subjiciantur Ecclesiæ et S. Pontifici, eorum jurisdictio, consentientibus omnibus Catholicis, ait BENEDICTUS XIV, *de Synod.* l. VII, c. VIII, n° 7, ejusdem S. Pontificis auctoritate et imperio limitari, atque ex legitima causa omnino auferri potest. Porro facta fuit hæc limitatio seu reservatio, nempe ex consuetudine quam testantur ferè omnes auctores.

138. 4° Cæterum necesse non est ut semper expressâ lege feratur impedimentum : sufficere potest consuetudo ; de qua hæc statui possunt, fusiùs evolvenda in *Tr. de Legibus.*

I. *Consuetudo inducere potest impedimentum dirimens.*

Prob. 1° Ex decisione ALEXANDRI III, cap. *Super eo*, III, *de Cognat. spiritali.* 2° Ex eo quòd reipsa quædam impedimenta induxerit consuetudo. Id agnoscunt plerique

canonistæ : id expressè de impedimento disparitatis cultûs asserit BENEDICTUS XIV, *Bullar.* t. III, Const. II, § 10.
 3° Ex ratione : quia cùm jura generatim tribuant consuetudini vim inducendi leges, nulla est ratio sufficiens excipiendi impedimenta matrimonii.

II. *Potest etiam consuetudo impedimentum abrogare.*

Prob. assertio, jam communissima. Cùm generatim possit consuetudo derogare legi, non adest ratio sufficiens cur non posset isti derogare : tam potest esse rationabilis et honesta, ubi agitur de impedimentis, quàm ubi de alia materia. Sicuti nova lex contra antiquam potest esse rationabilis, ita et consuetudo : initio peccatur, vel invalidè agitur; sed quod primùm erat illicitum vel invalidum, fit postea legitimum.

III. Quamvis, ex præsentis Ecclesiæ disciplina, nec episcopus, nec ecclesia particularis possit statuere impedimenta dirimentia, *sufficere tamen videtur consuetudo unius ecclesiæ vel provinciae, ad inducendum vel abrogandum impedimentum.* De tali consuetudine præcisè loquitur ALEXANDER III, in textu allato : unde concludit *Collator Andegavensis*, quem sequitur COLLET, sufficere posse consuetudinem unius provinciae, imò et unius diocesis. Et ratio est, quia tunc impedimentum vim suam habet, non ab hujus provinciae aut diocesis membris, sed ab Ecclesia seu S. Pontifice, qui tali consuetudini consentit : unde docent theologi in Tr. *de Legibus*, ut vim habeat consuetudo, requiri quidem ut sit communitatis, sed sufficere communitatem capacem recipiendæ legis, seu pro qua lex ferri possit.

§ 3. — *Quinam subjiciantur impedimentis canonicis.*

139. Difficultas moveri potest de hæreticis, et de infidelibus.

I. *De hæreticis.* Ut quæstio accuratè solvatur, quædam notanda sunt.

1° Inter ea impedimenta unum est, nempe impedimentum clandestinitatis, de quo hic non agimus, quia sunt

circa illud peculiare rationes dubitandi, quas in articulo sequenti seorsim expendemus.

2^o Quæstio movetur de iis tantum hæreticis qui degunt in societate ab Ecclesia prorsus separata.

3^o Quæstio sic posita a duobus pendet : 1. a jure Ecclesiæ; 2. ab illius voluntate. Circa primum, vix ulla est controversia; ostenditur enim in Tr. *de Legibus*, hæreticos non eximi ab auctoritate Ecclesiæ. Circa secundum ergo versatur tota difficultas, id est, circa voluntatem Ecclesiæ.

Porro docent non pauci, præsertim inter Germanos, valere matrimonia hæreticorum, non obstantibus impedimentis canonicis : id deducunt sive ex consuetudine, sive ex benignitate et sapientia Ecclesiæ. Alii contra tenent irrita esse hujusmodi matrimonia : tum quia vim habere nequit consuetudo, quæ oritur ex pertinaci errore contra fidem catholicam, et directè tendit in contemptum veræ Ecclesiæ; nec Ecclesia debet legi suæ derogare propter hæreticorum rebellionem, quæ eò facilior reddetur, quò magis relaxabitur legum illius vigôr : tum præsertim ex praxi ecclesiæ Romanæ, illiusque sensu, qui nobis innotescit, sive ex indulto quo a SS. Pontificibus conceditur episcopis facultas *dispensandi in contractis, cum hæreticis conversis, etiam in secundo simplici et mixto, dummodò nullo modo attingat primum gradum*, unde deducitur hæreticos indigere dispensatione; sive ex auctoritate BENEDICTI XIV, qui illud declarat aut supponit, tum in Constitutione *Ad tuas manus*, directâ ad episcopos Poloniæ, die 7 augusti 1748, *Bullar. t. II, n° LIX*, tum in declaratione data an. 1741 circa matrimonia Hollandiæ, tum demum in Epistola ad card. Eboracensem die 9 februar. 1749, *Bullar. t. III, Const. II*, in qua, pro casu quodam peculiari, ita disertè pronuntiat.

Inter illas opiniones, sic distinguendum esse putamus. Vel agitur de impedimentis non nisi post peractam hæreticorum separationem statutis, vel de statutis antea. Quoad priora, videtur satis communiter receptum eos hujusmodi legibus non teneri : illudque libenter admitteremus. Quoad posteriora, adhærendum putamus secundæ opinioni, præ-

sertim ob praxim ecclesiæ Romanæ, et Benedicti XIV auctoritatem.

Ex his concludere possumus valdè probabile esse irrita esse matrimonia inita, apud nos, a Protestantibus, cum impedimento canonico. Multi quidem auctores agnoscunt ea valida fuisse ante revocationem edicti Nannetensis, ex tacitâ dispensatione Ecclesiæ, innixâ quarto. ex articulis secretis illius edicti; quem tamen alii putant non valuisse nisi quoad effectus civiles: sed quidquid olim fuerit, articulus ille vim nullam habere potest post ejusdem edicti revocationem. Unde sequitur matrimonia eorum qui convertuntur iteranda esse. Attamen si timendum esset ne consensum renovare nollent, cautè agendum esset, et consulendi superiores, præsertim cum res non sit omnino certa; sæpe enim magis expediret vel relinquere in bona fide, vel recurrere ad dispensationem *in radice*.

140. II. DE INFIDELIBUS. 1^o Constat eos subijci impedimentis non solum quæ ex jure naturali, sed etiam quæ ex jure divino derivantur.

2^o Non minùs constat eos directè non attingi per impedimenta quæ non nisi ex auctoritate Ecclesiæ fuerunt constituta: Ecclesia enim auctoritatem non habet in eos qui non fuerunt baptizati, secundùm hæc verba Apostoli, I Corinth. v, 12: *Quid mihi de iis qui foris sunt judicare?*

3^o Potest tamen infidelis indirectè attingi per impedimentum ecclesiasticum, si nempe nubat cum fidei, qui ipse legi ecclesiasticæ subijcitur. Satis patet ex impedimento disparis cultûs: et locum habere posset in aliis quibusdam impedimentis, v. g. si fidelis nuberet cum infideli consanguineo, obtentâ dispensatione super disparitate cultûs, non verò super consanguinitate, quæ supponitur in gradu qui constituat impedimentum canonicum.

4^o Congipitur alter modus quo infideles indirectè attingantur per impedimenta ecclesiastica, si nempe matrimonio post conversionem ipeundo obstat impedimentum cujus fundamentum, si ita loqui fas est, positum aut admissum fuerit in infidelitate; v. g. si ante conversionem orta fuerit affinitas, aut honestas publica, vel si commissum fuerit crimen. Porro ut tunc locum habeat impedimentum, requiritur et sufficit ut illud quod vocamus impedimenti fundamentum, oriatur ex ipsa rerum natura, et non ex sola lege Ecclesiæ: tunc enim idem erit de eo ac de consanguinitate. Res elucidabitur exemplis. 1. Quoad *cognitionem spiritualem*, communius docent auctores infidelem qui baptizaret infantem, non incurrere impedimentum in eo etiam sensu quòd, post baptismum, dispensatione indigeat: quia nempe sentiunt cognitionem hanc non induci nisi ex vi legis ecclesiasticæ. 2. Quoad

affinitatem, eam habendam esse ut vinculum naturale, quod etiam ab infidelibus contrahitur, et inducit impedimentum post conversionem obligaturum, satis certum reputatur in casu commercii conjugalis, ex cap. fin. *de Divortijs*; et videtur etiam probabilius in casu commercii illiciti. 3. Quoad *honestatem publicam*, vulgò dicunt theologi non oriri vinculum naturale, si agatur de sponsalibus, aut de matrimonio invalido; si verò de matrimonio valido, dicunt etiam non pauci, non oriri naturaliter satis strictam propinquitatem ut locum habeat impedimentum. 4. Quoad *crimen*, si uterque sit infidelis quando crimina committuntur, non ligantur impedimento etiam post conversionem, quia Ecclesia non potest illos punire propter crimina ante baptismum commissa, quæ non sunt de illius foro. Si autem unus sit fidelis et alter infidelis, requiritur et sufficit ut fidelis ea omnia fecerit quæ inducunt impedimentum.

ART. 2. *De impedimentis canonicis in specie.*

141. Numerantur decem et novem, si dirimentia cum prohibentibus adjunxeris, et ea quæ sunt juris naturalis et divini cum iis quæ sunt tantum juris ecclesiastici.

Dirimentia sunt quindecim, his versiculis exprimi solita :

Error, conditio, votum, cognatio, crimen,
Cultûs disparitas, vis, ordo, ligamen, honestas,
Amen, affinis, si clandestinus, et impos,
Si mulier sit rapta, loco nec reddita tuto :
Hæc facienda vetant connubia, facta retractant.

Sed ut magis ad ordinem logicum attendamus, nec recedamus nimium a methodo adhiberi solita quando exponuntur conditiones ad contractus generatim spectatos requisitæ, opportunum videtur ut agamus 1° de impedimentis quæ *CONSENSUM* ipsum afficiunt; tria numerantur, *amentia*, *error*, *vis* seu *metus* : 2° de iis quæ *PERSONAS* ipsas respiciunt; sive sint absoluta, id est, reddant aliquem inhabilem ad contrahendum cum qualibet persona, qualia sunt ex jure naturali *impotentia* et *ligamen*, ex jure autem positivo *votum* et *ordo*; sive sint tantum relativa, id est, reddant inhabilem tantummodo cum quibusdam personis, qualia sunt *cognatio*, *affinitas*, et *honestas*, quæ fundantur in quadam propinquitate personarum; item *cultûs disparitas* et *conditio*; tandemque *raptus* et *crimen*, per modum pænæ instituta : 3° demum de impedimento quod respicit *FORMAM CONTRACTUS*, seu de *clandestinitate*.

Cùm autem nobis præsto sit ea impedimentorum dispositio versibus pariter expressa, juvandæ memoriæ causâ, libenter hos versus admittimus :

*Amens atque errans, cui vis infertur iniqua ;
Impos perpetuò, primoque ligamine vinctus ;
Quem solemne tenet votum, vel consecrat ordo ;
Cognati, affines, quos publica jungit honestas ;
Si cultu dispar, conjux si serviat unus ;
Qui raptor sponsæ, infandi qui criminis auctor ;
Conjugii fœdus qui clandestinus iniret :
Nôrint quidquid agant isti nil robur habere.*

Impedimenta prohibentia quatuor his duobus versibus vulgò exprimuntur :

Ecclesiæ vetitum, tempus, sponsalia, votum,
Impediunt fieri, permittunt facta teneri.

Totidem paragraphis agemus de quindecim impedimentis dirimentibus : decimum sextum addemus pro prohibentibus.

§ 1. De impedimento AMENTIÆ.

142. Amentium nomine ii omnes intelliguntur qui liberum rationis usum non habent, ut furiosi, imbecilles, etc. De iis hæc breviter statui possunt.

1° Certum est perpetuâ et absolutâ amentia laborantes, esse jure naturali inhabiles ad matrimonium, quia non sunt capaces consensûs deliberati, qualem requirit matrimonium.

2° Illi quorum amentia non est absoluta, sed qui sat rationis habent ad peccandum lethaliter, a fortiori qui circa unum tantum punctum sunt amentes, possunt validè contrahere; item illi quorum amentia non est perpetua, sed qui lucida habent intervalla, possunt iis in intervallis contrahere. Sed, generatim saltem loquendo, ii sunt a matrimonio avertendi, ob mala quæ ex talibus matrimoniis sequi solent, et speciatim ob difficultatem ritè educandæ prolis.

Idem ferè dicendum de surdis et mutis. Interrogatus ea de re INNOCENTIUS III, sic respondit, cap. *Cum apud sedem*, XXIII, de *Sponsalib. et Matrim.* « Videtur quòd, si » talis (surdus et mutus) velit contrahere, sibi non possit

» vel debeat denegari, cum quod verbis non potest, signis
 » valeat declarare. » Nulla potest esse difficultas quoad illos
 qui in scholis ad hunc finem instituti sunt edocti : quoad
 alios verò, non ita constat quatenus possint verum consen-
 sum dare, et magnà opus est prudentiâ.

§ 2. De impedimento ERRORIS.

143. Error versari potest vel circa *personam*, vel circa
qualitates, inter quas numeratur *fortuna*.

1° *Error circa personam, quicumque sit, jure naturali irritat matrimonium.* Nam matrimonium non potest esse sine consensu (n° 14) : atqui error personæ tollit consensum; fertur enim tunc, non in personam præsentem, sed in aliam quæ putatur adesse.

Dicitur error *quicumque sit*, quia sive sit vincibilis, sive invincibilis, perinde est quoad effectum præsentem. Idem locum haberet, juxta omnes, etiamsi error esset, ut aiunt, concomitans, id est, licet contrahens esset ita dispositus ut, detecto errore, nihilominus contraheret : quia aliud est dicere quòd consensisset, si..., aliud quòd revera consenserit.

2° *Error circa qualitates aut fortunam, regulariter non irritat matrimonium.* Nam 1. plerumque daretur via dissolvendi matrimonium, si sufficeret ejusmodi error. 2. Quis nubere vellet, quinam etiâ parentes liberos nuptui traderent, si sub eo prætextu possent dimitti? 3. Ita judicant omnia tribunalia, sive ecclesiastica, sive civilia. Et ratio ulterior est, quia semper remanet persona apta matrimonio, ac proinde motivum sufficiens contrahendi, nempe ad actum conjugalem.

Dixi *regulariter*, quia tres casus sunt excipiendi. 1. Si error versetur *circa conditionem servilem*, de quo ubi de duodecimo impedimento. 2. Si errans contrahat *cum expressâ conditione* qualitatis aut fortunæ; quia tunc, deficiente conditione, deficit consensus, ac proinde matrimonium. 3. Si *error redundet in personam*. Id omnes admittunt, et per se patet. Sed ad determinandum quandonam error redundet in personam, quæstio est gravis momenti,

simul et difficillima; hæc statui posse videntur. Ut error circa qualitatem redundet in personam, duo requiruntur: ut illa sit qualitas individua, quâ persona distinguitur a qualibet alia; ut persona non cognoscatur nisi sub ea qualitate, aut saltem hæc sit præcipua notitia; si enim persona, antea bene cognita, sibi affingat qualitatem etiam individua, non ideo aderit error personæ, quia consensus directè fertur in talem personam, et non nisi indirectè in qualitatem. Id elucidant quidam auctores, dicentes distinguere et expendi debere sensum duarum propositionum sequentium. Una est: *Petrus vult contrahere cum hac femina præse, quam putat esse primogenitam Pauli*. Altera: *Petrus vult contrahere cum primogenita Pauli, quam putat esse feminam præsentem*.

§ 3. De impedimento VIS seu METUS.

144. Vis et metus hic indistinctè adhibentur, utpote duo correlata; vis enim consideratur in inferente metum, metus verò in patiente vim. Duo autem hic quærentur: 1° an et qualis metus dirimat matrimonium; 2° quo jure.

I. An et qualis metus irritet matrimonium?

Metus irritat matrimonium, 1° quando ita perturbat usum rationis, ut tollat advertentiam et libertatem; per se patet: 2° quando, licet non tollat libertatem, est tamen gravis, injustus, et in ordine ad matrimonium; constat ex multis dispositionibus juris, et ex omnium consensu. Tota difficultas est in expositione trium harum conditionum.

1° Requiritur ut metus sit gravis, absolute vel saltem relative. Ita communiter auctores, sicque sæpius decernitur aut saltem supponitur in Jure, quia *Vani timoris justa excusatio non est*; nec præsumitur ex metu levi iniri contractum tanti momenti.

Ea occasione expendunt, an metus reverentialis irritet matrimonium. Dicendum putamus non esse impedimentum, nisi adjunctum habeat timorem mali injusti, in sensu quo in præse exponimus, prout fusiùs explicatur in Tr. de Contractibus.

2° Requiritur ut metus sit injustus: si enim metus justè

incutiatur, contrahens de nullo conqueri potest, fruiturque omni libertate ad quam jus habet hinc et nunc. Et revera olim qui puellam seduxerat, a iudice cogebatur eam ducere; et profectò talis contractus habebatur ut validus.

Hinc a fortiori, si metus oriatur a causa necessaria, sive intrinseca, sive extrinseca, non irritat matrimonium, quia hominis libertas non est independens a causis necessariis.

Sed parvi referre videtur an metus inferatur ab altero contrahente, an a tertia persona. Nam 1º si contrahens metum cognoscat, censeretur illi cooperari, et certè ex injustitia fructum perciperet. 2º Licèt ignoret, semper deest consensus liber, quem jura exigunt non tam in odium inferentium metum, quàm in favorem libertatis matrimonii.

3º Requiritur ut metus inferatur *in ordine ad matrimonium*, saltem æquivalenter: alioquin matrimonium non censebitur effectus metus, nec proinde applicabitur ratio impedimenti. Sic v. g. si vim patiens ab aliquo promittat alteri matrimonium ad auxilium obtinendum, matrimonium erit validum, nisi ille jam ex justitia obligatus foret ad auxilium præstandum: tum quia non adest injustitia, cum ille percipiat tantum veluti stipendium sui auxilii; tum quia bonum commune expostulat validos esse tales contractus, ut homines incitentur ad succurrendum positis in tali necessitate. Sed dicimus *saltem æquivalenter*, quia licèt metum inferens non expressè intendat matrimonium, si tamen a metu non desistat nisi quia ei proponitur matrimonium cum ipso, vel etiam cum alterâ personâ ineundum, quia nempe tale matrimonium est ipsi quoquo modo utile, dicendum videtur adesse impedimentum: tum quia non desistens a malo inferendo nisi propter matrimonium censetur dicere: *Aut matrimonium ini, aut tale malum experieris*; tum quia tale matrimonium esset verè fructus Injustitiæ, sicque applicatur motivum legis impedimentum statuentis.

145. Hinc 1º matrimonium ex metu initum nequit ullo modo per juramentum firmari. Non quidem validum effici potest, cum per juramentum non tollatur impedimentum, nec sic eludi possit lex irritans: hinc ita declaratur in Jure, cap. *Significavit*, 11, *de Eo qui duxit*. Sed nec exurgit obligatio matrimonii rati habendi: non ex justitia, cum juramentum nullum jus conferat ei qui per metum extorsit; non ex

virtute religionis, quia ex communi theologorum doctrina, quando contractus irritatur ex motivo boni publici, juramentum huic adjectum nullam vim habet. De hoc fusiùs in *Tr. de contractibus*.

Hinc 2° qui metum intulit, si possit damnum alio modo reparare, non videtur teneri, saltem rigorosè loquendo, stare contractui, etiamsi id postulet metum passus. Contractus enim fuit irritus, et cùm claudicare nequeat, nullam producit obligationem; in quo differt a cæteris contractibus, qui sunt rescindibiles ad nutum illius qui metum passus est.

Dixi 1° *Si possit damnum...*, quia si aliter non possit, debet stare contractui, cùm teneatur injuriam reparare. Dixi 2° *Saltem rigorosè loquendo*, quia multi existimant consentaneum esse, sive æquitati, sive variis decisionibus juris, ut non liceat resilire. Sed etiam eo admissio, non nimis urgenda foret obligatio, propter incommoda quæ exinde facilè sequerentur.

146. II. *Quo jure metus irritet matrimonium?*

Si metus tollat usum libertatis, nullum dubium quia irritet ex jure naturali. Sed si non tollat, tunc duplex adest opinio.

Prima tenet irritare ex jure naturali. Nititur 1° jure canonico. ALEXANDER III, de eo impedimento loquens, non videtur jus positivum statuere, sed naturale declarare, et rationem affert quòd desit consensus; cap. *Cum locum*, XIV, *de Sponsal. et Matrim.* 2° Ex natura matrimonii, quod est contractus mutui amoris, et indissolubilis, ac proinde oriri debet ex plena spontaneitate; alioquin innumera mala sequentur. 3° Ex principiis justitiæ. Justitia exigit ut detur aliquod medium reparandi tantam injuriam, præsertim si aliunde timenda non sint gravia incommoda: porro illud medium aliud esse non potest quàm nullitas matrimonii, cùm semel validum sit indissolubile; nec aliunde timenda sunt incommoda, ut constat ex ipsomet facto juris positivi.

Secunda opinio docet matrimonium irritum esse ex jure ecclesiastico. Attento enim jure naturali, tale matrimonium non est irritum 1° ex defectu consensûs. Remanet libertas sufficiens ad peccatum mortale: porro, licet valde congruum sit adesse majorem libertatem, difficilè probaretur esse absolutè necessarium. Et revera metus necessarius aut justus pariter minuunt voluntarium, et tamen non irritant. 2° Non ob injuriam illatam. Occurrunt enim casus in quibus matrimonium validum est, licèt includat injuriam ir-

reparabilem, v. g. ubi initur ex dolo accidentali dante causam contractui, vel post sponsalia cum altera, etc. 3° Denique nullitas absoluta gravia aliquando habere posset incommoda, nempe reponendo aliquem in necessitate absoluta vel mortem aut gravia mala subeundi, vel fornicandi.

Quamvis satis dubia videatur quæstio, paululùm inclinarem in secundam opinionem. Cæterùm quoad praxim haud multi interest. Nam 1. si *infideles* tale matrimonium inierint, plerumque irritum erit, sin ex jure gentium, saltem ex jure civili; vel contra confirmatum per conjugum perseverantiam post cessationem metûs. 2. Quoad *dispensationem* autem, agnoscunt omnes Ecclesiam vix posse eam concedere, non quidem ex defectu potestatis in secunda opinione, sed quia non expediret bono publico. Meritò tamen notat COMPANS posse occurrere casus, rarissimos quidem, in quibus expediret concedi dispensationem; quando nempe aliter vitari non possent mala gravissima, quæ compensent mala oritura ex matrimonio non spontaneo.

§ 4. De impedimento IMPOTENTIÆ et ÆTATIS.

147. De impotentia propriè dicta alibi agitur, ubi nempe *de sexto præcepto*: hic agimus tantùm de impedimento ætatis, quod sub aliquo respectu huic est affine.

1° Ætas tenerior, id est, quæ vel prævenit usum rationis, vel etiam quæ imparem efficit ad cognoscendum statum conjugalem, matrimonium irritum reddit jure naturali: deest tunc consensus et libertas sufficiens.

2° Ætas verò, quæ reddit tantùm incapacem consummandi matrimonium, non irritat jure naturali; quia, hoc solo jure attento, nil vetat quominus transferatur jus in corpora, licèt non statim exercendum: sed irritat ex jure ecclesiastico, ut apud omnes constat.

Porro lex ecclesiastica reputat incapaces matrimonii consummandi, seu *impuberes*, virum usque ad XIV annum completum, puellam verò usque ad XII. Sed est mera præsumptio quæ cedit probationi contrariæ, v. g. si puella ante XII annum prægnans inveniatur: tunc, ut dicitur in Jure, *Malitia supplet ætatem*.

Hinc potest dispensatio concedi ab eo impedimento; testantur tamen auctores satis raro concedi. Dicunt multi, allegantes declarationem GREGORII XIII, posse episcopum dispensare. Verum ex BENEDICTO XIV, in Epistola ad episcopos Poloniæ, *Bullar. t. II, Const. LI*, possunt quidem episcopi declarare an malitia suppleat ætatem, et proinde an sit locus dandæ licentiæ matrimonii ante legitimam ætatem: sed ad solum Pontificem pertinet licentiam concedere impuberi, qui conjugali commercio nondum maturus est.

§ 5. *De impedimento* LIGAMINIS.

148. Per ligamen intelligitur vinculum prioris matrimonii non dissoluti. Esse autem impedimentum, saltem ex jure divino, sin ex jure naturali, satis constat ex dictis ubi de *Unitate et Indissolubilitate* matrimonii.

In praxi igitur non potest unus conjux novum inire matrimonium, nisi ei moraliter constet de morte alterius: (non loquimur de casu professionis religiosæ, vel de casu qui dicitur *Apostoli*, de quibus suprâ, n^o 83, 90). Ita LUCIUS III, cap. *Dominus*, II, de *Secund. Nuptiis*; et CLEMENS III, cap. *In præsentia*, XIX, de *Sponsal. et Matrimon.* Ratio decisionis est aperta, quia nempe alioquin se exponeret periculo ineundi matrimonium invalidum, et omnibus malis indè nasci solitis.

Dicitur *Nisi moraliter constet*: unde non sufficit alterius conjugis captivitas, aut discessus in regiones longinquas, aut longa absentia, etc.; hæc enim omnia certam non efficiunt illius mortem. Sed casu occurrente, accuratè ponderandæ sunt omnes circumstantiæ, et videndum an iis attentis, tale habeatur testimonium quod plenam fidem faciat. In Galliis, ex antiqua praxi et jurisprudentia, regulariter requiruntur probationes munitæ instrumento authentico e sepulturarum registris extracto, et debitè recognito, *légalisé*, ab auctoritate vel civili, vel ecclesiastica loci illius ubi facta est sepultura. Cæterum in casibus extraordinariis, et quotiescumque aliqua superest difficultas, nil agendum est inconsulto episcopo.

Si tamen de facto conjux iterum nupserit antequam illi

constaret de morte alterius, et postea certò comperiat jam tunc alterum fuisse mortuum, agnoscunt plerique theologi valere tale matrimonium, quia nihil indicat voluisse præfatos Pontifices hic peculiare impedimentum inducere, et optimè possunt eorum textus intelligi de mera prohibitione. Contra, quamvis non nisi adhibitâ sufficienti diligentia conjux secundum matrimonium inierit, si postea comperiat priorem conjugem adhuc in vivis superesse, tenetur a posteriori recedere et ad priorem, si fieri possit, reverti. Ita fert cap. cit. *Dominus*. Advertendum tamen 1. filios ex secundo matrimonio susceptos pro legitimis habendos fore, modò illud initum fuerit bonâ fide, saltem alterutrius partis, et perseveraverit illa bona fides usque ad tempus quo concepti sunt filii. Ita in favorem prolis statuit INNOCENTIUS III, cap. *Ex tenore*, XIV, *Qui filii sint legitimi*. 2. Conjugem in prædicto casu, si prioris conjugis vitam non didicerit nisi a testibus ignotæ fidei, vel a rumore publico, qui falsa ut vera sæpius spargit, non teneri a posteriori recedere; cùm hæc ne verum quidem dubium pariant. Si autem, omnibus maturè pensatis, verum habeatur dubium, tunc haud levis exoritur difficultas, de qua postea dicemus (nº 271 et seq.).

§ 6. De impedimento voti.

149. Votum castitatis, de quo hic agitur, duplex distinguitur, solemne et simplex. Quamvis unum inter impedimenta dirimentia, alterum inter prohibentia vulgò computetur, de utroque in præsentî agemus propter materiæ connexionem.

PUNCT. 1. De voto solemnî castitatis.

150. Quatuor hic investigabimus: 1º in quo consistat solemnitas voti, seu unde repetendum sit discrimen inter votum solemne et votum simplex; 2º an et quo jure dirimat matrimonium incundum; 3º quo jure dissolvat matrimonium ratum jam initum (monuimus enim nº 90 hic expendendam fore eam quæstionem); 4º an nunc in Gallia emittantur vota solemnia.

I. In quo sita sit voti solemnitas, seu unde repeten-

dum sit discrimen inter votum solemne et votum simplex?

Agnoscent omnes illud votum esse solemne quod Ecclesia ut tale habet; Ecclesiam non habere ut tale nisi votum emissum in certis quibusdam ordinibus religiosis; solemnitatem demum illam non esse meram denominationem honorificam, sed voto solemnī exclusivè competere quosdam effectus, nempe quòd dirimat futurum matrimonium, et dissolvat prius contractum. Sed disputant utrū in ipsa votorum natura aliquid reperiatur quod sit fundamentum hujus tanti discriminis inter vota talis et talis ordinis, et causa horum effectuum quibusdam votis annexorum, non aliis. Variæ quæ ea de re circumferuntur opiniones ad duas præcipuas reduci possunt.

Prima opinio, quam tenent Thomistæ, docet votum solemne essentialiter differre a voto simplici, quemadmodum donatio differt a simplici promissione: scilicet in voto simplici esse nudam promissionem quā quis se obligat ad continentiam, seu ad non utendum suo corpore per actus continentiae oppositos; in solemnī autem esse abdicationem juris in corpus, seu facultatis matrimonium ineundi, vel veram donationem et traditionem corporis Deo, per superiores debitè acceptatam. Unde, inquit, pendet ab Ecclesia apponere certas conditiones, sine quibus nec valida, nec legitima foret traditio et acceptatio; sed, posita legitimā traditione et acceptatione, sequitur ex natura rei quòd sit votum solemne.

Secunda opinio, inter theologos communior, tenet ex natura sua votum solemne non differre a simplici, seu aliis verbis, independenter a lege Ecclesiæ, nullum esse votum solemne; ideoque solemnitatem reponit in voluntate sola et determinatione Ecclesiæ, quæ solemnia vocat vota emissā in certis ordinibus, alia autem vocat simplicia, agnoscitque in prioribus vim irritandi et dissolvendi matrimonium, non in posterioribus. Hæc opinio probabilior videtur.

Prob. 1° Ex declaratione BONIFACII VIII, cap. unic. *Quod votum, de Voto*, in 6°, ubi ait: *Voti solemnitas ex sola constitutione Ecclesiæ est inventa*. Idem declaravit GREGORIUS XIII in Const. *Ascendente Domino*, an. 1584.

2° Ex ratione. Votum castitatis, etiam perpetuum et absolutum, potest esse simplex: atqui ex parte voventis nihil est discriminis inter hujusmodi votum et votum solemne; utrobique promissio quâ fidem nostram Deo damus de servanda continentia, et nihil aliud: neque enim potest homo abdicare jus matrimonii ineundi, quod est magis jus publicum naturæ, quàm individui; neque Deo conferre dominium propriè dictum in corpus, cùm sit supremus omnium dominus, nec quisquam dixerit votum inducere obligationem justitiæ propriè dictæ. Superest ergo ut discrimen inter utrumque votum, seu solemnitas repetenda sit ex sola voluntate seu determinatione Ecclesiæ.

151. II. *An et quo jure votum solemne dirimat matrimonium ineundum?*

1° Votum solemne castitatis certè irritat matrimonium. Ita contra hæreticos definivit Ecclesia, præsertim in Concilio Tridentino, sess. xxiv, can. 9: « Si quis dixerit clericos in sacris ordinibus constitutos, vel regulares castitatem solemniter professos, posse matrimonium contrahere, contractumque validum esse, non obstante lege ecclesiasticâ, vel voto..., anathema sit. »

2° Irritat tantùm ex jure ecclesiastico, non ex jure naturali ut placet Thomistis. *Prob.* Si ex jure naturali dirimeret, vel quatenus est votum, vel quatenus est solemne: atqui non quatenus votum, ut patet exemplo voti simplicis; non quatenus solemne, cùm solemnitas stet in voluntate et determinatione Ecclesiæ. Et verò vis voti sollemnis ad irritandum matrimonium oriretur juxta Thomistas, ex abdicatione et traditione juris, sensu exposito: atqui ex dictis abdicatio aut traditio nulla, aut certè non major quàm in voto simplici; ergo non ex rei natura oritur impedimentum voti sollemnis, sed tantùm ex lege, seu disciplinâ Ecclesiæ.

Hanc autem disciplinam saltem a seculo xii vigere constat ex Conciliis Lateranensibus I et II, ann. 1123 et 1139: an verò antea, et præsertim quandonam incœperit, disputant auctores (*Vid. P. M.*, 653).

Hinc deduci potest, contra Thomistas, in eo impedimento

Ecclesiam dispensare posse : 1. ex jam dictis ; quidquid enim est juris merè ecclesiastici, capax est dispensationis, ut omnes agnoscant : 2. ex exemplis dispensationum quas de facto concesserunt SS. Pontifices, etiam ultimis hisce temporibus, post perturbationem Gallicam.

152. III. *Quo jure votum solenne castitatis dissolvat matrimonium ratum ?*

Reipsa dissolvi ostensum est supra (n° 90) : circa quæstionem autem præsentem, tres circumferuntur opiniones.

I^a opinio, quæ matrimonii dissolutionem deducit *ex jure naturali*, propugnatur a pluribus theologis tum antiquis, tum recentioribus. Duplici autem modo explicatur. 1° Alii dicunt matrimonii rati vinculum, quod non est nisi spirituale, solvi posse morte civili quæ incurritur in statu religioso. 2° Juxta alios, matrimonium non contrahitur, nisi eâ conditione ut alteri sponso, ante consummationem, religionem ingredi liceat.

Primæ illius opinionis commodum est, quod in ea necessaria non sint Scripturæ aut traditionis testimonia ad vindicandum Concilii Tridentini decretum : sed plura obstant quin admittatur. 1° Si votum, ex dictis, non habeat ex sua natura vim irritandi matrimonium futurum, non concipitur quod habeat vim dissolvendi jam contractum. 2° Gratis omnino supponitur apposita conditio. Insuper si apponi dicatur ab Ecclesia, jam recidimus in tertiam opinionem : si ab ipso contrahente, quid eveniet, si eam expressè excludat ? Tandem si dicatur conditio resolutoria, est contra substantiam matrimonii : si suspensiva, jam non dissolvitur, sed impeditur matrimonium ; et præterea poterunt ergo interim conjuges validè novum inire matrimonium.

II^a opinio, quæ matrimonii dissolutionem deducit *ex jure divino*, a multis tenetur, imò et communior dicitur ; huic adheret BENEDICTUS XIV, q. 546, n° 35. Dicunt illi auctores legi indissolubilitatis appositam fuisse a Christo exceptionem in gratiam professionis religiose, quemadmodum vidimus appositam fuisse matrimonio infidelium ; et sic adstruunt suam opinionem. Ipsi Christo tribuenda est concessio privilegii, quod nullibi legitur ab Ecclesia concessum, et tamen ostenditur fuisse semper in Ecclesia admissum ; tunc enim applicari potest illud effatum S. AUGUSTINI, l. iv, de *Baptismo contra Donatistas*, c. xxiv, n° 31 : *Quod universa tenet Ecclesia, nec Concilii statutum, sed semper retentum est, non nisi auctoritate apostolicâ traditum rectissimè creditur*. Atqui 1° nullibi legitur concessio talis privilegii : nam inter Pontifices qui de eo loquuntur, nullus est qui dicat se ita statuere vi suæ auctoritatis in dissolvendis matrimoniis. 2° Praxis Ecclesiæ ostendit privilegium illud fuisse semper admissum. Nemo enim negat admissum fuisse a xii sæculo. Atqui exinde concludi potest fuisse admissum præcedentibus sæculis. Nam Pontifices qui primi de eo locuti sunt modo planè inconcusso, praxim jam planè stabilitam supponunt, et dicunt se prædecessorum *vestigis inharere* ; ita INNOCENTIUS III, cap.

Ex parte : et aliunde si certam Ecclesiæ traditionem secuti non essent, reclamaciones ortæ fuissent. Ergo concludi potest traditione saltem orali servatam fuisse memoriam privilegii a Christo concessi : et ideo hujus certa et frequentia exempla et monumenta non occurrere prioribus sæculis , quia horum temporum scriptores vel ea exempla ignorarunt, vel tanquam ad scopum suum non pertinentia omiserunt, aut quia hæc exempla rarissima esse debuerunt quando rarior erat professio religiosa.

Huic opinioni haud levis difficultas opponitur, ex iis quæ modò diximus, ex eo nempe quòd solemnitas voti oriatur ex institutione Ecclesiæ, et non dirimat jure divino matrimonium futurum. Eadem enim argumenta ostendere videntur non dissolvere jure divino matrimonium initum : et contra quæ hic afferuntur ad probandum juri divino tribuendam esse dissolutionem matrimonii, ostenderent eidem juri tribuendum esse impedimentum dirimens. Verùm reponunt illius opinionis assertores, 1^o in annalibus Ecclesiæ occurrere institutionem impediendi, non verò concessionem privilegii. 2^o Christum non statuisse impedimentum dirimens, quia ad id sufficiebat auctoritas Ecclesiæ; statuisse autem privilegium de quo nunc agimus, quia nemo ausus esset illud statuere : cæterùm ita illud statuisset, ut tamen professio religiosa non dissolvat matrimonium, nisi vestita conditionibus ab Ecclesia requisitis; cùm enim ipsius auctoritati subiciantur matrimonium et professio religiosa, potuit determinare quasdam solemnitates, quibus tantum positis, dissolutio locum habeat; alioquin locus dari posset multis abusibus, si sufficeret quodlibet votum, etiam his solemnitatibus destitutum. In ea igitur opinione, pertinet quidem ad Ecclesiam determinare solemnitates; sed, his positis, ex ipsa Christi institutione dissolvitur matrimonium.

III^a opinio, quæ matrimonii dissolutionem deducit *ex jure ecclesiastico*, propugnatur etiam a gravissimis theologis, qui sic eam evolvunt. Ecclesia potest dissolvere matrimonium ratum, vi auctoritatis quam ei competere ostendit continuata plurium seculorum praxis Sedis Apostolicæ. Eâ potestate usa est quoad professionem religiosam; et quidem tam gravibus causis mota est, ut, licet absolute mutare posset hanc disciplinam, certum sit nunquam mutandam esse, saltem universaliter. Cùm autem illa disciplina gravi fundamento nitatur, et jam a longo tempore vigeret, Concilium Tridentinum eam sancivit inflicto anathemate : quod mirum videri non debet; sunt enim canones disciplinæ qui anathema includunt : tales sunt, aut saltem dici possunt, sess. **xxiii**, can. 2, *de Minoribus ordinibus*, et can. 8, *de Institutione Episcoporum*, sess. **xiii**, can. 9, *de Communione paschali*, et forsàn quidam alii. Ratio ulterior est, quòd in omni canone ad disciplinam pertinente aliquid dogmatici involvitur, nempe legem non esse juri divino contrariam, vel a potestate usurpatâ. Imò, positâ notione solemnitatis quam attulimus, anathema cadit in eum qui diceret votum quo voluerit Ecclesia dissolvere matrimonium non illud dissolvere; est ergo sensus *compositus*, quemadmodum ubi de impedimento dirimenti : ergo canon est verè dogmaticus, et definit veritatem immutabilem.

Sì cui non arriserit secunda opinio, nil obstat quin isti tertiæ adhæreat.

153. IV. *An hodie in Gallia emittantur, an emitti possint vota solemnna castitatis?*

Si quæstio expenderetur solum quoad votum castitatis, non adesset magna difficultas; nihil enim ex ea parte obstarét, quin adhuc diceretur solemnne: sed cum, ratione habitâ legum civilium, qui emittunt votum paupertatis nihilominus retineant dominium suorum bonorum, quod, attentâ præsentî Ecclesiæ disciplinâ, cum voto solemnî paupertatis stare non potest, hinc grave exoritur dubium; secundum enim eamdem Ecclesiæ disciplinam, unum votum non potest esse solemnne sine altero. Cum ergo præcipuum difficultatis punctum videatur reduci ad votum paupertatis, fusio rem quæstionis discussionem remittimus ad *Tr. de Justitia*, ubi de ea egimus (*Compend. n° 51*). Hic memorare sufficiat: 1° pluries respondisse S. Pœnitentiariam, vota, qualia hodiea pud nos a monialibus emittuntur, pro solemnibus haberi non debere; simul tamen declarasse sua responsa spectare solummodò ad moniales: 2° ex epistola Abbatis Solismensis vota a Benedictinis illius abbatiæ emissa, a S. Congregatione Episcoporum et Regularium, et ab ipso S. Pontifice, agnosci ut solemnna: 3° quoad Trappenses, hæc occurrere in Epistola Cardinalis PACCA ad quemdam episcopum, XII kal. april. 1837: « Sanctitas sua die primâ hujus mensis (martii) ex consilio Congregationis ejusdem (S. Officii) decrevit: Vota » Trappensium, quæ ab eo die in posterum intra fines Gal- » liarum regni emitterentur, tanquam simplicia habenda, » idque donec aliter a sancta Sede Apostolica statuatur. Ad » vota verò antea emissa quod attinet, idem S. Pontifex, » gravissimis ductus rationibus, abstinendum censuit a » quocumque judicio circa eadem proferendo. Attamen ad » peculiare respiciens quorundam circumstantias, qui.... » votorum suorum relaxationem postulaverant, ipsorum » precibus, congruâ scilicet causarum gravitate commen- » datis, exorari se passus est. »

PUNCT. 2. *De voto simplici castitatis.*

154. Huic voto adjungenda sunt quædam vota affinia,

nempe non nubendi, ingrediendi religionem, et suscipiendi ordines.

Hæc vota, quantumvis absolutè et in perpetuum fiant, non sunt impedimentum dirimens, sed tantum prohibens: exceptis tamen votis Scholasticorum apud Jesuitas, quæ eos inhabiles reddunt ad matrimonium quandiu remanent in Societate, et tamen dicuntur simplicia, quia sunt ad nutum Societatis dissolubilia; excepto etiam voto emisso ab uxore cujus maritus sacros ordines suscepit, ut supra diximus (n° 99).

Nunc paucis exponendum est, qualis sit eorum votorum obligatio.

I. Satis constat eum qui quoddam ex iis votis emisit peccare, saltem ordinariè, matrimonium ineundo. Vel enim directè agit contra suum votum, vel saltem se exponit gravi periculo illud violandi: plerumque insuper alterum conjugem decipit.

Dixi *saltem ordinariè*, quia si non obstaret lex positiva, nec adesset periculum usûs matrimonii, absolutè fieri posse ut non esset peccatum ostendit exemplum Beatæ Virginis.

II. Qui, non obstante voto, matrimonium iniit, tenetur adhuc votum servare quantum moraliter potest: non enim per suum peccatum sustulit obligationem.

Hinc 1° qui *castitatem vovit*, expressè vel implicite, 1. duplex peccatum admittet, si contra castitatem delinquat; 2. quamvis possit reddere debitum, quia alteri verè transulit jus illud exigendi, non potest petere; 3. debet prorsus abstinere, si alter consentiat, vel jus petendi amiserit. Idem dicendum de eo qui non nisi post matrimonium initum tale votum emisisset.

Dixi *expressè vel implicite*, quia si ille qui votum emisit non nubendi, vel ingrediendi religionem, vel suscipiendi ordines, censeatur vovisse castitatem, ei applicanda erunt quæ modò diximus. Sed difficultas est, an et quandonam censeatur ita vovisse? Plurimi dicunt censerì quotiescumque votum emisit ex affectu ad castitatem. Verùm hanc regulam non admittit SUAREZ, quia ex eo quòd votum emissum fuerit ex affectu ad castitatem, sequitur tantum

castitatem fuisse motivum et finem voti, non verò illius objectum : porro sicut finis legis non cadit sub lege, ita nec finis voti : aliud est quòd quis velit non nubere vel ingredi religionem, aut suscipere ordines ad servandam castitatem, aliud quòd velit servare castitatem in matrimonio ; hoc enim posterius certè difficilior est. Igitur, juxta SUAREZ, non erit obligatus ad continentiam nisi formaliter et expressè intenderit se obligare.

Hinc 2º qui vovit tantum non nubere, potest statim et reddere, et etiam petere debitum, quia jam illi impossibilis facta est observatio voti, et actus conjugalis petitio non est contra illius votum, cum non voverit castitatem.

Hinc 3º qui *votum* emisit *ingrediendi religionem*, 1. tenetur, per se loquendo, reipsa ingredi, tum ante matrimonii consummationem, tum etiam postea, quando id potest illæso conjugis jure, si nempe alter conjux consentiat et velit observare conditiones a sacris canonibus præscriptas, vel si amittat in perpetuum jus petendi debitum, vel demum si moriatur : satis patet ex eo quòd debeat votum suum implere quantum ipsi possibile est. Dixi tamen *per se loquendo*, quia ne religionem ingrediatur obstare potest charitas erga conjugem, vel erga filios, si adsint ; obstare potest prudentia ; obstat hodie præsertim lex civilis, ut faciliè intelligitur. 2. Quando nequit religionem ingredi, potest petere et reddere debitum, quia illi quoque impossibilis facta est observatio voti, et supponitur ne implicitè quidem vovisse castitatem.

Hinc 4º qui *votum* emisit *suscipiendi ordines*, tenetur eos suscipere, quotiescumque id potest. Si verò suscipere nequeat, potest etiam petere et reddere debitum, ob rationem modò allatam.

Sed difficultas est, an ille qui non emisit nisi votum castitatis, vel suscipiendi ordines, teneatur religionem ingredi, quando aliter votum suum ^{licet} servare nequit?

Prima opinio, quam testatur SUAREZ fuisse suo tempore communem, affirmat illum teneri : quia ille qui votum emisit, tenetur assumere medium, quod ipsi superest unicum,

illius adimplendi, præsertim si per suam culpam alia media sibi subtraxerit.

Secunda opinio inter recentiores magis communis, negat eum teneri : quia votum non obligat ultra intentionem votantis : porro ille de quo agitur non vovit religionem. Ergo non tenetur directè vi voti. Neque tenetur indirectè : quia non tenetur recurrere ad medium difficillimum, imò moraliter impossibile, qualis est religio pro homine cujus valde incerta vocatio.

Hanc secundam opinionem æquitati consonam, et valde probabilem judicat COLLET, videturque reipsa probabilior, et sola hodie regulariter in praxi tenenda, attentâ lege civili.

§ 7. De impedimento ORDINIS.

155. Ordinem sacrum esse impedimentum dirimens satis constat ex Concilii Tridentini definitione, sess. XXIV, can. IX : *Si quis dixerit clericos in sacris ordinibus constitutos, vel regulares castitatem solemniter professos, posse matrimonium contrahere, contractumque validum esse, non obstante lege ecclesiasticâ, vel voto.... anathema sit.* Hic non agitur de vindicanda saluberrima illa Ecclesiæ disciplina : explicandum habemus solummodo undenam oriatur impedimentum, et quatenus in eo dispensari possit.

I. Undenam oriatur impedimentum ordinis?

Duo includit illa quæstio : 1º an ex jure ecclesiastico tantum, an ex jure divino; 2º posito quòd oriatur tantum ex jure ecclesiastico, an immediatè ex lege Ecclesiastica, an et quatenus mediante voto.

Quoad I^{um}, agnoscunt fere omnes auctores oriri tantum a jure ecclesiastico, nec posse referri ad jus divinum. Et enim longè communius docent theologi continentiam non esse annexam ordini nisi jure ecclesiastico; et etiamsi diceretur annexa jure divino, non ideo sequeretur præcipi sub pœna nullitatis matrimonii. Illudque verum est, etiamsi admitteretur impedimentum oriri ex voto, votum illud esse solemne, imò et votum solemne esse impedimentum juris divini : nam semper verum remanet non jure divino præscribi ut votum illud ab ordinendis emittatur.

Quandonam autem incœperit ordo esse impedimentum dirimens, non constat : agnoscunt omnes adfuisse impedimentum dirimens a tempore Conciliorum Lateranensis I, an. 1123, et Lateranensis II, an. 1139; agnoscunt pariter jamdiu antea, et ab ipsis primis Ecclesiæ sæculis, prohibitum fuisse matrimonium his qui sacros ordines susceperant; sed an esset etiam invalidum, inter illos valde controversitur (P. M. 789). Existimamus cum *Collat. Andegavensi*, satius esse nihil modo absoluto pronuntiare de quæstione cujus solutio momentis inconcussis astrui nequit, et aliunde minimè necessaria est ad fulciendam Ecclesiæ disciplinam.

156. Quoad II^{um}, advertendum est, in omni sententiâ, ordinatum qui a continentiæ regulis deviat, peccare, non solum contra castitatem, sed etiam contra religionem, eo quod lex Ecclesiæ lata fuerit ex motivo religionis. Attamen, quoad praxim, adest aliquod discrimen, licet non magni momenti, inter utramque sententiâ : si impedimentum oriatur ex lege Ecclesiæ tantum, valida erit dispensatio concessa ab Ecclesia, etiam sine causa, et sic dispensatus poterit, inito matrimonio, petere debitum : si verò oriatur ex voto, invalida erit dispensatio sine causa, quia dispensatio a voto habetur ut data in lege superioris; unde tunc validum quidem erit matrimonium, cum ex dictis nullitas non oriatur nisi ex jure ecclesiastico, sed obligabit votum in quantum patitur status matrimonii, scilicet ad non petendum debitum.

His præmissis, duplex est opinio : prima docet impedimentum oriri tantum ex lege Ecclesiæ. Secunda docet illud oriri ex voto, saltem regulariter.

Nobis videtur dici posse ad mentem S. *ТВОМЪ*, *Impedimentum ordinis oriri simul ex voto, et ex lege Ecclesiæ*. Scilicet Ecclesia vult primariò inhabilitare ad matrimonium, et apud Latinos saltem, vult secundariò ut illud fiat mediante voto. Unde in ea sententiâ, 1. qui reciperet ordines, cum expressa intentione non vovendi castitatem, graviter peccaret, quia ageret contra mentem et legem Ecclesiæ in materia gravi; deinde teneretur votum emittere, quia obligatio ab Ecclesia imposita illum magis ac magis urget; et etiam ante votum, esset inhabilis ad matrimonium, quia non vult Ecclesia ut sic ordinatus commodum ex sua iniquitate reportet. 2. Si quis fuisset ordinatus in infantia, vel ante pubertatem, vel ignorans ordini annexam esse continentiam, aut etiam ex gravi metu, valida quidem esset ordinatio, sed non subficeretur sic promotus obligationi servandæ castitalis, nec aliis oneribus; unde ipsi optio danda esset, an vellet in suscepto ordine permanere, et tunc voto castitatis adstringeretur; an nollet, et tunc posset ad sæcularia vota transire, sed suspensus esset ab ordine. Vid. *Benedict. XIV, Const. Eo quavis, Bullar. t. I, n° cxxix, et de Syrod.*

l. xii, c. iv. 3. Si cujus ordinatio sit invalida ex defectu occulto, non erit inhabilis ad matrimonium; inhabilitas enim non oritur nisi ex voto; votum autem non existit, nisi posito ordine: ordinatus non emittit per se et principaliter votum castitatis, sed accessoriè et in consequentiam statûs, ob Ecclesiæ constitutionem; quando igitur principale non valuit, id quod in consequentiam venit nullum effectum producere potest.

Cæterum pro variis illis casibus, in quibus valet ordinatio, nec tamen adest obligatio castitatis, duo sunt advertenda. 1. Si sic ordinatus omninò voluntariè utatur ordine suscepto, tenebitur ad castitatem; quia eo ipso ratam habet ordinationem, et ingerit se ministerio, quod, juxta Ecclesiæ disciplinam, non nisi a continentibus exerceri potest. 2. Cum ordinatio sit res publica, tum ad vitandum scandalum, tum ne quis sit iudex in propria causa, obtinenda est dispensatio, seu potius, ut dicitur, *Rescriptum justitiæ*, quo sic ordinatus declaretur immunis ab obligatione continentiae.

157. II. *An et quatenus concedi possit dispensatio ab impedimento ordinis?*

1° Satis constat Ecclesiam dispensare posse in impedimento ordinis: etiam illi qui contendunt non posse dispensari a voto solemni religionis, communiter admittunt dispensari posse in voto ordinis. Et revera pluries dispensasse SS. Pontifices omnibus notum est.

2° Duplici præsertim modo concipi potest concedi illa dispensatio: 1. ut quis ordinibus initiatur cum facultate matrimonium postea nihilominus ineundi, vel perseverandi in matrimonio jam antea inito; 2. ut sacris ordinibus initatus matrimonium nondum attentatum ineat, aut jam attentatum convalidet: et quidem vel relictâ, vel sublatâ facultate exercendi sacrorum ordinum functiones. In his omnibus nihil est quod excedat Ecclesiæ potestatem: sed ex defectu causæ, et propter vigorem disciplinæ adeo commendabilis, non solet Ecclesia concedere dispensationem nisi ad convalidandum matrimonium jam ab ordinato attentatum, et sublatâ facultate ordinis exercendi; et etiam nonnisi rarissimè talem dispensationem concedit.

§ 8. *De impedimento COGNATIONIS.*

158. Cognati dicuntur quasi *connati*: triplex autem

vulgò distinguitur cognatio ; naturalis, spiritualis, et legalis.

I^o. DE COGNATIONE NATURALI SEU CONSANGUINITATE.

159. Cognatio naturalis seu carnalis , quæ dicitur etiam consanguinitas, quasi vinculum ex ejusdem sanguinis communione proveniens, definiri potest : relatio inter duas personas quarum una genuit alteram, vel quæ ambæ ab eadem persona genitæ sunt.

Tria in consanguinitate sunt distinguenda : stipes, *la souche*; gradus, *le degré*; linea, *la ligne*. *Stipes* est persona ex qua aliæ ducunt originem. *Gradus* est distantia quæ est inter consanguineos et communem stipitem a quo ducunt originem : inde gradus numerantur ratione distantiae. *Linea* est series personarum ab eodem stipite per diversos gradus descendentium. Linea duplex, recta et collateralis. Linea *recta* complectitur personas quarum una progenita est ab altera, ut avus, pater, filius, nepos. Dicitur *ascendentium*, si a posteris incipiendo perveniamus ad stipitem; *descendentium*, si a stipite progrediamur ad posteros. Linea *collateralis* est series personarum, quarum una non descendit ab alia, sed quæ solùm descendunt ab eodem stipite, ut frater et soror, consobrini, etc. Hæc autem vel est *æqualis*, cùm consanguinei a communi stipite æqualiter distant, ut frater et soror; vel *inæqualis*, cùm alter magis, alter minùs a communi stipite distat, ut frater et fratris filius.

160. — I. *Quomodo computentur gradus consanguinitatis.*

Tres dantur regulæ, ex jure canonico.

Regula prima quoad lineam rectam. In linea recta ascendentium et descendentium, tot sunt gradus quot sunt generationes, vel aliis verbis, quot sunt personæ, dempto stipite. Pater, filius, nepos, pronepos quatuor sunt personæ, et tres tantùm gradus, quia tres sunt tantùm generationes.

Regula secunda quoad lineam collateralem æqualem. In linea collateralis æquali, personæ eodem gradu a se invicem distant, quo a communi stipite : v. g. duo fratres sunt in primo gradu, quia ambo æqualiter et uno tantùm gradu

distant a communi stipite, scilicet a patre in quo conjunguntur. Propter eandem rationem duo consobrini sunt cognati in secundo gradu.

Regula tertia quoad lineam collateralem inæqualem. Consanguinei in hac linea eodem gradu a se invicem distant quo illorum remotior distat a communi stipite, juxta hanc regulam juris : *Gradus remotior trahit ad se propinquiorem.* Sic frater v. g. est in secundo gradu cum fratris filia, quia licet ille uno tantum gradu distet a communi stipite, scilicet patre, ista tamen duobus gradibus distat.

Dixi *ex jure canonico*, quia ex jure civili diversa est ratio computandi pro linea collaterali : gradus computantur ascendendo ab uno consanguineo ad stipitem, et deinde a stipite ad alterum consanguineum descendendo : unde duo fratres sunt in secundo gradu, frater et fratris filius in tertio, consobrini in quarto.

Circa illam graduum computationem, duo sunt in praxi sedulò advertenda.

1° Quando nupturi sunt in gradu inæquali, licet gradus remotior trahat ad se propinquiorem, attamen ubi postulatur dispensatio sive a Dataria sive a Pœnitentiaria, lege ecclesiasticâ cautum est sub pœna nullitatis ut, si gradus proximior sit primus, in supplicatione exprimatur. Si autem non sit primus, exprimi quidem debet, quando recurritur ad Datariam; quamvis non ad validitatem dispensationis, sed ad licitatem, ex BENEDICTO XIV, Const. *Etsi matrimonialis*, Bullar. t. IV, Const. 1, § 6 : sed exprimere necessarium non est quando recurritur ad Pœnitentiariam.

Insuper exprimendum est quisnam sexus sit in gradu propinquiori, an vir, an mulier : longè difficilius enim permittitur ut fratris aut sororis filius (*le neveu*) in uxorem ducat amitam (*la tante*), quàm ut patruus aut avunculus (*l'oncle*) ducat fratris vel sororis filiam (*la nièce*). Ex stylo et consuetudine, incipitur a gradu viri, sive sit propinquior, sive remotior.

2° Aliquando adest consanguinitas ex duplici capite ;

quod accidit vel ex diverso stipite, ut si duo fratres uxores ducant duas consobrinas; vel ex eodem stipite, si vir ducat uxorem sibi consanguineam: tunc eorum filii ex duplici capite cognati erunt. In eo casu; necesse est utrumque exprimere; alioquin irrita erit dispensatio: ita declarat BENEDICTUS XIV, *Const. mox citata*.

3° Cæterum monent auctores opportunum esse, quando postulatur dispensatio, ut prius efformetur arbor, ut aiunt, consanguinitatis; alioquin facile obrepit error. Hujus arboris forma ordinariè in Rituali exhibetur.

161. II. *Utrum et quatenus consanguinitas irriter matrimonium, scilicet quo in gradu, et quo jure?*

1° *In linea recta*. Ex jure positivo, matrimonium prohibetur in quocumque gradu, usque ad infinitum, ait NICOLAUS I, *Resp. ad Consult. Bulgarorum*, c. xxxix. Ex jure autem naturali, opinio communior tenet, post certos gradus, amitti cognationem; cum enim hæc a communione sanguinis oriatur, quò remotior fit, eò debilior, ac tandem omninò desinit.

2° *In linea collateralis*. Ex jure canonico, varia fuit olim Ecclesiæ disciplina; extenditur hodie ad quantum gradum inclusivè, et non ultra, ex Concilio Lateranensi IV, anno 1215, sub Innocentio III. Si quæstio instituatur ex jure naturali, fatentur omnes ultra primum gradum non esse irritum matrimonium, et satis constat ex dispensationibus quæ frequenter conceduntur. Sed quoad primum gradum, non concordant: quidquid sit, concessæ dispensationis in illo gradu nullum exstat exemplum. Illud testatur BENEDICTUS XIV, *Const. Ætas anni, Bullar. t. iv, Append. altera, n° 1, § 13*.

Observandum superest, 1° quæcumque diximus applicanda esse consanguinitati proveniente ex conjunctione illicita; ex ea pariter exurgere impedimentum expressè supponit INNOCENTIUS III, cap. *Per tuas*, x, de *Probationibus*. 2° Nihil referre ad impedimentum, utrum stipes communis sit vir, aut mulier, aut uterque: fratres enim *uterini* (ex eadem matre tantum), et *consanguinei* (ex eodem patre tantum) ejusdem conditionis habentur ac fratres *ger-*

mani (ex iisdem patrè et matre) : eadem quoque conditio eorum qui ab istis generantur.

162. II°. DE COGNATIONE SPIRITUALI.

Cognatio spiritualis, quam multi referunt potiùs ad affinitatem, est quædam conjunctio orta ex Baptismo et Confirmatione. Scilicet cum in Baptismo spiritualiter nascamur, et hæc nativitas in Confirmatione perficiatur, qui ad illa sacramenta concurrunt, ut minister et susceptores, habentur quasi patres spirituales; unde susceptores dicuntur Patrinus et Matrina. Ideoque visum est decere, ut ex illa conjunctione, sicut ex conjunctione naturali, induceretur matrimonii impedimentum. De sola cognatione quæ ex baptismo oritur sumus hic locuturi, cum jam obsoleverit usus adhibendi patrilinos in Confirmatione.

I. *Quas inter personas cognatio spiritualis matrimonium impedit?*

Ex jure ecclesiastico recentiori, matrimonium impeditur, 1° inter baptizantem susceptoresque ex una parte, et baptizatum ex altera; adest in eo casu *paternitas*; 2° inter baptizantem susceptoresque ex una parte, et parentes baptizati ex altera; et est *compaternitas*. Ita statuit Concilium Tridentinum sess. XXIV, cap. II, *de Reform. matr.*

163. II. *Quenam conditiones requirantur, ut contrahatur impedimentum?*

1°. Duæ conditiones respiciunt sive ipsum baptizantem, sive susceptores.

Prima, *ut sint baptizati* : quia non baptizatus non subjicitur legibus Ecclesiæ.

Secunda, *ut verè conferatur baptismus* : cognatio enim fundatur in generatione spirituali. Hinc 1. si suppleantur tantum cæremoniæ, impedimentum non incurritur : ita expressè declaravit S. Congregatio Concilii. Hinc 2. si baptismus conferatur sub conditione, divisi sunt theologi et canonistæ; existimamus rem habendam esse ut dubiam, et tanquam in casu dubii esse agendum.

2°. Tres aliæ conditiones respiciunt susceptores tantum.

Prima, *ut baptismus solemniter conferatur*. 1. In baptismo privato, ex Ecclesiæ disciplina satis generali, non debent adesse patrini. 2. Tunc patrinus non verè *suscipit de fonte*, nec proinde applicatur decretum Concilii Tridentini. 3. Ita decidit S. Congregatio Concilii.

Secunda, *ut habeatur intentio*, non quidem contrahendi impedimentum, quod a privatorum voluntate non pendet, sed *obeundi munus patrini*, quia illud munus ab invitis vel insecis non suscipitur. Ex quo colligitur, non contrahi cognationem ab eo qui infantem non susceperet nisi materialiter, v. g. ad maiorem commoditatem; nec ab illo qui rationis usum non haberet.

Sed difficultas est, an requiratur ut suscipiens baptismum physicè tangat? — Id exigunt multi, imò forsan plerique, quia canones utuntur his verbis, *suscipit, accipit, tenet, levat, tangit*, etc. Attamen nobis satis dubium videtur an hæc adeò strictè sumenda sint: sufficere videtur ut ea impleantur quæ ex usu impleri debent, ut verè obeatur munus patrini; hæc autem varia sunt pro variis locis: illudque confirmari posset ex iis quæ mox dicemus circa casum procuratoris.

Tertia conditio juxta multos, est, *ut fuerint designati susceptores*. Sed illud duplici sensu intelligi potest: 1. si nulli sint designati, et quidam tangant, cum intentione agendi munus patrini, contrahunt impedimentum ex declaratione S. Congregationis Concilii. 2. Si quidam sint designati, et alii *ultra designatos baptizatum tetigerint, cognationem spiritualem nullo pacto contrahent*, ex dispositione Concilii Tridentini, *loc. cit.*

Hinc si, ut aliquando fit, civitas aliqua vel communitas munus patrini gerat, potest satis probabiliter dici impedimentum contrahi ab iis solis qui civitatem repræsentant, quales sunt præpositi municipales: vel debere unum ex illa communitate patrini munus actu exercere suo nomine et jussu communitatis, non tamen ut procuratorem; et tunc illum solum contrahere cognationem.

Hinc pariter quando aliquis patrini munus non exercet

per seipsum, sed per procuratorem, multoties S. Congregatio declaravit impedimentum contrahi a solo mandante, ut testatur BENEDICTUS XIV, q. 227.

164. III. *Quisnam sit effectus cognationis spiritualis, si matrimonio jam contracto superveniat?*

Agitur de casu quo pater aut mater propriam, vel alter alterius prolem, baptizent aut suscipiant: porro exoriri tunc impedimentum, quo regulariter prohibetur usus matrimonii, docent, post S. Thomam, plerique theologi; et quamvis non pauci, præsertim inter recentiores, contradicant, in praxi prævaluit hæc opinio: et probatur tum ex hac ipsa auctoritate Doctorum, tum ex Rituali Romano, quod eam sententiam supponit, quam etiam disertè exprimunt pleraque Ritualia.

Sed excipiuntur tres casus. 1° *Casus necessitatis*. Statuitur in Jure et agnoscunt omnes, patrem qui prolem legitimam baptizat in casu necessitatis, non contrahere impedimentum; quia quando agitur de matrimonio jam inito, impedimentum imponitur per modum pænæ. 2° *Casus ignorantiae*. Illa exceptio clarè deducitur ex jure canonico, et eadem est ratio ac in casu præcedenti. Si sit ignorantia facti, tunc, si unquam, excusat ab impedimento: si sit ignorantia juris, si nempe ignoretur prohibitio Ecclesiæ, videtur excusare ab impedimento, cum excuset a culpa; secus verò, si ignoretur tantum annexum impedimentum. 3° *Casus fraudis*, id est, casus quo eo animo confertur Baptismus, ut impediatur usus conjugii: qui ita egit debet reddere, sed non potest petere; quia est in casu impedimenti, et tamen fraus illius non debet nocere alteri.

165. III°. DE COGNATIONE LEGALI.

Cognatio legalis ea est quæ oritur ex adoptione.

1° *Adoptio*, qualis vigeat apud Romanos, communiter definitur: *assumptio personæ extraneæ in filium vel nepotem*. Hæc autem duplex distinguebatur: altera perfecta, quæ dicebatur *adrogatio*, et per quam adrogatus transibat in potestatem et familiam adoptantis, fiebatque ejus hæres necessarius, tam ex testamento quàm ab intestato; altera imperfecta, quâ adoptatus non transibat

in familiam et potestatem adoptantis, nec fiebat hæres necessarius ex testamento, sed solum ab intestato.

2° Leges Romanæ irritas declaraverant nuptias, 1. inter adoptantem et adoptatum, atque ab isto descendentes; 2. inter adoptatum et filios naturales adoptantis; 3. inter adoptantem et uxorem adoptati, et vicissim inter adoptatum et uxorem adoptantis. Sed magna adest controversia, an impedimentum oriretur etiam ex adoptione imperfecta, an ex sola adrogatione. Auctores in utramque partem allegat BENEDICTUS XIV: juxta quosdam recentiores, hodie apud plures receptior videtur sententia quæ tenet impedimentum oriri etiam ex adoptione imperfecta.

Hæc legum civilium statuta in universum recepit NICOLAUS I, et approbavit Ecclesia: unde, ait BENEDICTUS XIV, *de Synod.*, l. IX, c. X, n° 5, si quæstio exoritur an in hoc vel illo casu adsit impedimentum, ad legum civilium normam controversia erit decidenda.

3° Cum ex legibus nostris hodie vigeat adoptio, existimamus eam vim habere impedimenti canonici. Etenim impedimentum canonicum adoptionis nullâ lege, aut consuetudine apud nos abrogatum erat; solummodò olim lex non applicabatur ex defectu materiæ, seu quia casus non occurrebat: hodie casus occurrit; ergo vim suam exercere debet impedimentum. In eo sensu respondit S. Pœnitentiarum 17 maji 1826.

Difficultas inde quidem moveri posset, quòd adoptio nostra ab adrogatione essentialiter differat, cum adoptatus nec subtrahatur a propria familia, nec transeat in familiam adoptantis, ut observant jurisperiti, et patet ex legis discussionibus. Verùm esto quòd discrepet quoad successionem et jura familiarum, non differt tamen in eo quod spectat quæstionem præsentem; nam impedimenti motivum, nempe periculum fornicationis inter commorantes in eadem domo, perseverat in nostra adoptione, et illud ipsum est quod legislatorem impulit ut matrimonium prohiberet, ut videri potest in discussione. Insuper ex dictis non constat ex sola adrogatione ortum fuisse impedimentum.

Cætèrùm observari potest satis rarò occurrere hujusmodi casus: tum quia satis rara est adoptio moribus nostris parùm consentanea; tum quia plerumque non adoptantur nisi filii illegitimi, quamvis non constet an illud fieri possit etiam ex ipsa lege.

§ 9. *De impedimento AFFINITATIS.*

166. Affinitas est propinquitas inter aliquam personam et consanguineos illius quâcum commercium carnale habuit, sive licitum, sive illicitum; unde, ut alii dicunt, est cognatio quædam communicata.

Ex illa notione sequitur 1° (quod sedulò advertendum), non adesse affinitatem inter duas personas, nisi una commercium habuerit cum consanguineo alterius: unde si commercium habuit tantum cum illius affinibus, non adest affinitas, quia ex regula hodie recepta: *Affinitas non parit affinitatem.*

Sequitur 2° duas personas quæ carnaliter conjunguntur non esse propriè inter se affines, sed esse principium affinitatis, et quasi stipitis locum tenere.

Sequitur 3° in affinitate distinguendos esse gradus, sicut in consanguinitate. Duplex etiam distinguenda est linea, directa et collateralis. Hæc autem est regula apud omnes recepta, ad computandos in qualibet linea affinitatis gradus: *Qui personam aliquam carnaliter cognovit, affinis est illius consanguineis, eodem gradu quo persona cognita est illis consanguinea;* et ratio est aperta ex dictis: cum affinitas sit quædam cognatio communicata, communicatur in gradu in quo est.

Sequitur 4° posse simul concurrere plura affinitatis vincula, v. g. si commercium habitum fuerit cum pluribus ejusdem personæ consanguineis, vel si utrinque fuerit commercium cum consanguineis compartis.

167. I. *An et quousque affinitas sit impedimentum dirimens?*

Apud omnes constat ex affinitate oriri impedimentum dirimens: et quidem 1° in *linea recta*, matrimonium irritatur in quocumque affinitatis, non secus ac consanguinitatis gradu. 2° In *linea collateralis*, affinitas ex commercio licito matrimonium irritat usque ad quartum gradum inclusivè. Olim latius extendebatur, illud impedimentum; sed intra illos limites coarctatum est a Concilio Lateranensi IV. Quoad affinitatem ex commercio illicito, statuit

Concilium Tridentinum, sess. xxiv, cap. iv, ut non extendetur ultra secundum gradum : unde in tertio et quarto gradu matrimonium non solum non est irritum, sed nec prohibitum, ut expressè declaravit S. Pius V.

Si agatur de matrimonio consummato, sed invalidè, sive malà, sive bonà etiam fide inito, videtur assimilandum commercio illicito. Sed tunc insuper ratio habenda erit honestatis publicæ quæ extenditur usque ad iv gradum; quamvis enim contradicat BENEDICTUS XIV, *de Synod.*, l. ix, c. xiii, n° 4, valde probabile est impedimentum honestatis publicæ concurrere cum impedimento affinitatis; et favet declaratio S. Congregationis, quam citat ipse Benedictus XIV, quæst. 291.

168. II. *Quo jure inductum sit impedimentum affinitatis?*

1° *In linea collateralis*, impedimentum non est ex jure naturali; constat apud omnes, tum exemplo Jacob, tum ex lege quæ præcipiebat ut frater duceret uxorem fratris sui defuncti absque liberis, *Deuteron.*, xxv, 5. Nec etiam ex jure divino. Multum olim ea de re disceptatum fuit, occasione dispensationis Henrico VIII a Julio II concessæ. Quæstio tandem fuit solemniter decisa : unde causa finita esse debet.

2° *In linea recta*, major adest difficultas. Triplex adest opinio. Alii impedimentum referunt ad jus naturale : sed communiùs restringunt ad primum gradum. Alii non referunt impedimentum nisi ad jus ecclesiasticum. Alii demum referentes ad jus naturale impedimentum ex commercio matrimoniali, aliter sentiunt de commercio fornicario:

Quidquid sit, Sedes Apostolica, quando agitur de affinitate ex commercio fornicario, non rarò dispensat, saltem ut vir ducat illam cujus matrem cognovit : si verò agatur de affinitate ex commercio conjugali, licèt pluries rogata, nunquam dispensavit, teste BENEDICTO XIV, *de Synod.*, l. ix, c. xiii, n° 4; idem asserit in Const. *Ætas anni*, § 14, licèt ibi disertè pronuntiet impedimentum non esse nisi de jure humano.

169. III. *Quisnam sit effectus affinitatis matrimonio inito supervenientis?*

Certè non dissolvit matrimonium : sed si sit in primo aut secundo gradu, privat jure petendi debitum; ita jus antiquum, cui non derogavit in hoc puncto Concilium Tridentinum. Lex illa, quæ obligat sub gravi, lata est per modum pœnæ : unde violentia et ignorantia, quæ excusant delinquentem a peccato incestus, excusant quoque ab hac pœna; dubium est solummodò pro casu quo delinquens ignorat tantum commercium cum consanguineis sui conjugis esse specialiter prohibitum per legem ecclesiasticam ratione affinitatis.

§ 10. *De impedimento HONESTATIS PUBLICÆ.*

170. Quando quis sponsalia vel matrimonium init cum aliqua persona, propinquitatem quamdam contrahit cum ipsius consanguineis : ratione habitâ illius propinquitatis, indecorum judicavit Ecclesia ut matrimonio jungi posset cum illis consanguineis. Hinc ortum est impedimentum *honestatis publicæ*, quo attingi consanguineos, etiam illegitimos, est certissimum, ait SANCHEZ.

Ex his intelligitur impedimentum *honestatis publicæ* provenire posse vel a sponsalibus, vel a matrimonio : quâ voce communiter intelligitur matrimonium *ratum*; si enim sit consummatum, exinde oritur impedimentum *affinitatis*, de quo modò.

I. *De impedimento honestatis publicæ ex sponsalibus.*

Ex jure veteri impedimentum usque ad quartum gradum oriebatur ex sponsalibus, sive validis, sive invalidis. Excipiebantur duo tantum casus, ex decisione BONIFACII VIII, cap. unic. *De Sponsal. et Matrim.* 1º Quando nullitas oriebatur ex defectu consensûs, non aderat impedimentum, quia tunc omnino deficit substantia contractus. 2º Cum sponsalia posteriora non possint derogare prioribus, quando quis post sponsalia inita cum aliqua persona, nova iniebat cum uno ex istius consanguineis, non obstabat publica honestas quin remaneret obligatus ad contrahendum cum prima.

Sed ex Concilio Tridentino, sess. XXIV, *De Reform. matrim.* cap. III, impedimentum non excedit primum gradum, nec oritur ex sponsalibus quâcumque ratione invalidis.

Hinc 1° quamvis sponsalia apparenter sint valida, et eorum nullitas sit occulta, non ideo producit impedimentum : quia verba Concilii Tridentini sunt omninò generalia. Insuper impedimentum fundatur in propinquitate quæ oritur ex sponsalibus : non sufficit ut homines eam exortam credant, sed requiritur ut revera orta sit. Cavendum tamen a scandalo, et providendum securitati matrimonii, quod aliquando irritari posset a iudice, qui, non attendens nisi ad apparentiam externam, existimaret valida fuisse sponsalia, ac proinde exortum esse impedimentum.

Hinc 2° si sponsalia sint occulta, quamvis jam non videatur matrimonium lædere honestatem publicam, attamen, teste BENEDICTO XIV, *Inst.* LXXXVII, n° 7, auctores fere unanimes sentiunt adesse impedimentum ex jure communi : solummodò habetur ut occultum, ideoque non spectat ad Datariam, ut testatur idem auctor. Dicitur *ex jure communi*, quia alicubi invalida sunt sponsalia occulta, ut diximus (n° 107), nec proinde producant impedimentum.

Hinc 3° licet sponsalia fuerint dissoluta, etiam ex mutuo consensu, non ideo cessat impedimentum, semel contractum : ita pro certo hodie tenent auctores ex declaratione ALEXANDRI VII.

171. II. *De impedimento honestatis publicæ ex matrimonio rato.*

Quamvis nullus fortè juris textus expressè loquatur de honestate publicâ quæ oritur ex matrimonio, agnoscunt omnes ad matrimonium extendi ea quæ leguntur in jure de impedimento orto ex sponsalibus. Concilium autem Tridentinum, statuendo de sponsalibus, nihil statuit circa matrimonium ratum : unde circa illud res sunt in eodem statu ac erant ante Concilium.

Igitur ex quocumque matrimonio, sive valido, sive invalido, oritur impedimentum usque ad IV gradum. Excipiuntur tantum duo casus modò memorati ubi de sponsalibus. 1° Si matrimonium irritum sit ex defectu consensûs :

v. g. ex errore, vel metu, vel cum consensu ficto; item si matrimonium ineatur ab impubere, quia tale matrimonium irritatur ex præsumpto defectu consensûs sufficientis: si tamen cum multis agnoscatur tale matrimonium habere vim sponsalium, aderit impedimentum usque ad primum gradum. Sed non putandum exceptionem applicandam esse matrimonio clandestino; non enim magis tunc nullitas refundenda est in defectum consensûs, quàm ubi ex aliis impedimentis oritur. 2º Quando nullitas oritur ex sponsalibus præcedentibus, quia nempe Petrus v. g. post sponsalia inita cum Bertha, matrimonium init cum ejus sorore, non exsurgit, ex communi sententia, impedimentum respectu Berthæ, nec dirimuntur sponsalia.

Hinc concludi potest quatenûs impedimentum honestatis publicæ oriatur *ex matrimonio merè civili*? — Solutio hujus quæstionis, quæ non respicit nisi loca ubi valida esse possunt sponsalia merè civilia, pendet ab alia, quomodo nempe habendum sit tale matrimonium, an ut matrimonium clandestinum, an ut sponsalia: in primo casu, producet impedimentum usque ad quartum gradum; in secundo autem, non nisi usque ad primum. Porro quid ea de re sentiamus jam exposuimus ubi *de Sponsalibus* (nº 107).

172. III. *Quo jure inductum sit illud impedimentum.*

Agnoscent omnes referendum non esse nisi ad jus ecclesiasticum, nec ex jure naturali aut divino deduci posse.

Hinc Ecclesia in eo dispensare potest: vix aliud est impedimentum in quo faciliùs dispenset Sedes Apostolica, præsertim si oriatur tantum ex sponsalibus.

§ 11. *De impedimento* DISPARITATIS CULTUS.

173. Adesse potest cultûs disparitas, vel inter fidelem et infidelem, vel inter catholicum et hæreticum: in priori casu, est impedimentum dirimens, in posteriori prohibens tantum; de utroque hic dicemus ob materiæ connexionem.

PUNCT. 1. *De matrimoniis fidelium cum infidelibus.*

Hæc breviter statui possunt. — I. *Matrimonia fidelium cum infidelibus, quamvis multis incommodis obnoxia,*

non sunt tamen jure divino aut naturali absolute prohibita.

Prob. 1^a pars, scilicet esse multis incommodis obnoxia. Præcipua ex his incommodis sunt, 1° perversionis periculum in fide, vel in exteriori cultu; 2° summa proles christianè instituendæ difficultas; 3° discordiæ in religionis negotio, aut illius occasione exorituræ; 4° obices qui necessario parti fideli occurrere debent in piis exercitiis persolvendis.

Prob. 2^a pars, sive ex eo quòd nullum proferri possit validum hujus absolutæ prohibitionis argumentum, cùm incommoda memorata possint in quibusdam casibus peculiaribus vel præcaveri, vel per maxima commoda compensari; sive ex iis quæ mox dicturi sumus.

II. *Hæc matrimonia, quamvis Ecclesiæ minùs probata, non erant tamen olim jure ecclesiastico irrita, imò nec absolute prohibita.*

Prob. 1^a pars, ex testimoniis plurium Patrum et Conciliorum, a quibus satis graviter reprehenduntur hæc matrimonia, imò et variis pœnis subjiciuntur. Validissimis autem rationibus movetur Ecclesia ad ita sentiendum, ut patet ex modò dictis.

Prob. 2^a pars, tum negativè, quia nulla lex generalis et absoluta proferri potest: tum positivè, exemplo piarum mulierum, quæ profectò abstinuissent ab hujusmodi matrimoniis, si fuissent omninò prohibita. Citare sufficiat Eunicen Timothei matrem, S. Cæciliam, S. Monicam Augustini matrem, S. Clotildem. Et revera primis illis temporibus valde durum fuisset, si Christiani non nisi cum Christianis nubere potuissent.

III. *Jam a longo tempore hæc matrimonia absolute reprobantur, et irrita declarantur ab Ecclesia.*

Prob. « Omnes sentiunt, inquit BENEDICTUS XIV, Episcopus stol. ad cardinal. Eboracensem, § 19, ob cultus disparitatem irrita matrimonia esse, non quidem jure sacrorum canonum, sed generali Ecclesiæ more, qui pluribus abhinc sæculis viget, ac vim legis obtinet. »

Ita autem intelligitur illud impedimentum, ut irritum sit

matrimonium eo ipso quo initur inter baptizatum et non baptizatum, adeò ut non valeat matrimonium baptizati cum catechumena, licèt jam fidem teneat, imò et in statu gratiæ esse possit : illud compertum esse expressè asserit BENEDICTUS XIV, *ibid.* Non valet etiam matrimonium initum cum fictè baptizato, id est, cum eo cujus baptismus fuit invalidus. Sed contrà valeret matrimonium, licèt unus e conjugibus esset apostata.

PUNCT. 2. *De Matrimoniis catholicorum cum hæreticis.*

174. Hæc vocantur apud auctores ecclesiasticos *matrimonia mixta* : de quibus hæc statui possunt.

I. *Matrimonia mixta, licèt generatim improbata, non sunt tamen de se absolute prohibita jure naturali aut divino.* Est contra quosdam theologos.

Prob. 1^a pars, quia in eis eadem, imò et sæpe majora reperiuntur pericula et incommoda, quàm in matrimoniis cum infidelibus.

Prob. 2^a pars. 1^o Auctoritate, et quidem multiplici : 1. plurium Sanctorum, quos legimus matrimonia contraxisse cum hæreticis ; 2. Conciliorum, quorum plura permittunt hujusmodi matrimonia ob peculiare rerum circumstantias, et modò pars hæretica conversionem promittat : porro promissio illa tollit quidem varia pericula, sed non tollit profanationem sacramenti, quâ præcipuè inniuntur adversarii ; 3. SS. Pontificum, qui hujusmodi dispensationes pluries concesserunt ; 4. theologorum, qui sunt ferè unanimes pro nostra sententia.

2^o *Ex ratione.* Si matrimonia hujusmodi essent absolute illicita, vel propter communicationem in divinis cum hæretico, vel propter sacramenti profanationem : atqui neutrum ex his duobus sufficit. 1. Non propter communicationem in divinis : quia hæc communicatio, seclusis periculo et scandalo quæ removeri possunt, prohibita non est nisi jure ecclesiastico, juxta probabilem multorum opinionem de qua alibi, ac proinde Ecclesia gravi de causa eam permittere potest. 2. Non ob profanationem sacramenti. Quod duplici argumento ostendi potest. 1^o Ut ratioci-

natur card. DE LUGO, non minùs adest profanatio, quando sacramentum recipitur a peccatore, quàm ubi ab hæretico : atqui tamen nemo contendet conjugem bene dispositam non posse absolutè nubere cum eo quem scit in statu peccati. 2º Velj admittitur sacerdotem esse ministrum, vel contrahentes. Si primò, cum non adsit benedictio, non adest sacramentum ; ergo neque profanatio. Si secundò, non ideo necessariò peccat fidelis, quia ex principiis quæ statuuntur ubi *de Cooperatione*, licet ab alio petere et cum ipso ponere actum in se bonum seu indifferentem, in quo alter non peccabit nisi ex propria malitia, quando adest gravis ratio illum ponendi ; tunc enim pravus effectus sequitur tantùm per accidens et contra intentionem agentis. Ita quoad substantiam BENEDICTUS XIV, *de Synod.*, l. IX, c. III, nº 5.

175. II. *Matrimonia mixta sunt ex jure ecclesiastico generatim prohibita, sed non invalida.*

Prob. 1ª pars, scilicet esse prohibita. Ecclesia semper deterruit fideles ab hujusmodi sacrilegis nuptiis ineundis : multos canones citat BENEDICTUS XIV, *de Synod.*, l. VI, c. V, nº 3 ; et in *Constit. Magnæ nobis*, directâ ad episcopos Poloniæ, *Bullar.*, t. II, nº 1, ostendit eandem disciplinam ac regulam ad nostra usque tempora constanter servatam, allegans testimonia Urbani VIII, Clementis XI, et propriam suam constitutionem de matrimoniis Hollandiæ. Eandem disciplinam memorant et confirmant PIUS VI, PIUS VII, PIUS VIII, et GREGORIUS XVI (P. M. 764). Ex quibus deducitur hæc matrimonia esse prohibita lege generali Ecclesiæ, ideoque non licere, quamvis, in casu quodam peculiari, removerentur pericula, sicque non amplius essent prohibita jure naturali et divino.

Hinc illæ nuptiæ *cohonestari nequeunt*, ait BENEDICTUS XIV, *de Synod. ibid.*, *obtentu solius consuetudinis (verius corruptelam dicerent), nisi amoveantur pericula ; quod tamen vix evenire posse notant auctores.*

Prob. 2ª pars, scilicet non esse invalida. Id agnoscunt omnes, quia nullâ lege aut consuetudine irrita declarantur. Olim in Galliis aliter statuendum quibusdam videbatur, ex

Edicto LUDOVICI XIV, an. 1680 : verùm multi , etiam apud nos , non illud intelligebant nisi de effectibus civilibus. Quidquid sit, hodie, abrogato hoc edicto, nulla potest esse difficultas.

176. Dixi *generatim*, quia in hac, sicut in aliis legibus ecclesiasticis, aliquando conceditur dispensatio. Sed hæc, cùm attingat legem generalem Ecclesiæ, a solo S. Pontifice concedi potest, hæc dispensandi facultas tribuatur episcopis per consuetudinem debitæ vestitæ conditionibus, qualis non existit apud nos. Quando autem conceditur, has cautiones adhibet Sedes Apostolica, teste BENEDICTO XIV, in *Epistola ad episcopos Poloniae jam citata*, et *de Synodo*, l. IX, c. III, n° 5.

Prima est, *ut absit periculum seductionis pro parte catholica*; imò hæc admoneatur quanta ipsi incumbat obligatio nihil negligendi ad alterum a sua hæresi retrahendum.

Secunda conditio est, *ut infantes utriusque sexûs in religione catholica educari possint*. Unde pro irritò habetur pactum, ut quidam ex liberis in hæresi, quidam in fide catholica educantur, quia parentes tenentur filios in vera fide educare; cui obligationi renuntiare nullo modo queunt.

Tertia conditio est, *ut adsit gravis aliqua causa*, quæ ut plurimum debet esse causa publica; alioquin non solent concedi hujusmodi dispensationes : unde pleræque spectant matrimonia inter supremos principes contrahenda.

Quarta conditio est, *ut hujusmodi matrimoniis benedictio nuptialis non impendatur*. Eam esse omittendam expressè docet BENEDICTUS XIV, *de Synod.*, l. VI, c. V, n° 5. Et afferre possumus in confirmationem 1° ea quæ peracta sunt in matrimonio, tum HENRICI IV cum MARGARETA VALESIA, tum HENRICHETÆ, sororis LUDOVICI XIII, cum CAROLO I Anglorum rege; 2° prohibitionem CLEMENTIS VIII, quam citat idem BENEDICTUS XIV; 3° verba ipsa dispensationum, quales a S. Sede conceduntur. Verùm non prohibetur parochus catholicus assistere talibus matrimoniis, imò id aliquando necessarium esse potest ut validè ineantur, ut colligi poterit ex iis quæ dice-

mus ubi *de Clandestinitate*. Unde variae S. Congregationis decisiones, quas afferunt plures auctores, ex quibus non licet parochi assistere matrimonio catholici cum haeretici, non respiciunt nisi casum ubi initur absque legitima dispensatione.

177. Si deficient variae illae cautiones, afortiori si desit debita dispensatio, illicita sunt hujusmodi matrimonia. Itaque tunc parochus non potest regulariter ad ea concurrere, vel iis assistere: tum quia, utpote testis et iudex contractus matrimonialis, vigilare tenetur ne cum aliquo impedimento fiat; haeresis autem unius est impedimentum prohibens; unde differt casus iste ab illo in quo unus e contrahentibus est tantum in statu peccati: tum quia alioquin brevi in catholico populo extenuaretur memoria canonum matrimonia ista detestantium, et constantissimi studii quo sancta mater Ecclesia filios suos avertere satagit ab iis in suarum animarum iacturam contrahendis; quod sedulo cavendum inculcare non destiterunt SS. Pontifices, recentioribus praesertim hisce temporibus.

Dixi tamen *regulariter*, quia pro variis temporum et locorum adjunctis quandoque permiserunt SS. Pontifices ut parochi talibus matrimoniis assisterent; cum quibusdam tamen restrictionibus, quarum praecipua est ut ea praesentia sit tantum materialis, nec pro hujusmodi matrimoniorum approbatione ullatenus haberi possit. Ita quidem egerunt SS. Pontifices, tum ad consulendum matrimoniorum validitati, et ne partes ad ministrum haeticum confugiant, tum ad praecavenda graviora incommoda Ecclesiae catholicae imminentia (Vid. P. M. n° 764).

Si verò quaeratur an, post initum illicitè tale matrimonium, contrahens catholicus possit ad sacramenta admitti, huic quaestioni sic respondebat Pius VI: « Dum idem » ille demonstrabit, poenitere se peccaminosae suae conjunctionis, poterit hoc ipsi concedi, modò ante confessionem sincerè declaret procuraturum se conversionem conjugis haeticae, renovare se promissionem de educanda prole in religione orthodoxa, et reparaturum se scandalum aliis fidelibus datum. Si tales conditiones concur-

» rant, non repugnamus nos quominus pars catholica
» sacramentorum fiat particeps. »

§ 12. *De impedimento* CONDITIONIS SERVILIS.

178. Sub ratione conditionis servilis non designantur famuli, quales apud nos; sed tantum illi qui ita sunt sub potestate domini, ut possit illos locare, vendere, sicut olim usitatum erat apud Romanos, et hodie etiam apud quosdam populos: quos scilicet dicimus *esclaves*. Porro ex jure Romano, irritum erat, saltem juxta multos, matrimonium a servo initum sine consensu domini, itemque servi cum libera. Sed ex jure canonico, valet matrimonium, nisi persona subjecta servituti ab altera existimata fuerit libera: unde impedimentum oritur ex errore circa conditionem, non ex ipsa conditione.

Agnoscent fere omnes non juri naturali, sed positivo tantum tribui debere hoc impedimentum: non est enim error substantialis, qui consensum sufficientem tollat, cum conditio non obstat fini essentiali matrimonii.

Cum apud nos non vigeat servitus (nisi in coloniis), locus non est hujus impedimenti applicationi. Sed ea occasione, plures theologi agunt de matrimonio *mortuorum civiliter*: de quibus nos dicemus ubi *de Impedimentis civilibus* (nº 319).

§. 13. *De impedimento* RAPTUS.

179. Duplex distinguitur: raptus *violentiae*, et raptus *seductionis*.

I. *De raptu violentiae*. In quo consistat crimen et impedimentum aperiet definitio: quænam autem requirantur conditiones intelligetur ex singulorum definitionis verborum explicatione. Itaque definitur: *Abductio violenta personæ in locum ubi sit sub potestate raptoris, matrimonii ineundi, vel libidinis explendæ causâ*.

Dicitur 1º *abductio*; sed sufficit virtualis seu implicita, nempe detentio, quemadmodum ubi agitur de furto.

Dicitur 2º *violenta*, quia si vis personæ non inferatur, erit fuga, non raptus.

Dicitur 3^o *personæ*, sive sit honesta, sive jam corrupta, aut meretrix, sive etiam sponsa; quia nec ipse sponsus jus habet eo modo cogendi propriam sponsam.

Si verò mulier rapiat virum, existimant multi non adesse impedimentum: quia jus semper loquitur de raptoribus, nunquam verò de feminis raptricibus. Et revera leges non solent statuere de casibus insolitis: aliunde vir per se satis tutus est, et minus damnum patitur; ergo concipitur cur jura non æqualem pœnam pro utroque casu imponant.

Non desunt tamen qui contrarium sentiant. Quia in Jure, ubi agitur de correlativis, ut sunt vir et mulier, par ratio utriusque habetur: et motivum legis præcipuum, nempe consulere libertati matrimonii et raptum punire, in utroque casu concurrit. Idque confirmant auctores nostri ex edictis regiis, et praxi Ecclesiæ Gallicanæ, quam dicunt ita interpretatam esse decretum Concilii Tridentini.

Quamvis prior opinio sit satis probabilis, posterior videtur apud nos tenenda ex ultima ratione, cum Ecclesiæ consuetudo potuerit illud impedimentum extendere.

Dicitur 4^o *in locum ubi sit sub potestate raptoris*: ita expressè exigit Concilium Tridentinum, in decreto quo illud impedimentum tulit, sess. xxiv, cap. vi, *de Reform. matrim.*

Dicitur 5^o *matrimonii ineundi, vel libidinis explendæ causâ*. Alterutrum saltem ex his duobus requiritur: unde si abduceretur vel in servitutem, vel ut bonis spoliaretur, etc., admittunt omnes non adfuturum impedimentum; quia agitur tantum hic de raptu, prout est species luxuriæ.

Sed quæstio est, an sufficiat intentio libidinis, an verò requiratur ut raptus fiat intuitu matrimonii? — Duæ adsumuntur opiniones; inter quas, distinguendum videtur cum COMPANS. Vel rapta libidinis intuitu matrimonium eligit tanquam minus malum, ut se liberet a majori; vel omnino libenter, quia sibi est favorabile. In 1^o casu, matrimonium est irritum, sive ex metu, sive etiam ex raptu, quia tunc raptor censetur detinere intuitu matrimonii. In 2^o casu, valet matrimonium: sic satis providetur libertati raptæ; cui

aliunde minor injuria infertur, quando rapitur causâ libidinis, quàm ubi intuitu matrimonii, quod vel irritum erit, vel eam in perpetuum ligabit.

180. II. *De raptu seductionis.* Ille intelligitur quo puella adducitur, non invita, sed blanditiis, vel aliis mediis seducta, et invitis illius parentibus : hæc enim duo intimè connectuntur, præsertim in Galliis, ut ex mox dicendis faciliè intelligetur.

Porro præcipua quæstio est, *an ille raptus sit impedimentum dirimens?* — 1° Ex jure communi, seu *attento tantum decreto Concilii Tridentini*, videtur probabilior opinio negans. Etenim decretum illud est præter jus commune, cùm constet, saltem tempore Concilii, raptum non fuisse impedimentum dirimens; est insuper decretum irritans, et pœnas gravissimas infligens : ergo non debet extendi ultra sensum rigorosum verborum. Porro, si attentè inspicatur decretum, nihil indicat eo comprehendere raptum seductionis. 1. Nomen ipsum *raptus* indicat aliquam violentiam : hic autem nulla adest in puellam, ut supponitur; ea autem quæ infertur parentibus non potest sufficere in mente Concilii Tridentini. 2. Concilium exigit ut rapta sit sub potestate raptoris : porro ita non est in raptu seductionis. 3. Raptus de quo loquitur Concilium, cessat statim ut puella reponitur in loco tuto et libero : atqui non ita statuisset, si voluisset comprehendere raptum seductionis, quia loci mutatio non tollit vim seductionis.

2° *Ex jure consuetudinario* apud nos : nempe ex jurisprudentia et ex consuetudine Galliæ introductum fuisse impedimentum, etiam ultra decretum Concilii, docent auctores Galli satis communiter. Sed varias requirunt conditiones, quarum nonnullas tantum adstruere possunt ex eo decreto : unde intelligitur eos non tam innixos esse Concilio Tridentino, quàm edictis regibus aut jurisprudentiæ circa consensum parentum. Hodie igitur standum iis quæ dicemus ubi de *Impedimentis civilibus*.

§ 14. *De impedimento CRIMINIS.*

181. *Eo nomine designatur impedimentum quod oritur DE MATRIMONIO.*

sive ex adulterio, sive ex conjucidio. Ideo fuit institutum, ne conjuges, spe matrimonii cum complicibus ineundi, ad ea crimina, præsertim ad conjucidium, allicerentur. Sufficit alterutrum ex his duobus, quando adsunt quædam circumstantiæ aggravantes: requiritur utrumque conjunctum, quando desunt illæ circumstantiæ, prout modò explicabimus.

Certum est illud impedimentum nec jure naturali, nec divino inductum esse, sed tantùm jure ecclesiastico: id agnoscunt omnes, et deduci potest ex matrimonio David cum Bethsabec. Unde nullum dubium est quin ab Ecclesia concedi possit dispensatio. Attamen ex BENEDICTO XIV, Const. *Ætas anni*, § 15; Bullar. t. IV, *Append. altera*, n° 1, si conjucidium sit publicum, nullo exemplo constat S. Pontificem in hujusmodi dispensasse: si agatur de conjucidio occulto, habet quidem major Pœnitentiarius dispensandi facultatem, rarò tamen, et semper pro foro tantùm interno: si tandem de adulterio solo, faciliùs conceditur dispensatio.

1º. DE ADULTERIO.

182. Adulterium non inducit impedimentum, nisi simul adsit promissio matrimonii, vel illius attentatio: igitur exponendæ sunt conditiones quæ requiruntur, tum ex parte adulterii, tum ex parte promissionis, tum quoad utrumque conjunctionem.

I. *Ex parte adulterii*, tres requiruntur conditiones.

Prima, ut sit *verum*: non sufficeret existimatum; v. g., si vivus adhuc crederetur alter conjux, qui jam obiisset.

Secunda, ut adulterium sit *formale ex utraque parte*: unde si quis ~~matrimonium~~ ^{adulterium committat} attestet cum eo qui ignorat ipsum esse conjugatum, non aderit impedimentum. Ita communiter auctores, qui id deducunt ex decisionibus ALEXANDRI III, cap. *Propositum*, 1, *de Eo qui duxit in matrimon.*, et INNOCENTII III, cap. *Veniens*, VII, *ibid.* Imò si uterque sit conjugatus, et neuter conjugium alterius cognoscat, non aderit impedimentum; ita communiter tum jurisperiti, tum theologi.

Tertia conditio est, ut adulterium sit *consummatum*.

Quando enim jura pœnam infligunt crimini, requiritur ut sit consummatum, nec sufficit attentatum.

183. II. *Ex parte promissionis*, variæ quæ requiri possunt conditiones, ad quatuor revocantur.

Prima est, ut sit *veræ promissio*; non sufficit simplex desiderium, vel mera indicatio propositi.

Si verò promissio sit ficta, id est, facta absque animo sese obligandi, cum pluribus existimamus difficilè excusari posse ab impedimento: quia alter eam sinceram credens, nihilominus incitabitur ad desiderandam et procurandam conjugis mortem, ac proinde subsistit motivum legis.

Secunda conditio, quam multi requirunt, est ut *promissio sit absoluta*, aut absolutæ æquivalens: id est, si promissio facta fuerit modo conditionato, requiritur ut per conditionis adimpletionem ante mortem conjugis absoluta evaserit. Ratio hujus assertionis, quam non pauci rejiciunt, est quia lex pœnalis, qualis est ea de qua agimus, potius restringenda est quàm extendenda, nec proinde applicari debet promissioni quæ non est ex omni parte perfecta.

Tertia conditio est, ut promissio sit *acceptata* ab altero; alioquin est merum propositum, nec verè ligat: in hoc videntur omnes consentire.

Quarta conditio, quam requirunt quidam, est ut *promissio sit mutua*, qualis vulgò esse solet. Verùm hanc conditionem requiri negat sententia communior, tum quia canones nihil aliud exigunt quàm veram promissionem; tum quia promissarius ex spe matrimonii semper ad crimen incitabitur.

184. III. *Quoad conjunctionem adulterii cum promissione*, necesse est ut verè dici possit simul exstitisse adulterium et promissionem, durante matrimonio.

Hinc 1^o si quis, vivente conjuge, commercium habeat cum aliqua persona, et deinde non nisi post mortem conjugis eidem matrimonium promittat, non aderit impedimentum.

Hinc 2^o si promissio, semel facta, fuerit revocata ante adulterium, non adest impedimentum, quia promissio re-

vocata jam non est promissio. Sed si revocetur tantum post adulterium, etiamsi ante mortem conjugis, adest impedimentum: adulterio enim et promissione semel positis, adfuit impedimentum, a quo non potuerunt partes postea propria auctoritate se eximere.

Hinc 3^o solvi possunt sequentes casus. 1. Petrus, vivente uxore, promittit Berthæ matrimonium: uxore mortuâ, ducit Catharinam, et postea adulterium committit cum Bertha. — Non adest impedimentum, quia promissio facta Berthæ satis revocata est per matrimonium cum Catharina, nec proinde concurrit cum adulterio. 2. Petrus, vivente uxore, committit adulterium cum Bertha: uxore defunctâ, ducit Catharinam, et postea promittit Berthæ matrimonium. — Ad istum casum plerique auctores non attenderunt: docet tamen COMPANS adesse impedimentum, quia reperiuntur ea quæ lex voluit punire: nec enim adulterium semel patratum revocari potest, ac proinde concurrit cum promissione, sique ex his duobus dabitur occasio machinandi mortem. 3. Petrus matrimonium promittit Berthæ quæ ignorat eum esse conjugatum: postea agnoscit Bertha conjugatum esse Petrum, et tunc committunt adulterium. — Adest impedimentum, quia subsistit promissio, et concurrit cum vero et formali adulterio.

Hactenus, exponendo varias condiciones, locuti sumus tantum de casu quo adest mera promissio matrimonii. Si, loco promissionis, adsit attentatio matrimonii, vix ulla occurrit peculiaris difficultas: sufficit ut verè attentetur, id est, ut complices matrimonium ineant quantum in se est. Illudque verum est, etiamsi ineant clandestinè, quia hic non attenditur præcisè ad valorem matrimonii.

II^o. DE CONJUCIDIO.

185. Nomine conjucidii, quod vulgò in canonibus *Machinatio* dicitur, intelligendum est non tantum uxoricidium, sed etiam viricidium, quia canones de utroque loquuntur. Ut sit impedimentum variæ requiruntur condiciones, quæ ad tres reduci possunt.

Prima est, ut conjucidium fuerit *reipsa peractum*, vel physicè, vel saltem moraliter, id est, mandato aut consilio quod in illud efficaciter influxerit. Unde non sufficit ut conjucidium sit attentatum, si mors secuta non fuerit, vel non nisi ex imperitia, negligentia, aut culpa medici, vel ipsius interfecti. Item non sufficit ut approbetur mors jam a

tertia persona illata ; vel ut occidatur non conjux , sed alia persona , quæ matrimonio obstabat.

Secunda conditio est , ut *uterque in mortem conspiraverit* , vel physicè , vel moraliter : non sufficit unius machinatio , nisi quando simul concurrat adulterium.

Tertia conditio est , ut machinatio fiat *ex intentione matrimonium ineundi* : licèt jura eam expressè non requirant , videntur eam supponere , et satis colligitur ex fine legis , quæ voluit impedire ne spes matrimonii ad conjucidium induceret.

Sed an illa intentio requiratur ex utraque parte , apud auctores non constat. Satis probabile est requiri , quia finis Ecclesiæ debet verificari in utroque machinante. Attamen cùm sufficiat intentio ex una parte , ut verè dici possit intentionem matrimonii induxisse ad conjucidium , petenda videtur dispensatio saltem ad cautelam. Cæterum , in foro externo semper præsumitur sufficiens intentio , quando fit conspiratio et postea matrimonium initur ; et ita etiam pro foro interno in praxi præsumendum est.

III°. DE CONJUCIDIO CUM ADULTERIO.

186. Sufficit ut adsint adulterium et conjucidium , qualia determinavimus in duabus quæstionibus præcedentibus.

Nec requiritur promissio , aut attentatio matrimonii : neque machinatio utriusque seu conspiratio ; sed unius tantum , sive sit conjux occisi , sive illius complex in adulterio , cum intentione tamen contrahendi matrimonium ; quamvis enim jus expressè hanc intentionem non requirat , ejus necessitatem deducunt auctores ex motivo legis.

§. 15. *De impedimento CLANDESTINITATIS.*

187. Vocis illius varia fuit variis temporibus acceptio : sed a tempore Concilii Tridentini , quando strictè sumitur , designat defectum præsentiae parochi et testium , quam illud Concilium sub pœna nullitatis præscripsit , sess. xxiv , cap. i , *de Reform. matrim.* Ut accuratè exponamus quod ad hoc impedimentum spectat , expendendum est 1° an semper irrita sint matrimonia clandestina ; 2° quid requiratur ut matrimonium non sit clandestinum.

PUNCT. 1. *An semper irrita sint matrimonia clandestina.*

188. Certum est 1° hæc matrimonia irrita non esse jure naturali aut divino : Concilium enim Tridentinum declarat ea esse *vera et rata*, quandiu ea Ecclesia irrita non fecit.

Certum est 2° ea fuisse semper legibus Ecclesiæ prohibita : constat ex eodem Concilio. Sed cùm in dubium venisset an unquam fuissent etiam irrita, noluit Concilium hanc controversiam dirimere.

Certum est 3° Concilium ea declarasse in posterum irrita. Unde exponendum est quousque extendatur illius decretum, et videndum 1° an et quatenus matrimonia clandestina irrita sint ex jure communi; 2° an irrita sint nunc in Galliis; 3° an irrita sint apud hæreticos.

QUÆST. 1. *An et quatenus matrimonia clandestina irrita sint ex jure communi.*

189. Hic statuendum nobis est principium generale, vi cujus solvi possint variæ difficultates speciales quæ occurrere possunt. Sit itaque

PROPOSITIO.—*Quando decretum Concilii Tridentini fuit in aliqua parochia promulgatum vel tanquam decretum Concilii observatum, matrimonia clandestinè inita ab iis qui pertinent ad hanc parochiam sunt prorsus irrita, nisi excuset moralis impossibilitas.*

Prob. Ex ipso tenore decreti : « Qui aliter quàm præ-
» sente parochio, vel alio sacerdote, de ipsius parochi seu
» ordinarii licentia, et duobus vel tribus testibus, matri-
» monium contrahere attentabunt; eos sancta Synodus ad
» sic contrahendum omnino inhabiles reddit : et hujus-
» modi contractus irritos et nullos esse decernit, prout eos
» præsentì decreto irritos facit et annullat. »

Præcipuum hujus decreti motivum, ex ipso Concilio, fuit præcavere ne illi qui jam matrimonium inierunt possint impunè ad aliud convolare; quod sæpe olim accidebat, quin Ecclesia, quæ de occultis non judicat, huic malo occurrere posset.

Dicitur 1° *quando decretum fuit in aliqua parochia pro-*

mulgatum: postquam enim statuit Concilium ut omnes ordinarii « curent hoc decretum populo publicari ac explicari in singulis suarum diœcesium parochialibus ecclesiis..., decernit insuper ut hujusmodi decretum in unaquaque parochia suum robur post triginta dies habere incipiat, a die primæ publicationis in eadem parochia factæ numerandos. » Unde hanc promulgationem in singulis parochiis absolutè requiri ex sententia S. Congregationis, nec sufficere promulgationem factam in Synodo provinciali aut diœcesanâ, testis est FAGNANUS. Ratio autem ita statuendi fuit, juxta PALLAVICINUM, quòd ita evitabatur id quod multi objecerant, nimirum inter hæreticos, qui huic decreto non parerent, nullum matrimonium in posterum verum fore, nullamque prolem legitimam; cum enim illi decretum non essent promulgaturi in suis regionibus, jam eo non erant attingendi.

Dicitur 2^o *vel aliquo tempore observatum*; licèt enim non exstet peculiare monumentum promulgationis, hæc satis præsumitur, quando usu receptum est ut matrimonia ineantur coram parocho et testibus, tanquam in executionem decreti Tridentini; hæc enim observatio habetur ut virtualis promulgatio, et reipsa nulla datur efficacior. Ita pluries declaratum fuit a S. Congregatione Concilii.

Dicitur 3^o *tanquam decretum Concilii*, quia si irrita declarata fuissent matrimonia clandestina, sed non vi Concilii Tridentini, jam illius decretum non posset censi promulgatum. Ita colligitur ex iis quæ refert BENEDICTUS XIV, *de Synod.* l. XII, c. V, n^o 7-11. Cum in Synodo Kioviensi, et in Concilio provinciali Ruthenorum irrita declarata fuissent matrimonia clandestina, eodem planè modo quo a Concilio Tridentino fuerat statutum, sed nullâ factâ hujus decreti mentione, judicatum est nihilominus valida esse præfata matrimonia.

Dicitur 4^o matrimonia sunt *prorsus irrita*, quod ita intelligendum, ut ne vis quidem sponsalium iis tribui possit. Illud certissimum est, juxta BENEDICTUM XIV, *Instit.* XLVI, n^o 23. A fortiori non valent quoad contractum, ut patet ex iis quæ antea diximus (n^o 133).

Dicitur 5^o *nisi excuset moralis impossibilitas*, quia si adiri non possit parochus, aut nonnisi *difficillimè seu periculosissimè*, legem in eo casu obligare noluit Ecclesia; quod omnino æquitati consentaneum est, ne fideles a matrimonio abstinere cogantur: magnum enim adest discrimen inter clandestinitatem et alia impedimenta: alia non obstant cuilibet matrimonio, cum quis nubere possit quin ducat consanguineam aut affinem; istud autem omne prorsus matrimonium impediret: debuit ergo Ecclesia illud eo modo restringere. Hinc ita pluries declaravit S. Congregatio apud BENEDICTUM XIV, *de Synod.* l. XII, c. v, n^o 5: ita etiam PIUS VI, et card. CAPRARA.

Sed ut bene intelligatur ea restrictio, plura sunt advertenda. 1. Quando adiri non potest parochus, semper contrahendum est coram duobus testibus; alioquin irritum esset matrimonium. Ita expressè declarat PIUS VI. Lex impleri debet in ea parte quâ potest. 2. Si recurri non possit ad parochum, vel ad sacerdotem a parocho vel ab ordinario delegatum, sed præsto adsit sacerdos alius catholicus, expedit ut ab eo benedictio recipiatur. Ita PIUS VI. Ratio est quia illa benedictio est præcepta, potestque in eo casu eam dare quilibet sacerdos. Utrùm verò illud requiratur sub pœna nullitatis, est satis ambiguum. Clarè non loquuntur auctores qui præsentem casum expendunt. 3. Si recursus ad proprium parochum sit impossibilis communitati, et tamen possibilis cuidam privato ob peculiares in quibus versatur circumstantias, non valeret illius matrimonium celebratum absque parocho. Nam exceptio habenda est tanquam individualis, ac proinde expendendæ sunt peculiares circumstantiæ in quibus unusquisque versatur. Attamen quando recursus impossibilis est communitati, præsumitur impossibilis privatis, nisi habeantur indicia contraria.

. Dicitur 6^o matrimonia clandestinè inita *ab iis qui pertinent ad hanc parochiam*, non verò *inita in parochia*, quia existimamus in præsentī materia parochiam non spectandam esse materialiter et quoad territorium, sed spiritaliter, si ita loqui fas est, et quatenus efformatur ex con-

gregatione hominum qui vivunt sub auctoritate rectoris. Scilicet quando decretum Concilii promulgatur in quadam Ecclesia parochiali, non putamus per illud attingi præcisè territorium, adeò ut, eo mediante, decreto subjiciantur ii omnes et soli qui, in eo territorio quomodocumque versantes, volunt matrimonium ibi inire; non attinguntur etiam præcisè *cives* in urbe, oppido, aut vico commorantes; ex iis enim non coalescit parochia: sed attinguntur *fideles* qui vivunt sub parochi regimine, sicque ad parochiam propriè pertinent. Id deducimus ex ipsa decreti natura seu objecto. Etenim præscribitur præsentia proprii parochi: porro parochus non est proprius nisi quoad eos qui verè pertinent ad parochiam, eo sensu qui fusiùs exponetur in puncto sequenti.

190. Cæterùm ut principium quod hic asserimus meliùs intelligatur, et solidiùs adhuc adstruatur, indicare juvat præcipuas illius applicationes, seu varias decisiones quæ ex eo principio sunt educendæ, aut quæ aliunde satis probatæ ipsum principium corroborant quatenus huic innixæ videntur.

Hinc 1º promulgatio decreti facta in parochia catholicorum non attingit *hæreticos* jam sub regimine pastoris sui in cætum et societatem distinctam coadunatos, licèt dispersi sint cum catholicis in eodem territorio. Hoc apertè sequi videtur ex intentione Concilii Tridentini. Ea fuit, ex dictis, ut per necessitatem illius promulgationis intacta remanerent hæreticorum conjugia: atqui, nisi admittatur nostra assertio, scopum illum non attigisset, cùm in plerisque locis catholici permixti viverent cum hæreticis. Idem deduci potest ex decisione BENEDICTI XIV *de Matrimoniis Hollandiæ*. Declarat enim, ut infrà videbimus (nº 194), ibi valere matrimonia inter hæreticos inita, non valere autem inter catholicos. Porro éa declaratio innixa videtur principio allato: nam secunda pars decisionis evidenter supponit in Hollandia fuisse aliquando promulgatum decretum Concilii; ergo si illud decretum attingeret omnes qui versantur in territorio in quo promulgatur, irrita etiam fuissent matrimonia inter hæreticos.

Hinc 2° *qui recedunt e loco ubi viget lex Tridentina* non statim eximuntur ab ea lege, sed tantum quando per domicilium aut quasi-domicilium sufficiens possunt dici pertinere ad novam parochiam in qua eadem lex non viget. Illud ostendi potest ex decisionibus S. Congregationis. Pluries declaravit S. Congregatio Concilii irritum fore matrimonium eorum qui, domicilium habentes in loco in quo decretum est promulgatum, transeunt in locum in quo promulgatum non est, ibique nubunt ommissa illa forma, nisi antea in eo loco domicilium aut quasi-domicilium acquisierint. Illa autem decisio niti videtur principio a nobis exposito. Nam vel nullitas deducitur ex eo principio, vel, ut volunt quidam, deducenda est ex intentione eludendi legem, quia nempe per illam intentionem constituitur fraus sufficiens ad irritandum matrimonium. Porro istud admitti non posse videtur. Etenim in iisdem decisionibus declaratur validum fore matrimonium, si acquisitum fuisset domicilium aut quasi-domicilium sufficiens sensu infra exponendo, licet contrahentes ita egissent ex intentione legem eludendi; ergo creditum non fuit sufficere illam intentionem ut quis dicatur egisse in fraudem legis.

Hinc 3° *qui adveniunt in locum ubi viget lex Tridentina* non statim huic legi subjiciuntur, nisi domicilium aut quasi-domicilium sufficiens acquisierint. De isto casu nulla exstat peculiaris decisio, eo quod satis raro occurrit: imò docent multi irritum fore matrimonium illius qui, domicilium habens in loco ubi decretum non est promulgatum, transiret in locum ubi est promulgatum, ibique nuberet non servata illius decreti forma. Sed non ita sentiendum putamus. Nam ille de quo agitur, donec domicilium sufficiens acquisierit, est in impossibilitate legem servandi. Quomodo enim eam servare poterit? Numquid nubet coram paroco loci in quo versatur nunc? Verum, donec ibi acquisitum fuerit domicilium sufficiens, non est proprius illius parochus. Numquid coram paroco domicilii, seu potius de ipsius licentia? Verum ille non est ab Ecclesia deputatus ad assistendum matrimonio, cum in ejus parochia decretum non fuerit promulgatum: ergo ille

extraneus nullo modo contrahere poterit. Ergo dicendum hunc legi non subijci.

Exinde intelligi potest, quamvis lex Tridentina sit e numero earum quæ dicuntur locales, et aliunde respiciat formam actûs, circa quam vulgò admittitur istud axioma: *Locus regit actum*, de eâ tamen aliter ratiocinandum esse ac de legibus territorialibus. Ratio a priori est quia forma præscripta consistit in præsentia officarii a lege determinati, scilicet proprii parochi; ille autem officarius non nisi habitâ ratione domicilii vel quasi-domicilii contrahentium determinari potest, cum non sit verè proprius parochus nisi quoad eos qui in ipsius parochia habent domicilium sufficiens sensu infra exponendo: igitur mirum non est quòd sequenda sit lex domicilii aut quasi-domicilii, seu quòd lex potiùs attingat personas quàm territorium.

QUÆST. 2. *An irrita sint nunc in Galliis matrimonia clandestina.*

191. Ex allata jam notione (nº 187), clandestina dicenda sunt matrimonia merè civilia. Porro nonnullos reperire est qui ea matrimonia ut valida agnoscant, aut saltem irrita in ratione contractûs pronuntiare non audeant; sed diversis nituntur principiis. Alii non admittunt auctoritatem Ecclesiæ, aut non satis attendunt ad vim impedimenti dirimentis; et hi jam satis confutati. Alii existimant decretum Tridentinum non fuisse promulgatum in Galliis tanquam decretum Concilii, ideoque olim irrita fuisse matrimonia clandestina, non vi Concilii, sed vi edictorum regiorum; quæ cum hodie non vigeant, concludunt valere ea matrimonia: isti nunc sunt confutandi. Sit itaque

PROPOSITIO. — *Etiam nunc irrita sunt in Galliis matrimonia a catholicis inita sine forma Concilii Tridentini, seu merè civilia.*

Prob. Ad demonstrandum irrita esse ea matrimonia, duo sufficiunt: 1º ut Concilii Tridentini decretum fuerit sufficienter promulgatum in Gallia; 2º ut dici nequeat illud decretum desiisse obligare: atqui hæc duo constant.

I. Decretum fuit sufficienter promulgatum. Constat 1° *Ex Conciliis et synodis Galliarum*. Citari possunt Concilium Cameracense an. 1565; Remense an. 1583; Conventus Melodunensis an. 1579; Concilium Burdigalense an. 1583 et 1624; Turonense an. 1583; Bituricense an. 1584; Narbonense an. 1609; Aquense an. 1585. (v. P. M. 1201.) Hæc omnia Concilia non solum admittunt decretum Tridentinum, sed præcipiunt illius promulgationem, quam ideo rite factam fuisse dubitari nequit. 2° *Ex Ritualibus variarum Galliæ diocesium*: nullum dubium ea de re relinquunt. Potuimus perlustrare libros Rituales sexaginta et amplius ecclesiarum (v. P. M. 1207); hæc autem deprehendimus. 1. Omnes aut ferè omnes irrita declarant matrimonia clandestina ex decreto Concilii Tridentini: plerique nullatenus allegant edicta regum: qui autem ea allegant, vel dicunt tantum ea jussisse executionem Concilii Tridentini, vel solum explicant ea quæ Concilio addiderunt, v. g. necessitatem quatuor testium. 2. Quindecim circiter præcipiunt parochis ut pluries in anno legant populis vulgari idiomate decretum Concilii Tridentini. 3. Quindecim circiter, præsertim inter recentiores, expressè testantur decretum illud fuisse promulgatum et receptum, vel in diocesi sua, vel in tota Gallia. Ergo ex his certissimum est matrimonia clandestina habita fuisse ut irrita, tanquam in executionem Concilii Tridentini; quod, ex dictis, sufficit. 3. *Ex libris theologorum*. Quicumque de matrimonio scripserunt pronuntiant irrita esse matrimonia clandestina; nituntur Concilio Tridentino, et, ut varias quæstiones de ea materia solvant, perpetuò ad illius decretum recurrunt: ergo manifestè supponunt apud nos esse receptum. Imò non desunt qui expressè testentur illud fuisse in singulis parochiis promulgatum. 4° *Ex ipsismet edictis regiis*. Si attentè inspiciantur, manifestum erit reges voluisse præcipere executionem Concilii Tridentini. Afferre sufficiat edictum Ludovici XIV, an. 1697: sic legitur in præmio: « Les SS. Conciles ayant prescrit, » comme une des solennités *essentiell*es au sacrement de » mariage, la présence du propre curé de ceux qui con-

» tractent, les rois nos prédécesseurs ont autorisé, par
 » plusieurs ordonnances, l'exécution d'un règlement si
 » sage. » Postea præcipit ut servantur SS. Conciliorum
 dispositiones.

II. Dici nequit decretum illud vim suam hodie amis-
 sisse. Non enim fuit auctoritate legitimâ abrogatum, nec in
 desuetudinem abiit. Nec dici potest impleri per celebratio-
 nem civilem; quamvis enim publica sit, huic deest præ-
 cisè ea publicitas quam determinavit Ecclesia.

Dixi *inita a catholicis*, quia de hæreticorum matrimo-
 niis agetur quæst. seq. (nº 195).

192. SCHOLIUM. *De matrimoniis initis tempore perturbationis Gallicæ.*

Ut iudicium feratur de his matrimoniis, quæ inita fuerunt vel absque
 præsentia parochi, vel coram parochio schismatico, advertendum est
 1º inter sacerdotes schismati adhærentes, alios fuisse *intrusos*, qui
 nempe usurpaverant ex Constitutione Civili auctoritatem quam antea
 non habebant; alios tantum, ut dicebatur, *juratos*, qui, cum antea auc-
 toritatem haberent, juramentum juxta Constitutionem Civilem emise-
 rant. Inter priores computandi erant qui in aliqua ecclesia vicariorum
 munere fungentes, vel delegatam jurisdictionem obtinentes, ad hanc
 ecclesiam juxta formam schismaticæ constitutionis electi erant tanquam
 parochi. Porro illud erat discrimen inter utrosque, quòd *parochus in-*
trusus nullam auctoritatem prorsus habebat, ne titulum quidem colo-
 ratum; ac proinde illius præsentia nullam vim conferre poterat matri-
 monio: *parochus autem juratus* per suum juramentum non amisera-
 titulum; erat semper verè parochus, ac proinde matrimonium coram
 illo initum erat validum. Advertendum 2º illicitum fuisse matrimonium
 inire coram schismatico sacerdote *tanquam ministro religioso*, quia hæc
 erat communicatio in divinis, quam illicitam declaraverat PIVS VI, quia
 positis circumstantiis quales erant, hæc fuisset verè schismatis partici-
 patio. Si autem sacerdos schismaticus assistebat matrimonio *ut officia-*
rius civilis, licitum erat coram eo se sistere ad obtinendum effectus ci-
 viles. Ita PIVS VI, quia tunc non aderat communicatio in divinis. Ita
 etiam pluries declaratum fuerat a S. Congregatione pro locis subjectis
 ditioni hæreticorum, et a BENEDICTO XIV pro catholicis regni Serviæ,
de Synod. l. VI, c. VII, nº 2.

His præmissis, quando initum est matrimonium absque ullius sacer-
 dotis præsentia, seu, quod in idem recidit, coram parochio intruso, vel
 possibilis erat recursus ad proprium parochum catholicum seu ad alium
 sacerdotem ab eo vel ab episcopo delegatum, vel non. In primo casu,
 matrimonium fuit invalidum, quia lex Concilii Tridentini obligabat,
 quando poterat observari: ita pluries declaravit PIVS VI. In secundo
 casu, quando nempe fideles *non poterant omnino parochum legitimum*
habere, vel *nonnisi difficillimè seu periculosissimè recurrere poterant*,

tunc validum erat matrimonium, modò tamen initum esset coram duobus testibus, ut jam diximus, et quidem, quantum fieri poterat, catholicis. Dixi *ad parochum catholicum*, quia si possibilis fuisset recursus ad parochum vel ab eo delegatum qui schismati adhæserant, validum fuisset matrimonium initum coram duobus tantum testibus. Etenim, licet validè iuri potuisset coram iis, erat tamen illicitum ad eos recurrere, ut diximus: porro illud meritò habetur ut impossibile, quod absque peccato fieri nequit.

QUÆST. 3. *An irrita sint matrimonia clandestina apud hæreticos.*

193. Quando expendimus (nº 139) an hæretici generatim teneantur impedimentis canonicis, monuimus adesse specialem difficultatem quoad impedimentum clandestinitatis. Porro facilè ex dictis intelligitur hic agi tantum de locis in quibus promulgatum fuit decretum Concilii Tridentini; item de hæreticis qui degunt in societate ab Ecclesia prorsus separatà; demum versari dubium, non circa potestatem Ecclesiæ, sed tantum circa ejus voluntatem.

Duplex autem adest ea de re opinio.

Prima docet valida esse ea matrimonia. 1º *Ex praxi Ecclesiæ*. Affirmant multi auctores non exigere Ecclesiam, ut matrimonia sic inita convalidentur, nec eorum dissolutionem permittere, nec filios pro illegitimis habere. 2º *Ex iis quæ acta sunt in Concilio Tridentino*. Ideo, ut vidimus, præscripta fuit promulgatio in singulis parochiis, ne omnia tollerentur hæreticorum matrimonia: ergo mens Concilii non fuit hæreticos per suum decretum attingere. 3º *Ex ratione*. 1. Lex de qua nunc agimus esset longè durior, cum Ecclesia censeretur dicere: *Aut convertimini, aut a matrimonio prorsus abstinete*; quod videtur alienum a benignitate Ecclesiæ, quæ non ignorat quàm difficilis sit multorum conversio, difficilior adhuc reddenda per talem severitatem. 2. Legis observatio habenda est pro hæreticis ut moraliter impossibilis: tum quia incurrerent animadversionem propriorum ministrorum aut magistratuum; tum quia eorum matrimonia ab aliis ejusdem sectæ hominibus pro irritis haberentur; tum demum quia ab ipsis parochis catholicis non admitterentur. 3. De-

mum scopus decreti Tridentini, nempe publicitas, aliunde satis obtinetur.

Secunda opinio docet invalida esse talia matrimonia. 1^o Ex auctoritate S. Congregationis Concilii, quæ, teste BENEDICTO XIV, *Quæst.* 234 et 589, semper sensit irrita esse matrimonia contracta coram ministro hæretico, in locis in quibus receptum est Concilium Tridentinum. 2^o Lex Concilii est omnino generalis : ubicumque ergo promulgata est, eos omnes obligat qui subjiciuntur auctoritati Ecclesiæ, ac proinde hæreticos. Nec ulla adest ratio sufficiens eos eximendi ab ista lege, cum incommoda et difficultates, quæ incurrere possunt, ex eorum culpa et pertinacia oriantur.

Nobis autem distinguendum videtur. Vel agitur de regionibus ubi, tempore promulgationis Concilii, jam hæretici societatem quamdam efformabant cum suis parochiis distinctis, vel de iis in quibus nunquam efformaverunt, vel de iis in quibus nonnisi postea.

Si 1^o, valida videntur matrimonia, quia huc ducere videntur rationes prioris opinionis. Et revera iis saltem matrimoniis applicari debet argumentum deductum ex mente Ecclesiæ manifestâ in Concilio Tridentino ; quæ alioquin esset omnino frustranea, cum ferè ubique essent hæretici permixti cum catholicis. Pariter cum requireretur decreti promulgatio in singulis parochiis, licet peracta fuerit in parochiis catholicorum, non censetur peracta in parochiis hæreticorum de quibus agimus, quæ, etsi non semper territorio, moraliter saltem sunt ab iis diversæ. Ita ratio- cinabatur Pius VII, in epistola 27 junii 1805, directâ ad imperatorem Napoleonem, occasione matrimonii ab ipsius fratre Hieronymo initi cum acatholica, Baltimori in fœderatæ Americæ provinciis (P. M. 1218).

Si 2^o, satis inclinarem pro invaliditate. 1. Ex auctoritate S. Congregationis. 2. Quia, si hæretici non habent parochias distinctas, jam decretum quod est omnino generale, est promulgatum quoad illos, ac proinde eos obligat.

Si 3^o, cum jam ligati fuissent tempore promulgationis, videri posset æquum non esse ut per suam rebellionem se

subtrahere potuerint : ac proinde , quoad illos , primis saltem temporibus , ea supponi potest esse Ecclesiæ intentio ut eorum matrimonia sint invalida : quoad amissa non est omnino spes eos ad Ecclesiam reducendi , jam prodesse illis poterit legis illius obligatio , nec dici potest certò et unicè noxia futura. Sed postea in decursu temporum , non auderemus illud affirmare , et eodem modo ratiocinaremur ac in prima hypothesi.

Cæterum , cùm solutio quæstionis multum pendeat a circumstantiis peculiaribus , pluris interest eam expendere quoad varias regiones , quàm modo generali : nonnulla speciatim dicemus de matrimoniis Hollandiæ , et Protestantium in Gallia.

194. 1^o. DE MATRIMONIIS HOLLANDIÆ. Exstat decisio BENEDICTI XIV, data an. 1741, quæ videri posset nobis extranea , cujus tamen sensum investigare operæ pretium est. Si enim sit mera declaratio , seu interpretatio decreti Tridentini , et detegamus cuinam principio innixus sit Benedictus XIV, quotiescumque probari poterit cuidam difficultati idem principium applicari , exinde poterimus hujus difficultatis solutionem educere , non quidem tanquam decisione pontificiâ certam , sed tanquam pollentem eâ certitudine quâ constabit tale fuisse reipsa motivum Benedicti XIV, et illud motivum tali difficultati debere applicari. Igitur ducem sequendo ipsum Benedictum XIV, qui suam declarationem exposuit *de Synod. l. vi, c. vi*, tria spectabimus : 1^o tenorem declarationis ; 2^o illius naturam ; 3^o rationes quibus nititur : deinde videbimus an applicari possit aliis regionibus.

I. *Declarationis tenor.* Quatuor includit : 1^o matrimonia in Hollandia inter duos hæreticos inita absque præsentia parochi , fuisse et fore valida , dummodò aliud non obstet canonicum impedimentum ; 2^o matrimonia inter unam partem hæreticam et alteram catholicam , quamvis graviter illicita , esse tamen valida , si ineantur sine parochi præsentia ; 3^o eandem decisionem extendendam non esse ad matrimonia duorum catholicorum , sed ea esse invalida ; 4^o quoad ea matrimonia , quæ in catholicorum principum regionibus fiunt ab iis qui domicilium habent in provinciis fœderatis , vel in provinciis fœderatis ab iis quorum domicilium situm est in dominio principum catholicorum , satis provisum esse per canonici juris regulas jampridem constitutas , de iis qui relictâ regione in qua domicilium habent , nec novo alibi domicilio vel quasi-domicilio acquisito , matrimonium ibi contrahere cupiunt.

II. *Declarationis natura.* Satis constat eam habendam non esse ut dispensationem concessam a S. Pontifice , quâ eximantur hæretici a lege Concilii Tridentini : est tantum legis illius interpretatio authentica. Illud constat 1. ex eo quòd non minùs respiciat matrimonia antè inita quam quæ postea ; 2. ex iis quæ peracta sunt in S. Congregatione Con-

cilii, et ex modo quo eam exhibet Benedictus XIV; 3. ex interpretatione Pii VII in epistola supra indicata.

III. *Quibus rationibus nitatur declaratio.* Ratio quartæ decisionis ex ipsa enuntiatione satis innotescit. Ratio tertiæ est, quia constat decretum Concilii fuisse promulgatum in peculiaribus catholicorum parochiis, saltem postquam illæ provinciæ ad hæreticorum dominationem transierunt. Ita Benedictus XIV, c. VI, et c. VII, n^o 4 et 5. Ratio secundæ est, quod, cum conjugum alter, tum ratione loci in quo habitat, tum ratione societatis in qua vivit, exemptus sit a Tridentinæ Synodi lege, exemptio quâ ipse fruitur alteri parti communicata remanet, propter individuitatem contractûs, vi cujus exemptio quæ uni ex partibus competit ad alteram extenditur eidemque communicatur. *Ibid.* c. VI, n^o 12. Ratio tandem primæ non ita constat. Ait Benedictus XIV, n^o 7, conformia fuisse consultorum suffragia, sed eos variis innixos esse rationibus: neque indicat quânam præcisè ipse motus fuerit. Unde id tantum per conjecturas deducere possumus. Porro 1^o non fuit determinatus, ex eo quod non satis constaret promulgatum fuisse in Hollandia decretum Concilii Tridentini. Judicabat enim, ut ipse testatur, n^o 2, valde verisimile esse promulgatum fuisse decretum, et saltem illi constabat fuisse promulgatum post defectionem illarum provinciarum, adeo ut irrita declaraverit matrimonia inter catholicos ibidem inita. 2^o Nec magis motus est rationibus desumptis ex parte ipsorum hæreticorum, v. g. ex incommodis quibus per legis observationem exponerentur, ex eo quod nimis durum esset eos legi subicere, etc. Nam quarta pars decreti, quæ distinguit inter loca et domicilia, satis indicat hic non agi de privilegio hæreticorum personali, et videtur supponere eos qui degunt sub ditione principum catholicorum, solum ubi non efformant societatem distinctam, subjici decreto Concilii Tridentini. 3^o Videtur ergo innixus in eo quod hæretici et catholici efformarent duas societates distinctas, adeo ut Concilium, licet ante divisionem promulgatum, non censeretur attingere societatem hæreticorum postea efformatam. Et hæc interpretatio omnino congruit Epistolæ Pii VII supra indicatæ.

IV. Ex his deducere possumus, *An ea declaratio applicari possit aliis regionibus.* In se spectata, non respicit nisi matrimonia Hollandiæ; nec proinde potest propriè vim habere in aliis regionibus. Attamen, secundum ea quæ diximus initio quæstionis, per analogiam ex illa decisione arguere possumus quoad alias regiones sensu exposito, cum, ut vidimus, non dispensationem concesserit, sed meram decreti interpretationem ediderit, et aliunde satis probabiliter assequi possumus cuiam motivo innixus fuerit. Exinde ergo varia educere poterimus consecutaria.

Unum est quod, utpote magis generale et inconcussum, speciali annotatione dignum esse putamus. Scilicet ex secunda parte declarationis Benedicti XIV quoad matrimonium inter unam partem catholicam, et alteram acatholicam, deduci potest generatim valere matrimonium, absque forma Concilii Tridentini initum, inter duas partes quarum una non subjicitur huic decreto: semper enim applicatur ratio quam affert Benedictus XIV, nempe quod *Exemptio, quæ uni ex*

partibus competit, ad alteram extenditur, eidemque communicatur. Hinc in eo sensu respondit CLEMENS XIII archiepiscopo Mechliniensi, et PIUS VII, in responsione jam citata, eidem principio innitebatur.

195. II°. DE MATRIMONIIS PROTESTANTIUM IN GALLIA.

— Ad accuratam quæstionis hujus valde difficilis solutionem, triplex epocha est distinguenda.

I. *Ab Edicto Nannetensi an. 1598, ad revocationem an. 1685.* Matrimonia Protestantium habebantur ut valida, sive quia efformabant societatem religiosam cum suis ministris et ecclesiis, in quibus non erat promulgatum decretum Tridentinum, sive quia aderat tacita saltem Ecclesiæ dispensatio, quæ approbabat facultatem datam protestantibus in articulis secretis Edicti Nannetensis. Hinc hæreticorum conversorum matrimonia non denuo celebrabantur.

II. *Post revocationem Edicti Nannetensis.* Matrimonia Protestantium inita aliter quàm præsepte parcho generaliter habebantur ut irrita in utroque foro : propter rationes contrarias. Hinc quando sic nupti ad Ecclesiæ gremium redibant, ordinariè instaurabantur eorum matrimonia. Dixi *generaliter*, quia in quibusdam locis Alsatiæ Protestantes semper habuerant parochias speciales, in quibus promulgatum non fuerat Concilium, nec proinde obli-

III. *Post edictum mensis novembris anni 1787, et deinceps.* In eo edicto, LUDOVICUS XVI statuebat acatholicis liberum fore matrimonium inire vel coram parcho aut vicario, vel coram iudice : sic autem ferebat art. 18 : « Le dit curé ou vicaire, ou dit juge, déclarera aux parties » au nom de la loi qu'elles sont unies en légitime et in- » dissoluble mariage. » Eâ occasione, sic Regem alloquebatur cœtus cleri Gallicani an. 1788 : « Sire, permettez- » nous de vous représenter avec la sainte liberté de l'apo- » stolat, qu'il n'est donné à aucune puissance sur la terre » d'obliger les pasteurs des âmes à déclarer que des hérétiques qui se marient sans aucun rit religieux, en vertu » de la seule dispense de l'autorité séculière, contractent » une alliance légitime, c'est à-dire, conforme à toutes les

* *Simul videtur durum. Probatur quoniam in jure civili positum
jura non observant. Hæc tamen observantia dicitur.*

» lois de l'Eglise et de l'Etat, tandis que le divin législateur des chrétiens a institué un sacrement pour sanctifier leur union conjugale, que les canons défendent de séparer l'engagement civil des cérémonies sacrées, et que les Protestants reconnaissent eux-mêmes que le sceau de la religion est indispensable pour rendre licites les mariages; nous supplions même Votre Majesté d'approuver que les curés, vicaires et autres ecclésiastiques ne paraissent ni activement ni passivement dans ces sortes d'actes, quelque changement qui soit fait à la forme proposée. » *Nobis videtur noluisset clerum Gallicanum aggredi hanc quæstionem, an illa matrimonia futura essent in se valida, necne.*

Initio perturbationis Gallicæ, an. 1789 et 1790, proclamata fuit libertas absolutæ cultuum; unde lex civilis, an. 1792, constituit officiarium civilem distinctum a paroco, ut coram illo matrimonia omnium absque ulla distinctione inirentur, sicque pro validis haberentur.

His præmissis, quæstio est quid hodie sentiendum de matrimoniis Protestantium. Interrogatus ea de re Card. Legatus respondit relationem factam esse Sedi Apostolicæ, illiusque iudicium in re tanti momenti expectandum esse. Interrogatus Pius VII quæstionem dirimere noluit. Hinc duplex exorta est opinio.

Prima, quam plures sequuntur episcopi, stat pro invaliditate. Ratio est quòd usque ad tempus perturbationis Gallicæ, vel saltem usque ad edictum anni 1787, Protestantes subjecti remanserunt legi Concilii Tridentini: porro ab ea eximi non potuerunt, sive per auctoritatem civilem, sive per obstinatum in hæresi et in sua contra Ecclesiam rebellionem perseverantiam.

Secunda opinio, quam tuentur viri graves, stat pro validitate. 1^o Protestantes in eundem statum redierunt ac ante revocationem Edicti Nannetensis: porro tunc, ut vidimus, eorum matrimonia habebantur ut valida. 2^o Hue ducere videtur decisio BENEDICTI XIV circa matrimonia Hollandiæ: ubi enim eadem est ratio decidendi, eadem danda est decisio: porro hic eadem est ratio, ut facile in-

telligetur, si conferantur ea quæ supra diximus cum statu hodierno Protestantium in Gallia. 3° Ex principiis jam expositis. Visum est valida esse matrimonia hæreticorum in locis in quibus efformant societatem omnino distinctam, saltem quando omnino consummata et perfecta est separatio : porro talis est status Protestantium in Gallia.

Talia sunt præcipua utriusque partis momenta : si absolute eligendum esset, satis inclinarem pro validitate eorum matrimoniorum : si autem admittatur hæc opinio, decisio extendenda erit ad matrimonium inter unam partem catholicam, et alteram hæreticam : id nobis evidenter deduci videtur ex art. II declarationis Benedicti XIV de matrimoniis Hollandiæ, et ratione quâ nititur : nulla assignari potest disparitas.

Cæterum in praxi, quando hæretici convertuntur, permitti nequit ut matrimonium dissolvant, et aliud ineant, non solum ratione dubii, sed ratione legis civilis quæ prius matrimonium agnoscit ut validum. Attamen curandum est, quando id fieri potest, ut matrimonium renovetur coram paroco et testibus, et benedictio recipiatur, tum ut tollatur omne dubium, tum ne careant gratiâ benedictioni annexâ : sed si illud obtinendum non speretur, cautè agendum est, et consulendi superiores, quia aliquando satius esset, etiamsi quis putaret matrimonium esse irritum, relinquere partes in bona fide.

PUNCT. 2. *Quid requiratur ut matrimonium non sit clandestinum.*

196. Quinque hic expendenda occurrunt : 1° quænam præsentia parochi requiratur ; 2° quis sit proprius parochus, cujus præsentia requiratur ; 3° quænam debeant esse illius dotes, ut possit matrimonio assistere ; 4° a quo suppleri possit ; 5° quot et quales debeant esse testes. De his totidem quæstionibus agemus.

QUÆST. 1. — *Qualis præsentia parochi requiratur.*

197. Melius id determinari nequit, quàm recurrendo ad historiam decreti illius in Concilio lati. Postulaverunt Galli ut irrita redderentur matrimonia non iniata coram sacerdote et tribus testibus : cum tamen

* Quia in ecclesiis apostolicis, in ecclesiis quæ quædam sunt benignitas præcipue largitur, non vult matrimonium iniata, sed etiam in

exinde nimium coarctari videretur matrimonii libertas, in tribus primis decreti redactionibus nulla fiebat mentio sacerdotis, sed tantum trium testium. Verum visum est non salis esse tres viros quoscumque, sed querendum stabilem testem; deliberatum de scriba, vel parochi, et iudicatum est quod, si exigeretur parochi præsentia, multo facilius impedirentur matrimonia inter ligatos aliquo impedimento, et certius constaret de celebrato matrimonio. Postulaverunt tunc oratores Galli ut parochus *præset* matrimonio; sed noluerunt Patres eam vocem adhibere, quæ sonabat plus quam testis præsentiam, et condiderunt decretum quale nunc exstat. Igitur

Ex mente Concilli Tridentini requiritur præsentia parochi, non tanquam ministri sacramenti, sed tanquam testis principalis ab Ecclesia deputati, seu, ut loquitur BENEDICTUS XIV, *de Synod.* l. XIII, c. XIII, n° 6, tanquam testis autorizabilis pro Ecclesia, per quem nempe Ecclesiæ constet de inito matrimonio.

Hinc 1° valet matrimonium, licet sacerdos non conferat *benedictionem nuptialem*: Concillum eam præcipit quidem, sed non eam exigit ad validitatem contractus.

Olim quidem in Gallia non pauci jurisperiti putabant benedictionem requiri ad validitatem matrimonii vi edictorum regionum, quæ eam exigebant. Verum plerique theologi, et non pauci etiam jurisperiti, aliter sentiebant. Quidquid olim fuerit, nulla hodie remanere potest difficultas.

Hinc 2° non sufficit præsentia *physica* parochi, sed requiritur præsentia *moralis*, id est, ut videat et audiat contrahentes: alioquin non poterit parochus testem agere coram Ecclesia, ut patet. Et ita decidit S. Congregatio, cum ea tamen restrictione, *nisi affectasset non intelligere*: id est, si parochus ipse sibi causa fuit cur non videret et audiret, quia vel aures sibi obstruxit, vel faciem velavit, validum erit matrimonium; quia æquum non est ut ab arbitrio factoque parochi pendeat matrimonii libertatem impedire. Aliunde matrimonia sic inita satis publica evadent. Ita Benedictus XIV.

Ad præsentiam autem moralem requiritur ut parochus *interpelletur* et moneatur de eo quod agere volunt contrahentes, seu, ut loquuntur auctores, ut *sit adhibitus*. Ita declaravit S. Congregatio. Ratio est, quia alioquin paro-

chus non censetur advertere illud quod fit, nec judicare potest eos qui sic agunt velle seriò agere.

Sed etiamsi parochus fuisset sub alio prætextu vocatus, validum nihilominus foret matrimonium, modò antea moneretur accersitum eum quidem fuisse alio nomine, revera autem ut matrimonii celebrationi assisteret. Item, licèt non fuisset vocatus, si, fortuitò præsens, interPELLARETUR.

Imò valeret matrimonium, licèt parochus non adesset nisi *invitus et coactus*. Ita declaravit S. Congregatio, et admittunt communiter auctores : etiam in illo casu verificatur illius præsentia, et fidem facere potest Ecclesiæ verè coram se celebratum fuisse matrimonium.

Hinc 3^o valet matrimonium celebratum a paracho, etiam *in aliena parochia*, quia non est propriè actus jurisdictionis, aut ad summum non nisi jurisdictionis voluntariæ. Ita declaravit S. Congregatio Concilii. Attamen postulat bonus ordo ut parochus matrimonio non conjungat suos subditos in aliena parochia, sine consensu parochi aut episcopi loci.

QUÆST. 2. *Quis sit proprius parochus in ordine ad matrimonium.*

198. Quamvis Concilium Tridentinum statuât tantùm ut matrimonium ineatur coram paracho, apud omnes constat non sufficere præsentiam cujuscumque parochi, sed requiri præsentiam illius qui in eodem decreto, ubi de bannorum proclamationibus, dicitur proprius contrahentium parochus. Hinc in eodem decreto sic statuitur : « Si quis parochus, » vel alius sacerdos.... alterius parochiæ sponso sine illo- » rum parochi licentia matrimonio conjungere aut benedi- » cere ausus fuerit, ipso jure suspensus maneat.... » Testantur varii auctores, et pleraque Ritualia, hanc Concilii dispositionem fuisse in Galliis receptam.

Magni igitur interest cognoscere quisnam sit proprius parochus in ordine ad matrimonium. Quæstionem solvemus statuendo triplicem assertionem.

ASSERT. 1.—*Attento JURE COMMUNI, proprius parochus in ordine ad matrimonii validitatem est parochus domi-*

cilii, vel quasi-domicilii, vel simplicis habitationis; non parochus originis, vel qualiscumque loci per quem simpliciter transeunt contrahentes.

Prob. et explicatur per partes. Dicitur I. *parochus domicilii*. Domicilium dicitur locus in quo quis versatur cum intentione perpetuò manendi. Igitur domicilium non acquiritur ullo tempore ab eo qui habet intentionem discedendi; dum contra statim, absque ullo temporis intervallo, acquiritur ab eo qui vult perpetuò permanere: illud omnino dicendum esse secundùm leges et canones expressè docet FAGNANUS. Sed requiritur ut illa voluntas facto aliquo sensibili manifestetur: quale autem debeat esse illud factum, multum pendet ex circumstantiis. Porro parochum domicilii esse proprium parochum in ordine ad matrimonium, constat ex unanimi scriptorum opinione, et ex S. Congregationis decisione, teste BENEDICTO XIV, *Instit.* XXXIII, n° 6.

Sed quædam annotanda sunt.

1° Si quis habeat *duo domicilia* in diversis parochiis, potest matrimonium inire coram alterutro paracho, quia verè habet duplicem parochiam. Sed tunc solum duobus domiciliis instructus aliquis jure appellatur, cum in utroque æqualiter collocatus, prudentium virorum judicio, existimatur: quod non mathematicè, sed moraliter sumendum observant auctores.

2° Si partes sint *diversæ parochiæ*, non requiritur præsentia utriusque parochi, sed sufficit præsentia unius, quia Concilium non exigit præsentiam parochorum. Ita declaravit etiam S. Congregatio. Imò potest parochus sponsi assistere in parochia sponsæ, et vice versà. Sed notant auctores parochum qui assistit debere, ut licitè omnia fiant, habere consensum alterius parochi. Usus invaluit ut matrimonium celebretur a paracho sponsæ in sua parochia, quia decet, juxta S. AMBROSIIUM, ut quæ nubit *expetita magis videatur a viro, quàm ipsa virum expetisse*.

199. Dicitur II, *parochus quasi-domicilii*. Quasi-domicilium, quatenus medium tenet inter domicilium et simplicem habitationem, est locus in quo quis versatur cum

intentione ibi manendi, non quidem perpetuò, sed per tempus notabile, v. g. per maiorem anni partem. Si quis habeat hanc intentionem, eamque facto externo sufficienter manifestet, videtur statim acquirere quasi-domicilium. Porro post concilli Tridentini decretum magna aderat controversia circa parochum quasi-domicilii; imò plerique existimasse videntur necessariò recurrendum esse ad parochum domicilii: sed observatum est locum fore nimis difficultatibus, si id exigeretur; unde jam satis receptum est sufficere, saltem generaliter loquendo, parochum quasi-domicilii: quod videtur intelligi in eo sensu quòd non ideo excludatur parochus domicilii; adeò ut liberum sit coram alterutro matrimonium inire. Ita supponit BENEDICTUS XIV, *Instit.* xxxiii, et *Constit. Paucis abhinc hebdomadis*, Bullar. t. iv. Hinc juxta plura Congregationum Romanarum responsa quæ *ibid.* proferuntur, qui alicubi degunt muneris implendi causâ, vel ad pœnam in carcere luendam, vel ad educationem recipiendam, aut famulatum exercendum, possunt matrimonium inire coram parcho illius loci.

Diximus *saltem generaliter loquendo*, 1° quia, etsi videatur quasi-domicilium posse statim acquiri ex intentione satis manifestatâ, non constat an statim iniri possit matrimonium: auctores passim supponunt requiri ut saltem præcesserit aliquod habitationis tempus. 2° Benedictus XIV, *Instit. cit.*, dicere videtur non admitti parochum quasi-domicilii, nisi propter difficultatem adeundi parochum domicilii, ideoque non admittendum esse, si nulla interveniat difficultas, v. g. si domicilium et quasi-domicilium in eadem civitate habeantur. Sed in eo casu recursum ad parochum domicilii necessarium esse tantum ad bonum ordinem, non autem ad matrimonii validitatem deduci poterit ex iis quæ dicemus de parcho simplicis habitationis.

200. Dicitur III, *parochus simplicis habitationis*. Intelligimus per simplicem habitationem, quatenus distinguitur a quasi-domicilio, quando non adest quidem intentio commorandi etiam per maiorem anni partem, sed de facto quis commoratur per tempus satis notabile, id est, per spatium saltem unius mensis: nec sufficiet intentio

sola, nisi reipsa adfuerit habitatio. Jam verò coram parcho talis habitationis iniri posse matrimonium indicat decisio S. Congregationis, quam refert FAGNANUS : « Cùm » vir et mulier Trajectenses, timentes impedimentum a » parcho, ad vicinam urbem Aquisgranensem se contu- » lissent, et ibi aliquandiu morati matrimonium contraxis- » sent, S. Congregatio consulta super validitate, censuit » exprimendum tempus quo contrahentes Aquisgranæ » manserunt : quod si fuerit saltem unius mensis, dandam » esse decisionem pro validitate, aliàs de novo referendum » in Congregatione. » Eam decisionem refert etiam BENEDICTUS XIV in *Const. cit.*, ubi hanc regulam tradit ad iudicandum de validitate matrimonii, « Quòd, antequam ma- » trimonium contrahatur, spatio saltem unius mensis, ille » qui contrahit habitaverit in loco ubi matrimonium cele- » bratur. » Eamdem decisionem pluries a S. Congregatione datam videmus.

201. Dicitur IV, *non parochus originis*. Parochus originis ille dicitur in cujus parochia quis natus est, modò non casu et per accidens ibi natus sit : si enim parentes illius alibi domicilium habebant, et ibi nonnisi transitoriè versabantur, censetur natus in domicilio parentum : ita communiter auctores. Porro ubi agitur de matrimonio, attendendum non est ad parochum originis : ut enim ait BENEDICTUS XIV, *Instit.* xxxiii, n° 6, sacri canones, cùm nomine proprii parochi parochum quoque originis completi voluerunt, id expressè declararunt, quemadmodum contigit cùm de sacra ordinatione sermo haberetur. Unde omnes auctores agnoscunt proprium parochum quoad matrimonium non esse parochum originis.

Dicitur V, *non parochus qualiscumque loci per quem simpliciter transeunt contrahentes*. Etenim, quando aliquis domicilium aut quasi-domicilium fixum habet, non sufficit simplex illius præsentia omnino transitoria in alio loco, ut fiat parochianus istius loci in ordine ad matrimonium, prout pluries declaravit S. Congregatio, et intelligitur ex dictis.

202. Dicimus *quando aliquis domicilium*, etc., quia si

agatur *de matrimonio vagorum*, quo nomine illi intelliguntur qui non habent domicilium, aut quasi-domicilium, sed hinc indè vagantur, hæc statui possunt.

1° Proprius parochus vagorum ille est in cujus nunc ditione versantur. Ita BENEDICTUS XIV, *Instit.* xxxiii, n° 10, et alii auctores, ut videtur, satis communiter. Ratio est, quòd debeant habere aliquem parochum, quando recipere debent sacramenta: porro nulli competit ille titulus, quoad illos, nisi illi in cujus parochia versantur.

Hinc 1. si unus tantum sit vagus, poterit in parochia in qua versatur contrahere etiam cum incola alterius parochiæ. Ita clarè supponit BENEDICTUS XIV, *loc. cit.*; idem docent alii, quia ex jam dictis sufficit præsentia parochi unius e contrahentibus: porro hic verè adest parochus vagi.

Hinc 2. non potest parochus matrimonio vagorum in aliena parochia assistere, quia nullum omnino titulum habet, cum desit habitatio transitoria quæ quoad vagos supplet vicem domicilii.

2° Parochus tamen debet, antequam vagos conjungat, inquisitionem diligentem facere, et rem ad ordinarium deferre: Concilium enim Tridentinum, *sess.* xxiv, cap. vii, *de Reform. Matrim.*, « Parochis præcipit ne illorum (vagorum) matrimoniis intersint, nisi prius diligentem inquisitionem fecerint, et, re ad ordinarium delatâ, ab eo licentiam id faciendi obtinuerint. » Plerumque indicant Ritualia quomodò facienda sit illa inquisitio: inquirendum præsertim an sint baptizati, an catholici, an liberi quoad matrimonium, sive quòd hñdum nupti fuerint, sive quòd, si nupti fuerint, constet de morte prioris conjugis. Parochus qui præscripta negligeret, peccaret graviter juxta omnes auctores, quia violaret præceptum Concilii in re gravissima.

3° Si parochus negligat rem ad episcopum referre, nihilominus valet matrimonium. Ita BENEDICTUS XIV, *Quæst.* 182, et est sententia magis communis. Ratio est quòd parochus vagorum, ut vidimus, sit parochus loci in quo nunc versantur, non verò episcopus: ideò tantum præ-

cipitur ut res ad istum referatur, quia sic meliùs fiet inquisitio et prudentiùs procedetur; sed illud non præcipitur sub pœna nullitatis.

203. *ASSERT. 2. — OLIM IN GALLIA, juxta complures jurisperitos aut theologos, vigeat circa proprium parochum jus speciale magis rigorosum, vim legis irritantis obtinens.*

Prob. Juxta illos, 1° quando partes non erant ejusdem parochiæ, irritum erat matrimonium coram uno parochoinitum, altero non consentiente, nec bannis in altera parochia proclamatis. 2° Quando partes mutaverant domicilium, nec jam a sex mensibus, si ex alia ejusdem diœcesis parochia venirent, vel ab anno integro, si ex alia diœcesi, fuerant commorati in novo domicilio aut quasi-domicilio, irritum erat matrimonium coram parochonovæ hujus habitationis celebratum sine consensu parochi pristini domicilii; qui cæterùm datus censebatur quando ibi banna promulgata fuerant. 3° Quando sponsi minores erant, id est, nondum xxv annos nati, non poterant contrahere nisi coram parochodomicilii parentum, aut de ejus consensu. Porro contendebant prædicti auctores ita statui per edicta regia, ita se habere consuetudinem Ecclesiæ Gallicanæ: non esse autem ultra vires legis civilis et consuetudinis inducere nova impedimenta dirimentia, aut saltem determinare domicilium necessarium pro executione decreti Tridentini.

Dicimus *juxta complures, etc.*, quia multum aberat quin hæc admitterentur ab omnibus theologis, imò et jurisperitis. Speciatim quoad primum et tertium punctum, omnino verisimile est necessarium non fuisse ad validitatem matrimonii concursum utriusque parochi contrahentium, et minores potuisse nubere tum in domicilio parentum, seu juris, tum in proprio domicilio aut quasi-domicilio, seu facti; sed major erat difficultas quoad mutationem domicilii, ideoque in hoc præcipuè respectu situm dici potest discrimen inter jus commune, et jus in Gallia olim vigen-

204. *ASSERT. 3. — Regulariter ad episcopum pertinet determinare cuinam juri NUNC IN SINGULIS GALLIÆ DIOECESIBUS standum sit.*

Prob. et explicatur, exponendo quatenus possit episcopus derogare tum juri Galliæ peculiari, tum juri communi quoad determinationem proprii parochi in ordine ad validitatem matrimonii. 1º Quoad jus olim Galliæ peculiare. Abrogatis edictis regiis, jus illud vim nullam nunc habere potest nisi ex consuetudine, seu disciplinâ antiquâ Ecclesiæ Gallicanæ. Porro hanc disciplinam, præsertim in se satis dubiam, interpretari potest profectò episcopus pro sua diœcesi, imò et eam moderari. 2º *Quoad jus commune.* Episcopus est proprius parochus cunctorum suorum diœcesanorum, seu iis conferre potest licentiam matrimonium celebrandi coram quocumque sacerdote; igitur, quando determinat hunc aut illum esse proprium parochum, modò illud determinet erga suos diœcesanos tantum, nulla potest esse difficultas, quia, esto quòd talis non esset ex jure communi, illi sufficet auctoritas episcopi: loquimur autem tantum de diœcesanis, quia si illi qui veniunt ab aliâ diœcesi nondum sint subditi parochi in cuius parochia nunc degunt, non magis erunt subditi episcopi, qui proinde non poteritis assignare parochum. Sed episcopus irritum non potest efficere matrimonium jure communi validum; igitur, quando determinabit hunc aut illum non esse proprium parochum, si talis sit ex jure communi, peccabit quidem ille matrimonium celebrans contra interdictum sui episcopi, sed nihilominus validum erit matrimonium.

Jam verò diœceses Galliæ in triplicem classem distingui possunt.

Prima classis complectitur diœceses in quibus adhuc vigent antiqua statuta, sive quia nihil de novo præscriptum fuit ab episcopis, sive quia easdem posuerunt regulas quæ olim servabantur. In his remanet eadem fere ac olim difficultas, eadem saltem dubitandi ratio an jus illud pecu-

liare, jure communi rigorosius, vim legis irritantis obtineat : id parum verisimile videtur.

Secunda classis complectitur diœceses in quibus episcopi per sua statuta jus illud Galliæ peculiare abrogârunt, aut abrogatum declaraverunt. In his standum juri communi, nisi illi episcopi quasdam modificationes attulerint, quarum vis æstimanda erit ex principiis modò expositis.

Tertia classis complectitur diœceses quarum statuta admiserunt dispositiones Codicis civilis circa domicilium matrimoniale, de quibus infrâ (n° 322), ideoque exigunt habitationem sex mensium, et nihil ampliùs, etiamsi contrahentes veniant ex altera diœcesi. Quoad temperamentum allatum juri veteri Galliæ, quod aliquando exigebat annum integrum, nulla difficultas, ex dictis : sed quatenus servata est ea pars juris veteris quâ requirebatur sex mensium habitatio non requisita jure communi (n° 200), applicanda sunt quæ diximus circa primam diœcesium classem.

Quidquid sit, quoad praxim, hæc generatim observanda nobis videntur. 1. Quando agitur de matrimonio celebrando, nimis vix adhiberi possunt cautiones : multò satius est in iis ultra necessitatis limites progredi, quàm citra remanere. 2. In singulis diœcesibus, standum est sive episcoporum statutis, sive consuetudini vigenti. 3. Multæ præcavebuntur difficultates, si accuratè servantur, prout profectò servanda sunt, quæ præscribuntur ubique circa promulgationem bannorum sæpe in pluribus locis faciendam. 4. In casibus dubiis, recurrendum est ad episcopum, qui sæpe, ex dictis, dubium tollere auctoritate suâ poterit.

Cæterùm cum ad matrimonium admitti non debeat qui non nupsit civiliter, ideo dispositio legis civilis vim quamdam indirectè obtinebit, etiam in ordine ecclesiastico.

QUEST. 3. — *Quenam esse debeant dotes parochi ut possit matrimonio assistere.*

205. Præcipuas difficultates paucis solvemus.

1. *De parcho non sacerdote.* 1° Matrimonium coram illo initum valebit in ratione contractûs, quia satisfat Concilio Tridentino : sed non valebit in ratione sacramenti, in sententia quæ tenet sacerdotem esse ministrum.

2º Ille tenetur delegare sacerdotem, quia ipse dare nequit benedictionem quam Concilium vocat sacerdotalem.

Cæterum apud nos quæstioni locus non est, cum nullus sit parochus qui non sit sacerdos.

206. II. *De parcho excommunicato, aut suspenso.* Si parochus sit toleratus, seu non denunciatus, nulla est difficultas, cum jurisdictionem non amiserit. Si verò non sit toleratus, res non est adeò clara, quia amisit jurisdictionem. Attamen hæc statui possunt.

1º *Potest validè assistere matrimonio.* Etenim remanet verè parochus, quia excommunicatio ipsum nec titulo, nec possessione suæ parochiæ privat. Aliunde illa assistentia non est actus jurisdictionis, cum parochus gerat solummodò munus testis: illudque exinde satis patet, quòd valeat, ex dictis (nº 197), matrimonium initum coram eo licet invito; cum tamen nemo exerceat jurisdictionem invitus. Demum hæc opinio confirmata fuit decisione S. Congregationis, datà post diligens examen, teste FAGNANO.

Peccat tamen parochus, quia communicat in sacris cum fidelibus; quod ipsi prohibetur, saltem extra casum necessitatis.

2º *Potest validè dare benedictionem nuptialem.* Si enim sit forma sacramenti, est actus meri ordinis, et nihil ostendit requiri essentialiter jurisdictionem; si sit mera cæremonia, nihil probat Ecclesiam voluisse adimere excommunicato facultatem hanc administrandi: unde iteranda non erit illa benedictio.

Attamen graviter peccat sacerdos contra prohibitionem Ecclesiæ. Imò, juxta communem sententiam, incurrit irregularitatem, quia illud ministerium est proprium sacerdotis, ratione sui ordinis, cum exerceri non possit nisi a sacerdote, ut constat ex ritu præscripto ad illam benedictionem, ex usu communi Ecclesiæ, et ex variis dispositionibus Juris.

3º *Potest dare alteri licentiam assistendi.* Etenim eà licentia non est actus jurisdictionis; est mera personæ designatio, quâ positâ, jus ipsum seu Concilium tribuit facultatem assistendi matrimonio: cum ipsa assistentia non sit actus jurisdictionis, nec pariter licentia quæ conceditur. Unde non tantum validè, sed etiam licitè potest hæc licentia dari a parcho excommunicato; datur enim ob utilitatem, imò et necessitatem contrahentium.

207. III. *De sacerdote cui interdictum est ne matrimonio assistat.* 1º Si latum sit illud interdictum a S. Pontifice, cum ipse possit impedimentum dirimens statuere, matrimonium irritum erit, si interdictum sit munitum decreto irritanti; secus verò, si adsit simplex interdictum. Ita BENEDICTUS XIV, *de Synod.* l. XII, c. v, nº 3.

2º *Si ab episcopo,* vel agitur de parcho, vel de simplicis sacerdote. *Si agatur de parcho,* valebit nihilominus matrimonium. Ita definivit S. Congregatio. Etenim, non

obstante illo interdicto, semper remanet parochus, ac proinde nihil deest ut valeat matrimonium ex Concilio Tridentino. Episcopus autem jus non habet statuendi impedimenta dirimentia. Illudque locum haberet, etiamsi ille parochus esset ad nutum episcopi amovibilis, quales sunt hodie illi qui vulgò dicuntur *Desservants*; nisi tamen episcopus eum revocaret. Si agatur de *simplici sacerdote*, qui habebat tantummodò licentiam assistendi matrimonio, vel eam habebat ab episcopo, vel a paroco: in priori casu, nulla erit difficultas, semel revocatà licentià; in posteriori, nobis videtur sequi ex antea dictis quòd, quandiu parochus servat suum titulum, episcopus non possit impedire quin validè alteri conferat licentiam assistendi matrimonio.

208. IV. *De paroco intruso.* In præsenti quæstione, duo præsertim attenduntur; error communis, et titulus coloratus. Error communis adest, quando quis communiter habetur ut parochus, quamvis reverà non sit. Per titulum coloratum vulgò intelligitur titulus collatus a legitimo superiore, qui ex natura sua aptus est ad conferendam potestatem, sed reipsà non confert ob vitium quoddam occultum. Possunt hæc duo simul concurrere, sed aliquando non concurrent.

1° *Si nec adsit titulus coloratus, nec error communis*, certum est invalidum esse matrimonium, quia ille reverà parochus non est.

2° *Si concurrat error communis cum titulo colorato*, sententia communis est validum esse matrimonium. In eo enim casu Ecclesia supplet quod deest, ut desumitur tum ex jure canonico dispositiones juris civilis ea de re approbante, tum ex communi doctorum testimonio: illudque omnino æquitati consentaneum est, propter bonum fideium, ut faciliè intelligitur.

3° *Si adsit tantum titulus coloratus sine errore communi*, nulla videtur difficultas; tunc enim bonum fideium non exigit ut Ecclesia suppleat quod deest: ac proinde irritum esset matrimonium.

4° *Demum si adsit error communis sine titulo colorato*, quidam existimant valere matrimonium, propter bonum

spirituale fidelium. Alii tamen id negant, et quidem communiter. Nullibi in Jure confertur potestas pro eo casu; semper supponitur adesse titulum. Ratio esse potest, quòd ille de quo agitur nullo modo, ne apparenter quidem, dici possit parochus; igitur, si ut talis communiter habeatur, id tribuendum imprudentiæ fidelium, qui non debent aliquem ut parochum habere nisi habeat titulum, saltem apparentem: insuper si in eo casu conferretur potestas, daretur occasio indignis se ingerendi in officiis ecclesiasticis, unde innumera orirentur mala.

QUÆST. 4. — *A quo suppleri possit parochus quoad matrimonium celebrandum.*

209. De tribus moveri potest quæstio: 1º de ordinario; 2º generatim de delegato; 3º de vicario.

I. *De ordinario.* Eo nomine intelligitur episcopus: item vicarii generales, sive episcopi, sive capituli sede vacante.

1º *Potest ordinarius matrimonio assistere.* Constat, licet quidam in dubium revocaverint. 1. Episcopus est proprius sacerdos, seu parochus respectu suorum diœcesanorum, ut alibi probatur. 2. Ex Concilio Tridentino, potest alium sacerdotem committere ad celebrandum matrimonium: satis ergo mirum esset quòd non posset ipse celebrare; tunc plus juris in alium transferret quàm ipse haberet, contra axioma Juris. 3. Clerus Gallicanus, in comitiis generalibus anni 1655, illud disertè declaravit. 4. Hæc est disciplina ubique recepta: solummodò, quando episcopus matrimonium celebrat, ordinariè adest parochus cum stola; sed tunc adest non tam ut parochus, quàm honoris causâ, et ut matrimonium registro inscribat. Ita *Collat. Parisiensis.*

2º *Potest episcopus, inconsulto, aut etiam invito parochus, alium sacerdotem delegare.* Nulla potest etiam esse difficultas: episcopus, ex dictis, jus suum habet ex Concilio Tridentino, independentè a parochus; est illius superior, nec proinde tenetur consilium ejus exquirere aut sequi. Hinc ita declaravit etiam clerus Gallicanus, *ubi supra.*

Equidem ordinariè non expedit ut episcopus illo jure utatur; tum propter bonum pacis, tum quia facilè decipi posset a contrahentibus, qui illi minùs bene plerumque noti sunt quàm parocho. Attamen aliquando opportunum, imò et necessarium esse potest: v. g. si parochus injustè renuat matrimonium celebrare.

210. II. *De delegato generatim.* Plura hic possunt investigari.

1º *Quinam possint delegare?*—R. 1º Parochus; 2º ordinarius, ex modò dictis; 3º imò et qui ipse accepit licentiam assistendi matrimonio, nisi ex circumstantiis appareat favorem ipsi concessum esse prorsus personalem, v. g. quia est cognatus contrahentium.

2º. *Quis delegari possit?*—R. Solus sacerdos: ita exigit Concilium Tridentinum, et ita a S. Congregatione pluries declaratum fuisse referunt auctores. Nec obstat quòd ex dictis (nº 205) valeat matrimonium coram parocho non sacerdote: parochus enim a suo titulo habet quòd sit testis *authorizabilis*; idem autem alteri merè delegato non competit.

211. 3º. *Qualis debeat esse delegatio?*—R. Debet esse 1. *expressa*; scilicet per exclusionem tum *ratihabitionis speratae*, quia aliud est dare licentiam faciendi, aliud ratihabere quod factum est; tum *consensùs præsumpti*, quia aliud est quòd data sit licentia, aliud quòd in tali hypothesis data fuisset; tum denique *meræ tolerantiae*, quia tolerantia instar veræ licentiæ haberi nequit, nisi aliud manifestè ostendant circumstantiæ: aliàs locus facilè daretur multis abusibus.

Quid verò, si licentia generatim detur pro administratione sacramentorum, vel ad supplendam per aliquod tempus parochi vicem, etc., nullà factà speciali mentione matrimonii?—Videtur illud multum pendere ex circumstantiis, ex quibus colligetur quænam fuerit intentio parochi: si enim v. g. parochus præsens, vel ad modicum tempus absens, concedat hanc licentiam, ea non censebitur extendi ad matrimonium: secus verò, si diu abesse debeat, quia sæpe matrimonium non posset absque incom-

modo differri ad tam longum tempus. Cæterum multò tutius est in omnibus casibus ut parochus mentem suam clarè aperiat, vel ut recurratur ad episcopum qui omnem difficultatem tollet.

2. Delegatio debet esse *intimata* delegato, et quidem curâ et diligentia delegantis : antea enim censetur esse merum propositum, quemadmodum ubi agitur de donatione aut aliis contractibus. Unde si voluntas delegandi innotuerit alteri aliâ viâ quàm ex delegantis intentione, nil peractum censetur : a fortiori, si nondum ipsi innotuerit.

3. Licentia debet esse ab utente *acceptata* : quia requiritur ut sacerdos agat ex vigore licentiæ sibi concessæ; quod locum non habet, nisi delegationem acceptet.

4. Demum requiritur ut licentia non fuerit *revocata*. Quandiu peractum non est matrimonium, revocari potest licentia; et, si revocatio sacerdoti fuerit intimata, irritum erit matrimonium coram ipso celebratum. Sed si revocatio nondum innotuerit, validum erit; quia per quascumque causas res nascatur, per easdem debet dissolvi. Aliunde adest hic quodam modo titulus coloratus cum errore communi.

212. IV. *Quousque extendatur delegatio?*—R. Si parochus, concedendo licentiam assistendi matrimonio, illam restringat ad ecclesiam parochialem, vel alium locum suæ parochiæ, certum est delegatum non posse validè alibi assistere; quia sicut parochus potest dare licentiam assistendi, ita potest eam dare restrictam. Si verò ea restrictio non fuerit apposita, docent auctores posse illum sacerdotem assistere matrimonio extra parochiam concedentis : quia Concilium Tridentinum exigit tantum assistentiam sacerdotis, de licentia parochi, et nihil decernit de loco. Insuper assistentia matrimonio non est actus jurisdictionis, ut jam vidimus; pariter licentia non est propriè dicta delegatio : ergo nulla est ratio cur exerceri non possit extra territorium parochi.

Quid verò, si episcopus aut parochus concedant sacerdoti licentiam assistendi matrimonio, præmissis tamen denuntiationibus, et inquisitione de impedimentis? valebitne

matrimonium, si sacerdos hæc omittat? — Affirmant multi, quia non censetur præscribi ea forma nisi ad normam juris communis. Attamen, cum ex alia parte videri possit non præsumendum esse aliquid supervacaneum addi commissioni, forsitan dici posset e contrario apponi strictam conditionem. Illud pendet ab intentione concedentis; quæ ideo diligenter investiganda est.

213. III. *De vicario.* Vicarii jurisdictionem suam apud nos accipiunt ab episcopo, qui potest vel eis per seipsum absolutè conferre jus assistendi matrimonio, ita ut speciali ad hoc parochi delegatione non indigeant; vel illud conferre quidem, sed ita dependenter a parocho, ut ipse possit restringere, vel limitare; vel demum absolutè relinquere parochi curam et libertatem delegandi vel non, et talem vel talem vicarium designandi ad quem illa functio pertineat: pro variis illis hypothesibus, facillè intelligitur diversas dari debere decisiones; sed stando iis quæ magis communiter recepta videntur, hæc statui possunt.

1º Vicarius potest assistere matrimonio, saltem parochianorum, et quando celebratur in parochia. Ratio est, quia parochi vices gerit, eumque repræsentat.

Dicitur *saltem parochianorum, et quando celebratur in parochia*, quia, juxta quosdam, delegatio vicario concessa, ultra non extenditur. Aliter tamen sentiunt multi, ut deduci potest ex modò dictis (nº 212).

2º Vicarius potest etiam alium sacerdotem committere ad celebrandum matrimonium, saltem in parochia. Ratio est, quia ex jure delegatus ad universalitatem causarum potest, generatim saltem loquendo, subdelegare ad casum specialem: videtur ita consuetudine receptum esse; ita etiam declarant, ad tollendum omnem difficultatem, plura Ritualia et Statuta synodalia.

Dicitur *saltem in parochia*, quia plures docent non posse aliter; et nituntur declaratione S. Congregationis quam afferri dicunt a Fagnano: sed nihil tale in loco citato legitur; contrà, quamvis expressè non agat Fagnanus de illa quæstione, principia ponit ex quibus sequitur aliter sentiendum esse; docet enim hic non adesse actum juris-

dictionis, nec delegationem propriè dictam; ergo nulla est ratio restringendi ad territorium parochiæ.

214. SCHOLIUM. — Cùm, ex una parte, finis Concilii Tridentini fuerit præcipuè ut constaret de matrimonio, et ex altera communiter ad proprium parochum recurrendum sit, quando hujus testimonium certum obtinendum erit, si matrimonium celebretur coram alio, et præsertim coram sacerdote extraneo, media adhibenda erunt quibus faciliè, datâ occasione, obtineri possit illud testimonium: ideo vel matrimonium inscribitur in parochia in qua celebratur, et hujus instrumentum authenticum transmittitur ad parochiam ad quam pertinent contrahentes; vel statim inscribitur in ipsa contrahentium parochia.

QUÆST. 5. — *Quot et quales testes requirantur ad matrimonium.*

215. 1º Ex Concilio Tridentino requiritur ut matrimonium fiat *coram duobus vel tribus testibus*. Olim edicta regia præcipiebant ut quatuor adessent; non tamen, ex communi sententia, sub pœna nullitatis. Nulla hodie superesse potest difficultas, quoad matrimonium coram Ecclesia celebratum, de quo solo hic agimus: si tamen aliqui Ritualia quatuor exigunt, profectò quatuor adhibendi sunt.

2º Concilium nihil statuit circa testium qualitates, quia noluit nimis coarctare libertatem matrimoniorum; et aliunde quod deesse potest ex parte testium, suppletur per præsentiam parochi. Unde, quamvis matrimonium sit res gravissimæ momenti, non requiruntur testes, ut dicitur in jure, omni exceptione majores. Attamen, ad majorem securitatem, ordinariè præscribitur ut testes non admittantur vagi, incertique domicilii, sed qui bene noti sint in vicinia, et digni quibus adhibeatur fides.

3º Debet simul concurrere præsentia parochi et testium; nec satis foret quòd adessent successivè: Concilium enim Tridentinum satis illud indicat, et vult ut possint utrique de uno et eodem actu testari.

Insuper hic applicanda sunt plura ex iis quæ diximus circa præsentiam parochi.

§ 16. *De impedimentis canonicis prohibentibus.*

216. Ad quatuor reducuntur, ut diximus, nempe

Ecclesiæ vetitum, tempus, sponsalia, votum :

quæ ex communi sententia graviter obligant, cum sint in materia gravi. Jam diximus *de sponsalibus* (nº 106), et *de voto* (nº 154); superest ut de duobus aliis loquamur.

I. DE ECCLESIAE VETITO. Si vox illa sumeretur omnino generaliter, comprehenderet omnia impedimenta, ut patet. Sensu minùs generali, designare potest varios casus in quibus non licet matrimonium inire, licet ii casus non comprehendantur expressè inter impedimenta. Sic Ecclesia vetat, 1º ne matrimonium ineatur absque prævia proclamatione bannorum; 2º ne catholici nubant cum hæreticis; 3º ne ad matrimonium admittantur qui ignorant elementa fidei: de his tribus jam dictum est; 4º juxta quosdam, vetat ne matrimonium ineatur tempore interdicti: sed illud negant plerique, qui tamen dicunt tunc non esse conferendas benedictiones solemnes; 5º vetat ne matrimonium ineatur ab excommunicato vel cum excommunicato: quo sensu illud intelligendum sit, explicatur in Tr. *de Censuris*.

Si demum illud impedimentum sumatur sensu stricto, designat præceptum speciale superioris legitimi, quo quis prohibetur matrimonium inire. Causæ justæ ita prohibendi sunt præsertim, 1º necessitas vitandi scandalum, aut rixas et discordias præveniendi; 2º suspicio alicujus impedimenti de quo veritas inquirenda est; 3º tertiæ personæ contra matrimonium intercessio, gallicè *opposition*. Ex his, vel aliis similibus causis, prohiberi potest matrimonium non solum a S. Pontifice, et episcopo, sed etiam a parochi, ut docent communiter auctores; quia, licet potestatem non habeat ferendi leges, ipsi tamen committitur cura ut matrimonium debito modo ineatur, ac proinde ipsi deesse non debet auctoritas ad illud necessaria.

217. II. DE IMPEDIMENTO TEMPORIS. Varia fuit variis temporibus Ecclesiæ disciplina circa prohibitionem matrimonii certis temporibus. Hodie standum decreto Concilii Tridentini, sess. xxiv, cap. x, ex quo prohibitio extenditur, « Ab adventu D. N. J. C. usque in diem Epiphaniæ, » et a feria quarta Cinerum usque in octavam Paschatis inclusive. »

Porro Concilium non prohibet simpliciter nuptias, sed solemnes nuptias : unde *jure communi* non prohibetur ipsum matrimonium, ut constat ex Rituali Romano, ex BENEDICTO XIV, *Instit.* lxxx, n^{is} 3 et 14, et ex decisione S. Congregationis *ibid.*, n^o 20 ; sed prohibetur apparatus et pompa nuptiarum, sub quo nomine intelligitur benedictio sollemnis dari solita intra missam, et ipsa missa *Pro sponso et sponsa*, quæ ideo non est celebranda, quando matrimonium initur tempore Adventus vel Quadragesimæ ; *ibid.* n^{is} 4-6, et 8-11.

Sed in Gallia, ex generali consuetudine, vetantur tum apparatus, tum ipsum matrimonium : ita ferunt plura concilia provincialia, et pleraque Ritualia. Monet ipse BENEDICTUS XIV, n^o 14, tali consuetudini standum esse in locis ubi viget : additque n^{is} 12 et 15, prohibitionem matrimonii admittere dispensationem, concedendam ab episcopo loci ; non verò prohibitionem apparatus seu solemnitatis, quia non videtur adesse posse ratio sufficiens recedendi a communi Ecclesiæ disciplina. Sed apud nos, dispensatio ab episcopo concessa satis communiter extenditur ad ipsam solemnitatem et apparatus.

ART. 3. *De dispensatione ab impedimentis canonicis.*

218. Pro certo supponendum est Ecclesiam posse dispensare ab impedimentis quæ sunt juris tantum ecclesiastici : id indicat Concilium Tridentinum, sess. xxiv, can. 3, et cap. v *de Reform. matrim.*, et satis constat ex usu quotidiano. Difficultas tantum moveri posset de dispensationibus *in radice*, de quibus in art. seq. Hic igitur agemus 1^o de iis qui possunt dispensare ab impedimentis matrimonii ; 2^o de modo obtinendi dispensationes a S. Sede ;

3° de modo eas exsequendi; 4° de modo obtinendi dispensationes ab episcopo et eas exsequendi.

§. 1. — *Quis possit in Ecclesia dispensare ab impedimentis matrimonii.*

Tria hic occurrunt expendenda : 1° an ea potestas pertineat ad Summum Pontificem; 2° an ad episcopos; 3° an ad alios.

PUNCTUM 1. — *An et quo jure possit Summus Pontifex dispensare ab impedimentis matrimonii.*

219. Nullum dubium esse potest de auctoritate S. Pontificis : agnoscunt enim omnes catholici illum posse dispensare ab omnibus legibus ecclesiasticis. Etenim aliquando expedit ut dispensationes concedantur : porro, cum ideo non possit convocari Concilium, nec tota adiri Ecclesia, necessariò requiritur ut sit aliquis in Ecclesia qui possit eas concedere; hic autem erit saltem S. Pontifex.

Et quidem jure divino ipsi competit hæc potestas, et non tantum ex jure ecclesiastico, seu ex concessione Ecclesiæ, ut fusiùs ostenditur in Tr. *de Ecclesia* : quidquid enim sit de ea quæstione, an S. Pontifex sit inferior, necne, Concilio generali, hanc dispensandi auctoritatem ipsi concedi a Christo postulabat necessariò bonum Ecclesiæ regimen; et reipsa concessam fuisse ostendit praxis inconcussa.

PUNCTUM 2. — *An et quatenus episcopi possint, dispensare ab impedimentis matrimonii.*

220. Omnibus notum est, jam a longo saltem tempore, ad S. Pontificem recurri, ad obtinendas dispensationes ab impedimentis matrimonii, et tamen aliquando eas ab episcopis concedi : explicandum habemus quo jure ita servetur. De quo variæ sunt opiniones theologorum et canonistarum.

1^a opinio, quæ olim erat multò communior apud Gallos, docet episcopos habere ex jure divino facultatem dispensandi circa impedimenta matrimonii, quandiu saltem ea dispensatio non fuit reservata superiori; ac proinde eos qui sunt in usu dispensandi agere jure proprio, et quia jus antiquum servaverunt, nec adversus eos fuit præscriptum.

Plerique tamen fatentur, jam a pluribus sæculis hanc facultatem fuisse S. Pontifici reservatam; adeò ut, juxta præsentem disciplinam, dispensare nequeant episcopi, nisi in iis de quibus perseveravit antiqua consuetudo.

II^a opinio, communis apud extraneos, et quam olim tenebant non pauci Galli, multòque plures hodie tenent, docet episcopos non posse jure proprio dispensare in impedimentis, sed tantum ex concessione expressâ aut tacitâ S. Pontificis aut Ecclesiæ.

Ut inter illas opiniones eligamus, plures instituemus quæstiones.

221. 1^o. *An episcopi possint JURE PROPRIO dispensare generatim ab impedimentis matrimonii?*

Inhærendo secundæ sententiæ suprâ expositæ, sic statuimus :

PROPOSITIO. — *Episcopi non possunt, jure divino, dispensare generatim ab impedimentis matrimonii.*

Prob. I. Ex principiis regiminis ecclesiastici. Fide certum est episcopos esse inferiores S. Pontifici et Ecclesiæ, a quibus constituta fuerunt impedimenta matrimonii; porro inferior non potest dispensare circa legem a superiore latam, nisi superior expressè vel tacitè hanc facultatem concesserit : quod probatur 1^o ex jure canonico. CLEMENS V in constitutione lata in Concilio Viennensi, ait : *Nos inter cætera præcipuè attendentes quòd lex superioris per inferiorem tolli non potest*; idque ita intelligendum declarat, ut nequeat ab inferiori corrigi, vel immutari, aut quidquam ei detrahi, sive addi, vel dispensari quomodolibet circa ipsam, seu aliquam ejus partem. Idem pluries in Jure asseritur. 2^o Ex ratione. Dispensare est tollere, seu suspendere vim legis pro aliquo casu peculiari; porro id nequit inferior, cum illius voluntas subjecta sit voluntati superioris, nec possit eam infringere. Ergo, etc.

Nec obstat 1^o quod asserunt multi tanquam axioma, *Episcopum posse in sua diœcesi quidquid potest S. Pontifex in universa Ecclesia*, exceptis iis quæ sibi specialiter reservavit. — Illud nullo solido fundamento nititur, et, si generaliter sumatur, est falsissimum. Equidem episcopi sunt principes in sua diœcesi, ideoque possunt ferre leges, cen-

suras, etc.; sed non ideo acceperunt plenitudinem potestatis, quæ soli S. Pontifici fuit collata.

Non obstat 2^o decisio juris canonici, cap. *Nuper*, *xxix*, de *Sentent. excommunic.*, quâ statuitur absolutionem a censura posse ab inferiori concedi, quando superior sibi eam expressè non reservavit. — Magnum est discrimen; censura est pœna quæ privat spiritualibus bonis, et quidem pœna medicinalis, quæ ideo, reo penitente, tolli debet; unde quando satisfacit, jus habet ad absolutionem; hinc nimis onerosum esset semper recurrere ad superiorem: illud autem locum non habet, ubi de dispensatione. Et reverà alioquin ipsimet parochi dispensare possent, quemadmodum possunt absolvere.

Non obstat 3^o demum facultas quam omnes tribuunt episcopis dispensandi in rebus levis momenti, vel quæ ex natura sua frequenter occurrunt, v. g. in lege jejunii, abstinentiæ, et aliis multis etiam generalibus. — Idem locum non habet circa dispensationes de quibus agimus: mens enim Ecclesiæ est ut illæ dispensationes sint raræ, et non nisi gravi de causa concedantur: porro multò frequentiores essent, si a quolibet episcopo concederentur: nec episcopi eam haberent independentiam, sine qua brevi corrueret disciplina ecclesiastica; siquidem difficilè resisterent precibus et forsàn minis principum, virorum potentium, magistratuum, etc.; ita CABASSUT, quem citat Benedictus XIV.

II. *De Ecclesiæ usu et disciplina.* Falsò asseritur episcopos, prioribus sæculis, vulgò dispensationes hujusmodi concessisse, quasi ex jure proprio. Etenim 1^o a primævis temporibus ad sæculum VII, nullum inveniri exemplum dispensationis circa matrimonium agnoscunt auctores utriusque opinionis, quibus nullum occurrit monumentum ante S. Gregorium Magnum. 2^o Is, ad instantiam S. Augustini, Anglorum episcopi, permisit matrimonium in gradibus remotioribus affinitatis; idemque in gratiam Germanorum indulsit, octavo sæculo, Gregorius II: sed hæc erat potius legis modificatio seu restrictio, quàm dispensatio propriè dicta. 3^o Deinceps usque ad sæculum XIV, paucissima occurrunt exempla dispensationum, et quidem non ab episcopis, sed a solis SS. Pontificibus concessarum. Scilicet videmus pluries SS. Pontifices præcepisse separationem principum, qui contra canones nupserant, et variis pœnis subjecisse episcopos qui talibus matrimoniis consenserant; aliquando tamen ea matrimonia confirmasse, ad postulationem ipsorum episcoporum: prima hujusmodi dispensatio, nempe post matrimonium initum, concessa dicitur an. 1104 a Paschali II Philippo I, regi Galliæ. Ante matrimonium autem contrahendum, primum exemplum occurrit in dispensatione concessa ab Innocentio III Othoni imperatori, an. 1209. 4^o A sæculo XIV, paulatim frequentiores factæ sunt dispensationes; sed nihil ostendit etiam tunc eas fuisse communiter ab episcopis quasi jure proprio concessas: contra non ita observatum fuisse, deduci potest, tum ex iis quæ acta sunt tempore magni schismatis; tum ex instructionibus quæ fuerunt datæ *D. de Lanssac*, quando legatus a rege Galliæ ad Concilium Tridentinum missus est; tum denique ex variis Conciliis quæ expressè agnoverunt ad solum S. Pontificem pertinere dispensationes concedere. (Vid. P. M. n^o 1072).

III. *Ex auctoritate SS. Pontificum*, qui facultatem dispensandi ab impedimentis tanquam Sedi apostolicæ exclusivè propriam vindicare, datâ occasione, non omiserunt. Ita inter alios PIUS IV, an 1563; BENEDICTUS XIV, qui non solum quæstionem fusè discutit, sed ait congregationes Urbis non semel proscrispisse opinionem quæ asserit episcopos communiter dispensare posse, tanquam falsam et temerariam; Pius VI, occasione edictorum imperatoris Josephi II, an. 1782; et Pius VII in Brevi 27 februarii 1809, ad episcopos Gallicanos (P. M. 1074).

222. Hinc si carent episcopi potestate dispensandi ab impedimentis matrimonii, illud non oritur ex eo quòd ea potestas ipsis fuerit ablata, et S. Pontifici reservata; sed ex eo quòd eorum auctoritas naturâ suâ non extenditur ad leges superioris. Contrà quando dispensant in variis casibus de quibus mox dicturi sumus, illud habent tantum ex concessione expressâ vel tacitâ Ecclesiæ aut S. Pontificis. Attamen, juxta multos, potestas illa dicenda est ordinaria, quia est annexa dignitati seu officio, et quidem in perpetuum, et in ea est quasi radicata, nec committitur tali personæ seu industriæ ejus. Sed juxta alios, cùm potestas illa non sit de se innata muneri, prout innata est v. g. potestas dispensandi in propriâ lege, sed oriatur tantum ex concessione superioris, ideoque non sit verè propria, neque exerceatur jure proprio, sed potius nomine alieno, dici non debet strictè ordinaria, sed potius extraordinaria: agnoscunt tamen eam quoad effectus magnam habere similitudinem cum ordinaria; unde dicunt vocandam esse quasi-ordinariam, seu ordinariæ æquivalere; illudque satis communiter admissum videtur.

Sed et ii etiam qui nostram opinionem non admitterent, debent agnoscere hodie fas non esse episcopis generatim dispensare. Potestas enim episcoporum jure divino ita subest auctoritati Ecclesiæ et S. Pontificis, « ut, ait BENEDICTUS XIV, *de Synod. l. VII, c. VIII, n° 7*, consentientibus » omnibus catholicis, ejusdem auctoritate et imperio limitari, atque ex legitimâ causâ omnino auferri possit. » Jam verò, licet non afferatur reservatio expressa, quæ in nostra

sententia non fuit necessaria, ex iis quæ attulimus constat saltem de consuetudine, quam agnoscunt communiter auctores sufficientem fuisse ad reservationem inducendam.

223. II°. *An et quatenus possint episcopi, VI CONSUE-
TUDINIS UNIVERSALITER RECEPTÆ, in quibusdam casibus
dispensare ab impedimentis matrimonii?*

Solvemus hanc quæstionem varios casus enumerando. Itaque 1° dispensant episcopi ab impedimentis prohibenti-
bus. Nullus de hoc dubitat, ait Benedictus XIV, *de Synod.* l. IX, c. II, n° 1. Excipi tamen debent 1° vetitum latum a S. Pontifice, vel alio superiore, v. g. ab archiepiscopo in casu appellationis; 2° sponsalia, in quibus nec ipse S. Pontifex dispensat, cum vis illorum oriatur a jure naturali, ideoque locus sit tantum interpretationi; 3° votum castitatis perpetuæ, et votum ingrediendi religionem; quæ reservantur S. Pontifici: votum quidem castitatis, quando est *perfectum*, tum in ratione voti, id est, emissum voluntariè et maturè, non per dolum aut metum; tum ratione materiæ, id est, pro objecto directo habens castitatem, et quidem perfectam; *certum*, nempe quando constat votum emissum fuisse, et esse votum castitatis; *absolutum*, id est, non alternativum, nec conditionatum, sed saltem absoluto æquivalens, quale videtur esse post impletam conditionem: votum autem ingrediendi religionem, quando est de religione quam constet esse religionem approbatam, sensu exposito ubi de *Voto solemni*.

224. 2° *In iis quæ conjugatos impediunt a petitione debiti*. Ita ferre consuetudinem testantur auctores. Excipiendus tamen casus, quo uterque, aut saltem unus cum alterius consensu emisisset votum quod sit S. Pontifici reservatum ex modò dictis.

225. 3° *In matrimoniis cum impedimento dirimenti jam initis*. Ita communiter auctores: illud ultro admittit BENEDICTUS XIV, *de Synod.* l. IX, c. II, n. 1; sed addit necessarium esse ut simul concurrant sex circumstantiæ: quas tamen non semper requiri dicunt auctores quidam, præsertim in Gallia. 1° Ut adsit bona fides, id est; ut ignoratum fuerit impedimentum: illi enim qui malâ fide con-

traxerunt indigni sunt indulgentiâ Ecclesiæ, ex Concilio Tridentino, *sess. XXIV, c. v, de Ref. matrim.*; sed sufficit bona fides ex parte unius, quia pars innocens non debet arceri ab Ecclesiæ indulgentiâ propter delictum alterius. 2° Ut impedimentum sit occultum, et matrimonium publicum, quia alioquin non urget necessitas, et scandalum ex separatione timendum non est. 3° Ut matrimonium fuerit consummatum, quia ante consummationem facilius est separatio. Attamen multi eam conditionem non requirunt. 4° Ut impedimentum sit ex iis in quibus dispensare solet S. Pontifex. 5° Ut partes sine scandalo separari nequeant. Verum difficile est ut duo, qui pro nuptis habentur, separantur absque scandalo. 6° Ut sine gravi incommodo expectari nequeat dispensatio S. Pontificis.

. 226. 4° *In casu dubii*. Ita communiùs etiam illi qui sunt iuribus S. Pontificis maximè addicti : quia licet dispensatio in se sit odiosa, facultas dispensandi est favorabilis ex communi Doctorum sensu, ac proinde amplianda; et insuper ita expostulare videtur utilitas spiritualis fidelium.

227. 5° *In casu urgentissimæ necessitatis*, saltem si impedimentum sit occultum : v. g. si matrimonium, ad quod omnia sunt parata, differri non possit sine scandalo, et sponsorum infamiâ, putà si unus manifestet impedimentum ex commercio illicito, etc. Tunc episcopum dispensare posse docuit SANCHEZ, cujus doctrinam amplexi sunt plerique qui post ipsum scripserunt, adeò ut hodie communis aut ferè communis habenda sit : eam refert nec improbat BENEDICTUS XIV, l. IX, c. II, n^{is} 2 et 3. Ratio est quia in his casibus non censetur S. Pontifex velle sibi reservare facultatem dispensandi; quæ reservatio verteret in destructionem, non in ædificationem. Aliunde hodie ex consuetudine satis tollitur quod ab initio poterat superesse dubium.

Notant tamen auctores episcopum non posse dispensare si aliquod aliud medium suppetat malo occurrendi, ideoque varia media indicant. Verum plerumque hæc ad praxim reduci non poterunt, nec tollent suspiciones, rumores, et scandalum. Unde potiùs concludendum est quanti intersit moneri fideles ut confiteantur diu ante matrimonii tempus.

Dixi *saltem si impedimentum sit occultum*, quia si sit publicum, vulgò supponunt auctores non posse episcopum dispensare; imò *Propositio asserens posse episcopum dispensare in publico impedimento matrimonii dirimente consanguinitatis pro matrimonio contrahendo, sive in articulo mortis, sive in alia urgentissima necessitate*, Romæ declarata est *falsa et temeraria*. Ratio est quia tunc non adest idem timor diffamationis et scandali; et incommoda quæ ex dilatione matrimonii oriri possunt tribuenda sunt contrahentium malitiæ, neque proinde Ecclesiam movere debent ut eis aliquis favor præstetur.

Attamen quidam etiam ad impedimentum publicum extendunt eandem rationem necessitatis. Olim, inquiunt, auctores non loquebantur nisi de impedimento occulto, quia quando impedimentum erat publicum, parochus poterat matrimonium impedire: hodie verò, mutatis circumstantiis, possunt occurrere, etiam quoad impedimenta publica, eadem incommoda quibus olim nitebantur theologi. Scilicet cùm tanta detur facilitas standi soli matrimonio civili, et sæpissime contrahentes non possint aut nolint expectare recursum ad S. Pontificem, intelligitur talem dari necessitatem, qualis vix urgentior concipi potest; nemo enim nescit quàm grave scandalum, et quanta incommoda oriantur ex matrimoniis merè civilibus.

Nihilominus episcopi communiter in his casibus non dispensant; et meritò quidem, ut nobis videtur. Nam undenam haberent potestatem illam? 1. Non a consuetudine, siquidem contraria est, etiam in Galliis. 2. Non ex præsumpto consensu S. Pontificis; non enim satis concipitur securum esse posse eum qui consensu præsumpto niti velit, quando consensum expressum adeò facile postulare potuit, et tamen vel non postulavit, vel non obtinuit. 3. Non ratione necessitatis, et propter bonum religionis: sub eo respectu, ille nobis videtur officio suo planè satisfecisse, qui, postquam rerum statum supremo Ecclesiæ pastori exposuit, progrediendum non existimat ultra facultates sibi concessas. 4. Si semel admittatur illa necessitatis ratio, mox penitus evanescet reservatio, corrueunt Ecclesiæ leges, et abrumpetur vinculum ex-

ternum, ferè quod supersit unicum quo Ecclesiæ membra centro unitatis catholicæ conjunguntur.

228. 6°. Juxta quosdam, dispensant episcopi ubi agitur *de dispensatione Pontificiâ convalidandâ*, quando nempe fuit ob aliquem defectum irrita. Sed talis potestas nec jure nec consuetudine tribuitur episcopo; et aliunde reservatio non tollitur per dispensationem quæ nullius est roboris. Igitur eatenus dispensare tunc poterit episcopus, quatenus habebit, ut hodie omnes aut ferè omnes episcopi habent, a S. Pontifice facultatem concedendi litteras quæ dicuntur *Perinde valere*, id est, convalidandi, saltem in pluribus casibus, litteras dispensationis irritas.

229. III°. *An et quatenus episcopi dispensare possint* VI CONSUETUDINIS SEDIUM PARTICULARIUM?

Præter casus mox enumeratos, in quibus generaliter dispensant episcopi, olim in Gallia pro variis diœcesibus variæ existebant consuetudines, vi quarum episcopi multi in diversis aliis casibus dispensabant, alii in pluribus, alii in paucioribus.

Porro BENEDICTUS XIV, *de Synod.* l. IX, c. II, grave dubium movebat, tum circa existentiam, tum circa vim talis consuetudinis: unde concludebat episcopos non debere eâ uti, cùm agatur hic de re ad sacramenti valorem spectante, in qua parti tutiori standum est.

Attamen vindicari poterant illæ consuetudines, 1° *quoad factum*, seu existentiam, ex testimonio auctorum et Rituum. 2° *Quoad jus*, seu legitimitatem, quia nihil in eis occurrebat unde deberent reprobari: non ratione originis, quæ, ubi agitur de consuetudine inducenda, non attenditur; non ratione temporis, cùm in multis diœcesibus essent immemorales; non ratione sui, quia, si expediat ut solus S. Pontifex dispense a legibus de quibus ferè nunquam dispensatur, expedire potest ut, in casibus urgentibus, dispensent episcopi ab iis legibus, in quibus vix unquam dispensatio denegatur; ipsa verò consuetudo, quæ est optima legum interpret, easque abrogare potest, indicabit etiam quandonam adsit utilitas aut necessitas. Insuper hujusmodi consuetudines secuti sunt innumeri episco-

pi, quorum sanè plures docti erant pariter ac timorati; SS. Pontifices autem nunquam eas damnarunt aut ut irrationabiles reprobaverunt : ergo, etc.

230. His præmissis, præcipua quæstio est quid sentiendum post Concordatum anni 1801?—In Constitutione enim *Qui Christi Domini*, pro nova diocesium circumscriptione, hæc ait Pius VII : « Supprimimus, annullamus, et perpetuò extinguimus titulum, denominationem, totumque statum præsentem infra scriptarum ecclesiarum archiepiscopaliū et episcopaliū, unà cum respectivis earum capitulis, juribus, privilegiis et prærogativis cujuscunque generis.... Ita ut omnes supradicti archiepiscopatus et episcopatus.... haberi debeant in posterum tanquam non ampliùs in primo ipsorum statu existentes, quia aut omnimodè extincti, aut in novam formam erigendi. »

Ex his duplex orta est opinio.

Prima tenet, post illam constitutionem, non ampliùs vigere antiquas illas consuetudines. *Reformation of ancient ecclesiastical laws*

Prob. 1º Ex tenore Constitutionis pontificiæ. Etenim S. Pontifex 1. *potuit eas consuetudines abrogare.* Si enim potuerit ipsas sedes supprimere, ergo et privilegia iis annexa; accessorium sequi debet principale. Nec illi defuit causa sufficiens : scilicet præcavenda erat ea varietas quæ alioquin in ejusdem diocesis partibus occurrisset, eo quòd novæ dioceses aliquando quatuor aut quinque dioceses antiquas partim vel in totum complectantur. 2. *Voluit abrogare.* Verba enim S. Pontificis sunt maximè generalia, nec ullam restrictionem patiuntur : imò, cùm non fiat mera jurium aut privilegiorum revocatio, sed et ipsarum sedium suppressio, hic applicari nequeunt principia ex quibus certa quædam privilegia non censentur includi in revocatione generali. 3. Demum S. Pontifex *noluit ea privilegia renovare*, erigendo novas dioceses : ait tantùm, *De novo constituimus et erigimus decem ecclesias metropolitanas, etc.* et nihil dicit ex quo concludi possit instaurari jura et privilegia suppressa ; ergo, etc.

2º *Ex comparatione cum antiquis capitulorum privilegiis*, quæ satis communiter agnosci videtur abrogata esse.

3° *Ex decisione Congregationis cardinalium*, quæ, die 13 februar. 1815, ita expressè respondit vicario capitulari Leodiensi. Pluries in eodem sensu responsum est. Cum autem agatur hic præcipuè de voluntate S. Pontificis, nemo non videt magnam esse earum responsionum auctoritatem.

Ex his, inquiunt illi auctores, saltem dubia efficitur auctoritas episcoporum; ergo, cum agatur hic de valore sacramenti, eâ uti non debent, ne sacramentum exponant periculo nullitatis.

Secunda opinio tenet adhuc vigere antiquas consuetudines circa dispensationem ab impedimentis.

Prob. 1°. Ex scopo et objecto constitutionis pontificiæ. Ea tantum abrogavit quæ cum novo rerum ordine conciliari non poterant: porro tales non erant consuetudines de quibus loquimur.

2°. *Ex natura jurium de quibus agitur.* Si jura illa tam longo usu confirmata, spectentur ut leges, prout re ipsa spectari debere videntur, cum verterentur non in episcoporum commodum vel honorem, sed in bonum fidei et proinde communitatis, sicque essentialiter differrent a privilegiis quæ immediatè respiciunt bonum privatorum, si, inquam, taliter spectentur, S. Pontifex noluit abrogare leges, ut manifestum est ex inspectione prædictæ constitutionis. Etiam si autem jura de quibus agitur habenda essent ut privilegia, saltem probatum manet ex dictis ea ortum duxisse a consuetudine: porro docent auctores per revocationem generalem non censi revocata privilegia quæ orta sunt ex consuetudine. Ita SUAREZ, *de Legibus*, l. VIII, c. VII, n° 15, et alii.

3° *Ex variis Sedis Apostolicæ responsis.* Ferunt interrogatum Cardinalem Legatum respondisse ea tantum privilegia fuisse abrogata quæ novo statui repugnarent: imò ipsum Pium VII cardinali Fesch, archiepiscopo Lugdunensi, declarasse se noluisse derogare privilegiis insignis illius ecclesiæ; et ea de causa, secundum priscam consuetudinem dispensare perrexit præfatus archiepiscopus; (quod postea præstitit etiam D. DE PINS, administrator apostolicus). Addunt etiam ipsum S. Pontificem pluries expostu-

lâsse ab eodem cardinali cur non se diceret Primatem Galliae : ideoque redux e Roma, ubi legatione functus fuerat, cœpit an. 1806 sibi adsciscere hunc titulum, quem deinceps non semel variis modis agnovisse perhibetur Sedes Apostolica. (Vid. LYONNET, *le cardinal Fesch*, t. 1, c. XXIII, p. 455, et t. II, c. II, p. 32.)

Inter illas opiniones, quidam recentioribus temporibus mediam veluti viam secuti, abstrahunt a solutione quæstionis in se spectatæ, et eam sic solvunt in ordine ad praxim. 1° Si in quibusdam diœcesibus viguerit a tempore Concordati usus dispensandi vi priscarum consuetudinum, ad episcopum tutò recurrere possunt diœcesani : in illius enim gratiam militat præsumptio; et supponi potest Ecclesiam quod ipsi fortè deest supplere, ratione habitâ erroris communis et tituli colorati. Insuper dici potest sufficere talem consuetudinem ad abrogandam, quantum opus erat, legem seu reservationem, quæ ad minus dubia erat. 2° Si contrà non viguerit usus dispensandi, jam pro omnino abrogata haberi debet prisca consuetudo.

231. IV°. *An et quatenus possint episcopi dispensare vi INDULTORUM SEDIS APOSTOLICÆ?*

Nobis sufficit quædam observare, tum circa clausulas in indultis adhiberi solitas, tum circa naturam et extensionem potestatis quam vi indulti obtinent episcopi.

1° Quoad *indultorum clausulas*. 1. Ordinariè conceditur facultas dispensandi pro matrimonio contrahendo *in tertio et quarto gradu simplici et mixto*. Vi bujus indulti dispensari non posse de secundo gradu ad tertium, pluries declaraverunt SS. Pontifices. Unde præfata verba significant tantum concedi facultatem dispensandi, sive cognatio existat ex una tantum parte, sive ex utraque. 2. Conceditur etiam maior facultas in matrimoniis *contractis* quam in *contrahendis* : pariter his temporibus nullis episcopis concessa fuerunt indulta, in quibus legitur : « Dispensandi in matrimoniis *huc usque nulliter initis* super... » Respondit S. Pœnitentiaria, die 28 martii 1816, « In verbis *in matrimoniis huc usque nulliter initis*, intelligi duntaxat matrimonia nulliter contracta coram Ecclesia. » His ultimis temporibus plura vidimus indulta, in quibus dicitur, *in matrimoniis nulliter coram Ecclesia initis*; tunc nulla difficultas : sed exinde concludi posse videtur indulta in quibus non leguntur hæc verba, *coram Ecclesia*, applicari posse matrimoniis merè civilibus.

2° Quoad *naturam potestatis* quam obtinet episcopus vi indulti, 1. est potestas *jurisdictionis*, non autem *ordinis* : hinc eâ uti posset,

etiam ante consecrationem : eam verò amitteret, si contra eum lata esset censura, quæ privaret jurisdictione. 2. Est potestas jurisdictionis *voluntariæ* seu *gratiosæ*, quæ ubique exerceri potest : hinc episcopus, etiam extra diocesim, potest dispensare suos diocesanos, nisi in indulto afferatur limitatio. 3. Est potestas *delegata*. Hinc magna oritur controversia, an episcopus possit eam delegare vicariis generalibus. Affirmant multi ex nostris auctoribus. Verum id non potest admitti, nisi facultas subdelegandi in indulto contineatur : nam ex responsis e Roma pluries acceptis, quando potestas hujusmodi purè et simpliciter datur, censetur data tantum episcopo, propter personalem industriam ; ideoque subdelegari non potest. Hinc ita docent, etiam apud nos, non pauci auctores. Propter eandem rationem, si data fuerit potestas facultates in indulto contentas communicandi, strictè standum est verbis concessionis, ut faciliè intelligitur.

PUNCTUM 3. *An alii, præter S. Pontificem et episcopos, possint dispensare ab impedimentis matrimonii.*

232. Ex omnium sententia, dispensare nequeunt parochi, aut confessarii, etiam tempore Jubilæi, nisi hæc potestas eis expressè concessa fuerit : unde de quatuor tantum superest quæstio.

I. *De Metropolitano.* Quæstio est, an dispensare possit subditos episcopi sui suffraganei, dispensationem recusantis. Admittunt omnes non posse : dispensatio enim est actus jurisdictionis voluntariæ et gratiosæ ; recursus autem ad metropolitanum patet tantum in materiis ad forum contentiosum spectantibus, ut ex alibi exponendis supponimus.

II. *De vicariis generalibus.* In casibus supra (nº 223 et seq.) enumeratis, in quibus episcopus dispensat vi consuetudinis universaliter receptæ, cum hæc potestas ex dictis (nº 222) censeatur aliquatenus ordinaria, potest eam delegare ; sed non censetur eam delegare, nisi expressè indicet, quia nec jus, nec usus hanc potestatem annectunt titulo vicarii generalis : sed ordinariè episcopi eam potestatem expriment in litteris vicariorum generalium.

III. *De officiali.* Officialis, qui multis in locis non distinguitur a vicario generali, apud nos olim habebat munus omnino diversum, cum ei committeretur jurisdictio tantum contentiosa : unde vulgò docebant auctores eum quatenus officialem non posse dispensationes concedere. Nunc ordinariè ei committuntur ab episcopo causæ matrimoniales : sed nisi specialem potestatem acceperit, non concedit dis-

pensationes, sed est tantum exsecutor earum quæ ab auctoritate competenti concessæ fuerunt.

IV. *De capitulo, sede vacante.* 1° Circa casus in quibus episcopus dispensat jure ordinario, v. g. ratione necessitatis, dubii, etc., videtur eandem facultatem competere capitulo, seu vicario capitulari: adest enim eadem ratio, et eandem auctoritatem habet. 2° Quando episcopus dispensat vi consuetudinis suæ sedis, asserunt quidam capitulum dispensare posse; alii negant. Usui standum; potuit enim consuetudo quæ episcopo tribuit jus dispensandi, idem jus non contulisse capitulo. 3° Quando episcopus dispensat vi indulti, ea potestas non transit ad capitulum, nisi aliter ferat indultum.

§ 2. *De modo obtinendi dispensationes a S. Sede.*

233. Quæcumque hic exponenda habemus, ad quatuor præcipua capita reducemus.

I. *QUINAM dispensationem postulare debeant?*

Quæstio est, an dispensatio postulari debeat pro utroque contrahente, an ex contrahentium mandato, et cujus expensis? De quibus hæc sufficiant.

1° Si agatur de impedimento uni tantum parti proprio, v. g. de voto castitatis, evidens est sufficere ut dispensatio pro illa parte postuletur: si autem de impedimento communi, v. g. consanguinitate, affinitate, crimine, etc., ex ipsa petitionis natura satis patebit postulari pro utraque.

2° Valida erit dispensatio, licet postuletur insciis partibus, et absque earum mandato: quia nulla dispositio Juris obstat, et nihil impedit ne quis eximatur ab obligatione legis, etiam inscius. Requiritur tamen ut dispensatio acceptetur a partibus: quia, licet absolutè non repugnet superiorem eximere aliquem ab obligatione legis independentem ab ipsius consensu, ordinariè tamen non censetur id velle. Cæterum in omnibus casibus, decet ut dispensatio non postuletur nisi ab ipsis partibus, vel ab iis quorum curæ commissæ sunt.

3° Quoad expensas, generatim ab utroque contrahente æqualiter solvendæ sunt, cum sit commune negotium.

Fieri tamen potest ut in unum recidere debeant, si adsit specialis conventio, vel si unus tantum fuerit earum causa culpabilis, v. g. si post sponsalia impedimentum per suam culpam incurrerit, puta per commercium cum sponsæ consanguinea, si vim intulerit consanguineæ, quam ideò ducere tenetur, etc. Pariter qui injustè resilit a matrimonio, vel alteri resiliendi causam culpabiliter præbet, solus ferre debet expensas.

234. II. AD QUEM *dirigenda sit dispensationis petitio?*

Duo exstant Romæ præcipua tribunalia ad dispensationes concedendas : *Pœnitentiaria*, in qua omnia gratis peraguntur, et cujus varii administri juramentum præstant se nihil a quoquam, etiam sponte oblatum vel donatum, accepturos, ut testatur BENEDICTUS XIV; *Dataria*, in qua, nisi dispensatio concedatur, ut aiunt, *in forma pauperum*, exigitur pecuniæ summa, quæ gallicè dicitur *Componende*, nempe, ut inquebat PIUS VII, « Ad resarciendum aliquâ
» ratione vulnus quod ex dispensationum matrimonialium
» concessione ecclesiasticæ disciplinæ infligitur, et ad ma-
» trimonia inter personas consanguinitatis vel affinitatis
» vinculo invicem conjunctas rariora ac difficiliora red-
» denda : » neque illud contrarium est Concilio Tridentino, sess. XXIV, cap. v, *de Reform. matrim.* ex quo dispensationes gratis concedendæ sunt : sensus est quòd dispensationes concedi debeant absque concedentium lucro ; ita autem servatur, cum tota illa pecunia in pios usus impendatur. Quædam etiam dispensationes per Cancellariam, quædam non nisi per Præfecturam Brevium, sub annulo piscatoris, conceduntur : sed earum petitio nihilominus ad Datariam dirigi potest.

Porro ad *Pœnitentiariam* recurritur, quando impedimentum est occultum : ad *Datariam*, quando est publicum : ad utrumque, quando simul cum impedimento publico, v. g. consanguinitatis, concurrit impedimentum occultum, v. g. criminis ; tunc prius exponitur *Dataria*, posterius verò *Pœnitentiaria*, cui declarari debet duo esse impedimenta, et dispensationem ab impedimento publico postulari a *Dataria*. Monent autem auctores satius esse primum

recurrere ad Pœnitentiariam, quia alioquin, si dispensatio in Pœnitentiaria denegaretur, frustra expensæ factæ fuissent in Dataria; sed quoad vim ipsius dispensationis, non interest an prius in Dataria petatur, an in Pœnitentiaria. Idem servatur, quando cum impedimento publico concurrat commercium carnale, quod ex infrà (n° 247) dicendis exprimendum sit: si tale commercium sit occultum, non exigit pia mater Ecclesia ut cum postulantis diffamatione divulgetur; tunc quoad illud recurrendum est ad Pœnitentiariam, cui explicatur impedimentum, super quo dispensavit vel dispensatura est Dataria.

Ut ergo determinetur ad quodnam tribunal recurrendum sit, exponendum est quandonam impedimentum reputari debeat occultum. Porro multum abest quin concordent auctores de ea distinctione inter publicum et occultum, quæ in multis materiis occurrit. Quantum ad nos in præsentī interest, publicum censi debet impedimentum, quando ejus est naturæ ut deduci possit ad forum externum, qualia sunt impedimenta quæ oriuntur ex cognitione legitima, vel aliis causis honestis. Ea autem quæ oriuntur ex delicto, qualia sunt affinitas, crimen, sunt ex natura sua occulta; et ut talia habenda sunt, nisi tot personis innotescant, ut jam publica dici possint. Quot autem ad hoc personarum notitia requiritur? Consentunt omnes, ait BENEDICTUS XIV, id prudentis judicio relinquendum esse. Nobis videtur illud multum pendere posse ex circumstantiis: sed generatim, ex mente auctorum, dici potest occultum non esse quod plùs quàm decem aut duodecim innotescit; et si ad Pœnitentiariam nihilominus in eo casu recurratur, indicandum erit quot personis constet locus, et quot circiter personis notum sit impedimentum.

Advertendum autem, 1° si exigat Pœnitentiaria ut impedimentum sit, non tantum occultum, sed omnino occultum, tunc requiritur ut nemini innotescat. Ita BENEDICTUS XIV.

2° Si factum sit publicum, sed non agnoscat ut criminum, S. Pœnitentiaria dispensare potest. Sed si publicum sit crimen, licet vulgò ignoretur annexum impedimentum,

non potest impedimentum haberi ut occultum; alioquin plerumque occultum esset impedimentum ortum ex commercio illicito, vel ex crimine. Ita in Pœnitentiaria observari testatur BENEDICTUS XIV.

235. III. QUA FORMA *scribendum ad petendam dispensationem?*

1° Principium generale est postulationem dispensationis scribendam esse stylo simplici et nitido, absque ambagibus et apparatu. Parvi interest quo idiomate conscribatur; magis tamen expedit ut idiomate latino, quemadmodum fit ordinariè.

Quoniam autem adsunt variæ formulæ, quasi usu consecratæ, ad ea exprimenda quæ in postulatione vulgò indicanda sunt, satiùs erit stare his formulis, quæ sæpe in Ritualibus exhibentur, et in pluribus aliis libris: ea tantum addenda erunt quæ possunt esse casui peculiariora.

2° Non omnino eadem servatur forma coram Pœnitentiaria, ac coram Dataria. In Dataria exprimitur verum nomen, et cognomen, item diœcesis: libellus supplex fit nomine eorum qui dispensatione indigent, et dirigitur ad S. Pontificem. In Pœnitentiaria autem, non exprimiuntur vera nomina, sed ficta, v. g. Titius, Bertha, vel orator, oratrix, et supplicatio dirigitur ad cardinalem Majorem Pœnitentiarium: indicatur autem in fine ad quem remittendæ sint litteræ dispensationis.

236. IV. QUENAM SINT EXPRIMENDA *in libello supplici ut valeat dispensatio*.

Non rarò evenit invalidas esse dispensationes, quia in earum postulatione vel veritas supprimitur, vel falsum exponitur: in priori casu, dicuntur *subreptitiæ*; in posteriori, *obreptitiæ*. Cum tamen non quavis reticentiâ veri, aut expressione falsi dispensatio irritetur, ad sequentes regulas attendendum est.

Regula prima. Suppressio veri, vel expressio falsi, dispensationem invalidam reddit, quando efficit ut superior ignoret vinculum quod tollit, aut ejus gravitatem, aut quantitatem gratiæ quam indulget: non enim censetur dispensare, nec reverà dispensat in eo quod ignorat.

Regula secunda. Reticentia veri, aut expositio falsi, reddit dispensationem nullam, quando hæc reticentia vel expositio est motivum seu causa finalis concedendi dispensationem, seu quando, si veritas expressa esset, dispensatio nullatenus, vel saltem non in eadem forma, concessa fuisset: tunc voluntas dispensandi fundatur in errore, ac proinde vim non habet.

Regula tertia. Suppressio veritatis quam jus, vel stylus curiæ Romanæ, vel consuetudo jubet ad dispensationis impetrationem exprimi, reddit dispensationem subreptitiam et invalidam, etiam quando, eadem veritate expressâ, nihilominus gratia concessa fuisset: tunc talis expressio tanquam forma postulationis exigitur, nec aliter S. Pontifex dispensare intendit.

237. His præmissis, ut facilius fiat applicatio harum regularum generalium, paulò fusiùs sunt exponendæ, et dicendum quid unaquæque in specie requirat.

Regula 1^a est, Ut explicetur quale sit vinculum quod tollendum est.

1^o Impedimentum de quo agitur in propria sua specie exprimendum est, non unum pro alio, nequidem majus pro minori: in dispensationibus non valet argumentum a pari, neque a majori ad minus.

2^o Si plura sint impedimenta, debent in eodem libello supplicii exponi; simul enim occurrentia graviolem inducunt indecentiam, ac proinde difficiliorem reddunt dispensationem: nisi tamen expressio unius impedimenti necessariò includat alterum. Si unum sit publicum, alterum verò occultum, servatur quod suprà diximus (n^o 234).

3^o Circa impedimentum consanguinitatis, exponendum est, in quonam sit gradu; an partes sint duplici consanguinitatis vinculo conjunctæ.

4^o Circa impedimentum affinitatis, exponenda sunt eadem ac in consanguinitate, ex Romanæ curiæ stylo et communi Doctorum opinione: exprimi etiam debet, quando postulatur dispensatio in primo vel secundo gradu, an impedimentum orjatur ex commercio licito, an ex illicito: tum quia difficiliùs dispensatur in commercio licito quàm

in illicito; tum quia id necessarium est ut agnoscatur an cum affinitate concurrat honestas publica.

Advertendum est in casu quo gradus consanguinitatis aut affinitatis est inæqualis, pro Pœnitentiaria sufficere ut exponatur remotior, nisi propinquior sit primus: dum pro Dataria semper exprimi debet gradus propinquior, eo sensu quo diximus ubi *de Impedimento cognationis* (nº 160).

5º Circa *cognationem spiritualem*, exprimendum est an sit paternitas aut maternitas, an tantum compaternitas aut commaternitas; multò enim indecentius est matrimonium inter susceptorem et filiam ejus spiritualem, a fortiori inter susceptricem et filium spiritualem, quàm inter suscipientem et patrem aut matrem suscepti: item an existat cognatio duplex; qualis est v. g. inter duas personas, quarum utraque filium alterius e sacro fonte suscepit, etc.

6º Circa *honestatem publicam*, exprimendum est an impedimentum oriatur ex sponsalibus, an ex matrimonio rato, et quo in gradu.

7º Circa *crimen*, exprimendum an ex adulterio, an ex concubidio, an ex utroque simul conjuncto; si ex adulterio, an uterque esset conjugatus: item, quando agitur de concubidio, an sit publicum, an occultum.

238. *Regula IIª est, Ut rite et juxta veritatis normam proponatur CAUSA FINALIS.*

Hic ante omnia supponendum est, ex Tr. *de Legibus*, semper requiri causam, ut dispensatio legitimè concedatur: probari potest speciatim quoad materiam præsentem ex verbis expressis Concilii Tridentini, sess. xxiv, cap. v, *de Reform. matrim.* Quando ergo dispensationes quædam dicuntur *sine causa*, verba illa non significant eas absque ulla ratione concedi, sed tantum nullam esse ex his causis quæ solent allegari, quæque sunt intrinsecæ et matrimonio propriæ, quamvis S. Pontifex alias causas habeat, ut ipse declarat his verbis quæ in hujusmodi dispensationibus leguntur, *Ex certis rationabilibus causis animum nostrum moventibus*. Causæ autem illæ sunt, usus legitimus elemosynæ, seu *Componendæ*, quæ in hujusmodi dispensationibus major exigitur: in eo sensu dicunt auctores per

hanc eleemosynam compensari vulnus illatum ecclesiasticæ disciplinæ.

Exponendum habemus quænam causæ allegari soleant, et quo tempore, necnon et quo sensu verificari debeant.

239. I. *Quænam causæ allegari soleant ad petendam dispensationem?*

Dici potest generatim concedi posse dispensationem, quoties occurrit necessitas, aut magna quædam utilitas. Causæ autem speciales, ex quibus solet S. Pontifex dispensare, potissimum in consanguinitate et affinitate, duplicis generis distinguuntur, aliæ honestæ, aliæ verò quæ dicuntur infamantes.

Causæ *honestæ*, magis receptæ, sunt : 1° angustia loci vel locorum; 2° incompetentiâ dotis; 3° bonum pacis; 4° ætas puellæ; 5° conservatio bonorum in eadem familia, vel familiæ in eodem sanguine; 6° vidua liberis gravata; 7° evidens prærogativa meritorum; 8° periculum vitæ aut fidei.

Causæ verò *infamantes* sunt : 1° commercium illicitum cum consanguinea, vel affine, vel aliâ impedimento ligatâ, perpetratum, non tamen eo fine ut facilius obtineretur dispensatio; 2° nimia partium familiaritas, ex qua timeatur scandalum, vel unius partis infamia; 3° conjugium cum impedimento dirimente jam initum, seu attentatum; 4° addi potest hodie, timor matrimonii merè civilis; tunc dispensatio conceditur præcipuè in gratiam prolis nascituræ, et familiæ, vel ad vitandum scandalum, et alia mala ex talibus matrimoniis oritura.

Earum causarum sensum explicat COLLET, *Tr. des Disp.* Cæterum ut omnis scrupulus tollatur, res exponendæ sunt candidè et simpliciter prout sunt, et tunc judicabit superior an adsit causa sufficiens.

240. II. *Quo tempore verificari debeant causæ dispensationis?*

Quando conceditur dispensatio, in Brevi quod dirigitur ad officialem exprimuntur causæ propter quas petita fuit, et deinde additur : *Discretioni tuæ committimus et mandamus, quatenus de præmissis te diligenter infor-*

mes, et si per informationem eamdem preces veritate niti repereris, super quo conscientiam tuam oneramus, cum eisdem auctoritate nostrâ dispenses. BENEDICTUS XIV, in Constitutione *Ad apostolicæ*, datâ 25 februar. an. 1742, *Bullarii*, t. 1, *Const.* XLV, declarat hanc non esse meram styli formulam, sed, ait § 1, « Expressio causarum earum- » que verificatio ad substantiam et validitatem dispensatio- » nis pertinet, illisque deficientibus, gratia nulla ac irrita » est, nullamque executionem meretur. » Profectò S. Pontifex potest statuere ut gratia quam concedit pendeat a tali vel tali conditione; cùmque exprimatur ea conditio, si deficiat, irrita erit dispensatio.

Exponendum habemus quonam præcisè tempore veræ debeant esse causæ allegatæ. De quatuor temporibus dubium moveri potest.

1º *Quando Romam scribitur.* Si tunc vera non sit causa, mendacium committitur; cùm verò, ut dicitur in *Jure*, *Mendax precatore carere debeat penitus impetratis*, docent quidam auctores irritam fore dispensationem, etiamsi causa vera sit tempore quo conceditur.

Alii tamen probabilius docent valere. Nam in eo casu dispensatio non datur sine causa: nec mendacium influit in concessionem dispensationis; imò nec propriè consummatur mendacium, quia adest quidem intentio decipiendi, sed verè non decipitur S. Pontifex, cùm vera sit causa tempore quo concedit dispensationem.

241. 2º *Quando Romæ conceditur dispensatio.* Cùm hodie dispensationes concedantur in forma, ut aiunt, commissoria, id est, S. Pontifex committat officiali facultatem dispensandi, existimârunt quidam sufficere ut causæ veræ sint quando officialis dispensat, quia nihil aliud exigit S. Pontifex in suis litteris. Sed alii dicunt necessarium esse ut causa vera sit etiam quando S. Pontifex dispensationem concedit: et meritò quidem. Nam 1. juxta BENEDICTUM XIV, non solum verificatio, sed expressio causarum pertinet ad substantiam dispensationis. 2. Hæc est sententia in tribunalibus Romanis recepta. 3. Licèt S. Pontifex det tantum mandatum dispensandi, semper verum

est eum ad id induci per causas allegatas; ergo, si falsæ sint, irritum est mandatum.

242. 3° *Quando dispensatio, ut aiunt, fulminatur.* Per fulminationem intelligitur actus quo officialis, vel confessarius, dispensationem impertitur. Ab omnibus aut ferè omnibus agnitiū videtur requiri ut tunc verā sit causa. Clarè deducitur ex iis quæ attulimus: et reverà quando Breve est in forma commissoria, non præcisè S. Pontifex dispensat, sed officialis ex illius auctoritate; ac proinde, si eo tempore vera non esset causa, jam dispensatio concederetur sine causa.

243. 4° *Quando dispensatione utuntur impetrantes.* Affirmant quidam necessarium esse causam tunc esse veram, quia dispensatio censi debet conditionata, nempe posito quòd causa perseveret; aliter concedere nec voluit, nec potuit S. Pontifex.

Multi tamen alii contrarium propugnant. Quia semel fulminatā dispensatione, res omnino consummata est ex parte concedentis; ergo cessare non potest, nisi ut conditionata habenda sit: atqui talis non est habenda. 1. Expressè non apponitur conditio; et tamen, si adesse deberet, verisimile est quòd exprimeretur. 2. Nec tacitè: est enim dispensatio veluti quædam donatio, quæ revocari non debet, licèt deinceps cesset illius causa. Nulla est ratio conditionem supponendi: non enim imprudenter agit legislator, licèt non attendat ad casus accidentales et extraordinarios, qualis est iste. Imò adest ratio non supponendi; talis enim conditio scrupulis et anxietatibus locum daret ex parte contrahentium.

Hæc secunda opinio videtur principiis magis consentanea. Attamen observant *Collat. Paris.* et *Ritual. Tulon.* suadendum esse talibus personis ut, ex reverentia legibus ecclesiasticis debita, a matrimonio abstineant: imò illud exigendum esse, si antea eam mutationem prævidissent, quia tunc fraus adfuisset in dispensationis postulatione.

244. III. *Quo sensu et quomodo verificari debeant causæ?*

Tres præcipuæ hic occurrunt difficultates.

1° *De causa falsa, quæ creditur vera.* Si causa quæ

allegatur reipsa falsa sit, sed bonâ fide vera existimetur sive a dispensante, sive a contrahentibus, communiùs tenent auctores valere matrimonium : nam in hujusmodi negotiis attenduntur res, non præcisè quales sunt in se, sed quales habentur in ordine commercii humani; illud exigere videtur bonum publicum, et recta gubernatio. Attamen si ante matrimonii celebrationem detegeretur causæ falsitas, æquum videretur ut dispensatio cessaret.

2º *De causa vera, quæ creditur falsa.* Hujusmodi error ex parte *postulantis* dispensationem non vitiat : huc valent quæ diximus de causa quæ falsa est quando Romam scribitur (nº 240). *Ex parte dispensantis*, non impedit etiam validitatem dispensationis, si sit ipsemet legislator, cum valeat dispensatio ab eo concessa etiam sine causa : sed si sit inferior, satis probabile est invalidam esse dispensationem, quia inferiori non conceditur facultas dispensandi, nisi prudenter agat, non temerè et inconsultò. Tandem ex parte *fulminantis*, cum ex dictis ipsi præcipiatur ut de causæ veritate diligenter informet, certum videtur ex errore de quo agimus invalidam reddi dispensationem, quia omissa fuit conditio a S. Pontifice præscripta.

3º *De causa fraudulenter posita*, id est, positâ ab uno, vel ab utroque contrahente ex intentione obtinendi dispensationem, vel saltem obtinendi faciliùs ; ut evenit quando ex tali intentione duæ partes impedimento ligatæ habuerunt commercium carnale, vel matrimonium attentârunt. Si in supplicatione expressa non fuerit ea intentio, irrita erit dispensatio. Ita meritò cautum est, ne quis ex peccato et fraude fructum percipiat, et quia propter illam intentionem denegari posset dispensatio, aut saltem multò difficiliùs concederetur.

245. *Regula IIIª est, Ut exprimatur QUOD JUS EXIGIT ET STYLUS CURIÆ ROMANÆ.*

Tria sunt quibus applicanda hæc regula : inopia sponsorum, matrimonium attentatum, et commercium illicitum.

I. *Inopia sponsorum*, quando dispensatio postulatur in forma pauperum, alleganda non est nisi juxta veritatem. Scilicet S. Pontifex non intendit dispensare in ea forma

nisi eos qui verè pauperes sunt, in sensu quem intelligit; si quis ergo falsò paupertatem alleget, irrita erit dispensatio. Quinam autem censeantur pauperes, non ita facile est determinare: variæ in variis diœcesibus vigent regulæ, quæ servandæ sunt, modò admittantur a Dataria; alioquin, ne detur locus anxietatibus circa validitatem dispensationis, tutius est verum fortunæ statum exponere; quod clarè, et tamen sine scrupulo, præstandum est, inquit D. BOUVIER.

246. II. *Matrimonium jam initum*. Si dispensatio postuletur post matrimonium de facto, licet invalidè, contractum, præter intentionem obtinendæ dispensationis, de qua suprâ, exponendum est, 1° an partes, vel earum una, bonâ vel malâ fide contraxerint, nempe cum notitia impedimenti quo obstrictæ erant; 2° an matrimonium consummaverint, et quidem a tempore quo notitiam habuerunt impedimenti, posito quod ab initio ignoraverint; 3° an clandestinè, seu omissis denuntiationibus, contraxerint. Facile intelligitur, facilius aut difficilius, pro variis illis circumstantiis, concedi debere dispensationem.

Hinc si matrimonium civiliter initum sit, illud etiam exprimendum est. Attamen declaravit S. Pœnitentiaria 2 octob. 1829, neque omissionem hujus circumstantiæ, neque celebrationem matrimonii civilis post missam supplicationem, inducere nullitatem dispensationis. Cæterum, si ex una parte sponsi sint culpandi pro inito tali matrimonio ante obtentam dispensationem, ex altera, ratione illius conjunctionis coram lege civili indissolubilis, plurimi interest ut non denegetur dispensatio.

247. III. *Commercium carnale illicitum*. Ut rite intelligatur quod hic dicendum habemus, advertendum est triplicem fingi posse hypothesim: vel enim illud commercium est ipsa origo impedimenti super quo postulatur dispensatio, vel est causa quæ allegatur ad obtinendam dispensationem, vel neutrum est ex his duobus.

Si sit ipsa *origo impedimenti*, v. g. quia sponsus commercium habuit cum consanguinea suæ sponsæ, ex quo ortum est impedimentum affinitatis, satis patet ex regula

prima exprimendum esse in libello supplici; alioquin non exprimeretur ipsum impedimentum. Difficultas superesse potest tantummodò, si, dispensatione jam postulata, sed vel nondum obtenta, vel nondum per delegatum fulminata, novum habeatur commercium: tunc non ideo irritabitur dispensatio, quia exinde non aggravatur impedimentum, et tollitur per delegatum; secus verò, si post fulminationem, quia tunc jam sublato impedimento, novum exoritur in quo delegatus non habet commissionem dispensandi.

Si commercium allegetur ut *causa obtinendæ dispensationis*, ex dictis in regula secunda exprimendum est an habitum fuerit ex illa intentione: si autem allegaretur, nec tamen habitum fuisset, invalida esset dispensatio, utpote obreptitia.

Si demum commercium *nec origo* fuerit impedimenti, *nec* allegetur ut *causa*, tunc locus est expendendi quatenus exigat stylus curiæ Romanæ ut exprimatur in libello supplici. Agitur de commercio incestuoso inter sponsores: nomine autem incestus intelligitur commercium carnale inter consanguineos et affines; imò, ut colligi posse videtur ex praxi curiæ Romanæ quam testatur CORRADUS, inter cognatos spiritualiter, et inter ligatos honestate publicâ. Sed requiritur ut incestus fuerit formalis, et non tantum materialis. Parvi autem refert an sit occultus: solummodò in eo casu recurritur ad Pœnitentiariam, secundum antea dicta (nº 234). Quibus præmissis, quatuor casus distinguere possunt, ut res melius elucidetur.

I^{us} *Casus*: quando sponsi commercium habuerunt ante petitam dispensationem. Tunc exprimendum esse illud commercium, simulque intentionem facilius obtinendi dispensationem, si adfuerit, etiamsi commercium non allegaretur ut *causa* dispensationis, tenet multò probabilior opinio. 1. Talis est stylus curiæ Romanæ. 2. Expresso commercio, alio modo dispensat S. Pontifex; majorem nempe imponit pœnitentiam, majorem quoque taxam exigit. 3. Ita pluries declaravit S. Congregatio. Unde ait BENEDICTUS XIV, Instit. LXXXVII, nº 13, *Nullum dubitandi locum superesse, cum Summi Pontifices mentem suam*

super hac re clarissimè declaraverint : id autem, inquit, sapientissimè constituerunt, ut gravissimum crimen incestus longè a consanguineis arceretur. Cæterùm necessarium non est ut exprimatur quoties commercium habitum fuerit cum eadem persona : dici solet simpliciter quod orator oratricem cognovit, quia non major exsurgit difficultas ex commercio pluries, quam ex semel habito.

248. II^{us} *Casus* : si commercium incæperit tantùm post oblatam supplicationem, et ante fulminatam dispensationem, obstat ne validè fulminetur, et recurrendum est ad litteras *perinde valere*. Ita fert stylus et consuetudo curiæ Romanæ : et reverà, cùm ex forma hodierna S. Pontifex præcisè non dispenset, sed committat eam dispensandi, delegatus non poterit, in præfato casu, verificare quòd nullum commercium exstiterit. Et hæc est communis auctorum sententia.

249. III^{us} *Casus* : si commercium habitum ante petitionem dispensationis et in ea expressum, postea iteratum fuerit ante ejus fulminationem, irrita non efficitur dispensatio, si sit a Pœnitentiaria, quia tenet Pœnitentiaria novam dispensationem non esse necessariam, et, si postuletur, eam concedit tantùm ad majorem cautelam ; imò in dispensationibus quas concedit hodie, datur delegato facultas *Ab incestus usque ad præsentium executionem forsitan iterati reatibus auctoritate apostolicâ absolvendi*. Si autem agatur de dispensatione Datarîæ, quamvis doceant auctores irritam non fieri dispensationem ordinariam, sed tantùm dispensationem datam in forma pauperum, ex praxi tamen hodiernâ sequi videtur omnes dispensationes Datarîæ, etiam non in forma pauperum, irritas effici, si iteratus fuerit incestus ; siquidem conceditur episcopis Galliæ a S. Pœnitentiaria facultas hujusmodi dispensationes in eo casu convalidandi.

250. IV^{us} *Casus* : si commercium habeatur post dispensationis fulminationem, longè communior opinio tenet non invalidari dispensationem : quia semel fulminatâ dispensatione, sublatum est impedimentum, ac proinde non adest ampliùs incestus ; cùmque dispensatio jam suum sortita

sit effectum, nihil ostendit hujus irritationem prædicto crimini esse alligatam.

§ 3. *De modo exsequendi dispensationes S. Sedis.*

251. Hic exponendum est ad quem pertineat dispensationum executio, et quid ille servare debeat in ea executione.

I° AD QUEM PERTINEAT *dispensationum executio*?

I. Si agatur *de rescripto Pœnitentiariæ*, pertinet generaliter executio ad confessarium, qui in pœnitentiæ foro sententiam pronuntiare debet. Sed considerandum est quibus verbis dispensatio ad ipsum dirigatur. 1° Si inscribatur, ut olim moris erat, *theologiæ magistro*, vel *canonum doctori*, non poterit alius exsequi: sed hodie pro Galliis hæc clausula non apponitur. 2° Semper exigitur ut confessarius sit *ex approbatis ab ordinario*: unde non posset exsequi confessarius in alia tantum diœcesi approbatus. 3° Additur *per latorem eligendo*, quia permittitur oratori recurrere ad confessarium quem voluerit, modò habeat dotes in rescripto expressas. Semel factâ electione, non ideo amittitur jus ad alium recurrenti: ita servatur in praxi, teste CORRADO, et est sententia communissima multorum contra paucos.

252. II. Si agatur *de rescripto Datarie*, dirigitur ad officialem, qui illud exsequitur tanquam Sedis Apostolicæ commissarius.

Sed eâ occasione plures exoriuntur difficultates, de quibus sigillatim quædam dicere interest.

I. *An dispensatio executioni demandari possit ab episcopo, vel vicario generali?*

Ut sensus quæstionis rite intelligatur, prænotandum est ex jure canonico non teneri episcopum constituere officialem, imò nec vicarium generalem: item ex jure communi, officialem non distingui a vicario generali; secus autem in Gallia, ubi isti voluntaria jurisdictio, illi contentiosa committitur. Porro salis intelligitur quæstionem non spectare nisi regiones ubi existunt hæc duo munera, et ita notoriè distinguuntur, ut Dataria non vicario generali, sed officiali mandata sua inscribat.

His præmissis, prima opinio docet episcopum non posse exsequi dispensationem directam suo vicario; unde sequitur neque vicarium

posse exsequi, si directa sit officiali. Hanc tenent extranei, ut videtur, satis communiter, et non pauci etiam apud nos : quia S. Pontifex non delegat nisi officialem, qui certè diversus est ab episcopo, et apud nos a vicario generali.

Secunda opinio tenet episcopum posse per seipsum, si velit, exsequi dispensationem directam suo vicario generali, vel officiali; et propter eandem rationem, posse vicarium generalem, si ita concesserit episcopus, exsequi loco officialis. 1. Cum vicarius generalis ex jure communi non differat ab officiali, judicandum est S. Pontificem hæc duo verba indistinctè sumere. 2. Cum episcopus possit carere officiali, potest per seipsum efficere quod efficit officialis. 3. Ex Concilio Tridentino, *sess. xxii, cap. v, de Reform.* dispensationes committendæ sunt ordinariis; quo nomine intelligitur episcopus : porro præsumendum non est velle S. Pontificem illius juribus derogare. 4. Demum hæc est praxis in pluribus diocesisibus recepta; et nimis durum esset asserere in his vitiatas esse omnes dispensationes.

Quamvis hæc posterioris opinionis momenta suo robore non careant, attamen prudenter agere existimamus episcopos qui eam ad praxim non deducunt : nil tamen obstat quin, absente aut impedito officiali, episcopus alium constituat officialem, aut saltem illius vices gerentem.

253. II. *An vicarius, aut officialis capitularis exsequi possit dispensationem, ante mortem episcopi obtentam?*

Sensus quæstionis est, utrum, si post obtentam dispensationem, sed ante illius fulminationem, moriatur episcopus, possit rescriptum executioni demandari a vicario generali, vel officiali capituli?

Negant illud auctores extranei, et allegant varias Congregationum Romanarum ea de re decisiones. Illud etiam ut certum exhibet Bénédictus XIV, *de Synod. l. ii, c. ix, n° 3*; quia, licet ille habeat jurisdictionem episcopalem, non est vicarius vel officialis capituli.

Attamen aliter sentiunt auctores nostri, asserentes talem esse apud nos usum. *Collat. Andegav.* ait illud carere difficultate quoad officialem, quamvis non desint qui illud negent de vicariis capitularibus : ita communiter doceri in Gallis ait D. BOUVIER.

254. III. *Quid, si adsit error circa diocesim?*

Rescriptum ordinarie dirigitur ad officialem diœcesis contrahentium : si quando ex errore, vel aliâ causâ dirigatur ad officialem alterius diœcesis, non constat inter auctores quid agendum sit. Videtur tamen dispensationem executioni demandari posse ab officiali partium, quia adest sufficiens delegatio. Reperitur enim 1° voluntas in S. Pontifice : namque gratiam concedere vult illi qui petiit, cum rescriptum dederit; atqui illa voluntas includit voluntatem delegandi partium officialem; constat enim ita semper observari, nisi contrarium exprimatur. 2° Illa voluntas satis manifestatur ex rescripto, quod alioquin nihil prodesset. Excipiendus tamen fortè casus quem plures excipiunt, quò nempe interesset S. Pontificis cognoscere veram diœcesim, et ex industria fraus commissâ fuisset in libello supplici.

255. IV. *Quid, si contrahentes sint e duabus diœcesibus?*

Quando contrahentes sunt e duabus diœcesibus, rescriptum dirigitur

officiali sponsæ. Quidam existimant nihilominus executioni demandari posse ab officiali sponsi; sed his non assentimur: non potest enim exsequi nisi delegatus: porro delegatus non est officialis sponsi, cum constet intentionem S. Pontificis non esse ipsi committere mandatum, nisi adsit causa quædam peculiaris.

256. V. *An officialis delegatus possit vices suas alteri committere?*

Duplici sensu expendi potest illa quæstio.

1º Vices gerentem, si adsit, posse apud nos supplere vices officialis, saltem absentis, aut ægrotantis, sentiunt plerique auctores; inter quos DARGENTRÉ, allegans usum quingentorum annorum.

2º Quoad alterum quem vellet officialis loco suo committere, adest difficultas, propter diversas juris dispositiones. Hæc statuunt auctores. Potest officialis alteri committere auditionem testium, et informationem causæ, non verò ipsam dispensationem, seu Brevis, ut aiunt, fulminationem, gallicè *l'entérinement*. Prius habetur ut iurisdictio collata officiali, et nullo jure prohibetur eam subdelegare; imò non rarò illud necessarium est, quando audiendi sunt testes, qui, sive propter locorum distantiam, sive propter infirmitatem, aut alias causas, ipsum adire nequeunt: committere potest igitur ad eos audiendos, etiam alterius diocesis officialem, et illa communiter servatur in praxi. Posterius verò habetur ut *certum ministerium*, prout loquitur GREGORIUS IX, quod non potest alteri committi: ipsa nempe sententia, seu iudicium, est quid nobiles auditione testium, et aliis formalitatibus sententiæ prævis, et sic explicatur cur ipsi commissario apostolico reservanda sit. Eam theologorum et canonistarum extraneorum doctrinam sequuntur auctores nostri: unde videtur ab ea non esse recedendum.

257. IIº. *QUID AGERE DEBEAT delegatus ut dispensationem executioni demandet?*

Ille cui exsequenda committitur dispensatio debet attentè considerare varias clausulas in rescripto contentas, easque adamussim observare. De quibusdam hic dicemus, quoad rescripta sive Pœnitentiariæ, sive Datarie, et difficultates occurrentes solvemus.

I. Præcipua clausula est ut delegatus *diligenter informet* de veritate precum, juxta ea quæ jam diximus: sed quæstio est, utrùm stare possit inquisitioni quæ jam peragi debuit, antequam postularetur dispensatio, ideoque sufficiat expendere an ab eo tempore novum aliquid supervenerit?

1º Quoad rescripta Pœnitentiariæ, olim hæc in illis legabantur: *Quatenus si ita esse, per diligentem oratoris examinationem, ac post monita et consilia opportuna illi præstita, inveneris: nunc autem dicitur tantum,*

Quatenus si ita est, vel, Si preces veritate nitantur. Igitur juxta veterem formulam, si sine examine confessarius dispensationem fuisset exsecutus, videri poterat quòd invalidè se gessisset, licèt vera fuissent narrata: secus autem, secundùm recentiore formulam, tum quia hæc immutatio aliquid operari debuit, tum quia jam nihil indicat examen illud præscribi tanquam formam essentialem.

2º Quoad rescripta Dataria, sic habent: *Mandamus quatenus..... te de præmissis diligenter informes, et si per informationem eandem preces veritate niti repperis, super quo conscientiam tuam oneramus*, etc. Ex his verbis concludit D. BOUVIER, « quamvis supponatur informa-
 » tionem factam fuisse a parocho ante dispensationis postu-
 » lationem, nihilominus alteram faciendam esse per ipsum
 » officialem, vel, ut communius fit, per aliquem ab ipso dele-
 » gatum; non tamen id requiri sub pœna nullitatis, modò
 » causæ S. Pontifici expositæ re ipsa veræ sint, quia S. Pon-
 » tifex non præcisè informationem, sed rei veritatem sub pœ-
 » na nullitatis præscribere videtur. » Reverà in pluribus diœcesibus, nova non fit informatio: sed delegatur parochus, qui, si nihil obstat, statim ad matrimonii celebrationem procedit.

In aliis tamen pluribus diœcesibus retenta est olim vigen-
 gens consuetudo, juxta quam nova fit informatio ante dispensationis fulminationem: illudque tutius nobis videtur. Nam 1º vix aliter impleri posse videtur clausula in rescripto expressa. Non ignorat S. Pontifex ante dispensationis postulationem informationem quamdam fieri debuisse; meritò ergo censetur novam exigere, in verbis allatis. Illudque verum est præsertim, si prior informatio nec ab officiali, nec ipsius nomine facta fuerit; tunc enim non obtinetur scopus S. Pontificis, qui non informationem qualemcumque, sed factam per suum delegatum exigit. 2º Si admittatur, ut suprâ diximus (nº 256), officialem posse quidem delegare quoad informationem, non verò quoad ipsam dispensationis concessionem, difficile concipitur quomodò possit rescriptum transmittere parochus, ut statim ad matrimonii celebrationem procedat sine

novo ad ipsum recursu. 3° Esto quòd jam dispensationis causæ verificatæ fuerint ante postulationem : sed ex eo tempore potuit fieri aliqua essentialis in his mutatio ; potuit etiam novum aliquid supervenire , adeò ut dispensatio invalida exinde reddatur : cùm ergo non minus essentielle sit de his inquiri , ac de ipsarum causarum veritate , nova videtur requiri informatio ante dispensationis executionem.

258. II. In rescriptis Pœnitentiariæ , cùm agatur tantùm de foro conscientiæ , apponitur nunc hæc clausula , *Auditâ prius ejus sacramentali confessione*. Unde necessitas confessionis non potest hodie in dubium revocari. Sed difficultas est an sufficiat quæcumque confessio , an verò requiratur ut ipsa absolutio subsequatur ; et quid dicendum , si confessio sit nulla et sacrilega ? Ex responsione S. Pœnitentiariæ , apud Compans , irrita non erit dispensatio , etiamsi contingat pœnitentem nulliter et sacrilegè confiteri et absolutionem a peccatis recipere : quòd si confessarius advertat pœnitentem , ex sua indispositione , a peccatis absolvi rite non posse , debet unâ cum absolutione differre dispensationem , nisi fortè urgens aliqua necessitas suadeat dispensationem accelerare. Porro hodie non rarò occurret illa necessitas.

259. III. *Quid , si error in rescripto irrepserit ?*

1° Si adsit error *circa nomen oratoris* , contendit CORRADUS dispensationem executioni demandari non posse , addens ita ferre stylum notorium et antiquissimum , ad præcavendas fraudes. Non pauci tamen contrarium tenent : quia nomen est aliquid merè accidentale , modò aliunde de persona satis constet.

2° Si adsit *circa impedimentum* vel *circa causas* error qui non aderat in libello supplici , quidam absolutè dicunt executioni demandari non posse : ita CORRADUS et alii non pauci. Alii distinguunt , an error seu mutatio locum habuerit ex facto scribarum antequam supplicatio porrigeretur S. Pontifici , an postea tantùm : sed cùm illud vix cognosci possit , in praxi plerumque satis difficile erit ut executioni mandetur talis dispensatio.

260. IV. *An rescriptum S. Pontificis possit, post illius mortem, executioni mandari?*

1° Si agatur de rescripto Pœnitentiariæ, cùm ipsa perseveret etiam mortuo S. Pontifice, nulla adest ratio dubitandi.

2° Si agatur de Dataria, quando dispensatio est jam concessa, sed nondum confectæ sunt litteræ, et interim moritur S. Pontifex, litteræ non conficiuntur: sed si jam confectæ sint, usu quotidiano constat posse executioni mandari.

261. V. *Utrùm dispensationis mentio scripto consignanda sit?*

1° Si agatur de dispensatione super impedimento occulto, per Pœnitentiarium concessâ, sic fertur in rescripto: *Præsentibus laceratis, quas sub pœna excommunicationis latæ sententiæ laniare teneris, neque eas latori restituas: quòd si restitueris, nihil ei præsentis litteræ suffragentur.* Hæc postrema verba non sunt intelligenda in eo sensu, quòd exinde dispensatio irrita efficeretur; statuunt tantùm litteras hujusmodi nunquam in foro externo suffragari posse. Ex quo intelligitur dispensationem illam non esse registro inseribendam. Aliquando tamen præter illas litteras quæ lacerari debent, alias addit Pœnitentiarium quæ servari possunt, ut de matrimonio constet: tunc peragenda sunt quæ in ipsis præscribuntur.

2° Quando agitur de dispensationibus concessis per Datarium, debent in registris officialitatis, vel in secretario episcopatus accuratè describi, ut de matrimonii canonicitate constare possit. Debet pariter parochus, qui matrimonium celebrat, dispensationis mentionem facere in actu seu instrumento matrimonii, ut sive contrahentium, sive prolis ex conjugio nascituræ, status in tuto collocetur; ita monent auctores, et præscribitur in Ritualibus.

§. 4. *De modo obtinendi dispensationes ab episcopo, et eas exsequendi.*

262. Tria hic præcipuè investiganda habemus.

I. *An necessarium sit ea omnia exprimere, quæ ex dictis exprimenda sunt, quando recurritur ad S. Pontificem?*

Distinguendum est cum COLLET :

1° Si episcopus dispenset virtute indulti, necessarium est ut sequatur, quantum fieri potest, regulas a S. Pontifice constitutas : quia S. Pontifex non censetur ipsi concedere facultatem dispensandi, nisi eo modo quo ipse dispensare consuevit. Cum tamen in diocesis ordinariè non institutum sit speciale tribunal pro casibus occultis et infamantibus, sæpe vix possibile erit omnes regulas sequi quæ in Romanis tribunalibus vigent. Non est verisimile quod velit S. Pontifex tunc nihilominus servari illas regulas sub pœnâ nullitatis. Attamen optandum esset ut ea de re aliquid certum suppetere.

2° Si episcopus dispenset jure ordinario aut quasi ordinario, ad sensum suprâ expositum (n° 223 et seq.), non adstringitur regulis Cancellariæ, et iis quæ non exiguntur nisi stylo curiæ Romanæ : sed iis tantum quæ requiruntur sive jure communi, sive ex ratione naturali, ut vitetur obreptio et subreptio.

3° Si ipse episcopus, quemadmodum S. Pontifex, quasdam regulas constitueret, et declaravisset se nolle aliter dispensare, iis omissis etiam inculpatè, irrita esset dispensatio, quia deficeret voluntas dispensantis.

263. II. *An, si contrahentes sint e duabus diocesis, requiratur utriusque episcopi dispensatio?*

1° Requiritur ex præcepto satis communiter admissum videtur; talis est usus, et ita fieri rectus ordo et optima disciplina postulant.

2° An requiratur sub pœnâ nullitatis, magis controvertitur. Non desunt qui putent sufficere dispensationem unius episcopi, quia impedimentum est aliquid correlativum : ergo, quando sublatum est in uno, jam non existit in altero.

Attamen alii communius existimant requiri utriusque episcopi dispensationem. Deducitur tum ex usu, tum ex ratione : episcopus non habet jurisdictionem nisi in proprium subditum ; ergo dispensatio est necessario conditionata, id est, posito quod subditus alterius episcopi ab ipso quoque dispensetur.

Cæterum duo hic advertenda sunt. 1° Sicubi vigeat usus ut unius tantum episcopi dispensatio requiratur, huic standum erit, quia tunc censebitur et proprio et alterius nomine dispensare. 2° Ex pluribus responsis S. Pœnitentiariæ, his ultimis temporibus datis, « Quilibet ordinarius, » agendo cum facultate non ordinariâ, sed a S. Sede absolute, simpliciter, et absque ulla conditione delegatâ, » dispensandi cum suis diœcesanis, potest (factâ in singulis actis expressâ mentione Apostolicæ delegationis) » dispensare super aliquo canonico impedimento, etiam in » casu in quo una persona ab impedimento ligata est suæ » diœcesis, altera verò alienæ; quia ea facultas procedit a » Papa, et sublato impedimento ex una parte cum qua » dispensare valet, etiam pars altera libera evadit, cum » ligamen non amplius inter utramque partem existat. »

264. III. *A quo et quomodo exsequendæ sint seu fulminandæ dispensationes episcopales?*

Dispensationes episcopales non solent dari *in forma commissoria*, ac proinde earum fulminatio non differt ab ipsarum concessione: illæ autem ad quem diriguntur, sive sit parochus, sive confessarius, sedulo attendere debet si quid in iis præscribatur, illudque accuratè exsequi.

ART. 4. *De ratione agendi tenendâ quando aliquod adest impedimentum canonicum.*

265. Expendere oportet, quid in eo casu, sive ante sive post matrimonium initum occurrente, ab ipsis sponsis præstandum sit, quid ab eorum confessario aut pastore; quod quidem quatuor paragraphis explicabimus: quid nempe agendum ab ipsis sponsis, 1° ante matrimonium initum; 2° postquam initum est, et nondum revalidatum; 3° quid, ut revalidetur; 4° demum quid agere debeant confessarius aut parochus quando inter nupturos vel jam nuptos detegunt aliquod impedimentum.

§ 1. *An sponsi ligati impedimento possint aliquando matrimonium inire, non obtentâ prius dispensatione?*

266. Quæstio generatim spectata vix ullam patitur diffi-

cultatem : difficultas oriri potest tantum in casu necessitatis, aut dubii. Sit itaque

ASSERT. 1.—*Inire matrimonium cum impedimento, nec obtentâ dispensatione, est per se peccatum grave.*

Prob. Ita omnes theologi : tum quia violatur præceptum in materia magni momenti, tum quia gravis committitur irreverentia erga sacramentum : unde si adsit impedimentum dirimens, certum est peccari lethaliter ; si verò adsit impedimentum prohibens tantum, communius idem docent auctores, quia semper violatur lex in materia gravi.

Not. Præter peccati reatum, incurritur, ex decreto Concilii generalis Viennensis, pœna excommunicationis ipso facto ab iis qui « scienter in gradibus consanguinitatis aut » affinitatis constitutione canonicâ interdictis, aut cum monialibus contrahere matrimonialiter non verentur ; nec » non a religiosis et monialibus ac clericis in sacris ordinibus constitutis matrimonium contrahentibus. » Sed, ex communi Doctorum sententia, excommunicatio illa non est absolutè reservata : si tamen dicti contrahentes denunciati fuerint excommunicati, ut ibidem præscribitur, absolvi poterunt a solo episcopo.

267. ASSERT. 2. — *Ipsa necessitas nec impedimentum tollit, saltem generatim loquendo, nec licitum reddit matrimonium sine dispensatione.*

Prob. 1^a pars. Licèt leges ecclesiasticæ desinant obligare eum observari nequeunt absque gravi incommodo, ex communi Doctorum sententiâ illud applicandum non est legibus irritantibus, et præsertim in matrimonio. Nam 1^o leges hujusmodi directè feruntur in bonum publicum, potius quàm in bonum privatorum : porro æquum est ut bonum publicum anteponatur bono privato. 2^o Magnum adest discrimen inter legem irritantem actum qui haberet effectum permanentem et nocivum bono publico, et legem prohibentem actum merè transitorium : in posteriori casu, v. g. ubi de abstinence vel jejuniis, non ita magnum exoritur

incommodum, si lex uno actu violetur; maximum verò oriri poterit, si ineatur matrimonium bono publico noxium. Hæc omnia evolvuntur in *Tr. de Legibus*.

Dixi *saltem generatim loquendo*, quia 1° ubi agitur de clandestinitate, lex obligare desinit, quando impossibilis est recursus ad parochum, prout jam (n° 189) vidimus. 2° In casibus quibusdam extraordinariis, v. g. si quis in insulam remotissimam tempestate conjiceretur, quidam putant ipsi licitum fore matrimonium inire, non obstante impedimento disparitatis cultûs vel alio impedimento juris merè ecclesiastici, si aliter nubere non posset.

Prob. 2 pars, contra quosdam qui putant eum qui tale matrimonium init, ad avertendum grave malum, non peccare, si verè et ex animo consentiat; et peccare tantùm venialiter, si non nisi fictè consentiat. 1° Cùm matrimonium fiat cum omnibus solemnitatibus, quæ sacramentum comitantur, huc sanè irreverentia infertur. 2° Qui sic contrahit, multis incommodis, sibi et societati noxiis, sese exponit, præsertim si omnia ita fiant, ut nullitatem probare nequeant, vel saltem ea nullitas coram tribunalibus non sit admittenda, ut hodie accidet, si agatur de impedimento merè ecclesiastico. Ergo, nisi ignorantia et bona fides excusent, matrimonium inire in casu allato est grave peccatum. 3° Si fictè consensus præbeatur, mendacium hujusmodi, in re tanti momenti, coram Deo et Ecclesiâ emissum, haberi nequit ut veniale tantùm: porro difficile videtur ut verè intendat contrahere, qui novit contractum esse prorsus irritum.

263. ASSERT. 3. — *Non licet inire matrimonium cum impedimento dubio aut probabili.*

Prob. Ex principiis quæ stabiliuntur in *Tr. de conscientia*. Non licet agere cum dubio aut merà probabilitate, nisi præsto sint principia reflexa vi quorum efformetur conscientia practicè certa: atqui hic præsto non sunt. Non enim sufficiunt principia generalia probabilistarum, ut alibi, ni spes fallat, ostendemus. Nec ulla afferunt præsentī materiæ specialia. Quod enim aiunt, in casu dubii aut meræ probabi-

litatis Ecclesiam tollere impedimentum, non potest applicari impedimentis juris naturalis aut divini, imò, juxta graves probabilistas, nec impedimentis juris ecclesiastici quando adest tantum dubium facti: et insuper quoad alia impedimenta est prorsus gratuitum, videturque omnino falsum; si enim ignorantia invincibilis non impediatur vim legis irritantis, ut communiter docent auctores, præsumi nequit impediri per simplex dubium aut meram probabilitatem.

Hinc probari etiam potest assertio ex decisione INNOCENTII XI, juxta quam non licet, ubi agitur de valore sacramentorum, sequi opinionem dubiam aut probabilem: etenim hic agitur de valore sacramenti, et omnino applicari videtur ratio decisionis; quaecumque etenim opinionem sibi efformaverit agens, non inde efficietur matrimonium validum, posito quòd in rei veritate existat impedimentum: ac proinde aderit sacramenti profanatio.

§ 2. *An conjuges qui certitudinem habent aut dubium de nullitate sui matrimonii, possint petere aut reddere debitum conjugale, quandiu matrimonium non est revalidatum.*

269. Exstant eà de re in jure canonico tres decisiones, quas ab initio proferre juvat.

I^a est INNOCENTII III, cap. *Inquisitioni*, XLIV, *De sentent. excommun.*, et respicit quodlibet impedimentum generatim: « Credimus distinguendum, utrum alter conjugum pro certo sciat impedimentum conjugii... quamvis » illud apud Ecclesiam probare non possit, an non sciat » pro certo, sed credat. In primo casu, debet potius excommunicationis sententiam humiliter sustinere, quam » per carnale commercium peccatum operari mortale. In » secundo, distinguimus utrum habeat conscientiam hujusmodi ex credulitate levi et temeraria, an probabili et » discretà: et quidem ad sui pastoris consilium conscientia levis et temerariae credulitatis explosa, licite potest » non solum reddere, sed exigere debitum conjugale. Verum cum conscientia pulsatur animum ex credulitate probabili et discretà, quamvis non evidenti et manifestà,

» debitum quidem reddere potest, sed postulare non debet,
 » ne in alterutro vel contra legem conjugii, vel contra
 » iudicium conscientiae committat offensam. »

II^a decisio est LUCII III, cap. *Dominus*, II, de *Secund. nuptiis*, et versatur circa impedimentum ligaminis: loquens de eo qui matrimonium contraxit, *non habitâ obeuntis conjugis certitudine*, et de morte prioris conjugis adhuc sibi existimat dubitandum, ait: « Ei quæ sibi nupsit, debitum non deneget postulanti; quod a se tamen noverit nullatenus exigendum. »

III^a demum est CŒLESTINI III, cap. *Laudabilem*, v, de *Frigidis*, et respicit impedimentum impotentiae: quando nempe dubium exoritur circa impotentiam, « Nos præsentis consultatione sentimus, ut a tempore celebrati conjugii, si frigiditas prius probari non posset, cohabitent per triennium. »

270. His præmissis, tres casus supponi possunt.

I^{us} Casus: *de iis qui certi sunt* de nullitate matrimonii. Nec petere, nec reddere possunt debitum conjugale. Constat ex decisione Innocentii III, et ratio est per se evidens.

Sed quædam regulæ prudentiæ sunt servandæ. 1^o Quando impedimentum est publicum, deberent partes ad tollendum scandalum, etiam quoad habitationem separari; sed quando agitur de pauperibus, aliquando impossibilis est ea separatio, etiam ad quoddam tempus: tunc alio modo providendum ut tollatur scandalum. 2^o Si impedimentum sit occultum erga externos, licet duabus partibus notum, non debent separari quoad habitationem, quia ex ea separatione vel scandalum, vel earum infamia sequeretur. Si tamen ex communi habitatione immineret periculum, et separatio fieri posset sub aliquo prætextu quo præcaverentur incommoda, procul dubio facienda esset. 3^o Demum si una tantum pars impedimentum cognoscat, v. g. quia per crimen aliquod huic locum dedit, non tenetur illud alteri manifestare, quia nemo tenetur propriam turpitudinem revelare; et aliunde ex ea manifestatione gravissima plerumque sequerentur incommoda. Cum igitur, donec redintegratum fuerit matrimonium, omnino abstinere teneatur

ab usu matrimonii, sibi consulet meliori quo poterit modo juxta circumstantias.

271. II^{us} Casus : *quando unus tantum dubitat de valore matrimonii.*

1° Eum posse et debere *reddere debitum* admittunt communissimè theologi, sive probabilistæ, sive antiprobabilistæ, propter decisiones Innocentii III et Lucii III; illas enim decisiones respicere forum internum ex earum inspectione satis patet. Sed non consentiunt inter se quâ ratione nitatur hæc decisio, quam suæ sententiæ accommodare conantur sive probabilistæ, sive antiprobabilistæ. Putamus nos, tutius esse ut reddatur debitum, quia per redditionem incurritur tantum periculum violandi castitatem, si matrimonium sit irritum; dum per denegationem incurreretur periculum injustitiæ erga alterum conjugem. Porro gravius urget præceptum justitiæ quàm continentiæ. Quamvis autem ubi agitur de impedimento ligaminis de quo loquitur Lucius III, incurratur quoque periculum injustitiæ erga priorem conjugem, si fortè vivit, dici potest periculum esse gravius erga secundum conjugem, qui per denegationem exponitur variis periculis, incontinentiæ, iræ, suspicionum, blasphemiarum, etc. Sed quidquid sit de his rationibus, sequenda est decisio allata; et quidem etiam in casu quo dubium jam existerat tempore quo initum est matrimonium: deducitur tum ex declaratione Lucii III, tum quia mala fides unius non debet nocere alteri, qui supponitur in bona fide. Sed non applicatur decisio, quando altera pars aliunde privatur jure petendi debitum, v.g. per adulterium, etc. Ita admittunt etiam multi probabilistæ. Et reverà tunc redditio omnino æquiparanda est petitioni, ac proinde iis tantum permittenda quibus petitio permittitur.

2° Existimamus cum antiprobabilistis eum qui dubitat non posse *petere debitum*. Huc veniunt nostra principia circa conscientiarum informationem: huc specialiter decisiones Innocentii III et Lucii III. Excipimus tantum casum dubii circa impotentiam; ad quem spectat decisio Cœlestini III: et ratio specialis est, quia non nisi per experimentum cognosci potest an matrimonium sit validum.

Probabilistæ verò inter se scinduntur. Complures simpliciter permittunt petitionem debiti, decisionesque Pontificias restringunt ad illum qui probabilitatem habet de nullitate sui matrimonii, et nullam de valore, aut qui diligentiam non adhibuit ad Inquirendam veritatem, aut qui dubium practicum non deposuit.— Alii vetant quando dubium versatur circa mortem præcedentis conjugis, quia tunc possessio stat pro priori matrimonio; permittunt verò in aliis casibus. — Alii permittunt, quando dubium supervenit matrimonio jam inito; vetant, quando dubium præcessit.

Verùm duas posteriores opiniones explodit generalitas verborum Innocentii III; priorem verò sensus genuinus utriusque decisionis, Innocentii III et Lucii III, si attentè inspicatur.

272. III^{us} Casus : *quando uterque dubitat* de valore matrimonii. Existimamus pariter cum antiprobabilistis neutri licitum esse petere, ob rationes modò allatas, quia id nempe tutius; neutri licitum reddere, quia petens nulum jus habet petendi.

Inter probabilistas autem sunt, licet numero pauciores, qui indiscriminatim permittunt; sunt qui distinguunt inter impedimentum ligaminis, et alia impedimenta; sunt et quamplurimi qui distinguunt inter dubium superveniens matrimonio, in quo permittunt et petere et reddere, et dubium præcedens, in quo utrumque vetant.

Verùm ex qua parte assertioni nostræ contradicunt, possunt ex antea dictis satis refelli.

273. Una superest difficultas solvenda, quæ ex nostris principiis exsurgit : *Utrum conjux dubitans debeat alterum monere?* Scilicet si moneat, jam neuter jus habebit petendi, nec proinde aderit obligatio reddendi, et sic omne peccati periculum removebitur. — Sed constat saltem eam monitionem non esse semper faciendam; alioquin nunquam applicari deberent decisiones juris canonici. Et reipsa aliquando dubitans seipsum infamaret; sæpe probare non posset verum adesse dubium, sicque alter non teneretur ei credere; forsitan alter vellet a matrimonio resilire, non sine

multis periculis et incommodis. Si tamen aliquando nihil tale timendum esset, facienda esset monitio : sed id rarò eveniet.

§ 3. *Utrùm et quomodo conjuges qui advertunt sui matrimonii nullitatem curare debeant ut revalidetur.*

274. Quando matrimonium fuit invalidè initum, sic nuptis unum ex his quatuor mediis adhibendum est : debent vel petere matrimonii dissolutionem, seu potius sententiam quæ illud irritum declaret ; vel ab invicem discedere, ita ut sub variis prætextibus, licèt non legaliter, inter eos separatio fiat ; vel vivere ut frater et soror ; vel denique matrimonium redintegrare. Quodlibet ex iis mediis sua habet commoda, sua et aliquando incommoda. Sed quamvis ordinariè non nisi obtentâ dispensatione adhiberi possit quartum medium, plerumque satius erit ad illud recurrere, nempe redintegrare matrimonium ; ideoque ordinariè ad id hortandi sunt conjuges. Quomodò autem illud præstandum sit nunc exponendum habemus.

Tres fingi possunt hypotheses, prout matrimonium fuit invalidum ex defectu consensûs, vel ob clandestinitatem, vel ob aliud impedimentum : quid in unaquaque servandum sit sigillatim explicabimus.

275. I^a HYPOTHESIS : *quando matrimonium fuit irritum ex defectu consensûs.*

Triplicem Casum distinguere possumus. I^{us} Casus : *si defectus consensûs fuerit publicus*, aut publicus evaserit. Facilè intelligitur matrimonium tunc de novo ineundum esse coram paroco et testibus.

II^{us} Casus : *si defectus consensûs, licet occultus, sit alteri parti notus.* Tunc necessarium est ut privatim renovetur consensus utriusque conjugis.

III^{us} Casus : *si defectus consensûs sit alteri parti ignotus.* Satis est, absolutè loquendo, ut consentiat qui non consensit, dummodò cognoscat prioris matrimonii nullitatem, et alter consensum suum non revocaverit.

Prob. Quamvis non pauci doceant requiri ut accedat novus utriusque partis consensus, quia, inquiunt, qui con-

sensum ab initio præstitit censetur sub ea tantum conditione præstitisse, ut alter quoque hic et nunc, saltem moraliter loquendo, consentiret, ac proinde, deficiente conditione, idem est ac si ex neutra parte adfuisset consensus; probabilius tamen videtur sufficere ut nunc consentiat qui non consensit. Etenim 1° consensus alterius partis fuit ab initio in se validus, et invalidus tantum quoad effectum. De conditione quam allegant adversarii cogitatum non fuit; aliunde hæc non exigitur a Jure seu consuetudine, nec ad æqualitatem contractus, qui in omni sententia irrevocabilis non erit, nisi posito utriusque consensu; demum locum datura esset multis difficultatibus, quia nisi exigatur coexistentia physica utriusque consensus (quod e medio tolleret contractus per procuratorem et inter absentes), vix determinari poterit quanto temporis spatio alligatus fuerit prior consensus. 2° Consensus sic datus perseverat quandiu non est revocatus: est enim aliquid morale a tempore independens; igitur absque novo cujusquam actu effectum suum producet, statim atque sublatus fuerit defectus qui ex alterius parte obstat; sicque ex concursu duplicis consensus efformabitur matrimonium.

Dixi tamen 1° *modò pars quæ renovat consensum cognoscat prioris nullitatem*: alioquin consensus daretur ex errore; non posset censi novus consensus, sed continuatio prioris consensus invalidi, ac proinde semper invalidus remaneret.

Dixi 2° *modò altera pars non revocaverit consensum*; alioquin uterque consensus concurrere non posset, nec proinde contractum efformare.

Dixi 3° *absolutè loquendo*, quia opinio contraria, probabilitate non carens, in praxi tenenda est, quando id sine incommodo fieri potest; unde ea quam propugnamus non nisi in casu necessitatis inserviet.

Disputant auctores an ille novus consensus necessario debeat esse externus. Sed quidquid sit, necessarium non erit ut præmoneatur altera pars de novo illo consensu: satis manifestabitur eo quòd cum illa agatur veluti cum conjuge; ac proinde in praxi non erit difficultas.

Ex his intelligitur 1°, quando matrimonium irritum fuit ex defectu consensûs, opus non esse dispensatione, imò nec esse dispensationi locum : 2° non esse necessariam Concilii Tridentini formam nisi ille defectus sit publicus ; istud plenius adstruetur ubi de tertia hypothesis (n° 280).

276. II^a HYPOTHESIS : *quando matrimonium irritum fuit ob clandestinitatem.*

Hic est casus matrimoniorum merè civilium, ex dictis (n° 191). Porro tunc duplex occurrit modus matrimonium convalidandi.

I^{us} *Modus*, sine ulla dispensatione : renovetur consensus, et adhibeatur formalitas omissa, nempe præsentia parochi et testium.

Si duo conjuges in id consentiant, nulla erit difficultas. Solummodò videndum erit an nullitas matrimonii sit occulta, an publica. Si occulta, secretò contrahendum erit coram parochi et duobus selectis testibus, ad vitandum scandalum. Si publica, publicè procedendum erit, nisi ob peculiares circumstantias aliud expediat, et aliâ ratione removeri possit, et quamprimùm removeatur scandalum. Ita card. CAPRARA in *Instruct. super matrimon. invalidè initis tempore perturbat. Gallicæ*, n° 6 et 7.

Sed si una pars renuat se sistere coram parochi, ut sæpe evenit, expendetur undenam oriatur hæc renuentia. 1° Si ex indispositione ad sacramentum pœnitentiæ, nec paternis monitis rite disponi possit, et tamen assentiatur renovationi matrimonii, « Non erit illicitum, inquit idem cardinalis, n° 8, ad matrimonii celebrationem procedere, » non obstante illius indispositione. Pars enim innocens et instans, attentis circumstantiis, licitè utitur jure suo : » Ecclesiæ minister eidem innocenti directè ac licitè red- » dit jus suum, et indigna renuentis susceptio ejus duntaxat indispositioni tribuenda est. » 2° Si aliunde proveniat renuentia, vel si adduci nequeat ad matrimonium in facie Ecclesiæ convalidandum, « Tunc, pergit idem cardinalis, » n° 11, satagendum est ut specialem procuratorem constituat qui ejus nomine matrimonium contrahat de more : » aut saltem expresso consensu de præsentia per epistolam

» directam proprio parochio, vel alteri sacerdoti ordinarii
 » aut parochi licentiam habenti, matrimonium renovetur.»

277. II^{us} *Modus* matrimonium convalidandi est, ut obtineatur dispensatio. Scilicet, si hactenus exposita obtineri nequeant, requiritur dispensatio, quia lex Concilii Tridentini urget, quandiu non fuit impleta. Jam verò si concederetur dispensatio simplex ab illa lege, sufficeret ut conjuges consensum inter se renovarent : sed concedi non solet talis dispensatio. Si autem concedatur dispensatio *in Radice*, quæ huic etiam impedimento applicari potest ut videbimus, tunc servanda ea quæ infrà dicemus loquendo de tali dispensatione pro aliis impedimentis.

278. Quid verò, si *matrimonium caruerit benedictione sacerdotali*, nec tamen irritum fuerit?

Quæstio illa de triplici casu occurrere potest.

1^o *De Matrimoniis infidelium*. Nihil indicat in traditione aut Ecclesiæ annalibus, fuisse in more positum, ut, quando duo infideles validè nupti ad fidem convertebantur, eorum matrimonium coram Ecclesia benediceretur; neque etiam viget ea praxis in missionibus apud infideles. Unde dicunt auctores gratiam sacramenti, aut saltem benedictioni nuptiali annexam, suppleri posse per alia sacramenta frequenter recepta.

Cæterùm valde dubium est an, etiam susceptâ benedictione, tale matrimonium fieri posset sacramentum : de quo jam antea egimus (n^o 49).

2^o *De Matrimoniis hæreticorum*. Generalis Ecclesiæ praxis est etiam ut non benedicantur matrimonia hæreticorum qui convertuntur, quando in hæresi fuerunt validè inita. Contrarium tamen statuit Claudius DE SAINCTES, episcopus Ebroicensis, in Synodo habita an. 1576 : et ubi actum est de matrimoniis Hollandiæ, testabatur archiepiscopus Mechliniensis hanc esse missionariorum praxim, ut matrimonia renovari curarent, quando id commodè fieri poterat, et benedictionem conferri. Cùm Ecclesia nec præcipiat, nec prohibeat eam renovationem, servanda videtur variorum locorum consuetudo.

3^o *De Matrimoniis eorum qui non potuerunt recurrere*

ad parochum. Declaravit PIUS VI, « Fideles hortandos » esse, ut cum sacerdotis copiam habere possunt, ab eo » benedictionem petant, qui tamen illis declarabit hujus- » modi benedictionem ad validitatem matrimonii minimè » pertinere : » Idem statuit card. CAPRARA. Ante hæc tempora, videtur praxim Ecclesiæ non fuisse ut ad recipiendam benedictionem induceret, sive in hoc casu, sive quando alia de causa omissa est benedictio nuptialis : ita testatur BENEDICTUS XIV, *de Synod.* l. VIII, c. XIII, n° 8.

Cur autem in triplici illo casu Ecclesia non præcipiat benedictionem, colligi potest ex antea dictis (n° 43, 49).

279. III^a HYPOTHESIS : *quando matrimonium irritum est ob aliud impedimentum.*

Semper requiritur dispensatio, nisi impedimentum lapsu temporis, vel circumstantiarum mutatione desierit, ut evenire potest circa ætatem, metum, ligamen, etc. Duplex autem dispensationis species distinguitur : dispensatio simplex, et dispensatio *in Radice* : de utraque sigillatim dicendum.

I^{us} Modus : *cum dispensatione simplici.* Duplicem statuemus assertionem.

ASSERT. 1.—*Ut revalidetur cum dispensatione simplici matrimonium irritum, regulariter requiritur renovatio consensûs utriusque conjugis, prius certiorati de nullitate matrimonii.*

Prob. Id sequitur ex natura hujusce dispensationis, quæ conjuges reddit habiles tantum in posterum, et in ordine ad novum consensum. Quod ut melius evolvatur, explicandæ sunt et adstruendæ singulæ assertionis partes.

Dicitur 1° *Requiritur renovatio consensûs utriusque conjugis.* Id per se patet, quando impedimentum est utrique notum. Sed si uni tantum notum sit, et alteri manifestari nequeat, ut plerumque evenit, sine gravibus incommodis, quidam docuerunt sufficere ut renovetur consensus ab illo qui impedimentum novit. Verum communiter docent auctores requiri ut renovetur ab utroque. Deducitur 1. ex praxi et mente Ecclesiæ, quæ magnum agnoscit discri-

men, quoad consensûs renovationem, inter dispensationem simplicem, et dispensationem in radice : porro nullum adesset sub illo respectu, si simplex dispensatio eximeret a renovando consensu. 2. Ex ratione. Impedimentum tollit efficaciam consensûs ab ipso principio; ergo remanet inefficax, nisi renovetur, et proinde nullum effectum potest producere, quia perseverat eodem modo quo datus est : dispensatio autem simplex non sanat vitium quod præcessit, sed partes reddit solummodò capaces in posterum.

Addimus tamen *regulariter*, quia si ageretur de impedimento quod unam tantummodò partem attingeret, eamque solam inhabilem redderet, tunc videretur applicari posse quæ suprâ diximus (n° 275) de casu in quo una pars fictè consensit : sufficeret renovatio consensûs ex parte inhabilis; etenim consensus alterius fuit ab initio validus; nunc perseverat; ergo, accedente consensu illius qui invalidè consenserat, perficietur contractus. Hinc si fidelis duxisset non baptizatam, quæ ignorat impedimentum, sufficeret ut, cessante infidelitate vel obtentâ dispensatione, fidelis renovaret consensum, quia consensus infidelis fuit validus, cùm Ecclesia non potuerit ipsi imprimere inhabilitatem personalem. Quidam id extendunt ad alia impedimenta; sed saltem plerumque utramque partem afficit impedimentum, ac proinde utraque pars renovare debet.

Dicitur 2° *Certiorati prius de nullitate matrimonii*. Quia theologi communius id requirunt; et meritò. Etenim renovatio consensûs, ut tollatur matrimonii nullitas, procedere necessariò debet ex intentione efficiendi matrimonium; ille autem qui credit prius matrimonium fuisse validum, non vult matrimonium efficere, sed tantum renovat et ratihabet prius initum; quod cùm nullum sit, hujusmodi consensu convalidari non potest. Illudque verum est præsertim, quando agitur de conjugè qui præsumitur matrimonium dissoluturus, si nullitatem agnosceret; tunc censetur dicere se velle matrimonium, sed quale fuit ab initio, et non aliud.

Docent tamen plures non requiri notitiam explicitam nullitatis, sed sufficere ex natura rei consensum isto modo

datum : *Volo (et non tantum vellem) te accipere in conjugem, si forte non valeat nostrum matrimonium.* In eo enim casu, adest cognitio æquivalens : non tantum intendit in matrimonio inito perseverare, sed denuò contrahere sub conditione; cum autem conditio existat, verè contrahit : unde consensus non datur ex errore.

Dixi *ex natura rei*, quia aliquid ampliùs exigere videtur S. Pœnitentiaria quæ apponit semper in suis rescriptis hanc clausulam : alterâ parte *de nullitate prioris consensûs certioratâ*. Nonnulli, ait BENEDICTUS XIV, *Instit. LXXXVII, n° 67*, solam instructionem, non verò conditionem illis Pœnitentiariæ verbis contineri censuerunt, quæ proinde prætermitti possit, quando gravia indè timentur incommoda. Ipse tamen judicat, n° 68, haud probari posse illorum opinionem; nam certissimum est inter jurisperitos quòd vera conditio ex ablativo absoluto consequitur; quâ de re prætermitti nullo modo potest, licèt gravissima incommoda interponantur. Deinde ostendit eam inniti juri communi, et consentaneam esse magis probabili auctorum opinioni. Unde intelligitur in praxi obsequendum esse huic mandato S. Pœnitentiariæ.

Hinc varios modos excogitârunt auctores ad obtinendam renovationem consensûs a parte impedimenti insciâ, qui apud ipsos videri possunt. Unum tantum indicabimus, quia cæteri clausulæ memoratæ non satisfaciunt. Is est ut pars impedimenti conscia dicat alteri : *Non rite consensi matrimonio; unde ex consilio confessarii oportet ut renovemus consensum*. Sic conjux ignarus impedimenti matrimonium irritum cognoscit, neque ullum mendacium admiscetur, quia certum est non rite traditum fuisse consensum : hinc unanimes theologi hunc modum cæteris anteponunt. Verum satis intelligitur, non rarò multa inde sequi posse incommoda : tum quia altera pars facilè suspicabitur aliquid ampliùs adesse, tum quia forsan matrimonium dissolvere attentabit. Aliquando forsan, rebus omnibus diligenter examinatis, nova aliqua ratio invenietur, quâ ignaro conjugii irritum matrimonium declaretur, nec tamen pateat crimen quod impedimentum induxit, et nulla

prorsus incommoda consequantur : sed aliquando etiam vix aliud supererit medium, ad redintegrandum matrimonium, ac dispensatio *in Radice*, de qua mox dicemus.

280. ASSERT. 2.—*Non est necesse ut consensus renovetur coram parcho et testibus, nisi vel omissa fuerit primâ vice hæc formalitas, vel impedimentum sit publicum.*

Prob. et explicatur. 1° Si omissa fuerit formalitas præscripta a Concilio Tridentino, faciliè intelligitur ex dictis huic satisfaciendum esse. 2° Pariter *si impedimentum sit publicum*, idem agendum est ac si nunquam celebratum fuisset matrimonium coram Ecclesia, quia alioquin non constaret Ecclesiæ de validitate matrimonii; sicque novum impunè iniri posset. Ita admittunt omnes, et exigunt Brevia Datariae. 3° Demum *si impedimentum sit occultum*, licèt quidam existiment nihilominus contrahendum esse denuo coram parcho et testibus, illud non esse necessarium docet BENEDICTUS XIV, *Instit.* LXXXVII, n° 62, et supponit jam nullam superesse debere difficultatem. 1. Ex auctoritate. Ita statuit S. Pœnitentiaria ex auctoritate S. Pii V; ita S. Congregatio Concilii; ita demum varia Romæ tribunalia, quæ aliter aliquandiu judicare visa fuerant. Hæc omnia refert Benedictus XIV, *ibid.* 2. Ex ratione. Lex Concilii Tridentini non respicit casum de quo nunc agimus. Etenim danda non est illi legi extensio, quæ esset inutilis, imò et noxia : atqui esset inutilis : satis enim constat Ecclesiæ de matrimonio, et obtentus fuit finis Concilii; si vellent sic nupti novum matrimonium inire, ab eo cohiberentur, quia non possent ostendere prioris nullitatem : esset noxia, quia daret locum variis scandalis, partes exponeret diffamationi et multis sæpe incommodis. Ergo lex Concilii dicenda est vel non attingere præsentem casum, vel jam fuisse impleta.

281. Sed quæri potest, *an saltem necessarium non sit recipere denuo benedictionem nuptialem*, ne sponsi careant gratiâ sacramentali?

1° In opinione quæ tenet contrahentes esse ministros, dicendum est ea sufficere ad conficiendum sacramentum,

quæ sufficiunt ad convalidandum contractum, quia unum sequitur naturam alterius. 2º In opinione quæ tenet sacerdotem esse ministrum, necessaria erit benedictio eo momento quo redintegratur matrimonium, ut ei sacramenti ratio asseratur : nisi quis malit dicere sacramentum remanere in suspenso, quemadmodum admittunt multi, ubi agitur *de matrimonio inito sub conditione de futuro contingenti*; quo posito, dicendum foret sacerdotem evehere ad dignitatem sacramenti contractum sive præsentem, sive futurum, quemadmodum confessarius evehit ad dignitatem partis integrantis sacramenti Pœnitentiæ satisfactiones postea a pœnitente peragendas.

Sed quidquid sit de quæstione speculativâ, putamus in praxi non adesse rationem sufficientem obligandi in omnibus casibus ad denuo contrahendum coram paroco : hujusmodi enim obligationem non imponit Ecclesia, sive quòd existimet contrahentes esse ministros, sive quòd judicet fieri sacramentum modo mox exposito, sive demum quòd permittat incurrere periculum sacramenti non recipiendi propter incommoda quæ ex diversa agendi ratione sequerentur, quemadmodum id permittit in ea sententia ubi agitur de matrimoniis mixtis vel de matrimoniis validè initis absque benedictione sacerdotali. Attamen si nullum adsit incommodum, opportunum videretur hortari conjuges ad recipiendam benedictionem, cui semper gratias annexas esse constat. Ita pluries monet COLLET, aitque hanc servare praxim eos qui missionibus per pagos et villas incumbunt.

282. II^{as} Modus : *cum dispensatione in Radice*. Ut ille modus plenè exponatur, plura sunt expendenda.

I. *Quid sit dispensatio IN RADICE?*

Dispensatio in *Radice*, qualem in præsentì spectamus, ea est per quam matrimonium ex irritò fit validum absque renovatione consensûs. Ut autem innotescat quomodo id fieri possit, et quænam sit proinde talis dispensationis natura, duplici modo concipi potest consensum inefficacem reddi ad producendum suum effectum, seu vinculum matrimoniale : 1º ita ut penitus et in perpetuum vis illius

destruatur; 2° ita ut cohibeatur tantum ad tempus et donec Ecclesiæ placuerit. Impedimenta primi generis vocari possent resolutoria; posterioris verò, suspensiva. In impedimentis resolutoriis non daretur locus, ut patet, nisi dispensationi simplici: suspensiva autem admittere possunt æquè et dispensationem simplicem quæ priorem consensum invalidum relinquat novumque exigit, et dispensationem *in Radice* quæ permittat ut prior consensus vim suam exerat. Intelligitur ergo quomodo, posita ista dispensatione, matrimonium fiat ex irrito validum absque renovatione consensûs.

Dixi *qualem in præsentī spectamus*, quia si velimus dispensationem *in Radice* sub omnibus respectibus investigare, intimamque ejus naturam adæquatè perscrutari, alia proferenda erit definitio. Sic definiri poterit: *Legis ecclesiasticæ quæ impedimentum induxit abrogatio in casu particulari, conjuncta cum irritatione omnium effectuum etiam ante ex lege secularum.* Ita iisdem fere verbis BENEDICTUS XIV, *Quæst.* 527; quæ alibi magis evolvens ait eam dispensationem effectum suum producere, « Non sanè agendo ut matrimonium nulliter contractum non » ita contractum fuerit, sed effectus illos de medio tollendo qui, ob hujusmodi matrimonii nullitatem, ante indultam dispensationem, ac » etiam in ipso contrahendi matrimonii actu, producti fuerunt. » Eadem occurrit notio in *Instruct. card. CAPRARA*. Differt ergo dispensatio simplex a dispensatione *in Radice*, in eo quòd prior effectum non habet nisi a tempore quo datur, *ex nunc*, inquit canonistæ; posterior verò effectum producit a tempore initi matrimonii, *ex tunc*: unde prior non tollit effectus ante dispensationem seculos; posterior autem res in eodem statu reponit ac si impedimentum nunquam existisset. Porro tres distingui possunt effectus legis matrimonium irritantis: vi illius, consensus mutuus fuit invalidus; ex illa invaliditate orta est nullitas matrimonii; et ex illa nullitate secuta est illegitimitas filiorum. Cum ergo dispensatio *in Radice* effectus illos tollat, hæc tria operabitur: 1° sanabit vitium consensûs; 2° validitatem matrimonio conferet; 3° filiis legitimitatem tribuet. Aliquando unus tantum ex illis effectibus intenditur, quia cæteri non sunt necessarii. Hinc hujusmodi dispensatio aliquando concedi potest etiam altero conjugum mortuo; vel superstitibus duobus, licèt ambo consensum renovare parati sint; ut nempe provideatur sorti filiorum. Hinc pariter dari potest dispensatio *in Radice* quæ non eximat a renovando consensu; quia, etiam posita illà renovatione, non ideo inutilis erit talis dispensatio, et naturam suam servabit, si matrimonium validum efficiatur, non vi novi illius consensûs, sed per convalidationem prioris, non *ex nunc*, sed *ex tunc*. Attamen hodie in Gallia, cum dispensatio *in Radice* non legitimet filios in ordine civili, et legitimatio in ordine ecclesiastico

aliâ viâ obtineri possit, ad illam dispensationem non recurritur, nisi quando obtineri nequit sine incommodis gravibus renovatio consensûs; ideoque sub eo tantum respectu eam investigare in præsentî interest.

283. II. *An Ecclesia possit concedere dispensationes IN RADICE?*

ASSERT.— *Potest Ecclesia, vel S. Pontifex, ex urgenti et gravissimâ causâ, concedere dispensationes IN RADICE quoad impedimenta juris duntaxat ecclesiastici.*

Prob. 1º Ex praxi SS. Pontificum, quæ a pluribus sæculis est omnino certa et constans. Inter SS. Pontifices qui dispensationes concesserunt ut matrimonium ex irritò fieret validum sine renovatione eonsensûs, citari possunt Clemens IX, Clemens XI, Clemens XII, Benedictus XIV, Clemens XIII, Pius VI, Pius VII (P. M. 1432).

2º *Ex auctoritate theologorum et canonistarum. Quamvis pauci agant de iis dispensationibus sub eo præcisè respectu sub quo eas hic consideramus, earum tamen possibilitatem supponunt : docent S. Pontificem posse legis effectus abrogare, non solum in futurum, sed quoad præteritum; posse res in eodem statu reponere, ac si nullum adfuisset matrimonii impedimentum; docent præsertim eum posse filios legitimare eo modo ut legitimatio vim habeat, non solum quoad effectus spirituales, sed etiam indirectè quoad effectus civiles, quia res ad eundem statum reducuntur ac si semper validum fuisset matrimonium (P. M. 1426) : porro hæc omnia supponunt dari posse dispensationem qualem exposuimus, prout advertunt quidam ex ipsis; cum sublatis omnibus legis effectibus naturaliter sequatur matrimonii validitas. Unde BENEDICTUS XIV non solum asserit, *Quæst. 527, nefas esse dubitare de hac potestate S. Pontificis*, sed ait, *Quæst. 174, ita docere communiter canonistas*, quibus adjungit theologos.*

3º *Ex ratione. Facilè concipitur Ecclesiam dispensare posse in Radice, si impedimenta juris ecclesiastici suspendant tantum consensûs efficientiam; tunc enim matrimonium sit validum virtute prioris consensûs, qui, remoto obice, vel sanato vitio quod ejus efficaciam cohibebat, jam*

effectum suum producit; porro talia sunt reipsa impedimenta ecclesiastica. Ille modus est 1. in se possibilis; nullam involvit repugnantiam; nec certè major requiritur potestas ad suspendendam, quàm ad prorsus tollendam consensùs efficaciam: 2. melius congruit sapientiæ legislatoris; finem suum pariter consequitur, cùm contrahentes sint ex parte sua æquè inhabiles ad matrimonium; aliunde tamen præcavet gravissima incommoda quæ non rarò sequerentur ex necessaria consensùs renovatione: 3. congruit praxi Ecclesiæ; de facto enim concedit dispensationes *in Radice*, nec tamen intendit supplere consensum: unde ex *facto* ad *jus* concludere possumus.

Dixi 1º *Ecclesia vel S. Pontifex*, quia ad episcopum non pertinet talem dispensationem concedere. Ita asserit BENEDICTUS XIV, Constit. *Etsi matrimonialis*, et supponunt communiter auctores. Et reverà hujusmodi dispensatio majorem auctoritatem requirit, quàm dispensationes ordinariæ, cùm includat abrogationem legis ecclesiasticæ, non solum in futurum, sed etiam quoad præteritum: aliunde episcopis quoad hujusmodi dispensationes nulla suffragatur consuetudo; nec præsumi potest Ecclesiæ aut S. Pontificis consensus.

Dixi 2º *ex urgenti et gravissimâ causâ*: hæc aut similia verba semper adhibet BENEDICTUS XIV, quando loquitur generatim de iis dispensationibus; et quando eas spectat quatenus eximunt a renovatione consensùs, asserit ad tempus usque quo scribebat non fuisse concessas hujusmodi dispensationes, nisi quando *irrita matrimonia confecta fuerant a magna hominum multitudine, non autem a peculiari homine*. Postea nonnunquam concessæ fuerunt privatis, quando una pars ignara nullitatis prudenter moneri nequit, vel non potest adduci ad renovandum rite consensum.

Hinc invalida esset dispensatio *in Radice*, quam ex indulto concederet episcopus in casu quo adduci possent sponsi ad renovandum consensum; quia tunc sufficit dispensatio simplex ad scopum attingendum. Unde card. CAPRARA monet ut non deveniatur ad dispensationem *in Radice*, nisi quando obtineri nullatenus potest renovatio consensùs.

Dixi 3^o *quoad impedimenta juris duntaxat ecclesiastici* : etenim non datur locus dispensationi *in Radice*, quando agitur de impedimento juris naturalis aut divini; sic matrimonium illius qui duxit secundam uxorem, vivente priori, non potest convalidari per dispensationem *in Radice*, etiam post prioris mortem, ut pluries observat BENEDICTUS XIV, speciatim *de Synod.* l. XIII, c. XXI, n^o 7. Et reverà, ut valeret talis dispensatio, auferendi essent quoad præteritum effectus ligaminis; quod cum excedat auctoritatem Ecclesiæ, consensus remanet radicaliter nullus, quia, etiam postquam desiit impedimentum, subsistunt illius effectus.

284. III. *Quibusnam sub conditionibus possint et soleant concedi dispensationes IN RADICE?*

Duæ conditiones præcipuæ assignari possunt.

Prima conditio est, ut *prior consensus verus fuerit et seriò datus* : alioquin non adesset radix matrimonii, ut loquitur BENEDICTUS XIV. Et illud est quod intendit idem Pontifex, et card. CAPRARA, quando exigunt ut conjunctio extrinsecam speciem habuerit justi matrimonii, nec fuerit manifestè fornicaria.

Hinc si agatur de matrimonio merè civili, quamvis sit coram Deo verus concubinatus, poterit tamen convalidari per dispensationem *in Radice*, quotiescumque sic nupti verè matrimonium contrahere voluerunt, quia talis matrimonii nullitatem non cognoscebant, aut de ea non cogitabant : quod satis ordinariè evenit, cum pauci vim et effectum impedimenti clandestinitatis omnino perspecta habeant.

Secunda conditio est, ut *constet utriusque conjugis consensum perseverare* : si vel ab uno revocatus fuisset, locus non foret dispensationi. Ita communiter auctores recentiores. Quidam tamen hanc conditionem non absolute necessariam esse contendunt, quia, juxta eos, conjuges dederunt consensum suum ut irrevocabilem, ideoque talis censi debet ex eorum parte. Quidquid sit, hæc nobis, in ordine ad praxim, statuenda esse videntur. 1^o Si rescriptum exigit ut constet de perseverantia consensûs,

et media præscribat quibus id constare possit, hæc profectò adhibenda erunt. 2° Si rescriptum nihil peculiariter præscribat, agendum erit juxta circumstantias : unde, si, ut ordinariè evenit, obtenta fuerit dispensatio propter incommoda ex manifestatione nullitatis et renovatione consensùs oritura, exigendus non erit actus expressus conjugum quo constet eos in consensu perseverare; alioquin reducerentur incommoda de quibus vitandis agitur : satis ergo erit ut confessario constet, quantum patientur rerum adjuncta, revocatum non fuisse consensum.

285. IV. *Quid præstandum sit, quando obtenta fuit dispensatio IN RADICE?*

1° Non requiritur renovatio consensùs, saltem utriusque conjugis. Intelligitur ex dictis circa scopum qui apud nos hodie intenditur, quando recurritur ad dispensationem *in Radice*. Unde si rescriptum dispensationis præscriberet hanc renovationem, profectò facienda esset : sed, tunc non foret dispensatio qualis nunc apud nos sumitur.

2° A fortiori non requiritur ut servetur formalitas Concilii Tridentini.

3° Sic procedi potest, quando una pars est rite disposita, et altera vel ignorat nullitatem et moneri nequit, vel non vult consentire renovationi. Sacerdos ad hoc delegatus, in tribunali vel extra, hanc pronuntiat formulam : *Ego potestate apostolicà mihi specialiter et expressè mandatà, matrimonium a te N.... cum N.... in consensu adhuc permanente nulliter contractum, in radice ejus sano et consolidò, prolemque susceptam et suscipiendam legitimam declaro, in nomine Patris †, et Filii †, et Spiritùs † sancti. Amen.* Deinde instrumentum redigit, in quo refert quæ a se peracta sunt in vim delegationis ipsi commissæ, et indicat media quæ adhibuit ut constaret de permanente alterius partis consensu.

4° Curandum est, pro temporis opportunitate, tum ut constet de revalidatione matrimonii, tum ut reparetur scandalum, si adfuerit. Scilicet si nullitas sit publica, vel sanatio matrimonii notoriè perficienda est; vel, si secretò ad vitandam aliquam perturbationem fiat, evulgandum

postea quod factum est; vel demum, si etiam hujusmodi evulgationi locus non sit ob imminens aliquod periculum, exquiratur modus quo publicum scandalum removeatur, et interim magnâ circumspectione opus erit in admittendis conjugibus ad sacramenta, ne ulla scandali præbeatur occasio. Ita card. CAPRARA, n^o 15 et 16. Si verò nullitas sit exteris ignota, licet utrique vel saltem uni conjugi nota, sanatio occultè fieri posset. Si demum nullitas ipsis conjugibus esset ignota, nihil præstandum superesset, nisi ut media quædam adhiberentur quibus constaret de revalidatione matrimonii, ne posset postea dissolvi, si fortè detegeretur impedimentum: aliquando, peractâ re, moneri possent conjuges; sed illud non videtur necessarium, et quandoque variis daret locum incommodis.

5^o Observat D. BOUVIER, eum qui facultatem dispensandi *in radice* obtinuit satagere debere ut sponsi in statu gratiæ constituentur, eo tempore quo ipsis dispensationem applicabit; forsitan enim tunc recipient sacramentum.

§ 4. *Quid agere debeant confessarius aut parochus quando inter nupturos vel jam nuptos detegunt aliquod impedimentum.*

286. Officium confessarii et parochi est invigilare ut nupturi vel nupti satisfaciant obligationibus quæ ipsis incumbunt pro variis in quibus versantur circumstantiis, secundum ea quæ in toto præsentis articulo diximus. Ut autem intelligatur quousque extendenda sit hæc eorum obligatio, de utroque sigillatim dicemus.

I. *De officio confessarii.* Si impedimentum sit pœnitenti notum, satis per se patet teneri confessarium eum avertere a matrimonio ineundo, et, si jam initum sit, ab illius usu donec revalidatum fuerit: sed ejus potestas non prætergreditur limites fori interni.

Tota difficultas est, an, si pœnitens impedimentum ignoret, confessarius possit et debeat eum monere: posito autem quòd eum non moneat, quia non sperat profuturam esse monitionem, an possit nihilominus eum absolvere?

Porro illud pertinet ad quæstionem generalem : *An monere debeat pœnitentem qui versatur in ignorantia.* De ea agitur in Tr. *de Pœnitentia.* Hic sufficiat observare confessarium, qui nullum ex monitione fructum sperat, posse ex satis communi sententiâ pœnitentem in bona fide relinquere, quando agitur de matrimonio jam inito; non ita verò concordare auctores, quando agitur de matrimonio ineundo, et saltem certum esse tunc eamdem decisionem, si admittatur, nonnisi rarissimè applicandam esse, et quando ex monitione graviora timerentur incommoda.

287. II. *De officio parochi.* Si impedimentum sit *publicum*, dubium non est quin teneatur matrimonio obsistere. Sed si sit *occultum*, videndum an sit tamen partibus notum, an ignotum.

1°. *Si impedimentum sit partibus notum*, quæstio est an parochus, qui illud solus novit aliâ quàm confessionis viâ, nec potest illud probare, possit et teneatur matrimonio obsistere?— Negant quidam theologi, quia sacramenta non sunt deneganda peccatori occulto publicè petenti. Verùm aliter sentiunt multi, aitque BENEDICTUS XIV, *de Synod.* l. VI, c. VII, n° 7, hanc sententiam esse non solum tutiorem, sed communiorem. Etenim ut ratiocinatur DE LUGO, quem eâ de re consuli vult idem Benedictus XIV, quamvis non possit parochus denegare assistentiam matrimonio præcisè quia cognoscit sponso esse in statu peccati, si peccatum sit occultum, aliud tamen dicendum, quando adest aliquod impedimentum canonicum. Etenim in matrimonio parochus non est tantum minister sacramenti aut benedictionis, sed est testis et iudex contractus : porro iudex auctoritatem habet examinandi et inquirendi an contractus legitimè fiat; sic notarius non debet conficere instrumentum contractus in quo non servantur leges. Ergo, etc. Et verò si impedimentum probare posset, ex omnium confesso tolleretur difficultas : atqui illud locum non haberet in aliis sacramentis; ergo adest discrimen inter matrimonium et alia sacramenta. Tandem per parochi resistantiam, saltem differetur peccatum; imò sæpe impedi-

tur, vel quia partes desistent, vel quia episcopus, ex parochi testimonio, aut matrimonium prohibebit, aut dispensationem concedet, si locus sit.

288. 2°. *Si impedimentum sit partibus ignotum*, quaeritur an parochus debeat iis notum facere? — 1. *Si matrimonium nondum sit initum*, non eadem prorsus est illius conditio ac confessarii, ut intelligitur ex modò dictis : potest enim et debet matrimonio obsistere. Observandum tamen ea quæ olim statuebant auctores non eodem modo verificari hodie : si enim impedimentum tale sit quod non agnoscatur a lege civili, timendum est sæpe ne sponsi quos matrimonio jungere recusabit parochus, civiliter nihilominus nubant, et non ampliùs curent de matrimonio coram Ecclesia ineundo, sicque per monitionem in statu peccati formalis constituentur.

2. Si agatur *de matrimonio jam inito*, et locus sit sperandi monitionem esse profuturam, et remedium adhiberi posse absque ullo graviore incommodo, nullum dubium est quin moneri debeant conjuges de invaliditate matrimonii : fornicatio enim, etiam merè materialis, vitanda est, quando id fieri potest. Si verò ex monitione seu impedimenti revelatione non speretur fructus, et contrà gravia timeantur incommoda, prout non rarò evenit, tunc partes relinqui debere in bona fide admittunt communiter auctores, et probant ex decisione INNOCENTII III, cap. *Quia circa*, VI, *de Consanguinitate* : ibi S. Pontifex loquens de sponsis qui contraxerant post dispensationem subreptitiè obtentam, ait episcopo : *Dissimulare poteris ut remaneant in copula sic contracta, cum ex separatione grave videas scandalum imminere*. Quamvis non concordent omnes circa sensum Pontificiæ decisionis, ubi plures vident dispensationem a S. Pontifice concessam, stat communis auctorum sententia, quæ expressè traditur in *Instructione* Card. CAPRARA. Et ratio est quòd ponendus non sit actus inutilis et nocivus, qualis esset monitio in facta hypothesi ; cum enim contrahentes non supponantur huic obtemperaturi, id unum obtinebitur, ut eorum peccatum e materiali formale evadat, et alia gravia mala inducantur.

Cæterum, quoad hanc monitionem faciendam aut non faciendam a confessario vel paroeo, duo sunt adhuc advertenda. 1. Quando admittitur omitti posse hanc monitionem, juxta decisionem mox allatam, supponitur, ut patet, contrahentes versari in ignorantia invincibili; si enim esset vincibilis, jam non adesset eadem ratio. 2. Etiam quando parochus aut confessarius judicant monendos esse conjuges de impedimento, fieri potest ut nonnunquam expediat differre monitionem, donec obtenta fuerit dispensatio, si nempe alioquin nimio periculo exponendi forent. Et sanè plerumque facilius monitioni obsequentur, quando cognoscent statim malo remedium afferri posse; unde concipitur satis gravia esse posse incommoda ut impellant ad differendam monitionem, quamvis non sufficiant ad eam prorsus omittendam.

CAPUT V.

DE IMPEDIMENTIS MATRIMONII CIVILIBUS.

289. Eundem compendiosè ordinem sequemur ac ubi de impedimentis canonicis: unde expendemus, 1° an princeps possit statuere impedimenta dirimentia; 2° an princeps voluerit in Galliis impedimenta hujusmodi statuere; 3° quænam sint impedimenta civilia apud nos admissa; 4° quid in praxi agendum quoad illa impedimenta.

ART. 1. *An possit princeps secularis statuere impedimenta matrimonium dirimentia.* x

290. Quæstio hæc non movetur, 1° de impedimentis quæ irritent contractum in foro externo civili, et conjuges privent effectibus civilibus; nemo enim potestatem ea statuendi denegare potest principi.

2° Non agitur etiam, saltem primariò, de impedimentis merè prohibentibus. Communiter admittunt auctores principes posse ferre hujusmodi impedimenta, quæ etiam in conscientia vim habeant, si justa supponantur.

Agitur ergo de impedimentis quæ irritent ipsum contra-

x - 26. 6. 12. 5 / 2 - 5 h - 6 / 2 27. 11/16.

etum matrimonii naturalem, sensu quo in præcedenti capite (nº 129) exposuimus; et quæritur utrùm possint principes ea jure proprio et suæ auctoritatæ innato, statuere.

Porro quatuor proferuntur opiniones. 1º Alii contendunt principes ex ipsa rei natura nec posse, nec unquam potuisse irritare matrimonium. 2º Alii concedunt principes id posse ex natura rei, sed propugnant eos excidisse ab hac potestate quoad subditos christianos, ex quo Christus matrimonium evexit ad dignitatem sacramenti. 3º Alii admittentes principem habere hanc potestatem ex naturâ rei, nec eam amisisse propter institutionem sacramenti, dicunt fuisse per reservationem Ecclesiæ sublatam principibus christianis quoad subditos christianos. 4º Alii demum existimant hanc potestatem principibus competere ex natura rei, nec fuisse iis ablatam sive per institutionem sacramenti, sive per reservationem Ecclesiæ, proindeque eâ semper ipsos gaudere.

Ex hac brevi enuntiatione intelligitur quatuor opiniones fundamentis omnino diversis inniti, et tres priores in eo solùm convenire quòd quartam impugnent. Singularum momenta exponere satis erit: quod ut accuratè præstemus, earum argumenta ita proponemus, ut simul non omittamus indicare quid afferri soleat ad eorum vim elidendam.

291. *Expenditur 1ª OPINIO, quæ scilicet auctoritatem principibus denegat* ~~ATTENTA SOLA MATRIMONII NATURA.~~
institutions politiques

Hanc tenent quidam auctores, sat numero pauci, qui contendunt matrimonium, etiam infidelium, seu in sua tantùm natura spectatum, non subjacere auctoritati principum. 1. Quia necesse foret principem attingere ipsasmet contrahentium voluntates, et de eorum personis disponere: atqui talem potestatem non habet; auctoritas enim illius versatur quidem circa bona civium, sed non circa eorum voluntates. 2. Nil aliud potest princeps quàm quod exigit bonum publicum: atqui bonum publicum non ex postulat ut leges illius attingant vinculum matrimonii; sufficit ut attingant forum externum et effectus civiles. Ita BARRUEL, et quidam alii. 3. Matrimonium dicendum est

contractus divinus, cum habeat Deum institutorem (suprà, n° 25); porro principes nihil possunt in ea quæ sunt juris divini. Ita MUZZARELLI, LAMENNAIS, etc. MARTIN.

Huic primæ opinioni adversantur trium aliarum opinionum patroni, id est, non solum theologi Galli, sed etiam plerique ex extraneis, his momentis innixi. 1. Ut adstruatur principum auctoritas, sufficit ostendere matrimonium, non solum quoad effectus civiles, sed in se spectatum, principum auctoritati subjici; siquidem, ut jam dictum est (n° 132), potestas suprema et independens, quandiu versatur in suo foro, non alios agnoscit limites nisi justitiæ et æquitatis, et nedum obstat justitia, contra non raro postulat ut matrimonium irritetur, prout jam pariter exposuimus: atqui reverà, etc. Principi enim subjiciuntur quæcumque per se et ex natura sua directè tendunt ad bonum temporale societatis et civium, ut omnes debent agnoscere: atqui tale esse matrimonium per se videtur evidens, est enim basis et fundamentum totius societatis; ex eo bene vel male instituto præcipuè pendet totius societatis status, ut agnoverunt semper legislatores et quicumque de bono societatis scripserunt. 2. Communiter admissum videtur principem posse irritare alios contractus, v. g. donationis, venditionis, etc., non solum quoad vinculum legale seu externum, sed etiam quoad vim naturalem et in foro conscientiæ: porro, nedum excipi debeat matrimonium eo quod sit contractus longè excellentior, contra huic a fortiori applicandum est idem principium; siquidem ex una parte, multo magis influit in bonum societatis; ex altera verò, cum id speciale habeat ille contractus, ut, semel valide initus, sit indissolubilis, minùs efficaciter scopum suum attingeret legislator, si soli effectus civiles irritarentur, nec ipse contractus attingi posset. 3. Nisi admittatur hæc opinio, dicendum erit matrimonia infidelium, ad quos non extenditur jurisdictio Ecclesiæ, non aliis impedimentis dirimentibus subjici quàm impedimentis juris naturalis et divini: atqui illud maximum est incommodum: ubique enim et semper agnitum est moraliter necessarium esse, ut ipsummet vinculum matrimoniale subjiciatur impedimentis

DE MATRIMONIO.

12

Sed, matrimonium, dicitur hunc civile esse, licet princeps, si alia potestas illi superior potestas non committitur, sed si Ecclesia omnibus providet, principibus non committitur.

dirimentibus positivis, quibus nempe juxta varias locorum et populorum circumstantias ordinetur. 4. Demum « huic » sententiæ adhæret in praxi S. Sedes, inquit D. PERO-
 » CHEAU, *Theolog. ad usum mission. Sutchuensis*, t. II,
 » p. 346, quæ declaravit invalida esse infidelium matri-
 » monia quæ legibus patriæ irritantibus adversantur, nisi
 » per consuetudinem abrogatæ fuerint illæ leges. » Quam
 quidem declarationem non satis advertisse videtur P. PER-
 BONE, n° 242, ubi docet principem non posse attingere
 matrimonium subditorum, etiam infidelium, nisi in ordinæ
 ad effectus civiles, non autem in foro conscientiæ et coram
 Deo.

292. *Expenditur II^a OPINIO, quæ nempe auctoritatem principibus denegat EX INSTITUTIONE SACRAMENTI.*

Duplici sensu propugnari potest et reipsa propugnatur hæc opinio : dici nempe potest subtractionem matrimonii ab auctoritate principum vel fuisse consecrarium naturale ipsius elevationis ad esse sacramentale, vel ortum habuisse a speciali voluntate Christi ita statuentis. Sic autem ratiocinantur qui hanc sententiam tenent. Matrimonium, utpote elevatum ad dignitatem sacramenti, factum est aliquid sacrum, ac proinde soli potestati spirituali subjectum. ^{Insuper} materia sacramenti non est contractus civilis, sed tantum contractus naturalis, ac proinde subsistere potest sacramentum, licet princeps irritet contractum civilem. Ita PONTIUS, GALESIIUS, *Theolog. Wirceburgensis*, SCHMALZGRUEBER, MOSER, SARDAGNA, D. BOUVIER, P. PERBONE, etc.

Huic opinioni adversantur auctores tertiæ et quartæ opinionis, de quibus modò ; ideoque iterum non solum theologi Galli, sed et plures extranei, ut SANCHEZ qui ita absque dubio pronuntiat, BECANUS, LAYMAN, SALMANTICENSES, HENNO, PIRHING, BROCARDO, SELVAGGIUS, et generatim omnes qui adducunt reservationem Ecclesiæ ; hæc enim inutilis fuisset, si ex solâ sacramenti institutione principes potestatem suam amisissent. Nituntur autem duplici præsertim momento. 1° Ex contractûs naturâ. Licet matrimonium ad dignitatem sacramenti elevatum fuerit, non desiit esse contractus naturalis et civilis ; naturalis quidem, ut patet ; civi-

* *Calixtus non potest omnino à se liberâ voluntate : cum ecclesia solus legibus civilibus potestati administrationem remittat, potest civilem potestatem legibus subverti.*
 1. n. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

lis, utpote semper influens in bonum societatis; ergo sub hoc respectu semper ordinationi principis subjacet. 2° Ex alterius sententiæ consecrariis. In ea dicendum foret principes, quando fidem amplectuntur aut quando religio in eorum regnis propagatur, aliquid amittere de sua potestate; porro hoc dici nequit. Nam, ut Ecclesia canit, *Non eripit mortalia, qui regna dat cœlestia*: et quis non videt quantum adversariorum placita odiosam principibus reddere possent religionem? Ergo, etc.

293. *Expenditur III^a OPINIO, quæ scilicet auctoritatem principibus denegat* EX RESERVATIONE ECCLESIE.

Hanc opinionem tenent multi extranei, inter quos SANCHEZ, LEDESMA, VALENTIA, LESSIUS, BECANUS, SALMANTICENSES, LAYMAN, HENRIQUEZ, BONACINA, CONINCK, HOLZMANN, KUGLER, RONCAGLIA, etc., quibus plures alii addi possent, et quorum nonnulli asserunt hanc esse communem sententiam, nonnulli esse communioem. Quòd talem reservationem facere potuerit Ecclesia, deducunt vel generatim ex potestate quam ipsi tribuunt supra res temporales, vel speciatim ex eo quòd, attentà matrimonii naturâ, Ecclesiæ subesse debeat in hac parte ipsa potestas civilis, ne detur locus conflictui, cui alioquin nullum afferri posset remedium. Quòd vero re ipsa fecerit, deducunt tum ex variis textibus juris canonici, in quibus statuitur aut supponitur matrimonia non esse ordinanda nisi ex legibus Ecclesiæ; tum ex praxi constanti jam diu receptâ, vi cujus cunctæ causæ matrimoniales, etiam ipsorum principum, ad forum ecclesiasticum referuntur.

Huic opinioni refragantur auctores quartæ opinionis: auctores verò primæ et secundæ non expenderunt, quia in eorum sententia quæstioni locus non erat. Auctores igitur Galli libenter post PETRUM SOTO agnoscunt, jam a multis seculis, principes, pro sua erga Ecclesiam pietate, ipsi reliquisse curam causarum matrimonialium; sed tamen juxta ipsos, non admittenda est reservatio, quæ nec facta est, nec fieri potuit. 1° Non facta est: unde enim factam fuisse concludere liceret? An ex agendi ratione princi-

pum? Sed quamvis christiani principes curam de connubiis Ecclesiæ prorsus reliquerint, non ideo jus suum amiserunt: aliud est enim jure suo non uti, aliud jus suum amittere, præsertim cum jus fundatur in ipsa rerum natura. Numquid ex lege Ecclesiæ? Sed nullum affertur decretum per quod reservationem hanc statuerit Ecclesia, ut ostendunt plures auctores. Ergo facta non est reservatio. 2º Nec fieri potuit; cum enim Ecclesia in temporale regum potestatem non habeat, jure quod tenent ex ipsa rerum natura reges spoliare non potuit: neque ipsi principes potuerunt penitus abdicare jus sibi innatum et intuitu solius boni publici sibi competens. Ita coram clero Gallicano diserebat episcopus Monspeliensis, in causâ matrimonii Gastonis ducis Aurelianensis, an. 1635. Ita fusiùs auctores recentiores, inter alios GERBAIS, GIBERT, GOHARD seu ejus editor, *Collat. Andegavensis*, qui non solum ita statuunt, sed quoad ultimum punctum adversariorum opinionem tam durè arguunt, ut in eo nequaquam iis consentiamus, nec unquam consenserimus, nedum ulterius quàm reliqui omnes progressi fuerimus, ut supponit P. PERRONE, nº 228, note (a).

294. *Expenditur IVª OPINIO, quæ nempe propugnat PRINCIPIBUS ETIAMNUM COMPETERE POTESTATEM statuendi impedimenta dirimentia.*

Ut accurata habeatur hujus opinionis notitia, simulque absolvatur totius controversiæ expositio, expendenda sunt seorsim argumenta quibus propugnatur quarta hæc opinio, deinde ea quibus impugnatur.

I. *Expenduntur argumenta IVª opinionis.*

I^{um} *Argumentum* coalescit ex iis quæ jam allata sunt adversus priores opiniones: sic proponi potest. Ea potestas principibus competit, quam habent ex natura rei, nec amiserunt per institutionem sacramenti, aut reservationem Ecclesiæ: atqui talis est potestas statuendi impedimenta dirimentia, ut deducitur quoad singulas partes ex iis quæ allata sunt exponendo argumenta eorum qui adversantur tribus singulis prioribus opinionibus; ergo, etc. Unde ob-

servant sibi opus non esse argumenta sua depromere e Protestantibus, Jansenianis, aut aliis hujusmodi scriptoribus, ut pluries innuit P. PERRONE, cum hæc ad manum habeant apud theologos apprimè catholicos qui jam indicati fuerunt.

Quid huic argumento reponant priorum opinionum patroni, facile deduci potest ex dictis.

295. II^{um} *Argumentum. Ex praxi principum.* Illa potestas principibus competit, quam per plura secula constanter exercuerunt, tanquam sibi innatam et propriam, absque ulla reclamazione, imò cum approbatione Ecclesiæ: atqui talis est potestas de qua agimus. 1. *Eam exercuerunt.* Factum illud fusè adstruunt GIBERT, et GERBAIS. Et revera percurrenti sive jus Romanum, sive variorum populorum leges, multa statim occurrent de matrimonio sancita, in quibus elucet exercitium auctoritatis de qua agimus. Nam ibi plura statuuntur impedimenta dirimentia, ut agnoscit BENEDICTUS XIV, *de Synod.* l. ix, c. x et xi; qui tamen propugnat ea vim non habuisse nisi ex Ecclesiæ auctoritate. 2. *Eam exercuerunt tanquam sibi innatam et propriam.* Nihil enim in eorum legibus occurrit quod innuat ipsos uti potestate aliunde acceptâ; nullibi videtur quòd eam ab Ecclesia acceperint: sequuntur exempla suorum prædecessorum, qui multa de matrimonio statuerant, antequam religionem christianam amplecterentur, et certè parum verisimile est principes plurium populorum qui, licèt ad fidem conversi, inter barbaros diu nec prorsus immeritò computati sunt, ab Ecclesia accepisse potestatem ferendi leges quæ in eorum codicibus de matrimonio leguntur. Ergo dicendum est principes voluisse uti jure sibi proprio. 3. *Eam auctoritatem exercuerunt absque reclamazione,* imò cum approbatione Ecclesiæ. Nullibi videmus quòd Ecclesia primævis temporibus contra hujusmodi leges reclamaverit vel iis derogaverit, nisi tamen quando aliquo modo juri divino aut naturali repugnabant, (prout jus ipsi competere constat in qualibet sententia). Imò legimus SS. Patres, SS. Pontifices et Concilia leges illas laudasse, earum vim agnovisse, et ad earum

auctoritatem recurrisset, ut fideles ab illicitis conjugii averterent, et majorem vim legibus ecclesiasticis conciliarent. Ergo, etc.

Reponunt alii, ex illa praxi adstrui forsitan potestatem quâ ante Christum potiebantur principes, et quâ nunc potiuntur erga infideles, vel ad summum quâ potiebantur antequam eis adimeretur per reservationem Ecclesiæ; sed nihil ampliùs: nam optimè dici potest hæc impedimenta tunc tantum valere cœpisse ad irritandum matrimonium, quando accessit Ecclesiæ consensus; ut satis patet ex eo quòd Ecclesia has leges correxerit, imò et abrogaverit, prout ipsi opportunum visum est.

296. II. *Expenduntur argumenta contra IVam opinionem.*

Cum quarta opinio tria simul adstruenda habeat (n° 294), dum contra iis qui eam impugnant satis sit unum e tribus adstruere, huc redire possent quæ diximus expendendo tres priores opiniones: essentque argumenta contra hanc opinionem specialia. Verum ista jam satis fuerunt exposita. Addere sufficiat, juxta patronos quartæ opinionis, difficile esse ut in iis argumentis specialibus aliquid occurrat omnino decretorium, cum nullum sit quod a plurimis gravissimisque theologis non impugnetur, ut patet ex iis quæ attulimus. Expendenda nunc ergo tantum argumenta tribus prioribus opinionibus communia, id est, quæ eò diriguntur ut ostendant potestatem non competere principibus, ex quacumque causa id oriatur.

I^{um} *Argumentum. Ex auctoritate S. Thomæ, Suppl. q. LVII, art. II, ad IV, ubi loquens de cognatione legali, ait: « Dicendum quòd prohibitio legis humanæ non sufficit ad impedimentum matrimonii, nisi interveniret » Ecclesiæ auctoritas, quæ idem etiam interdicat. »*

Reponunt patroni quartæ sententiæ, S. Doctorem intelligi posse, attento rerum statu, seu consuetudine qualis suo tempore vigeat, vi cujus principes totum matrimonii regimen Ecclesiæ relinquebant. Et ex sua parte afferunt testimonium aliud S. Thomæ, quod ipsis videtur satis apertum, in quo varios matrimonii respectus exponens,

trimonia non esse ex natura sua irrita, nisi lege positiva irritentur, de sola Ecclesia locutum est.

298. III^{um} Argumentum. Ex auctoritate SS. Pontificum : nempe 1° BENEDICTI XIV, qui denegat hanc potestatem principibus, non solum in opere *de Synod. dioces.* l. VIII, c. XII, n° 6, et l. IX, c. IX, n° 3, sed etiam in Decretali, ut eam vocant, directâ ad cardin. Eboracensem (d'York), 9 februar. 1749, *Bullar.* t. III, Const. II, § VII. 2° PII VI, qui in Brevi ad episcopum Motulensem diei 16 septembris 1788, tam apertè loquitur, ut nihil magis expressum desiderari queat : non solum enim asserit hanc potestatem soli Ecclesiæ competere, sed illud adstruit ex Concilio Tridentino, et varias adversariorum interpretationes aut allegationes refellit. 3° PII VIII, et GREGORII XVI, in suis litteris Encyclicis, quorum prior ait matrimonium *Non humanâ tantum ex lege, sed ex divina regi debere, ac non terrenis sed sacris rebus ipsum accensendum esse, ideòque Ecclesiæ OMNINO⁺ subijci* : posterior verò, *Sacris illud rebus adnumerari, et ex præstitutarum de ipso Ecclesiæ legum executione OMNINO pendere ejusdem connubii vim, robur, ac justam consociationem.* Porro quamvis Pontifices Romani noluerint quæstionem definire, ait P. PERRONE, n° 235, *note (e)*, ostendunt saltem quæ ipsis mens sit, et quinam sensus et praxis Ecclesiæ : unde, inquit alii, præsertim post Breve PII VI ad episcopum Motulensem, nullum superest dubium, nulla difficultas.

Reponunt alii, 1° generatim, noluisse SS. Pontifices quidquam de eâ quæstione definire. Illa enim quæ opponuntur vel non sunt ad rem, vel saltem non sunt objectum directum iudicii per eos lati, sed vel dicta obiter, vel per modum discussionis illi iudicio præviæ : porro ea quæ non sunt objectum immediatum decreti, non habent propriè juxta theologos vim decisionis pontificiæ, sed tantum sententiæ privati, licèt maximè commendabilis, doctoris.

Respondent 2° speciatim variis documentis in medium allatis : 1. quoad BENEDICTUM XIV, ipsum in opere *de*

Synod. diœces. noluisse quidquam definire^{† ad. unde}, ut ipse profu-
tetur, et omnes agnoscunt: in Decretali autem citatâ ipsum
loqui, et quidem modo incidenti tantum, de potestate prin-
cipis quoad infideles, quam tamen admittunt plerique ex
adversariis. 2. Quoad PIVM VI, ipsum potestatem in his
quæ spectant matrimonii valorem non tantum soli Ecclesiæ.
adscribere, sed ideò adscribere, quia matrimonium eleva-
tum est ad dignitatem sacramenti, imò *non aliâ ratione*
adscribendam pronuntiare; unde sequeretur damnatos dici
debere quicumque non tenent secundam opinionem, id est,
præstantissimos omnis gentis theologos, ut patet ex dictis
(n^{is} 292, 293). Adâi posset eundem Pontificem in Epis-
tolâ ad archiepiscopum Mechliniensem, 10 decembris 1784,
expressè dicere: « Nos non damnamus absolute eos docto-
res catholicos qui asseruerunt principem posse adungere
impedimenta ad reddendam inefficacem et tollendam
materiam aptam sacramento, quamvis alii magis meritò
illud negent; » nec ullatenus credibile esse interim fac-
tam fuisse tantam mutationem in statu controversiæ. Re-
ipsa quæ opponuntur nullatenus sunt objectum directum
iudicii pontificii, sed omnino pertinent ad illius accessoria.
Substantia est condemnatio agendi rationis episcopi Motu-
lani, qui pronuntiaverat de causâ matrimonii jam iudicatâ
per archiepiscopum Neapolitanum, quæ scilicet versabatur
circa impedimentum impotentiae: illa autem agendi ratio,
in omni opinione, multiplici vitio laborabat, ut ex ipso
Brevi manifestum est. Stat ergo iudicium S. Pontificis in-
concussum, independenter a discussionibusquæ in præsentì
opponuntur, quæ non sunt nisi accessoria, nec proinde dici
possunt decisio pontificia. 3. Quoad PIVM VIII et GREGO-
RIUM XVI, eorum verba contra illos tantum dirigi qui
Ecclesiæ auctoritatem circa matrimonium non agnoscentes,
aut a potestate civili pendere propugnantes, ejus leges con-
temnunt aut parvi pendunt.

299. IV^{um} *Argumentum. Ex variis responsis Congregationum Romanarum. S. Pœnitentiaria*, pluries inter-
rogata de matrimoniis apud nos cum impedimento civili
initis, semper respondit, iis *suam quoad maritalem nexum*

inesse vim et valorem, qualiacumque tandem fuerint impedimenta a seculari potestate, Ecclesiâ non consultâ nec probante, perperam ac nulliter constituta : ita speciatim in una responsione data 1 junii 1824, in qua, cum auctoritate S. Pœnitentiariæ, simul concurrit auctoritas Inquisitionis, et S. Congregationis Concilii. Citari possunt etiam variæ aliæ responsiones in eodem sensu datæ, prout testatur D. PEROCHÉAU, *loc. cit.* p. 346.

Respondent alii magnâ quidem veneratione excipi debere harum SS. Congregationum responsa : non esse tamen tanti ponderis ut ex iis penitus dirimi debeat controversia. Respondet S. Pœnitentia casibus propositis juxta ea quæ probabiliora judicat, nec ideo intendit quæstiones definire; nec enim in hunc finem fuit instituta. Idem dici potest de aliis Romanis Congregationibus.

300. V^{um} *Argumentum. Ex auctoritate theologorum.* Ferè omnes theologi extranei in deneganda principum potestate consentiunt : in Galliis autem non defuerunt olim, nec hodie desunt gravissimi theologi qui idem sentiant. Nemo autem non videt quanti sit ponderis hic theologorum consensus.

Reponunt alii : 1° non deesse graves theologos, etiam apud exteros, qui, post PETRUM SOTO, potestatem principum admittunt. 2° Apud eos qui negant, paucissimos esse qui quæstionem ex professo expenderint, et argumenta accuratè discussierint. 3° Multùm abesse quin omnes theologi qui quartæ opinioni adversantur sint unius ejusdemque opinionis, ut intelligitur ex dictis : imò et numero et antiquitate præstare eos qui recurrunt ad reservationem Ecclesiæ, ideoque opinioni quartæ consentiunt in iis quæ sunt præcipua et huic controversiæ propria.

301. VI^{um} *Argumentum. Ex ratione, seu ex consecrariis quartæ opinionis.* Hæc opinio conciliari nequit 1° cum rerum naturâ : repugnat enim ut idem objectum subjiciatur æquè immediatè duplici auctoritati, cum nequeat esse simul spirituale et temporale; 2° cum bono regimine societatis : orientur enim quasi necessario conflictus inter potestatem ecclesiasticam et potestatem civilem, cum una possit

invalidum judicare aut statuere matrimonium quod altera pro valido habebit : quo posito, subditi versabuntur in statu perplexo ; et si duæ illæ auctoritates sese mutuò elidere dicantur, adeò ut res in suspensio maneat, jam tollitur utriusque independentia, cum neutra sit, posito illo systemate, in suo ordine suprema. Ergo, etc.

Reponunt alii : 1° hanc difficultatem applicari posse omnibus rebus de quibus jus præcipiendi aut prohibendi Ecclesiæ simul et principibus conceditur : dicuntur hæc objecta mixta, et communiter agnoscunt theologi dari objecta hujusmodi. 2° Non esse timendos conflictus, si utraque potestas alterius jura agnoscat, nec recedat a fine quem sibi proponere debet. Ecclesia enim matrimonium attingit prout ordinem dicit ad bonum spirituale, princeps verò quatenus ordinem dicit ad bonum temporale : cum ergo Deus sit auctor societatis ecclesiasticæ simul et civilis, ideoque verum unius bonum contrarium esse nequeat bono alterius, nulla erit discordia quandiu unaquæque potestas intra proprios limites consistet. 3° Etiam in casu conflictus, dari posse regulas quibus res componantur. Etenim vel princeps recusabit agnoscere impedimentum ab Ecclesia constitutum, vel vice versâ. In priori casu, matrimonium erit semper irritum, quia princeps non potest destruere impedimentum ab Ecclesia constitutum, cum Ecclesia spoliari nequeat auctoritate quæ ipsi jure divino competit. Hinc Pius VI, in Const. *Auctorem fidei*, prop. 60, hæc habet : « Rogatio synodi... » quatenus civili potestati jus attribuit sive abolendi sive » restringendi impedimenta Ecclesiæ auctoritate constituta » vel comprobata... libertatis ac potestatis Ecclesiæ subversiva, Tridentino contraria, ex hæreticali suprâ damnato principio (in prop. 59 jam cit.) profecta. » Igitur poterit quidem matrimonium habere effectus civiles, imò poterit adesse quoddam vinculum legale seu matrimonium putativum sensu jam exposito, sed nullum et irritum erit quoad vinculum naturale. Neque ideo sic nuptus versabitur in statu perplexo ; quia lex civilis, simul ac declarat validitati talis matrimonii nihil obstare ex sua parte seu in suo foro, illum sinit providere suæ conscientiæ. In posteriori

casu, dicendum quòd Ecclesia, utpote sancta et infallibilis in sua disciplina, non possit rejicere impedimentum justum: igitur si rejiciat,* impedimentum vim nullam habebit, non quia Ecclesia ex auctoritate sua irritabit legem civilem, sed quia irritam declarabit, eo quòd principis potestas, quæ a Deo ordinata est, sit in ædificationem, non in destructionem; quemadmodum v. g. Irritam pro foro interno declaravit in Concilio Lateranensi legem quæ decernebat valere præscriptionem etiam cum mala fide.

Hæc sunt præcipua variarum opinionum argumenta, hæc præcipuæ quæ iis opponuntur difficultates; jam in aperto est status controversiæ, quam accuratè et absque ullo partium studio exponere conati sumus, sed quam dirimere nostrum non est.

ART. 2. *An legislator civilis in Gallia voluerit statuere impedimenta strictè matrimonium dirimentia.*

302. Majoris vel minoris momenti videbitur præsens quæstio, pro ea quam quisque admiserit opinione quoad principum potestatem ad statuendum impedimenta verè dirimentia: in omni tamen sententia operæ pretium videtur eam expendere.

Porro inter impedimenta Codice civili sancita, quædam sunt juris naturalis; de his nulla difficultas. Quædam jure canonico simul sunt constituta; non est inutile expendere an, positâ potestate principis, essent verè dirimentia vi legis civilis; si enim talia essent, matrimonium redderent invalidum, etiam obtentâ dispensatione Ecclesiæ. Tandem alia sunt Codici civili propria: de his præcipuè movetur difficultas, utrùm in mente legislatoris sicut verè dirimentia in foro conscientiæ, id est, utrùm reddant matrimonium invalidum in se et quoad vinculum, et non quoad solos effectus civiles; et quidem etiam in foro conscientiæ, et non tantùm in foro externo.

Duplex exorta est opinio. Alii affirmant impedimenta civilia esse, in quantum id pendet a legislatore, verè dirimentia in foro conscientiæ: alii negant. Utriusque opinionis argumenta exponere nobis sufficiat.

303. I.^o *Argumenta eorum qui AFFIRMANT LEGISLATOREM VOLUISSE statuere impedimenta verè dirimentia.*

I. *Ex textu legis.* Lex utitur his verbis: *On ne peut contracter mariage, le mariage est prohibé, on ne peut réclamer le titre d'époux, il n'y a pas de mariage, le mariage est nul, la nullité peut et doit être demandée* etc. Ita art. 144, 146, 147, 148, 161, 162, 163, 184, 190, 191, 194. Porro hæc verba, sensu obvio et naturali intellecta, indicant matrimonium esse omnino irritum.

304. II. *Ex discussionibus Codicis civilis.* 1. Primi redactores (*Dis-*

cours préliminaire du Projet de Code civil) conqueruntur quòd theologi non viderint in matrimonio nisi sacramentum, et jurisperiti non nisi contractum civilem; deinde ipsi plura disserunt de contractu naturali, quem dicunt legibus ordinandum esse. Postea sive in Concilio statùs, sive coram Cœtu legislativo, quando actum est de ætate, de consanguinitate, etc., nullus est ex oratoribus, qui non agat de respectibus contractùs matrimonii in bonum societatis, nullus qui non nitatur iis motivis quibus fundari solent impedimenta verè dirimentia. 2. Quod magis apertum est, in Concilio statùs, quando actum est de nullitatibus, hæc aiebat PORTALIS : « Les nullités ne sont » plus les mêmes, mais les anciennes sont remplacées par des nullités » nouvelles, qui sont de la même nature. La nullité relative, résultant » de la non présence du propre curé, est remplacée par celle qui résul- » terait de l'absence de l'officier de l'état civil. » 3. Coram Cœtu legislativo sic loquitur idem Portalis, motiva legis exponens : « Il n'y a » pas mariage, mais commerce illicite entre des personnes qui n'ont » point formé leur engagement en présence de l'officier civil compé- » tent, témoin nécessaire du contrat. Dans notre législation actuelle, » le défaut de présence de l'officier civil compétent a les mêmes effets » qu'avait autrefois le défaut de présence du propre curé. Le mariage » était radicalement nul, il n'offrait qu'un attentat aux droits de la so- » ciété, et une infraction manifeste des lois de l'État. » Certè desiderari non possunt verba magis expressa.

305. III. *Ex auctoritate jurisperitorum*, quorum sententia magni esse debet ponderis in ista materia. Plures interrogavimus, vel verbo, vel scriptis : omnes existimaverunt impedimenta Codicis civilis esse verè dirimentia iu foro conscientie. Ii sunt DD. DELVINCOURT et PARDESSUS, tunc professores in facultate Parisiensi; TOULLIER, professor in facultate Rhodensi; DE LA CALPRADE et DUPIN, advocati Parisienses; DE LA VIGUERIE, advocatus Tolosanus : non solum in ea fuerunt sententia, verùm varias adduxerunt rationes et observationes, quas in decursu afferimus.

306. IV. *Ex principiis quibus imbutus fuisse apparet legislator.*

1^o. *Circa unitatem matrimonii.* In Codice civili agnoscitur unitas tanquam matrimonio essentialis, art. 147 : nullum dubium eà de re motum est in discussionibus. Atqui tamen, quando matrimonium declaratum est irritum propter impedimentum dirimens, certè permittitur uovum inire : ergo vel agnoscendum est matrimonium fuisse omnino irritum, vel dicendum dissolvi per sententiam iudicis : atqui posterius dici nequit. Nam 1. impedimenta non reponit Codex inter causas dissolutionis matrimonii, quas recenset art. 227; sed optimè distinguit inter postulationem nullitatis, et dissolutionis. 2. Nullum statuitur sub eo respectu discrimen inter varia impedimenta, et defectum consensùs ac errorem circa personam, quæ profectò non dissolvunt matrimonium jam validum, sed omnino impediunt ne validum fiat. Ita art. 180 et seq.

2^o *Circa legislationem connubialem.* Impedimenta quæ olim agnoscebant jurisperiti erant profectò verè dirimentia ; porro legislator voluit hanc legislationem de medio tollere, sed solum immutare. Hinc juris-

periti officiarium civilem hodie in eodem prorsus gradu reponunt ac olim proprium parochum : ita in textibus jam allatis Portalis; ita etiam multi alii.

3° *Circa jus principum in matrimonia.* Qui varias discussiones expenderit, facile detegit plures consiliarios et legislatores, principii jurisperitorum neotericorum imbutos, existimasse soli potestati civili competere auctoritatem ferendi leges circa contractum matrimonii. Ergo si impedimenta non sint verè dirimentia, dicendum erit legislatores nulli legi voluisse subjectum contractum, quem exhibent ut tanti momenti, et ut tam efficaciter influentem in bonum societatis : atqui nemo non videt illud admitti non posse. Ergo, etc.

307. V. *Ex confutatione opinionis oppositæ.* Si non admittatur impedimenta codicis civilis esse verè dirimentia, lex restringenda erit ad effectus civiles, vel ad forum externum seu vinculum legale : atqui neutrum ex his dici potest. 1° Dici nequit legem attingere tantum effectus civiles. 1. Art. 194, apertè distinguitur contractus naturalis ab effectibus civilibus : *Nul ne peut réclamer le titre d'époux et les effets civils du mariage, si, etc.*; sed articulus 201 præsertim est omnino clarus : *Le mariage qui a été déclaré nul, produit néanmoins les effets civils lorsqu'il a été contracté de bonne foi.* Ergo nullitas non attingit directè effectus civiles, sed contractum naturalem. 2. Jurisperiti omnes, Codicem explicando, disserunt de matrimonii respectibus naturalibus : unde certum esse nobis asseruit D. DELVINCOURT sub eo respectu matrimonium attingi a lege civili; nec putamus ullum jurisperitum contradicere. 2°. Dici nequit impedimenta non respicere nisi forum externum, sen non dirimere nisi vinculum legale seu civile matrimonii. Lex enim civilis, præsertim lata ex motivo boni publici, et in ordine ad mores, qualis est ista, conscientiam attingit, nisi ratione quâdam peculiari contrarium constet. Præsumitur legislator velle totam suam auctoritatem exercere, aiebat D. DELVINCOURT; vult ut lex sua servetur, et cùm in conscientie vinculo sanctionem efficaciorē inveniatur, procul dubio non vult eam recusare, inquiebat D. DUPIN. Esto quòd multi ex illis qui ad legis confectionem concurrerunt, parum curaverint de vinculo religioso et naturali, imò de eo non satis rectè senserint; non ideo legi civili detrahatur vis illa quam habet, non præcisè ex opinionibus aut intentione legislatoris, sed ex ordinatione Dei potissimum : alinnde vitium, ut ita dicam, primævum alicujus legis tollitur per approbationem et sanctionem principum subsequentium. Demum si, absque motivo speciali et certo, possent restringi leges ad forum externum, jam pessumdaretur omnis obedientia auctoritati civili debita, quam tantâ curâ commendaverunt Apostoli et SS. Patres, etiam sub principibus a religione valde alienis, imò huic omnino insensis. His ultra non insistemus, quia non sunt specialia quæstioni præsentī, sed respiciunt generatim omnes leges civiles.

308. In hac tamen prima opinione, non pauci *exciipiunt impedimentum quod oritur ex morte civili*, quia in art. 25, in quo determinantur effectus mortis civilis, legitur : « Le mort civilement est incapable de contracter un mariage qui produise aucun effet civil. »

Illā verba sensu obvio et per usum constantem veteris jurisprudentiæ determinato intellecta, non important vinculi nullitatem: porro lex, præsertim irritans, non est extendenda ultra sensum rigorosum verborum: ergo credendum est Codicem voluisse confirmare legem antiquam, ex qua matrimonium mortui civiliter non erat irritum nisi quoad effectus civiles. Unde, ut explicent discrimen inter hoc et alia impedimenta, ex quo non levis educitur difficultas contra istam primam opinionem, dicunt istud impedimentum constituere, non quidem speciem diversam impedimentorum, sed exceptionem regulæ generali: quod mirum videri non debet, cum lex ipsa verbis prorsus diversis utatur. Rationem autem illam nobis afferebat D. DELVINCOURT hujus discriminis: cum alia impedimenta fundentur bonis moribus et ordine publico, debent matrimonium prorsus irritum efficere; istud verò non nititur nisi fictione legis, quæ, licet hominem mortuum reputet, non ignorat esse vivum, ac proinde non mirum est quòd ipsum non spoliaverit omnibus juriis naturalibus, quale est jus nubendi.

309. II°. *Argumenta eorum qui NEGANT VOLUISSE LEGISLATOREM statuere impedimenta verè dirimentia.*

Isti non propugnant quidem impedimenta civilia respicere tantum effectus civiles, sed asserunt non respicere nisi forum externum, seu non dirimere nisi vinculum legale et civile matrimonii. His autem nituntur.

I. *Ex discussionibus habitis sive cum de morte civili, sive cum de divortio, sive cum de matrimonio generatim ageretur.* Vix ullus fuit ex consiliariis et oratoribus qui non fuerit professus legem spectare tantum contractum civilem, non curare de contractu naturali et religioso, abstrahere ab omni ideâ religioſâ et obligatione conscientiæ: hæc omnia passim occurrunt percurrenti has discussiones. Porro hæc satis indicant mentem legislatoris fuisse ut non nisi vinculum legale attingeret.

310. II. *Ex impedimento mortis civilis.* Nulla est ratio sufficiens eundem dicatur legem aliter sensisse aut statuisse de aliis impedimentis ac de morte civili: neque vulgò agnoscunt jurisperiti illa majorem vim habere ac istud. Atqui impedimentum ex morte civili non attingit vinculum naturale, ut agnoscunt omnes jurisperiti: attingit tamen vinculum legale et externum, ita ut coram lege sit tale matrimonium tanquam non existeret, nec obstat novo matrimonio ineundo; ita propugnant MERLIN et multi jurisperiti, qui id deducunt tum ex discussionibus articuli 25, e quibus satis manifestum videtur hanc fuisse legislatorum mentem, tum ex art. 227 et 228 ex quibus idem naturaliter concluditur: ita etiam pluries judicârunt tribunalia, et hæc est jurisprudentia longè magis recepta. Ergo idem admittendum de aliis impedimentis.

311. III. *Ex dispositionibus legis circa divortium.* Eodem modo voluit lex matrimonium irritare in casu impedimenti, quo voluit dissolvere in casu divortii: hæc duo sæpe in discussionibus æquiparantur et eodem ordine reponuntur. Atqui certum est in casu divortii

voluisse tantum dissolvere quoad vinculum legale, abstrahendo ab omni vinculo conscientie. Ergo, etc.

IV. *Ex natura impedimentorum.* Nullitates quas produciunt illa impedimenta non sunt pleni juris, sed requirunt sententiam iudicis; et quidem plures sunt quæ ferè omnino relinquuntur iudicis arbitrio, ut in decursu videbitur (nº 324); sunt tantum relativæ, saltem pleræque; sunt demum præscriptibiles. Porro hæc omnia facitè intelliguntur, si respiciant tantum forum externum, non verò si ipsum forum conscientie, in quo matrimonium debet esse ab initio, et ante sententiam, vel statim validum, vel vi solius legis invalidum, et quidem absolutè et erga omnes quorum interest, nec potest lapsu temporis convalescere. Ita olim ratiocinabantur plures theologi, contra jurisperitos qui admittebant in matrimonio filiorum familias sine consensu parentum inito nullitatem ejusdem generis ac sunt nullitates Codicis nostri. Quædam mox observabimus (nº 313, 314), ex quibus intelligetur qualis esse possit vis illius argumenti.

312. Hæc sunt præcipua utriusque opinionis argumenta. Cæterum etiam admissio quòd legislator verè voluerit statuere impedimenta dirimentia, inquiri adhuc fortè posset, an id justè voluerit. Porro quibusdam id satis dubium videtur: 1º quia lata sunt non consultà, nec probante Ecclesià, sinè cujus tamen concursu immutari non debuisset legislatio, quæ mutuo utriusque potestatis consensu inducta fuerat, et longà seculorum observantià sancita; 2º quia satis constat plerumque ex iis qui in lege condendâ partem habuerunt fuisse principiis erroneis innixos, et ductos animo erga religionem malè affecto; 3º demum quia ex ista legislatione sequi videntur consecratoria quæ cum obligationibus conscientie vix possunt conciliari. Ergo, inquit, varia hæc impedimenta ad forum externum sunt restringenda.

313. Quæcumque admittatur opinio circa vim quam ex voluntate legislatoris habent in conscientia impedimenta nostra civilia, opportunum tamen est exponere naturam variarum nullitatum quas inducunt: exinde intelligetur quid saltem operentur illa impedimenta circa vinculum quod attingunt, sive deinde illud sit vinculum naturale et internum, sive tantummodò externum et legale.

1º Vulgò statuunt jurisperiti in matrimonio locum non habere nullitates *pleni juris*, excepto solo casu mortis civilis. Porro per hanc assertionem intelligunt tantum semper recurrendum esse ad iudicem, ut in foro civili dirumpatur vinculum apparens: sic in discussione explicabat TRONCHET: « Jamais le mariage n'est nul de plein droit; » il y a toujours un titre et une apparence qu'il faut détruire. » Ideo aliter statuitur de morte civili, quia satis

constat de nullitate, modò exhibeatur iudicium pronuntians pœnam quæ inducit mortem civilem. Sed non ideo sentiunt jurisperiti matrimonium in se validum esse, usque ad sententiam iudicis; siquidem, ut jam vidimus, sententia iudicis est tantùm declaratoria; non dissolvit matrimonium, sed irritum declarat.

314. 2° Admittuntur in jure nostro nullitates absolutæ, et relativæ : illud agnoscunt omnes jurisperiti. Nullitates absolutæ, cum directè fundentur motivo ordinis publici, invocari possunt ab omnibus quorum interest, ab ipsis sponsis, et a ministerio publico; nullitates verò relativæ invocari nequeunt nisi a certis quibusdam personis, in quarum gratiam constitutæ sunt, et per quoddam tempus lege determinatum. Porro apud omnes non constat quænam sit natura nullitatis relativæ. Duplici præsertim modo explicari potest.

1° Ita eam nobis exposuerunt DD. DELVINCOURT et PARDESSUS. Juxta eos, impedimenta quæ inducunt nullitatem tantùm relativam sunt veluti conditionata. Scilicet, inquirunt, vel nullitas invocatur ab iis qui jus habent, vel non. Si primò, matrimonium fuit ab initio irritum, ideoque iudex non dissolvit, sed declarat nullum, id est, declarat nunquam exstitisse matrimonium. Si secundò, matrimonium fuit semper validum, aut saltem tale præsumitur a lege. Sic matrimonio sua servatur indissolubilitas, nec dici potest matrimonium irritum, fieri validum solâ vi legis. Eam explicationem admittere possunt ii omnes qui sentiunt matrimonium iniri posse sub conditionibus de futuro contingenti.

2° Paulò aliter rem explicat TOULLIER. Juxta illum, quælibet impedimenta reddunt quidem matrimonium invalidum ab initio; sed propter bonum pacis, et ad vitandum scandalum, jus postulandi nullitatem quibusdam tantùm conceditur, et non nisi per certum tempus : « Alors, *inquiebat olim* » D'AGUESSEAU, on peut dire que le mariage est comme valide, non qu'il soit exempt de défaut, mais par le défaut de droit dans celui qui veut le faire annuler, *Non jure proprio*, » *sed defectu juris alieni*..... Si les parties doutent de la sûreté de leur état par rapport à la conscience, elles peu-

» vent le confirmer par des actes qui réparent les défauts
 » des premiers ; mais à l'égard du public et par rapport à
 » la police extérieure, on les considère comme parfaite-
 » ment engagés, et l'on ne souffre pas qu'on trouble impu-
 » nément la tranquillité de leur état. » Illa explicatio est
 omnino consentanea iis quæ dicta sunt in discussionibus
 Codicis : et potest suaderi tum ex eo quòd inter nullitates
 tantum relativas, ex art. 180, ponantur defectus consen-
 sùs unius e contrahentibus, et error; quæ profectò reddunt
 matrimonium omnino invalidum : tum quia etiam nullita-
 tes absolutæ aliquando, post certum tempus, non debent
 admitti, nec a ministerio publico proponi, ut communiter
 agnoscunt jurisperiti. Unde secunda illa explicatio videtur
 magis menti legis consentanea.

Sed quidquid sit, satis certum videtur nullitates relati-
 vas non esse eo sensu intelligendas, quòd rescindant con-
 tractum ab initio validum ; vel quòd irritent matrimonium,
 quod postea vi solius legis convalescat : nullus unquam ju-
 risperitus eas eo sensu intellexit. Quando pronuntiatur
 nullitas, matrimonium declaratur irritum ab initio : quando
 autem non pronuntiatur, vel irritum nihilominus remanet,
 vel, si convalescat, id fit, non vi solius legis, sed aliâ ra-
 tione ; scilicet, juxta priorem explicationem, quia, deficienti
 conditione, non adest nullitas ; juxta posteriorem, quia
 nullitas non nitebatur nisi præsumptione facti, vel quia
 pendebat a consensu partium aut aliorum. Concipitur ergo,
 et quidem in utraque explicatione, quòd nullitates relativæ
 conciliari possint cum natura matrimonii.

ART. 3. *Quænam sint impedimenta civilia apud nos admissa.*

315. Breviter percurremus singula impedimenta canonica, indi-
 cando quænam sint in jure nostro civili simpliciter admissa, quænam
 prætermissa, quænam cum variis restrictionibus seu modificationibus
 relenta ; deinde loquemur de impedimentis novis superadditis. Tan-
 dem exponemus a quibusnam postulari possint nullitates per illa im-
 pedimenta inductæ, et utrùm per dispensationem tolli possint.

1^o AMENTIA. Includitur illud impedimentum in art. 146, cum amen-
 tia tollat consensum. Hinc cum hodie interdictio non feratur nisi ob
 triplicem causam assignatam art. 489, *un état habituel d'imbécillité, de*
démence, ou de fureur, non valeret matrimonium interdicti, etiamsi ha-

beret intervalla lucida, quia coram lege præsumitur incapax consensûs.

II° **ERROR.** Illud impedimentum, quod oritur ex jure naturali, agnoscit Codex civilis, art. 146 : « Il n'y a pas de mariage, lorsqu'il » n'y a point de consentement ; » et art. 180, in quo agitur de nullitate postulanda propter errorem circa personam. Sed ultra non progreditur ; unde standum regulis quas exposuimus ubi de impedimento canonico.

III° **VIS seu METUS.** Standum pariter regulis juris naturalis, et principiis quæ statuuntur de contractibus generatim, art. 1109-1115.

316. IV° **IMPOTENTIA**, et **ÆTAS.** De impotentia prorsus silet Codex civilis. Quoad ætatem verò hæc statuit. Vir ante annum ætatis XVIII completum, mulier ante an. XV nubere nequeunt : art. 144. Illud impedimentum nititur tum præsumptioni incapacitatis, tum imperfectioni consensûs, et motivo boni ordinis.

V° **LIGAMEN.** Illud impedimentum agnoscit Codex civilis art. 147 : « On ne peut contracter un second mariage avant la dissolution du » premier. » Idem supponit art. 188. Duo tantum notabimus. 1° Ex omni et solo matrimonio civili oritur istud impedimentum civile ligaminis. 2° Mulier non potest novum inire matrimonium, nisi post decem menses evolutos a dissolutione prioris matrimonii, art. 228 : sed matrimonium antea initum haberetur ut validum ex jurisprudentia satis constanti tribunalium, quamvis adsint rationes satis graves illud habendi tanquam irritum.

317. VI° **VOTUM.** Lex hodie non agnoscit vota solemnia, nec proinde impedimentum voti.

VII° **ORDO.** Olim erat impedimentum dirimens, etiam in foro civili ; hodie de eo prorsus silet Codex civilis : sed per decisionem Gubernii, an. 1806 et 1807, cautum est ne officarii civiles tolerarent matrimonia sacerdotum, qui a tempore Concordati anni 1801 communione conjuncti fuerant cum suo episcopo. An. 1813, in Concilio statûs determinatum fuit ferendam esse legem quâ irritum declararetur matrimonium eorum qui sacros ordines susceperant ; sed paulò post immutato rerum politicarum statu, lex illa lata non fuit.

Quæ cum ita sint, exorta est questio, *an hodie ordo sit apud nos impedimentum dirimens civile ?*

In varias opiniones abierunt jurisperiti. Non pauci affirmarunt : quorum alii id deducunt præcipuè ex *Concordato*, ut dicitur, anni 1801, et ex lege lata 18 *germinal* an X (8 avril 1802), quâ continentur articuli vulgò dicti *Articles organiques*, quæ, art. 6 et 26, supponit vim canonum qui ad clerum spectant : alii nitebantur præcipuè articulo sexto legis fundamentalis (*la Charte de 1814*) : « La religion catholique, » apostolique et romaine est la religion de l'Etat. »

Multi contrà docuerunt impedimentum ordinis hodie non vigere coram lege : tum quia ita expressè coram Cœtu legislativo asseruit **PORTALIS**, motiva legis exponens, sive de Concordato, sive de Matrimonio ; tum quia decisio Gubernii, suprâ indicata, et ea quæ peracta sunt an. 1813 in Concilio statûs satis ostendunt agnitionem non fuisse tunc impedimentum ordinis sacri.

† Eadem quæstio pluries coram tribunalibus occurrit. Anno 1818, discussa fuit occasione cujusdam presbyteri, nomine *Martin* : pro matrimonii nullitate judicavit curia regia Parisiensis, 18 maii 1818 : et cum appellatum fuisset ad curiam supremam, nihil de hoc puncto pronuntiatum fuit. Sed quæstio discussa fuit præsertim occasione nimium famosi *Dumonteil*. Repulsam passus coram tribunali et curiâ regiâ Parisiensi an. 1828, tandem causam obtinuit coram eodem tribunali Parisiensi 26 mart. an. 1831 ; sed judicium illud irritum fecit curia regia 14 jan. 1832, a qua non dissensit curia suprema 21 febr. 1833, cujus verba afferre juvat : « La cour (*après délibération en la chambre du conseil*), attendu qu'il résulte des articles 6 et 26 de la loi organique que du concordat de germinal an 10, que les prêtres catholiques » sont soumis aux canons qui alors étaient reçus en France, et par conséquent à ceux qui prohibaient le mariage aux ecclésiastiques engagés » dans les ordres sacrés ; attendu que le Code civil et la Charte ne renfermant aucune dérogation à cette législation spéciale, l'arrêt attaqué, en interdisant le mariage dont il s'agit, n'a violé aucune loi ; » rejette, etc. »

Demum ab anno 1830, interrogatum Gubernium respondit officiariis civilibus quæstionem, casu occurrente, deferendam esse ad tribuna-
lia, quorum est leges interpretari.

318. VIII^o et IX^o COGNATIO et AFFINITAS. Triplex distinguitur cognatio, ut vidimus.

I. *De cognatione spiritali*, non curat hodie lex civilis.

II. *De cognatione naturali et affinitate*. Hæc duo quæ lex conjungit non disjungemus. Sic legitur art. 161 : « En ligne directe, le mariage est prohibé entre tous les ascendants et descendants légitimes » ou naturels, et les alliés au même degré. » Art. 162 : « En ligne collatérale, le mariage est prohibé entre le frère et la sœur légitimes » ou naturels, et les alliés au même degré. » Art. 163 : « Le mariage est encore prohibé entre l'oncle et la nièce, la tante et le neveu. » De his, nobis sufficiat quædam observare. 1^o Dubium est an, ut cognatio merè naturalis producat impedimentum, requiratur quòd sit legaliter agnita. 2^o Declaravit Concilium statuts, an. 1808, sub art. 163 comprehendendi *le grand-oncle et la petite-nièce* : idem dicendum *de la grande-tante et du petit-neveu* ; uno verbo de iis qui inter se referunt imaginem parentum et liberorum.

III. *De cognatione legali seu adoptione*. Sic statuit art. 348 : « Le mariage est prohibé entre l'adoptant, l'adopté et ses descendants ; — entre les enfants adoptifs du même individu ; — entre l'adopté et les enfants qui pourraient survenir à l'adoptant ; — entre l'adopté et le conjoint de l'adoptant, et réciproquement entre l'adoptant et le conjoint de l'adopté. » Vulgò agnoscitur his exprimi impedimentum dirimens ; et quidem magis extenditur quàm in jure Romano, cum impediat matrimonium inter plures filios adoptivos ejusdem personæ.

X^o HONESTAS PUBLICA. Illud impedimentum, quatenus oritur ex sponsalibus, non admittit Codex civilis, cum de iis omnino sileat : si verò ex matrimonio rato, locum habere potest aliquatenus sub titulo

affinitatis (alliance), ad quam lex civilis non exigit ut matrimonium fuerit consummatum.

319. XI^o *DISPARITAS CULTUS*. In foro civili non viget.

XII^o. *CONDITIO*. Cùm apud nos servitus non existat, huic impedimento locus non est. Sed eâ occasione, agere possumus de morte civili.

1^o Si mors civilis in se spectetur, jam vidimus (n^o 308, 310) a quibusdam haberi ut impedimentum ejusdem generis ac alia, a quibusdam verò existimari illud non attingere nisi effectus civiles.

2^o Si autem spectemus errorem circa mortem civilem, certum est illum errorem per se non esse impedimentum, quia nullibi æquiparatur errori circa personam. Contrâ, juxta plures auctores, in quorum sensu judicavit curia suprema die 15 januar. 1816, ille error tribuit matrimonio effectus civiles ad sensum articuli 201. Contradiciunt tamen plures, quia cùm mors civilis non incurratur nisi per sententiam juridicam, lex non supponit bonam fidem: aliunde art. 201 non respicit nisi nullitates de quibus agitur in cap. IV ad cujus calcem est appositus; porro inter eas non memoratur mors civilis.

320. XIII^o *RAPTUS*. Illud impedimentum, quale statutum est jure canonico, non admittitur in jure civili: sed raptus violentiæ includitur in impedimento vis, cum aliquo tamen discrimine; raptus autem seductionis, qui, ut vidimus, præcipuè constituebatur per injuriam illatam parentibus, includitur in necessitate consensûs paterni.

XIV^o *CASIMEN*. Quando vigeat divortium, et fuerat pronuntiatum ob causam adulterii, conjux reus nubere non poterat cum complice; art. 298: sed cùm lex nulli tribueret jus impugnandi tale matrimonium impedimentum erat tantùm prohibens. Non constat an illa dispositio applicanda sit separationi, quæ hodie viget: opinioni neganti consentanea est jurisprudentia curiæ supremæ, quæ non applicat separationi dispositiones pœnales spectantes ad divortium.

XV^o *CLANDESTINITAS*, seu defectus præsentiae parochi, non attenditur in foro civili: sed aliâ viâ lex curat de publicitate matrimonii, ut modò dicemus.

321. Nunc speciatim dicendum de duobus impedimentis Codici civili propriis.

XVI^o *DEFECTUS CONSENSUS PARENTUM*. Duo status filiorum sunt distinguendi.

I. *Ante majoritatem*, id est, ante annum vigesimum quintum completum pro viris, et vigesimum primum pro feminis, absolutè requiritur consensus parentum. Art. 148 *Cod. civ.* Hæc autem observari possunt.

1^o Si dissentiant, sufficit consensus patris; *ibid.* Ratio est quia est caput familiæ.

2^o Si unus e duobus mortuus sit, vel in impossibilitate ma-

nifestandi voluntatem, sufficit consensus alterius. Art. 149.

3° Deficiente patre et matre, succedunt in eorum locum avi et aviæ : si dissentiant, sufficit avi consensus ; si dissentiant inter se ambæ lineæ, ille dissensus consensui æquivalet. Art. 150.

4° Deficientibus his omnibus, usque ad annum xxi sive pro masculis sive pro feminis, requiritur consensus consilii familiæ. Art. 160.

5° Quoad filios merè naturales, statuunt art. 158, 159 : si sint legaliter agniti, indigent pariter consensu parentum ; non verò avorum, quia nonnisi a patre et matre agnosci possunt. Si verò non sint agniti, vel si, post agnitionem, pater et mater mortui sint, aut in impossibilitate voluntatem manifestandi, non possunt, ante annum vigesimum primum completum, nubere sine consensu tutoris *ad hoc*, qui ipsis datur.

II. *Post majoritatem*, lex præcipit actus obsequiosos, nempe tribus vicibus repetitos, si ante plenam majoritatem, id est triginta annos completos pro viris, et viginti quinque pro feminis, art. 150 : et unâ tantum vice, si post eam ætatem, art. 153.

Not. Huc referri potest quod sancitum est decreto 16 junii 1808, quoad milites : officarii nubere nequeunt sine consensu Ministri belli, milites verò sine consensu consilii administrationis. Per alterum decretum, 3 augusti ejusdem anni, statutum est eas dispositiones applicandas fore officiariis et militibus nauticis (*des troupes appartenant au département de la marine*). Sed omnes agnoscunt hæc non præscribi sub pœna nullitatis.

322. XVII° DEFECTUS PRÆSENTIÆ OFFICIARII CIVILIS ; *et aliarum formalitatum quas lex præscribit.*

Jam vidimus præsentiam officarii civilis præscribi sub pœna nullitatis, colligiturque ex art. 191, qui statuit nullitatem postulari posse ab omnibus quorum interest, et a ministerio publico : et quidem facillè intelliget quàm gravis momenti debeat esse illa nullitas, qui adverterit sine illa præsentia ne adesse quidem legalem apparentiam matrimonii.

Porro officarius competens est officarius domicilii unius e contrahentibus : ex art. autem 74, « Ce domicile, quant » au mariage, s'établira par six mois d'habitation continue » dans la même commune. » Unde patet domicilium in ordine ad matrimonium aliter spectari ac domicilium in genere, de quo agit Codex civ., art. 102 et seq. Ad acquirendum enim domicilium in genere, requiritur intentio sedem figendi ; sed, quando illa intentio est sufficienter manifestata, sufficit habitatio qualiscumque : ad domicilium verò in ordine ad matrimonium illa intentio nec requiritur, nec sufficit ; sed ratio habetur solius habitationis per sex menses continuatæ. Igitur si quis, domicilium suum reale servans, alibi per sex menses habitaverit, v. g. negotiorum causâ, poteritne adhuc nubere in loco domicilii realis ? Affirmant multi, juxta quos art. 74 non tollit jus nubendi in vero domicilio, sed tantum concedit facultatem nubendi in loco habitationis. Negant alii, quia art. 74 est omnino imperativus, non verò facultativus : lex voluit consulere publicitati matrimonii ; porro longè melius obtinetur ille finis, si matrimonium celebretur in loco habitationis, quàm si in domicilio, cum domicilium brevissimo tempore aliquando acquiri possit. Si quis verò prius domicilium abdicaverit, et tamen in novo nondum per sex menses habitaverit, non constat etiam ubinam nubere possit. Forsitan dici posset, in utraque hypothesi, magnam habendam esse rationem circumstantiarum, ad sensum mox exponendum (n° 324), ubi de articulo 193.

323. Dixi *et aliarum formalitatum*, etc. : duæ sunt præcipuæ, nempe promulgatio bannorum, et celebratio publica matrimonii.

I. *De promulgatione bannorum*. Vid. art. 63, 64, 65 et 166-170 Codicis civilis. Agnoscunt communiter jurisperiti promulgationem non requiri sub pœna nullitatis. Adest tantum difficultas pro matrimonio celebrato in regione extraneâ, de quo sic statuit art. 170 : « Le mariage contracté en pays étranger entre Français, et entre Français et étrangers, sera valable s'il a été célébré dans les formes usitées dans le pays, pourvu qu'il

« ait été précédé des publications prescrites par l'art. 63, » et que le Français n'ait point contrevenu aux dispositions contenues au chapitre précédent. » Variæ fuerunt jurisperitorum opiniones, varia tribunalium et curiarum judicia; tandem 6 martii 1837 pro nullitate matrimonii pronuntiavit curia suprema, irritum faciendo iudicium curiæ Rhedonensis. Existimat MERLIN recurrendum esse ad art. 191, qui respicit publicitatem matrimonii, de quo mox dicemus, et, juxta illius dispositionem, statuendum : matrimonium poterit irritum declarari, si verè defuerit publicitas; non verò, propter solum promulgationis defectum. Idem admittit DURANTON.

324. II. *De celebratione publica.* Ita præscribitur art. 165 et 191 : « Tout mariage qui n'a point été contracté » publiquement, et qui n'a point été célébré devant l'officier public compétent, peut être attaqué par les époux » eux-mêmes, par les père et mère, par les ascendants et » par tous ceux qui ont un intérêt né et actuel, ainsi que » par le ministère public. » Art. 192 varias pœnas statuit contra officiarium civilem et ipsos contrahentes; et articulus 193 ita fert : « Les peines prononcées par l'article » précédent seront encourues par les personnes qui y sont » désignées, pour toute contravention aux règles prescrites » par l'article 165, lors même que ces contraventions ne » seraient pas jugées suffisantes pour faire prononcer la » nullité du mariage. » Ostendunt postrema ista verba non sufficere quæcumque violationem articuli 165, seu quæcumque defectum, sive circa competentiam officarii, sive circa publicitatem, ut matrimonium declarandum sit irritum. Unde nullitas ex illa violatione orta, quamvis in mente legislatoris sit gravissima, differt tamen, quoad applicationem, ab aliis nullitatibus, et circa illam iudici relinquitur quædam veluti latitudo, quam non habet v. g. circa nullitatem ex bigamia, incestu. Hæc est autem ratio discriminis. In postremis istis casibus, factum unde oritur nullitas est aliquid per se determinatum; vel adest bigamia aut incestus, vel non; ubi autem adest, existere nequit matrimonium. At verò non idem dicendum

tatem : in his sunt plures veluti gradus ; plures præscribuntur circa utrumque regulæ , quæ possunt modo magis minùsve gravi infringi. Sic quoad competentiam , requiritur 1° ut sit officarius statûs civilis ; 2° officarius domicilii unius e contrahentibus ; 3° ut , juxta art. 74 , domicilium acquisitum fuerit per sex mensium habitationem. Sic ad publicitatem requiritur 1° promulgatio bannorum ; 2° celebratio in ædibus municipalibus ; 3° præsentia quatuor testium. Sed non inde concludendum sufficere cujuscunque ex his regulis transgressionem , ut matrimonium statim declarandum sit irritum : aliquando adeò gravis erit transgressio , ut necessariò nullitatem inducat , aliquando non ita. Et illud est quod judici determinandum relinquitur ex variis circumstantiis , ex quibus dignoscetur an adfuerit sive competentia , sive publicitas sufficiens. Sicque , etiamsi constet de quadam dictarum regularum transgressionem , prout necessariò constare debet ut imponantur pœnæ art. 192 statutæ , poterit matrimonium validum judicari. Talem esse sensum articuli 193 fusè exponit MERLIN ; in eo sensu judicavit curia suprema , et nunc communiter judicant tribunaia.

Ut autem illud pleniùs evolvatur , quædam observari possunt circa utrumque defectum.

1°. Quoad defectum competentie , si ille qui celebrat matrimonium non sit officarius statûs civilis , omnimoda erit incompetencia , et nullitas absoluta. Idem dicendum erit , si sit quidem officarius statûs civilis , sed versetur extra suum territorium , et neuter e contrahentibus domicilium habeat in illius territorio ; quia quoad illos est simplex privatus , et actui nullam auctoritatem conferre potest. Sed minor erit nullitas , et locus esse poterit applicando articulo 193 , si sit officarius civilis , versetur in suo territorio , et non desit nisi habitatio continua per sex menses unius e contrahentibus in eodem territorio , id est , etiamsi neuter e contrahentibus illam habitationem habeat.

2°. Quoad defectum publicitatis , duo sunt præsertim de quibus moveri potest questio.

Primum est quatuor testium præsentia , art. 75. Cùm lex nullibi determinet eos requiri sub pœna nullitatis , licet non adessent , non ideo irritum declarari deberet matrimonium , modò aliunde satis publicum esset.

Secundum est , ut matrimonium celebretur in loco dicto *Maison commune* , art. 75. Variæ fuerunt ea de re opinioniones : tandem satis communiter existimatum est illud pendere a circumstantiis sensu nox exposito , et pluries in eo sensu judicavit curia suprema.

Hinc 1° intelligitur, ex legis præscriptionibus non impediri matrimonia *secreta* : olim privabantur effectibus civilibus ; hodie, modò observatæ fuerint formæ a lege præscriptæ, valida erunt omnino, etiamsi nihil non tentetur ut occulta permaneant.

Hinc 2° idem statuendum de matrimonis quæ dicuntur *in extremis*. Fuerunt expressè admissa in concilio statûs : tota difficultas est in servandis formis a lege præscriptis. Verùm ex dictis deducitur absolutè observari posse, sive officarius civilis se transferat in domum ægroti, sive iste nubat per procuratorem.

325. Præter indicatas formalitates, quædam adhuc præscribuntur ab officario civili peragenda, juxta art. 70 et seq. Debet 1° habere plura instrumenta ibi designata, *plusieurs pièces*, inter alia *l'acte de main-levée des oppositions, s'il y en a* ; 2° conjugibus plura legere, speciatim caput Codicis de officiis conjugum ; 3° redigere actum seu instrumentum matrimonii. Sed hæc non exiguntur sub poena nullitatis. Certè validum foret matrimonium, licet illius instrumentum non statim redigeretur, sed tantum postea ; imò licet nullatenus redigeretur facto officarii civilis ; tunc locus esset applicandi art. 198, et inscriptio judicii quo condemnaretur officarius civilis, ipsi instrumento æquivaleret. Nihil interest etiam, quòd jam pridie redactus fuerit actus, ut communiter fit Parisiis.

Ex his omnibus concludi potest, non adeò rigorosam esse legis civilis præscriptionem quoad formas in celebratione matrimonii servandas, ac primo intuitu videretur : mens legislatoris fuit ut facili non dissolverentur matrimonia semel inita, et in eo sensu dicunt omnes jurisperiti faciliè admittendas esse in præsentì materia exceptiones, *Les fins de non-recevoir sont favorables en cette matière.*

326. SCHOLIUM. Ut planè perspectum sit quod spectat ad impedimenta civilia apud nos admissa, exponendum superest a quibusnam et quatenus postulari possint variæ nullitates per illa impedimenta inductæ, et utrùm per dispensationem tolli possint.

I. *A quibusnam et quatenus invocari possint variae nullitates per impedimenta civilia inductæ?*

De his statuit Codex civilis, art. 180 et seq. Ad scopum nostrum hæc sufficiant. Principium generale est, nullitates quæ directè fundantur in motivo ordinis publici et boni communis posse invocari ab omnibus quorum interest, et ab ipsa societate, scilicet per ministerium publicum: eas verò quæ directè fundantur motivo boni privati non posse invocari nisi ab his in quorum gratiam sunt constitutæ. Priores vulgò vocantur *absolutæ*, posteriores verò *relative*, ut jam dictum est. Nullitates relative, imò et aliquando absolutæ, possunt, ut dicitur, *purgari*, gallicè *être couvertes*, sive per ratihabitionem, sive per lapsum temporis determinati a lege. His positis,

1º In priori classe recenseri debent, 1. nullitas orta *ex ligamine*: potest invocari ab omnibus quorum interest, et a ministerio pùblico, ex art. 184, 190: tanquam purgari potest, etiam priori matrimonio dissoluto; articulo enim 184 nulla apponitur exceptio pro illo casu; imò art. 187 supponit, etiam dissoluto matrimonio, perseverare nullitatem. 2. Nullitas orta *ex cognatione et affinitate*, ut intelligitur ex art. 184, 190: tanquam purgari potest, quia illius causa est ex se perpetua. De nullitate orta *ex adoptione* silet Codex, quia art. 348 non tam statuit novam nullitatem, quàm applicet cognationi legali prohibitiones articulis 161, 162, 163 statutas quoad cognationem naturalem; igitur adoptioni applicanda sunt quæ dicuntur de consanguinitate. 3. Nullitas orta *ex defectu ætatis*: est absoluta juxta art. 184, et tamen aliquando ampliùs invocari nequit: nempe quando elapsi sunt sex menses a tempore quo conjuges attigerunt ætatem requisitam, art. 185; vel quando uxor, quæ illam ætatem non attigerat, concepit ante elapsos sex menses, *ibid.* 4. Nullitas orta *ex defectu publicitatis vel præsentie officarii civilis competentis*, ut ex art. 191 patet. 5. Nullitas *ex ordine sacro*, si admittatur tanquam orta ex Concordato, dicenda erit, juxta MERLIN, revivisse cum antiquis regulis, ac proinde posse invocari etiam a collateralibus, quamvis con-

trarium judicaverit curia suprema. 6. Demum huc referri potest nullitas orta *ex morte civili*. Ideo non memoratur a Codice civili ubi de nullitatibus, quia est pleni juris, ut vidimus (nº 313), nec opus est ut invocetur; sufficit ut exhibeatur iudicium ex quo secuta est mors civilis.

2º In posteriori classe recenseri debent, 1. nullitas orta *ex defectu consensús*, propter errorem et vim : invocari nequit nisi a conjugibus, vel conjugē cuius defuit consensus. Ita art. 180. Pariter ampliùs invocari nequit, quando adfuit cohabitatio per sex menses a tempore quo sublata est vis, vel error, art. 181. Juxta MERLIN, nullitati *ex amentia* ortæ applicandus est art. 180, ac proinde hæc nullitas invocari nequit a collateralibus. 2. Nullitas orta *ex defectu consensús parentum* : invocari nequit nisi ab iis quorum requirebatur consensus, et a conjugē qui illo consensu indigebat, art. 182. Ex articulo autem 183, ampliùs invocari nequit a parentibus vel conjugē, quando matrimonium approbatum fuit ab iis quorum requirebatur consensus, vel quando non reclamaverunt per spatium unius anni a tempore quo cognoverunt matrimonium : item nec a sponso, quando, a tempore quo attigit ætatem requisitam ad consentiendum per seipsum matrimonio, vel expressè approbavit, vel effluxit unus annus sine reclamazione.

327. II. *De dispensatione ab impedimentis civilibus.*

In impedimentis civilibus posse aliquando obtineri dispensationem constat expressâ Codicis civilis declaratione : ita de impedimento ætatis art. 145 ; de impedimento cognitionis inter fratrem et fratris filiam, vel sororem et fratris filium, art. 164 ; de secunda promulgatione bannorum, art. 169. Idem permisit lex 16 aprilis 1832 pro affinitate collateralī, *entre beaux-frères et belles-sœurs*. De aliis impedimentis, etiam merè positivis, silet Codex : dicunt tamen quidam inde non concludendum dispensationem obtineri non posse ; sed recurri posse nihilominus ad Regem in Concilio statûs. Recursus ad principem fit mediante Procuratore regio : is supplicationem cum suis animadversionibus dirigit ad Ministrum justitiæ, qui de ea re-

ferat ad Regem. Ita ordinatum fuit per statutum Gubernii, 20 prairial an XI.

ART. 4. *Quid in praxi agendum quoad impedimenta civilia.*

328. Si inter Ecclesiam et auctoritatem civilem res ita essent compositæ, ut matrimonium eodem tempore in utroque foro iniretur, sicque utrique legi simul satisfaceret, vix ulla esset in praxi difficultas. Cùm verò non ita se res habeant, non modicæ occurrunt ambages, sive admittatur impedimenta civilia esse verè dirimentia, sive negetur: fatendum tamen minora esse incommoda in sententia quæ negat. Nobis satis erit varios casus in quibus difficultati locus esse potest percurrere, et indicare quid servandum in praxi. Exinde apparebit in quo conveniant, in quo differant quoad praxim duæ opiniones circa vim impedimentorum civilium.

I. ANTE CELEBRATIONEM *matrimonii*, magna non est difficultas. Sit

ASSERT. *Sacerdos non debet, saltem generatim loquendo, ministerium suum præbere matrimonio, nisi prius legi civili fuerit satisfactum.*

Prob. Ea assertio duo includit seorsim probanda.

1° *Fideles debent coram officario civili se sistere.* Etenim, abstrahendo a validitate vel invaliditate matrimonii in quo hæc forma negligetur, servanda est lex quæ non est evidenter injusta, cujus observatio principiis religionis non adversatur, simulque est magni momenti: atqui talis est lex præcipiens ut matrimonium ineatur coram officario civili. 1. Non est evidenter injusta. Cùm enim matrimonium multum conferat ad bonum societatis, potest princeps medium determinare quo ipsi de matrimonio constet. 2. Hujus legis observatio principiis religionis non adversatur. Actus enim merè civilis exercetur: porro, hoc posito, sæpe declaravit S. Congregatio Concilii, et ipse BENEDICTUS XIV, fideles posse, tutâ conscientiâ, coram magistratu civili, etiam hæretico aut infideli, se sistere ad declarandum matrimonium. *De Synod.* l. VI, c. VII, n° 2.

Idem declaravit PIUS VI, tempore perturbationis Gallicæ. 3. Tandem legis hujus observatio est magni momenti : tum quoad conjuges et eorum filios ; indè enim pendet matrimonii notitia certa, cùm lex probationem non admittat ex iis quæ acta sunt coram Ecclesia ; indè pendent omnes effectus civiles, quos nemo negaverit esse magni momenti : tum quoad bonum religionis ; nam si alterutrum e conjugibus civiliter non nuptis matrimonii tædeat, poterit aliud inire coram lege civili, quæ matrimonium ecclesiasticum non agnoscit : porro quis non videat quantum inde scandalum, præsertim si prius reputetur validum ?

2° *Fideles non debent ad matrimonium coram Ecclesia admitti, nisi prius steterint coram officario civili.* Nam præter articulos qui dicuntur *Organici*, quibus prohibetur, n° 54, ne sacerdos ministerium suum præbeat matrimonio quod prius non fuerit coram officario civili celebratum, in Codice pœnali, promulgato anno 1810, decernuntur, art. 199, 200, contra infractorem gravissimæ pœnæ, nempe primâ vice mulcta 16 francorum ad 100 ; secundâ vice, incarceration 2 ad 5 annos ; et pro tertiâ, deportatio, seu, ex modificatione allatâ per legem 1 maii 1834, detentio. Quamvis dici possit leges illas difficilè conciliari cum libertate cultuum, quatenus nempe benedictio nuptialis est cæremonia merè religiosa, de qua proinde nihil pronuntiandum habet auctoritas civilis, cùm tamen nihil in se malum præcipiant, servandæ sunt ; tum quia sacerdos non debet se exponere pœnis modò memoratis, quæ in religionis detrimentum verterentur ; tum quia si sic nupti negligant vel non possint in foro civili nubere, orientur incommoda de quibus modò diximus. Hinc Ritualia recens edita districtè prohibent, quædam etiam sub pœna suspensionis, ne parochus benedictionem nuptialem impertiatur antequam illi constet satisfactum fuisse legi civili.

Exinde quidem grave sequitur incommodum, quòd nempe multi, civiliter nupti, vel Ecclesiam non adeant, vel saltem interim maritaliter vivant ; unde intelligi potest quàm meritò exoptent ii omnes qui bonum religionis aliquo in pretio habent, ut immutetur lex multiplici laborans vitio.

Sed interim, sacerdos ad præcavenda, quantum in se est, præfata incommoda, debet curare 1. ut, post civilem celebrationem, diu non differatur celebratio religiosa, et interim ab usu matrimonii absterneatur; 2. ut, si quod adsit impedimentum canonicum, non nisi eo sublato magistratus adeatur, ne, si fortè denegetur dispensatio, matrimonium existat reipsa irritum, sed coram lege civili validum et indissolubile; quod esset maximum incommodum.

Dixi *saltem generatim loquendo*, quia si magni intersit matrimonium iniri, nec tamen civiliter celebrari possit, v. g. in articulo mortis, non pauci sentiant, tali urgente necessitate, conferri posse benedictionem nuptialem. Illud satis faciliè concipitur in sententia quæ tenet impedimenta civilia non esse verè in foro conscientiæ dirimentia: in altera autem dici forsàn posset non obligare legem civilem, saltem pro foro conscientiæ, quando observari nequit. Quidquid sit, certum est parochum, aut alium sacerdotem, in hujusmodi circumstantiis, nihil agere debere, inconsultis superioribus ecclesiasticis.

329. II. *Si matrimonium celebratum sit CIVILITER tantum, sed CUM ALIQUO IMPEDIMENTO CIVILI.*

Si sacerdos impedimentum illud advertat, investigabit quænam sit natura nullitatis quam inducit.

1º Si sit *nullitas irreparabilis*, aut saltem *nondum purgata*, supersedebit a matrimonio celebrando. Tunc enim nihil quidem timendum haberet ab auctoritate civili, sed perficeret matrimonium in foro civili invalidum et effectibus civilibus vacuum, quodque posset coram tribunalibus impugnari et dissolvi: quod magnum certè esset incommodum, præsertim si admittatur tale matrimonium esse validum in foro conscientiæ.

2º Si sit *nullitas jam purgata*, potest ministerium suum præbere: cum enim legi civili satisfactum sit, quæ nihil ampliùs exigit, si pariter satisfiat legi religiosæ, nihil jam matrimonio deerit. Et verò, vel nullitates de quibus hic agitur habentur tantum ut conditionatæ; vel existimantur producere effectum absolutum. Si primò, nulla est difficultas; deficiente enim conditione, matrimonium statim

valet. Si secundò, lex profectò nec voluit, nec velle potuit ut personæ illæ in perpetuo concubinato viverent; cùm ergo ex parte sua nihil exigit ad revalidationem, earum conscientiæ curam remisit ea agendi quæ forent necessaria ut verè coram Deo conjungerentur: igitur, peractâ celebratione religiosâ, perfectum erit omni ex parte matrimonium; hanc proinde nihil impedit.

330. III. *Si matrimonium celebratum sit CORAM ECCLESIA, et NON CIVILITER.*

De isto casu hæc statui posse videntur. 1° Sic nupti obligandi sunt, saltem generatim loquendo, ad se sistendum coram officario civili: 1. ad satisfaciendum legi; 2. ut matrimonium obtinere possit effectus civiles, quod est magni momenti, si adsint filii, qui alioquin pro illegitimis coram lege haberentur; 3. ne supersit his conjugibus possibilitas matrimonium suum dissolvendi, et novum cum aliis personis ineundi in foro civili.

Dixi *saltem generatim loquendo*, quia fieri potest ut matrimonio civili obstent rationes gravissimæ, imò ut sit impossibile illud inire: tunc non possunt sic nupti ad id obligari; sed nihilominus tenentur, si adsint filii, alio modo eorum sorti providere.

2° Si sic nupti non possint, aut absolutè nolint suum matrimonium in foro civili confirmare, quæstio est utrùm ipsis liceat nihilominus matrimonio uti: item, posito quòd velint et possint confirmare, quid dicendum interim donec id præstiterint? — Facile intelligitur solutionem pendere ex vi impedimentorum civilium. Sed quidquid in theoria admittatur, cùm ferant plura SS. Congregationum Romanarum ipsorumque SS. Pontificum responsa, variis in diocesisibus pervulgata, eos posse tutâ conscientiâ se gerere tanquam validè nuptos, poterunt profectò fideles ex talibus responsis conscientiam sibi in praxi formare.

3° Non debent sic nupti ad novum matrimonium admitti: non solùm enim incurreretur periculum dissolvendi matrimonium validum, sed magnum, saltem plerumque, exoriretur scandalum.

31. IV. *Si matrimonium celebratum sit priùs ci-*

VILITER CUM UNA PERSONA, *et postea* RELIGIOSE CUM ALTERA; *vel vicissim*.

In eo casu certum est ex antea dictis (n° 191) invalidum esse in foro conscientiae matrimonium civile : sed cum habeatur pro valido coram lege, non poterit matrimonium religiosum in foro civili confirmari. Posito illo rerum statu, si conjuges vellent continentiam servare, facile tolleretur difficultas : sed valde durum esset id exigere, nec plerumque id obtineretur, saltem ab utroque conjugē. Pariter si pro irritō haberetur matrimonium religiosum, omnia facile componerentur, nempe conferendo benedictionem matrimonio civili, quod exinde validum fieret. Verum in praxi huc applicanda sunt quæ diximus pro casu præcedenti (n° 330).

332. V. *Si matrimonium sit celebratum* PRIMUM CIVILITER CUM UNA PERSONA, SUBINDE RELIGIOSE ET CIVILITER CUM ALTERA; *aut* RELIGIOSE PRIMUM CUM UNA, *et* POSTEA CIVILITER ET RELIGIOSE CUM ALTERA.

Differt iste casus a præcedenti in eo quod in alterutro e duobus connubiis servata fuerit simul forma ecclesiastica et forma civilis : unde videri posset istud pro certo haberi debere ut validum, sique huic omnino standum esse. Verum re propius inspecta, aliud dicendum apparebit. Et enim si primum civiliter nupserint conjuges, matrimonium postea initum pro irritō habebitur coram lege, et irritum declarari poterit : si verò primum religiosè nupserint, et istud matrimonium validum judicetur, pro irritō habendum erit secundum matrimonium. Uno verbo, cum in utroque foro, ecclesiastico et civili, pro certa habeatur matrimonii unitas, si in alterutro foro bis celebratum fuerit matrimonium, nullam vim habere potest secunda celebratio; ac proinde iste casus omnino recidit in casum præcedentem.

333. VI. *Si matrimonium celebratum sit* IN UTROQUE FORO, *sed* CUM IMPEDIMENTO CIVILI.

Hæc statui possunt pro variis speciebus nullitatum.

1° Si sit *nullitas temporaria et jam purgata*, matrimonium ipso facto fit validum coram lege. Pro foro conscien-

tia (si in eam vim habere putaretur nullitas), dicendum foret pariter matrimonium ipso facto fieri validum, in sententia quæ hujusmodi nullitates habet ut merè conditionatas : in sententia autem quæ eas habet ut producentes effectum absolutum, novus requireretur consensus. Sed in utraque sententia non requiritur ut renovetur coram Ecclesia, cum formæ exteriores jam observatæ fuerint, et nullitas amplius postulari non possit.

2° Si sit *nullitas temporaria nondum purgata*, matrimonium est in foro civili irritum, aut saltem in suspenso. Ex dictis intelligitur multò satius esse ut conjuges non postulent ut pronuntietur nullitas, sed sinant per temporis lapsum, aut aliis modis a lege determinatis confirmari matrimonium. Interim autem applicanda erunt quæ diximus de matrimonio celebrato coram Ecclesia, et non civiliter (n° 330).

3° Si sit nullitas *irreparabilis*, licet non ex jure naturali orta, a fortiori si nullitas sit jam pronuntiata, tunc pariter applicanda quæ diximus de matrimonio celebrato religiosè, et non civiliter (n° 330).

334. Ex his omnibus concludi potest duas opiniones quas exposuimus circa vim impedimentorum civilium, sive quoad jus, sive quoad factum, id est, quoad potestatem principis et illius voluntatem, vix differre quoad praxim, quando agitur de matrimonio nondum inito; differre verò, quando matrimonium jam est initum, præsertim quando ex una parte stat matrimonium civile, ex altera matrimonium religiosum. Sed quæcumque admittatur opinio, negari non potest maxima oriri posse incommoda, quando initum est matrimonium coram Ecclesia, antequam constaret plenè satisfactum fuisse legi civili : unde eo efficacius præcavebuntur illa incommoda, quo strictius servabuntur legis civilis præscripta.

INDEX ANALYTICUS.

NOTA. Quæ in decursu operis minori impressa sunt caractere designantur hoc peculiari signo *.

| Numeri. | | Paginae. |
|---------|---|--------------|
| 1. | Compendium doctrinæ de matrimonio ex Concilio Tridentino. | 1 |
| 2. | Ordo, et divisio tractatûs in tres partes. | <i>ibid.</i> |

PARS I. — DE NATURA MATRIMONII.

| | | |
|----|--------------------------------------|---|
| 3. | Primæ partis divisio in tria capita. | 2 |
|----|--------------------------------------|---|

CAP. I. — DE MATRIMONIO SUB RATIONE CONTRACTUS SPECTATO.

| | | |
|----|---|---|
| 4. | Matrimonii definitio affertur et explicatur. | 2 |
| 5. | Essentia matrimonii <i>in fieri</i> et <i>in facto esse</i> . | 3 |

ART. 1. — *Utrum et quatenus jus ad actum conjugalem pertineat ad essentiam matrimonii.*

| | | |
|-----|---|---|
| 6. | Exponuntur errores et opiniones. | 3 |
| | Statuitur 1 ^o actum conjugalem non esse de essentia matrimonii. | 4 |
| *7. | Solvuntur objectiones, præsertim circa matrimonium B. Virginis Mariæ. | 5 |
| 11. | Statuitur 2 ^o jus ad actum conjugalem esse de essentia matrimonii. | 6 |
| 12. | Quomodo stet matrimonium cum voto castitatis. | 7 |

ART. 2. — *Utrum et qualis requiratur consensus ad perficiendum matrimonium.*

| | | |
|-----|--|---|
| 13. | Divisio articuli in quatuor paragraphos. | 8 |
|-----|--|---|

§ 1. — *De necessitate consensûs partium.*

| | | |
|-----|---|---|
| 14. | Certum est absolutè requiri consensum partium; nec suppleri potest ab auctoritate publica, sive ecclesiastica, sive civili. | 8 |
|-----|---|---|

§ 2. — *De dotibus consensûs matrimonialis.*

| | | |
|-----|---|---|
| 15. | Applicando principia de contractibus in genere, consensus debet esse I. Internus; | 9 |
|-----|---|---|

| Num. | | Pag. |
|------|---|--------------|
| | Attamen qui fictè consensus, ordinariè conjux reputabitur in foro externo, et tenetur postea verum consensum præbere. | 9 |
| 16. | II. <i>Liber</i> ; III. <i>Externus</i> ; regulariter expressus per verba clara et aperta. | 10 |
| | IV. <i>Mutuus</i> ; V. <i>De præsentì.</i> | <i>ibid.</i> |
| 17. | COROLLAR. — Quid de matrimonio inito cum impedimento putativo? | <i>ibid.</i> |
| | § 3. — <i>De matrimonio sub conditione.</i> | |
| 18. | I. Matrimonium initum sub conditione suspensiva probabiliùs fit statim, eà adveniente, validum absque renovatione consensùs. | 11 |
| *19. | II. Quid de conditione impossibili? | 12 |
| | * III. Quid de conditione contrarià substantiæ matrimonii? | 13 |
| 20. | IV. Matrimonia conditionata ordinariè non permittenda. | <i>ibid.</i> |
| *21. | COROLLAR. — Quid 1º de matrimonio <i>Græcorum</i> aut <i>Protestantium</i> ? | <i>ibid.</i> |
| *22. | 2º De conditione <i>servandæ continentiæ.</i> | 14 |
| | § 4. — <i>De matrimonio per procuratorem.</i> | |
| *23. | Valet saltem in ratione contractùs, etiam post Concilium Tridentinum. | 14 |
| | * Plures tamen requiruntur conditiones; nempe 1º mandatum speciale; 2º ut mandati fines non excedantur; 3º ut mandatum non fuerit revocatum; 4º ut parochus constet de mandato. | <i>ibid.</i> |
| *24. | Idem dicendum <i>de matrimonio per litteras</i> ac de matrimonio per procuratorem. | 15 |
| 25. | SCHOLIUM. — De variis respectibus matrimonii: an et quatenus sit contractus <i>naturalis, civilis et ecclesiasticus.</i> | <i>ibid.</i> |
| | CAP. II. — DE MATRIMONIO SUB RATIONE SACRAMENTI SPECTATO. | |
| | ART. 1. — <i>De existentia sacramenti matrimonii.</i> | |
| 27. | Non agitur hic <i>de veteri lege</i> , in qua matrimonium non erat sacramentum nisi latiori sensu. | 17 |
| | Sed statuitur <i>in nova lege</i> matrimonium christianorum, ritu legitimo celebratum, esse verum sacramentum. | 18 |
| 28. | Explicantur singula assertionis verba. | 21 |
| *29. | Solvuntur objectiones, speciatim ex scriptis veterum theologorum. | 22 |
| *30. | Quandonam institutum fuerit matrimonii sacramentum. | 23 |
| | * An reponi debeat in matrimonio <i>in fieri</i> , an <i>in facto esse.</i> | <i>ibid.</i> |

| Num. | | Pag. |
|------|---|--------------|
| 31. | COROLLARIUM. — Matrimonium confert gratiam sanctificantem, et sacramentalem. | 23 |
| 32. | Requirat doctrinæ christianæ notitiam; | 24 |
| 33. | Et statum gratiæ : unde lex multis in locis recepta de libello confessionis. | <i>ibid.</i> |
| | ART. 2. — <i>De ministro sacramenti matrimonii.</i> | |
| 34. | Controversiæ historia, et status. | 25 |
| | I°. <i>Expenduntur argumenta eorum qui propugnant sacerdotem esse ministrum.</i> | |
| 35. | I. Ex Scriptura. | 26 |
| 36. | II. Ex traditione priorum sæculorum. | <i>ibid.</i> |
| 37. | III. Ex monumentis ecclesiasticis recentiorum temporum, seu Conciliis et Ritualibus. | 27 |
| 38. | IV. Ex incoherenti sententiæ oppositæ cum natura sacramenti. | 28 |
| | II°. <i>Expenduntur argumenta eorum qui propugnant contrahentes esse ministros.</i> | |
| 39. | I. Ex Concilio Florentino. | 29 |
| 40. | II. Ex Concilio Tridentino. | <i>ibid.</i> |
| 41. | III. Ex auctoritate theologorum. | 30 |
| 42. | IV. Ex novitate et varietate formulæ adhibitæ. | 31 |
| 43. | V. Ex praxi Ecclesiæ. | <i>ibid.</i> |
| 44. | Judicium de utriusque partis argumentis differtur. | 33 |
| | ART. 3. — <i>De materia et forma sacramenti matrimonii.</i> | |
| 45. | I. <i>Quoad materiam</i> , consentiunt theologi catholici. Statuitur contra Leridanum materiam sacramenti sitam esse in ipso contractu. | 33
34 |
| 46. | II. <i>Quoad formam</i> , quænam sit in sententia quæ tenet contrahentes esse ministros. | 36 |
| 47. | In opinione quæ tenet sacerdotem esse ministrum, explicatur in quali benedictione sacerdotis reponenda sit forma. | <i>ibid.</i> |
| 48. | SCHOLIUM. — Quid jam sentiendum videatur circa ministrum sacramenti; quid in praxi servandum. | 37 |
| | CAP. III. — AN ET QUATENUS SACRAMENTUM SEJUNGI POSSIT A CONTRACTU MATRIMONII. | |
| 49. | Non agitur de matrimonio inter duos infideles. | 38 |
| | * Quid, si convertantur? videtur non effici sacramentum. | <i>ibid.</i> |
| | * De matrimonio <i>fidelis cum infideli</i> : an possit claudicare? | <i>ibid.</i> |

| Num. | | Pag. |
|------|---|--------------|
| 50. | Inter fideles, I. <i>validè separari potest ex defectu benedictionis</i> , in sententia eorum qui tenent sacerdotem esse ministrum. | 39 |
| | 2 ^o . Item <i>probabiliùs in omni sententia, ex defectu intentionis.</i> | <i>ibid.</i> |
| 51. | Quid de matrimoniis <i>validè initis inter hæreticos</i> , qui non admittunt sacramentum matrimonii? | 40 |
| 52. | II. Quoad <i>licitum</i> , regula generalis est ut <i>omnia præstentur quæ necessaria esse possunt ad certam sacramenti susceptionem.</i> | <i>ibid.</i> |
| | In multorum sententia, sunt varii casus in quibus aliter fieri permittit, aut tolerat Ecclesia. | 41 |
| 53. | Quando <i>sponsi sunt indispositi</i> , non ideo illis permitti potest ut matrimonium ineant solùm in ratione contractus. | 42 |
| 54. | SCHOLIUM. — Quomodo definiendum matrimonii sacramentum. | 44 |
| | Matrimonii divisio in legitimum, ratum, et consummatum. | <i>ibid.</i> |

PARS II. — DE PROPRIETATIBUS MATRIMONII.

CAPUT I. — DE HONESTATE MATRIMONII.

| | | |
|-----|---|----|
| 56. | Triplex ea de re error : ostenditur 1 ^o matrimonium esse in se bonum et honestum. | 45 |
| 57. | Ostenditur 2 ^o matrimonium nullâ lege naturali aut divinâ individuis præcipi, saltem ordinariè loquendo. | 46 |
| 58. | Ostenditur, 3 ^o virginitatem pro Deo susceptam nuptiis meliorem esse ac excellentiorem. | 47 |
| | Non ideo tamen est omnibus passim consulenda. | 49 |

CAP. II. — DE UNITATE MATRIMONII.

| | | |
|-----|---|--------------|
| 59. | Huic opponitur polygamia; quid sit et quotuplex. | 49 |
| | ART. 1. — <i>De polygamia simultanea.</i> | |
| 60. | Duplex distinguitur; de <i>polyandria</i> nulla difficultas. | 49 |
| | De <i>polygamia</i> errores et opiniones. | 50 |
| | I. Polygamia adversatur <i>juri naturali</i> ; sed <i>secundariò tantum</i> , saltem quando intra fines temperantiæ sistitur. | <i>ibid.</i> |
| | Cæterum ad praxim nil refert, attento jure divino omnes obligante. | 52 |
| 61. | II. Polygamia contraria est <i>primæ institutioni matrimonii.</i> | <i>ibid.</i> |
| 62. | III. Polygamia fuit tamen <i>permissa Judæis sub lege Moisaicâ</i> ; imò et patriarchis ante Moysem. | 53 |

| Num. | | Pag. |
|-------|--|-------|
| * 63. | Solvuntur objectiones. | 53 |
| * 64. | COROLLARIUM. — Fuit ergo dispensatio a Deo concessa; sed post diluvium tantum, et verisimiliter ipsis etiam gentilibus. | 54 |
| 65. | IV. Christus per <i>legem evangelicam</i> , polygamiam simultaneam omnino abrogavit. | 55 |
| * 66. | De lege Valentiniani, et responso Gregorii II. | 56 |
| | ART. 2. — De polygamia successiva. | |
| 67. | I. Secundæ et posteriores nuptiæ sunt etiam sub lege christianâ licitæ. | 56 |
| * 68. | II. Ecclesiæ veteris pastores non eas habuerunt ut jure naturali aut divine prohibitas: eas tamen vituperati sunt ut quid sanctitati christianæ minùs conveniens; imò et variis pœnis subjecerunt, quamvis non videantur ullâ lege generali eas prohibuisse. | 57 |
| | CAP. III. — DE INDISSOLUBILITATE MATRIMONII. | |
| 69. | Quotuplex distinguatur dissolutio, | 59 |
| | ART. 1. — De indissolubilitate matrimonii quoad vinculum. | |
| | § 1. — De indissolubilitate matrimonii generatim spectatâ. | |
| 71. | Sensus questionis, et status controversiæ: | 60 |
| | I. Indissolubilitas matrimonii, præsertim consummati, ipsinet juri naturali innititur. | ibid. |
| 72. | Quid de matrimonio rato? | 63 |
| | * Quousque urgenda sit assertio. | ibid. |
| 73. | II. Matrimonium ex <i>primæva Dei institutione</i> est indissolubile. | ibid. |
| 74. | III. Matrimonium sub lege Mosaica dissolvi poterat per libellum repudii; | 64 |
| | Et quidem probabiliùs etiam in foro conscientie. | 65 |
| * 75. | Non tamen omnibus concedebatur hæc facultas; | 66 |
| | * Nec qualibet ex causa: | ibid. |
| | * Sed variis formalitatibus adstricta erat; | 67 |
| | * Et variis cautionibus munita. | ibid. |
| * 76. | Præcaventur difficultates alterius opinionis. | ibid. |
| | * An ea permissio respiceret ipsos Gentiles. | 68 |
| 77. | IV. Sub lege Evangelicâ, matrimonium, saltem consummatum, in christianis est ita indissolubile, ut nullâ auctoritate humanâ dissolvi possit. | ibid. |
| * 78. | Quid de matrimonio rato? | 69 |
| * 79. | Solvuntur objectiones ex legibus et usu variorum populorum. | 70 |
| | * Item ex usu Poloniæ. | 71 |

| § 2. — <i>An matrimonium dissolvi possit propter adulterium.</i> | |
|---|--|
| Num. | Pag. |
| 80. | Controversiæ occasio : I. Statuitur matrimonii vinculum dissolvi non posse propter adulterium. 72 |
| 81. | Solvuntur objectiones. 75 |
| 82. | II. Indissolubilitas matrimonii, in casu adulterii, non est tamen de fide catholica. 76 |
| § 3. — <i>De matrimonio inter duos infideles, quorum alter ad fidem christianam convertitur.</i> | |
| 83. | Statu quæstionis exposito, Ostenditur conjugem conversum posse dissolvere matrimonium in infidelitate contractum, si alter infidelis nolit cum eo cohabitare, aut non nisi cum contumelia Creatoris, vel pertrahendo ad peccatum mortale. 78 |
| 84. | Explicantur assertionis verba. 81 |
| * 85. | Solvuntur objectiones, speciatim ex silentio traditionis. 82 |
| SCHOLIUM. — <i>De variis quæstionibus quibus locum dedit præcedens controversia.</i> | |
| * 86. | I. <i>De tempore quo dissolvitur prius matrimonium</i> : non dissolvitur, nisi quando conversus novum init matrimonium. 83 |
| * 87. | II. <i>De casibus in quibus conversus potest privilegio uti</i> : probabilius non potest, si altera pars velit cohabitare pacificè; saltem generaliter, sive seclusà lege Ecclesiæ cohabitationem prohibente. 84 |
| * 88. | III. <i>De interpellatione facienda parti infideli</i> : regulariter necessaria est; omitti tamen aliquando potest, saltem cum dispensatione S. Pontificis. <i>ibid.</i> |
| * 89. | IV. <i>De variis ab infideli converso servandis, quando vult uti suo privilegio</i> : 1° Non absolutè necessaria judicis sententia : non tamen sine consilio agendum. 85 |
| | * 2° Quid, si infidelis plures uxores habeat? |
| | * 3° Judæus conversus dare non posset libellum repudiï more judaico. <i>ibid.</i> |
| § 4. — <i>An matrimonium dissolvi possit per professionem religiosam, seu per votum solemne castitatis.</i> | |
| 90. | Agitur tantùm de matrimonio rato, et de professione solemni. Ostenditur matrimonium ratum dissolvi per solemnem professionem alterius conjugum. 86 |
| * 91. | SCHOLIUM. — I. Stabilito hoc privilegio, exponitur quoto tempore exerceri possit : conceduntur à jure duo menses; quibus elapsis, non ita constat, an sicut validè, ita et licitè exerceri possit : 87 |

| Num. | | Pag. |
|---------|--|--------------|
| * 92. | II. Nec pariter an applicari possit matrimonio post fornicationem contracto, vel ex vi seu metu consummato. | 87 |
| | § 5. — <i>An matrimonium dissolvi possit per dispensationem S. Pontificis, aut Ecclesiæ.</i> | |
| 93. | Non agitur de matrimonio consummato, saltem fidelium. | 88 |
| | Quidam eam auctoritatem denegant ; | <i>ibid.</i> |
| 94. | Alii concedunt : nihil pronuntiamus. | 89 |
| ART. 2. | — <i>De dissolutione matrimonii quoad torum et habitationem.</i> | |
| 95. | Regulariter necessaria est conjugum cohabitatio. | 90 |
| | § 1. — <i>An aliquando liceat separatio inter conjuges.</i> | |
| 96. | Contra lutheranos ostenditur aliquando licere. | <i>ibid.</i> |
| | § 2. — <i>De variis causis separationis ex jure canonico.</i> | |
| 97. | Quatuor præcipuæ assignari possunt. | 91 |
| | I. Detrimentum corporale ; II. aut spirituale. | <i>ibid.</i> |
| 98. | III. Fornicatio. Per hanc intelligitur adulterium. | 92 |
| | Jus separationis confert utrique conjugi. | <i>ibid.</i> |
| | Excipitur tamen 1° si adulterium fuerit tantum materiale ; 2° si uterque sit adulter ; 3° si vir ipse uxorem prostituerit ; 4° si secuta fuerit reconciliatio. | <i>ibid.</i> |
| | An verò vir teneatur uxorem adulteram dimittere, et vice versâ, pendere videtur ex circumstantiis. | 93 |
| 99. | IV. Professio religiosa, vel susceptio ordinis sacri : quandoque requiratur consensus compartis, et quænam regulæ servandæ. | <i>ibid.</i> |
| 100. | In his variis casibus non facienda regulariter separatio auctoritate privatâ. | 94 |
| | Quid hodie apud nos ad Ecclesiæ forum pertineat. | <i>ibid.</i> |
| | § 3. — <i>De causis separationis ex jure civili.</i> | |
| 101. | Separatio aliquando admissa : hujus causæ. | 95 |
| | Quid de filiis, si quidam ex matrimonio orti sint ? | 96 |
| | Etiâ latâ sententiâ, possunt conjuges propriâ auctoritate ad se invicem reverti. | <i>ibid.</i> |
| 102. | COROLLARIUM. — Quid agendum a pastore qui de separatione faciendâ consulitur ? | <i>ibid.</i> |

PARS III. — DE CONDITIONIBUS MATRIMONII.

| | | |
|------|-----------------------------------|----|
| 103. | Partis divisio in quinque capita. | 97 |
|------|-----------------------------------|----|

CAP. I. — DE SPONSALIBUS.

| | | |
|------|--|----|
| 104. | I. Quid et quotuplicis speciei sint sponsalia. | 97 |
|------|--|----|

| Num. | | Pag. |
|--------|--|-------|
| 105. | II. An necessaria sint sponsalia. | 96 |
| 106. | III. Quidam sint effectus sponsalium. | ibid. |
| | * An si unus e sponſis renuat sponsalia adimplere, ad id cogi possit, et quatenus? | ibid. |
| | * An sponsalibus adjici possit pœna conventionalis? | 99 |
| | An sponſorum fornicatio habeat malitiam specialem. | ibid. |
| 107. | An, ut locum habeant hi effectus, necessarium sit sponsalia iniri coram Ecclesiâ. | ibid. |
| | An sponsalibus æquivalet postulatio bannorum. | 100 |
| | An matrimonium civile? | ibid. |
| * 108. | IV. Quibusnam ex causis dissolvi possint sponsalia. | 101 |

CAP. II. — DE BANNIS.

| | | |
|------|--|-----|
| 109. | Quid sit bannum et quotuplex hodie distinguatur. | 102 |
|------|--|-----|

ART. 1. — De necessitate bannorum.

| | | |
|------|---|-------|
| 110. | Banna, quoad substantiam antiquissima; quoad formam hodiernam, in Gallia sumpserunt exordium. | ibid. |
| | Motiva præcipua; exinde concluditur legis gravitas. | 103 |

ART. 2. — De modo promulgationis bannorum.

| | | |
|------|---|-------|
| 111. | I. DE TEMPORA: ante matrimonium promulganda; tribus diebus festivis, continuis; inter missarum solemnias. | 103 |
| 112. | II. DE LOCO. In parochia domicilii. | 104 |
| | Quid, si sponsi sint e duabus diversis parochiis, vel unus aut uterque in duabus parochiis domicilium æquale habeat? | 105 |
| | Quid, si a tempore sufficienti domicilium non habeant? | ibid. |
| 113. | Quid de minoribus, de famulis, militibus, vagis? | 106 |
| 114. | III. A QUO BANNA PROMULGANDA. A proprio contrahentium parochis: quid ante promulgationem servare debeat, quid postea? | 107 |
| 115. | IV. DE BANNORUM FORMA. Standum Ritualibus; cavendum ne cuiquam infamia inuratur. | 108 |

ART. 3. — De dispensatione a lege bannorum.

| | | |
|------|--|-------|
| 116. | I. An et qua de causa concedi possit? | 108 |
| 117. | II. Ad quem pertineat eam concedere? | 109 |
| | Quid, si duæ partes sint diversæ diœcesis? | ibid. |
| 118. | III. Quâ formâ concedenda sit? Ordinariè scripto conceditur. | 110 |

ART. 4. — De obligatione quam fidelibus imponit bannorum promulgatio.

| | | |
|------|---|-----|
| 119. | Exsurgit obligatio revelandi impedimenta, quamprimum moraliter, et pro omnibus generatim. | 110 |
|------|---|-----|

- | Num. | | Pag. |
|------|---|------|
| 120. | I. <i>De iis qui impedimentum novarunt sub secreto</i> : Distinguendum est inter secretum promissum, et secretum commissum, quod est vel <i>confessionis</i> , vel <i>consilii</i> , vel <i>conversationis</i> . 111 | |
| 121. | II. <i>De iis qui revelare non possunt absque gravi damno</i> : Principium generale; applicatur variis casibus. <i>ibid.</i> | |

ART. 5. — *Quid agere debeant pastores quibus denuntiantur impedimenta.*

- | | |
|------|--|
| 122. | Ante omnia curet parochus ut veritatem aut falsitatem detegat. 112 |
| | Quid post factam sufficientem inquisitionem? 113 |
| 123. | De <i>via intercessionis</i> : quid olim sancitum; quid hodie. <i>ibid.</i> |

APPENDIX. — DE MATRIMONIIS CONSCIENTIÆ.

- | | |
|--------|---|
| * 124. | Quenam eo nomine designentur : de matrimoniis ad <i>morganaticam</i> . 114 |
| | * I. <i>Ex jure canonico</i> , hæc matrimonia, licet valida, sunt ordinariè graviter illicita; possunt tamen aliquando permitti, positis quibusdam conditionibus. <i>ibid.</i> |
| | * II. <i>Ex jure civili</i> veteri irrita quoad effectus civiles, hodie nulli peculiari regulæ subjiciuntur. 115 |

CAP. III. — DE CONSENSU PARENTUM.

- | | |
|------|--|
| 125. | I. Peccant ordinariè filii qui nubunt sine consensu parentum. 115 |
| | Hinc irrita filiorum sponsalia inita absque consensu parentum. <i>ibid.</i> |
| | Per se tamen non tenentur filii obedire parentibus, matrimonio præcipientibus. <i>ibid.</i> |
| 126. | II. <i>Ex jure naturali et divino</i> , certum est, contra Protestantes, valere hæc matrimonia. 116 |
| 127. | III. Nil vetat dicere olim irrita fuisse ex <i>jure positivo</i> hæc matrimonia; et nunc etiam pariter irrita fieri posse, si legitima potestas id decernat. <i>ibid.</i> |

CAP. IV. — DE IMPEDIMENTIS MATRIMONII CANONICIS.

- | | |
|------|---|
| 128. | Divisio capitis in quatuor articulos. 117 |
| | ART. 1. — <i>De impedimentis canonicis in genere.</i> |
| 129. | Impedimentorum notio, et divisio. 117 |
| | § 1. — <i>An possit Ecclesia statuere impedimenta matrimonium dirimentia.</i> |
| 130. | Contra varios errores, adstruitur auctoritas Ecclesiæ, I. <i>ex illius præxi</i> . 119 |

| Num. | | Pag. |
|--------|--|--------------|
| 131. | II. <i>Ex Concilio Tridentino</i> , et Const. <i>Auctorem fidei</i> , | 121 |
| 132. | III. <i>Ex ratione</i> . | 122 |
| 133. | Ostenditur hæc impedimenta directè irritare contractum naturalem. | 123 |
| | Quatenus indirectè attingant sacramentum et contractum civilem. | 124 |
| 134. | Solvuntur objectiones. | 125 |
| § 2. | — <i>Quibusnam in Ecclesia competat jus statuendi impedimenta dirimentia.</i> | |
| 137. | De S. Pontifice; de Conciliis particularibus, et episcopis. | 127 |
| 138. | Potest consuetudo impedimentum dirimens inducere; potest et abrogare. | <i>ibid.</i> |
| | Breviter exponitur quandonam id locum habeat. | 128 |
| § 3. | — <i>Quinam subjiciantur impedimentis canonicis.</i> | |
| 139. | I. <i>De hæreticis</i> . Exposito quæstionis statu, indicatur duplex opinio. | 129 |
| | Quid inter illas opiniones tenendum videatur? | <i>ibid.</i> |
| | Quid olim ea de re vigeret in Galliis, et quid hodie tenendum? | 130 |
| * 140. | II. <i>De infidelibus</i> . Non subjiciuntur directè impedimentis ecclesiasticis: possunt tamen <i>indirectè</i> per ea attingi. | <i>ibid.</i> |
| | * Applicatur decisio variis impedimentis in specie. | <i>ibid.</i> |
| | ART. 2. — <i>De impedimentis canonicis in specie.</i> | |
| 141. | Quot sint, et quis ordo inter ea statuendus. | 131 |
| | § 1. — <i>De impedimento AMENTIÆ.</i> | |
| 142. | Quatenus amentia sit impedimentum. | 132 |
| | De surdis et mutis. | <i>ibid.</i> |
| | § 2. — <i>De impedimento ERRORIS.</i> | |
| 143. | 1°. Error <i>circa personam</i> irritat jure naturali. | 133 |
| | 2°. Non verò <i>circa qualitates</i> aut <i>fortunam</i> : | 133 |
| | Exceptis tamen tribus casibus. | <i>ibid.</i> |
| | § 3. <i>De impedimento VIS seu METUS.</i> | |
| 144. | I. An et qualis metus irritet matrimonium. | 134 |
| | Debet esse 1° <i>gravis</i> ; 2° <i>injustus</i> ; | <i>ibid.</i> |
| | 3° <i>In ordine ad matrimonium</i> , saltem æquivalenter. | 135 |
| * 145. | Hinc 1° matrimonium metu initum non firmatur jure jura-mento. | <i>ibid.</i> |
| | * 2°. An ille qui metum intulit, teneatur stare contractui? | 136 |

- | Num. | | Pag. |
|--|---|--|
| 146. | II. Quo jure metus irritet matrimonium.
Quid hoc ad praxim intersit. | <i>ibid.</i>
137 |
| § 4. — <i>De impedimento IMPOTENTIÆ et ÆTATIS.</i> | | |
| 147. | Irritum est matrimonium ante pubertatem.
Impedimentum est juris positivi : ab episcopo propriè
tollì non potest. | 137
138 |
| § 5. — <i>De impedimento LIGAMINIS.</i> | | |
| 148. | Impedimentum oritur ex priori matrimonio.
Non potest novum matrimonium iniri, nisi constet de
morte prioris conjugis.
Quid, si antea initum fuerit? | 138
<i>ibid.</i>
139 |
| § 6. — <i>De impedimento VOTI.</i> | | |
| 149. | Agitur de voto castitatis : quotuplex distinguatur.
PUNCT. 1. — <i>De voto solemnì castitatis.</i> | <i>ibid.</i> |
| 150. | I. In quo sita sit voti solemnitas : votum solemne differt
a simplici ex sola institutione Ecclesiæ. | 140 |
| 151. | II. Non irritat matrimonium, nisi ex jure ecclesiastico.
In illo igitur dispensare potest Ecclesia. | 141
<i>ibid.</i> |
| * 152. | III. Quo jure dissolvat matrimonium ratum : exponun-
tur tres opiniones. | 142 |
| 153. | IV. An hodie in Gallia emittantur vota solemnia.
PUNCT. 2. — <i>De voto simplici castitatis.</i> | 144 |
| 154. | Huic adjungenda vota quædam affinia.
Hæc per se non sunt impedimentum dirimens.
Peccat, saltem ordinariè, qui post ea emissa matrimo-
nium init.
Tenetur ea implere, quantum moraliter potest.
An ideo semper teneatur religionem ingredi? | <i>ibid.</i>
145
<i>ibid.</i>
<i>ibid.</i>
146 |
| § 7. — <i>De impedimento ORDINIS.</i> | | |
| * 155. | I. Est impedimentum, jure tantum ecclesiastico inductum. | 147 |
| * 156. | Utrum oriatur immediatè a lege Ecclesiæ, an mediante
voto? Solvuntur varii casus. | 148 |
| 157. | II. An et quatenus concedi possit dispensatio. | 149 |
| § 8. — <i>De impedimento COGNATIONIS.</i> | | |
| 158. | Triplex cognatio distinguitur. | 149 |
| 159. | I. <i>Naturalis</i> : in ea distinguenda sunt stipes, linea, gra-
dus. | 150 |
| 160. | 1°. Quomodo computentur gradus. | <i>ibid.</i> |

| Num. | | Pag. |
|------|--|--------------|
| | Quædam circa illam computationem observanda, quando postulatur dispensatio. | 151 |
| 161. | 2°. Quo in gradu, et quo jure irritet matrimonium. | 152 |
| 162. | II. <i>Cognatio spiritualis</i> , orta ex baptismo, vel confirmatione, inducit impedimentum. | 153 |
| | 1°. Quas inter personas ex Concilio Tridentino. | <i>ibid.</i> |
| 163. | 2°. Requiritur quoad baptizantem, et susceptores, 1. ut sint baptizati; 2. ut verè conferatur baptismus. | <i>ibid.</i> |
| | Quoad susceptores, requiritur 1. baptismus solemniss; 2. intentio obeundi munus patrini; 3. sufficiens designatio. | 154 |
| 164. | 3°. <i>Cognatio spiritualis</i> matrimonio superveniens impedit illius usum: | 155 |
| | Excipiuntur casus necessitatis, ignorantie, fraudis. | <i>ibid.</i> |
| 165. | III. <i>Cognatio legalis</i> , seu adoptio, quid sit et quotuplex. | <i>ibid.</i> |
| | Ex jure Romano, per Ecclesiam recepto, est impedimentum <i>divinens</i> . | 156 |
| | Hodie apud nos videtur habere vim impedimenti canonici. | <i>ibid.</i> |
| | § 9. — De impedimento AFFINITATIS. | |
| 166. | Quid sit, et unde oriatur. | 157 |
| 167. | I. An et quousque sit impedimentum <i>divinens</i> ? | <i>ibid.</i> |
| 168. | II. Quo jure inductum sit illud impedimentum. | 158 |
| 169. | III. Quinam effectus affinitatis matrimonio supervenientis. | 159 |
| | § 10. — De impedimento HONESTATIS PUBLICÆ. | |
| 170. | Quid sit illud impedimentum. | 159 |
| | I. Quatenus oriatur ex sponsalibus. | <i>ibid.</i> |
| 171. | II. Quatenus ex matrimonio rato. | 160 |
| | Quatenus ex matrimonio civili. | 161 |
| 172. | III. Quo jure inductum sit illud impedimentum. | <i>ibid.</i> |
| | § 11. — De impedimento DISPARITATIS CULTUS. | |
| 173. | I. De matrimoniis <i>fidelium cum infidelibus</i> . 1°. Quamvis multis inconveniendis obnoxia, non sunt tamen jure naturali aut divino absolutè prohibita; | 161 |
| | 2°. Nec olim jure ecclesiastico: | 162 |
| | 3°. Hodie omnino reprobantur, et sunt irrita. | <i>ibid.</i> |
| 174. | II. De matrimoniis <i>catholicorum cum hæreticis</i> . 1°. Licet generatim improbata, non sunt tamen de se absolutè prohibita jure naturali aut divino. | 163 |
| 175. | 2°. Ex jure ecclesiastico sunt generatim prohibita, sed non invalida. | 164 |
| 176. | Cautiones adhibendæ, quando ex dispensatione permittuntur. | 165 |

| Num. | | Pag. |
|------|---|----------------------------|
| 177. | Quid agendum paracho, si deficient illæ cautiones.
Quid post initum illicitè matrimonium? | 166
<i>ibid.</i> |
| | § 12. — <i>De impedimento CONDITIONIS SERVITIS.</i> | |
| 178. | Servitus ignorata est impedimentum, sed juris duntaxat ecclesiastici.
De mortuis civiliter; remissivè. | 167
<i>ibid.</i> |
| | § 13. — <i>De impedimento RAPTUS.</i> | |
| 179. | Duplex distinguitur. I. De raptu violentiæ; quid sit.
Quid, si mulier rapiat virum?
Quid, si fiat tantum libidinis explendæ causâ. | 167
168
<i>ibid.</i> |
| 180. | II. De raptu seductionis: non videtur impedimentum ex jure communi, sed ex consuetudine in Galliis receptâ. | 169 |
| | § 14. — <i>De impedimento CRIMINIS.</i> | |
| 181. | Undenam oriatur impedimentum, et quodnam sit illius motivum. | 169 |
| 182. | I. De adulterio. Est impedimentum, si conjungatur cum promissione matrimonii, aut illius attentatione:
Sed requiritur 1º ex parte adulterii, ut sit verum, formale ex utraque parte, et consummatum; | 170
<i>ibid.</i> |
| 183. | 2º Ex parte promissionis, requiritur, juxta omnes, ut sit vera promissio:
Juxta multos, ut sit absoluta; ab altero acceptata; non tamen ut sit mutua. | 171
<i>ibid.</i> |
| 184. | 3º Quoad conjunctionem adulterii cum promissione, utrumque concurrere debet durante conjugio.
Hinc solvuntur varii casus. | <i>ibid.</i>
172 |
| 185. | II. De conjucidio. Hoc nomine includitur viricidium.
Requiritur 1º ut fuerit reipsa peractum; 2º utroque conspirante; 3º ex intentione matrimonii, saltem ex una parte. | <i>ibid.</i>
172 |
| 186. | III. De conjucidio cum adulterio. Sufficit ut hæc duo concurrant cum intentione matrimonii. | 173 |
| | § 15. — <i>De impedimento CLANDESTINITATIS.</i> | |
| 187. | Quid hodie intelligatur per matrimonium clandestinum.
PUNCT. 1. — <i>An semper irrita sint matrimonia clandestina.</i> | 173 |
| 188. | Non sunt irrita ex jure naturali aut divino: an ex jure ecclesiastico veteri, dubium; sed ex jure recentiori.
QUÆST. 1.º — <i>An et quatenus matrimonia clandestina irrita sint ex jure communi ecclesiastico.</i> | 174 |
| 189. | Afferitur decretum Concilii Tridentini; hujus motivum. | 174 |

- Requiritur ut fuerit promulgatum in singulis parochiis, vel saltem aliquo tempore observatum tanquam decretum Concilii. 175
- Prorsus irritat matrimonium; *ibid.*
- Nisi tamen excuset moralis impossibilitas. 176
- Eos tantum attingit qui pertinent ad parochiam. *ibid.*
190. Quid ergo 1° de hæreticis qui degunt in parochia? 177
- 2° De iis qui recedunt e loco ubi viget lex Tridentina; 178
- 3° Vel qui eò adveniunt? *ibid.*
- QUEST. 2. — *An irrita sint nunc in Galliis matrimonia clandestina.*
191. Matrimonia merè civilia pro validis apud nos habent quidam, diversis innixi principiis. 179
- Statuitur irrita esse vi decreti Tridentini, apud nos sufficienter promulgati. *ibid.*
- * 192. SCHOLIUM. — De matrimoniis initis tempore perturbationis Gallicæ. 181
- QUEST. 3. — *An irrita sint matrimonia clandestina apud hæreticos.*
193. Status quæstionis : duplex opinio. 182
- Videndum an efformaverint societatem distinctam, ante vel post promulgationem decreti. 183
- * 194. I. *De matrimoniis Hollandiæ.* Quatenus ad nos intersit declaratio Benedicti XIV, de iis matrimoniis. 184
- * 1° Declarationis tenor; 2° hujus natura; *ibid.*
- * 3° Quibus rationibus nitatur; 4° an applicari possit aliis regionibus. 185
- * Concluditur valere matrimonium inter duas partes quarum una non subijcitur decreto Tridentino. *ibid.*
195. II. *De matrimoniis Protestantium in Gallia.* 1° Ante revocationem Edicti Nannetensis, habebantur ut valida: 186
- 2° Post illam revocationem, ut irrita. *ibid.*
- 3° Post edictum Ludovici XVI, et deinceps : cleri Gallicani reclamatio; *ibid.*
- Duplex orta est opinio : 187
- Quid probabilius, quid in praxi servandum. 188
- PUNCT. 2. — *Quid requiratur ut matrimonium non sit clandestinum.*
196. Quinque hic expendenda occurrunt. 188
- QUEST. 1. — *Qualis præsentia parochi requiratur.*
197. Adesse debet ut testis autorizabilis. • 189
- Hinc 1°. Valet matrimonium sine benedictione. *ibid.*
- Hinc 2°. Requiritur præsentia moralis : quid exigit hæc præsentia. *ibid.*

| Num. | | Pag. |
|--------|--|------|
| | Hinc 3°. Valet matrimonium celebratum a parochis in aliena parochia. | 190 |
| | QUÆST. 2. — <i>Quis sit proprius parochus in ordine ad matrimonium.</i> | |
| 198. | Affertur decretum Concilii Tridentini. | 190 |
| | 1. <i>Ex jure communi</i> , proprius parochus est 1° parochus domicili : <i>ibid.</i> | 191 |
| 199. | 2° Vel quasi-domicilii ; <i>ibid.</i> | |
| 200. | 3° Vel simplicis habitationis : <i>ibid.</i> | 192 |
| 201. | 4° Non parochus originis ; <i>ibid.</i> | 193 |
| | 5° Vel qualiscumque loci per quem transeunt contrahentes. <i>ib.</i> | |
| 202. | Quid de matrimonio vagorum ? <i>ibid.</i> | 194 |
| 203. | II. <i>Olim in Gallia</i> , juxta plures, vigeat jus speciale magis rigorosum. <i>ibid.</i> | 195 |
| 204. | III. <i>Nunc in singulis diocesis</i> regulariter ad episcopum pertinet determinare cuinam juri standum sit. <i>ibid.</i> | 196 |
| | Quid statuerint varii episcopi, et quid in praxi servandum. <i>ib.</i> | |
| | QUÆST. 3. — <i>Quænam debeant esse dotes parochi ut possit matrimonio assistere.</i> | |
| * 205. | 1. <i>De parochis non sacerdotibus</i> . Valet matrimonium ut contractus; dubium an valeat ut sacramentum. <i>ibid.</i> | 197 |
| | Tenetur delegare sacerdotem. <i>ibid.</i> | 198 |
| * 206. | II. <i>De parochis excommunicatis aut suspensis</i> . Si sit toleratus, nulla difficultas : non toleratus potest 1° assistere matrimonio; <i>ibid.</i> | |
| | * 2° Et dare benedictionem nuptialem; <i>ibid.</i> | |
| | * 3° Item probabiliter dare alteri licentiam assistendi. <i>ibid.</i> | |
| | * Peccat tamen assistendo, vel dando benedictionem. <i>ibid.</i> | |
| 207. | III. <i>De sacerdote cui interdictum est ne matrimonio assistat</i> . Si interdictum latum sit a S. Pontifice, videndum an sit munitum decreto irritanti. <i>ibid.</i> | |
| | Si ab episcopo erga parochum, valebit matrimonium : quid, si erga simplicem sacerdotem ? <i>ibid.</i> | 199 |
| 208. | IV. <i>De parochis intrusis</i> . Quis intelligatur. 1° Si nec adsit error communis, nec titulus coloratus, irritum erit matrimonium : <i>ibid.</i> | |
| | 2° Si utrumque concurrat, valebit. <i>ibid.</i> | |
| | 3° Si desit error communis, irritum erit matrimonium ; <i>ibid.</i> | |
| | 4° Item, si desit titulus coloratus. <i>ibid.</i> | |
| | QUÆST. 4. — <i>De iis a quibus suppleri potest parochus.</i> | |
| 209. | 1. <i>De ordinario</i> . Eo nomine designatur episcopus, aut ejus vicarii generales : potest certe matrimonio assistere. <i>ibid.</i> | 200 |
| | Item delegare sacerdotem, inconsulto aut invito parochis ; plerumque tamen non expedit. <i>ibid.</i> | |

| Num. | | Pag. |
|------|--|--------------|
| 210. | II. <i>De delegato generatim</i> . 1° Quinam possint delegare. | 201 |
| | 2° Quis delegari possit? Solus sacerdos. | <i>ibid.</i> |
| 211. | 3° Qualis debeat esse delegatio? 1. Expressa: an et quatenus specialis? | <i>ibid.</i> |
| | 2. Intimata delegatio; 3. acceptata; 4. nec revocata. | 202 |
| 212. | 4° Quousque extendatur delegatio? | <i>ibid.</i> |
| 213. | III. <i>De vicario</i> . Quid possint vicarii, attento usu magis communiter recepto. | 203 |
| 214. | SCHOLIUM. — Semper curandum ut de matrimonio constare possit. | 204 |
| | QUEST. 5. — <i>De testibus qui matrimonio assistere debent</i> . | |
| 215. | 1° Sufficiunt duo aut tres; 2° nec requiritur ut sint omni exceptione majores. | 204 |
| | 3° Concurre debet testium et parochi præsentia. | <i>ibid.</i> |
| | § 16. — <i>De impedimentis canonicis PROHIBENTIBUS</i> . | |
| 216. | Quatuor sunt: de duobus tantum dicendum superest. | |
| | I. <i>De Ecclesiæ vetito</i> : quid sensu stricto intelligatur. | 205 |
| 217. | II. <i>De impedimento temporis</i> . | 206 |
| | ART. 3. — <i>De dispensatione ab impedimentis canonicis</i> . | |
| 218. | Dispensatio concedi potest in impedimentis juris ecclesiastici. | 206 |
| | § 1. — <i>Quis possit in Ecclesia dispensare ab impedimentis matrimonii</i> . | |
| | PUNCT. 1. — <i>De S. Pontifice</i> . | |
| 219. | Inconcuſsa est illius potestas. | 207 |
| | PUNCT. 2. — <i>De episcopis</i> . | |
| 220. | Duæ exstant opiniones: plura sigillatim expendenda. | 207 |
| 221. | 1° <i>An possint episcopi JURE PROPRIO generatim dispensare?</i> Statuitur opinio negans: 1° ex principiis regiminis ecclesiastici; | 208 |
| | * 2° Ex Ecclesiæ usu et disciplina; | 209 |
| | 3° Ex auctoritate SS. Pontificum. | 210 |
| 222. | An igitur potestas episcoporum fuerit per reservationem coarctata? | <i>ibid.</i> |
| | Quando dispensant, an eorum potestas dici debeat ordinaria, an delegata? | <i>ibid.</i> |
| 223. | II°. <i>De variis casibus specialibus in quibus dispensant episcopi VI CONSUETUDINIS UNIVERSALITER RECEPTÆ</i> . | |
| | 1° <i>In impedimentis prohibentibus</i> : adsunt tamen quædam restrictiones, speciatim quoad votum castitatis perpetuæ, et votum ingrediendi religionem. | 211 |
| 224. | 2° <i>In iis quæ impediunt a petitione debiti</i> : afferenda quædam restrictio, ubi agitur de voto. | <i>ibid.</i> |

| Num. | | Pag. |
|--------|---|--------------|
| 225. | 3° <i>In matrimonio cum impedimento dirimenti jam inito :</i>
sed variae requiruntur conditiones ; quas non exigunt
cum eodem rigore auctores nostri. | 211 |
| 226. | 4° <i>In casu dubii.</i> | 212 |
| 227. | 5° <i>In casu urgentissimæ necessitatis</i> , quoad impedi-
mentum occultum ; | <i>ibid.</i> |
| | Non verò , si impedimentum sit publicum. | 213 |
| 228. | 6° <i>In casu dispensationis jam abtentæ, sed irritæ</i> , jus
episcopo tribuunt quidam, sed non satis meritò. | 214 |
| 229. | III°. <i>An et quatenus dispensare possint episcopi</i> VI CON-
SUE TUDINIS SUARUM SEDIUM ? Variae olim aderant in
Galliæ diœcesibus consuetudines, quæ videntur vim
habuisse, attentis <i>facto et jure</i> . | <i>ibid.</i> |
| 230. | Sed <i>post Concordatatum anni 1801</i> , non pauci tenent
non ampliùs vigere has consuetudines. | 215 |
| | Alii eas adhuc vigere propugnant. | 216 |
| | Quidam sentiunt standum esse praxi a tempore Concor-
dati servatæ. | 217 |
| * 231. | IV°. <i>Quid possint episcopi</i> VI INDULTORUM SEDIS APO-
STOLICÆ. 1° Attentè consideranda indulti verba. De
illis verbis : <i>in tertia et quarta simplici et mixta.</i> | <i>ibid.</i> |
| | * Quid per hæc : <i>in matrimoniis nulliter iuitis ?</i> inclu-
dunturne matrimonia civilia ? | <i>ibid.</i> |
| | * 2° Quænam natura potestatis quam obtinet episcopus
vi indulti. | <i>ibid.</i> |
| | * An possit eam communicare vicariis generalibus ? | 218 |
| | PUNCT. 3. — <i>An alii, præter S. Pontificem et episcopos,</i>
<i>possint dispensare ab impedimentis matrimonii ?</i> | |
| 232. | Movetur quæstio I. De metropolitano ; II. De vicariis
generalibus ; III. De officiali ; | 218 |
| | IV. De capitulo, sede vacante. | 219 |
| | § 2. — <i>De mada obtinendi dispensationes a S. Sede.</i> | |
| 233. | I. <i>QUINAM postulare debeant.</i> 1° An pro utroque con-
trahente ; 2° an ex contrahentium mandato ; 3° cu-
jus expensis ? | 219 |
| 234. | II. <i>AN QUEM dirigenda sit dispensationis petitio.</i> Ad Pæ-
nitentiariam recurritur pro impedimentis occultis ; ad
Datariam pro publicis. | 220 |
| | Quandonam impedimentum censeatur occultum. | 221 |
| 235. | III. <i>QUA FORMA scribendum ad petendam dispensatio-
nem.</i> | 222 |
| 236. | IV. <i>QUÆNAM SINT EXPRIMENDA in libello supplici.</i> Tres
afferuntur regulæ. | <i>ibid.</i> |
| 237. | <i>Reg. I^a, ut explicetur quale sit vinculum quod tollendum</i> | |

| Num. | | Pag. |
|--|--|--------------|
| | est. Quædam observantur circa varia impedimenta. | 223 |
| 238. | <i>Reg. II^a, ut rite proponatur causa finalis. Requiritur causa : quid de dispensationibus sine causa ?</i> | 224 |
| 239. | 1 ^o . Quenam causæ allegari soleant. | 225 |
| 240. | 2 ^o . Quo tempore verificari debeant. | <i>ibid.</i> |
| | 1. Quando Romæ scribitur : non absolute requiritur veritas causæ. | 226 |
| 241. | 2. Quando Romæ conceditur dispensatio : probabilius requiritur. | <i>ibid.</i> |
| 242. | 3. Quando dispensatio fulminatur : certum est requiri. | 227 |
| 243. | 4. Quando dispensatione utuntur impetrantes ; satis probabile est non requiri. | <i>ibid.</i> |
| 244. | 3 ^o Quo sensu et quomodo verificari debeant causæ. | |
| | 1. De causa falsa quæ creditur vera. | <i>ibid.</i> |
| | 2. De causa vera quæ creditur falsa. | 228 |
| | 3. De causa fraudulenter posita. | <i>ibid.</i> |
| 245. | <i>Reg. III^a, ut exprimatur quod exigit jus et stylus curiæ Romanæ. 1^o. Inopia sponsorum.</i> | <i>ibid.</i> |
| 246. | 2 ^o . Matrimonium jam initum. | 229 |
| 247. | 3 ^o . Commercium carnale illicitum. Si sit ipsa origo impedimenti, nulla difficultas ; | <i>ibid.</i> |
| | Item, si allegetur ut causa dispensationis. | 230 |
| | Extra hos casus, de quonam commercio agatur. | <i>ibid.</i> |
| | 1. Si habitum fuerit ante petitam dispensationem, exprimendum est. | <i>ibid.</i> |
| 248. | 2. Si inciperit post petitam et ante fulminatam dispensationem, hæc validè fulminari nequit. | 231 |
| 249. | 3. Si habitum ante petitionem et in ea expressum, postea iteratum fuerit ante fulminationem, quid ? | <i>ibid.</i> |
| 250. | 4. Si habeatur post fulminationem dispensationis, hæc non efficitur invalida. | <i>ibid.</i> |
| § 3. — De modo exsequendi dispensationes S. Sedis. | | |
| 251. | I. Ad quem pertineat dispensationum executio. 1 ^o . De rescripto Pœnitentiariæ : pertinet ad confessarium. | 232 |
| 252. | 2 ^o . De rescripto Datariorum : dirigitur ad officialem. | <i>ibid.</i> |
| | * An exsequi possit episcopus, aut vicarius generalis, satis dubium. | <i>ibid.</i> |
| * 253. | An vicarius, aut officialis capitularis exsequi possit dispensationem ante mortem episcopi obtentam ? | 233 |
| * 254. | Quid, si adsit error circa diœcesim ? | <i>ibid.</i> |
| * 255. | Quid, si contrahentes sint e duabus diœcesibus ? | <i>ibid.</i> |
| * 256. | An et quatenus officialis delegatus possit vices suas alteri committere. | 234 |
| 257. | II. Quid agere debeat delegatus ut dispensationem executioni demandet. Considerare debet varias rescripti clausulas. | <i>ibid.</i> |

- | Num. | | Pag |
|---|---|--------------|
| | 1°. De informatione circa veritatem precum. | 234 |
| 258. | 2°. De præmittenda confessione, et quali, ubi agitur de rescripto Pœnitentiariæ. | 236 |
| 259. | 3°. Quid, si error in rescripto irreperit circa nomen oratoris? vel circa impedimentum, vel causas? | <i>ibid.</i> |
| 260. | 4°. An rescriptum S. Pontificis executioni mandari possit post illius mortem? | 237 |
| 261. | 5°. Utrum dispensationis mentio scripto consignanda sit. | <i>ibid.</i> |
| § 4. — <i>De modo obtinendi dispensationes ab episcopo, et eas exsequendi.</i> | | |
| 262. | I. An omnia exprimenda pariter ac ubi obtinenda est a S. Pontifice. | 237 |
| 263. | II. Si contrahentes sint e duabus diœcesibus, an requiratur dispensatio utriusque episcopi. | 238 |
| 264. | III. A quo et quomodo fulminandæ dispensationes episcopales. | 239 |
| ART. 4. — <i>De ratione agendi tenenda quando aliquod adest impedimentum canonicum.</i> | | |
| 265. | Quatuor hic expendenda. | 239 |
| § 1. — <i>An sponsi ligati impedimento possint aliquando matrimonium inire, non obtentâ prius dispensatione.</i> | | |
| 266. | I. Inire matrimonium cum impedimento, nec obtentâ dispensatione, est per se peccatum grave. | 240 |
| 267. | II. Ipsa necessitas nec impedimentum tollit, saltem generatim loquendo; | <i>ibid.</i> |
| | Nec licitum reddit matrimonium sine dispensatione. | 241 |
| 268. | III. Non licet inire matrimonium cum impedimento dubio aut probabili. | <i>ibid.</i> |
| § 2. — <i>An conjuges qui certitudinem habent aut dubium de nullitate sui matrimonii, possint petere aut reddere debitum conjugale.</i> | | |
| 269. | Tres exstant decisiones: Innocentii III, Lucii III, et Cœlestini III. | 242 |
| 270. | I. De iis qui certi sunt de nullitate matrimonii: nec petere nec reddere possunt. | 243 |
| | Regulæ prudentiæ tunc servandæ. | <i>ibid.</i> |
| 271. | II. Quando unus tantum dubitat: potest reddere, non verò petere. | 244 |
| 272. | III. Quando uterque dubitat, neuter potest petere, nec reddere. | 245 |
| 273. | An conjux dubitans debeat alterum monere? | <i>ibid.</i> |
| § 3. — <i>Utrum et quomodo conjuges qui advertunt sui matrimonii nullitatem curare debeant ut revalidetur.</i> | | |
| 274. | Ordinariè expedit revalidare matrimonium. | 246 |

| Num. | | Pag. |
|--|---|--------------|
| 275. | I°. Quando matrimonium irritum fuit <i>ex defectu consensûs</i> . 1°. Si defectus sit utrique conjugum notus, uterque renovare debet consensum : 240 | 240 |
| | 2°. Si uni tantum notus, satis est, absolute loquendo, ut consentiat qui non conueusit, dummodo cognoscat prioris matrimonii nullitatem, et alter consensum suum nun revocaverit. <i>ibid.</i> | <i>ibid.</i> |
| 276. | II°. Quando matrimonium irritum fuit <i>ob clandestinitatem</i> . Convalidari potest 1°. absque dispensatione : 248 | 248 |
| | Quid, si una pars renuat se sistere coram parcho ? <i>ibid.</i> | <i>ibid.</i> |
| 277. | 2°. Vel cum dispensatione. 249 | 249 |
| 278. | Quid si matrimonium <i>caruerit benedictione nuptiali</i> , nec tamen irritum fuerit ? nempe de matrimoniis 1. infidelium ; 2. hæreticorum ; 3. eorum qui non potuerunt recurrere ad parochum. <i>ibid.</i> | <i>ibid.</i> |
| 279. | III°. Quando matrimonium irritum fuit <i>ob aliud impedimentum</i> . Requiritur dispensatio ; vel simplex, vel <i>in radice</i> . 250 | 250 |
| | 1. Cum <i>dispensatione simplici</i> . 1°. Regulariter requiritur renovatio consensûs utriusque conjugis ; <i>ibid.</i> | <i>ibid.</i> |
| | Et quidem prius certiorati de nullitate prioris matrimonii, saltem æquivalenter. 251 | 251 |
| | Quid exigat eâ de re S. Pœnitentiaria ? 252 | 252 |
| 280. | 2°. Necesse non est ut consensus renovetur coram parcho, nisi vel omissa fuerit ea formalitas, vel impedimentum sit publicum. 253 | 253 |
| 281. | Au saltem denuo recipienda sit benedictio nuptialis ? <i>ibid.</i> | <i>ibid.</i> |
| 282. | II. Cum <i>dispensatione in radice</i> . 1°. Quid sit illa dispensatio, qualem in præsentem spectamus. 254 | 254 |
| | * Quinam varii illius dispensationis respectus. 255 | 255 |
| 283. | 2°. Au Ecclesia possit concedere dispensationes in radice ? Assertitur potestas Ecclesiæ et S. Pontificis. 256 | 256 |
| | Hæc potestas non competit episcopis : 257 | 257 |
| | Gravissima requiritur causa ; <i>ibid.</i> | <i>ibid.</i> |
| | Non extenditur nisi ad impedimenta juris ecclesiastici. 258 | 258 |
| 284. | 3°. Quibusnam sub conditionibus concedantur hujusmodi dispensationes ? Requiritur 1. species externa matrimonii ; <i>ibid.</i> | <i>ibid.</i> |
| | 2. Ut constet utriusque consensum perseverare. <i>ibid.</i> | <i>ibid.</i> |
| 285. | 4°. Quid præstandum, quando obtenta fuit dispensatio in radice. 259 | 259 |
| § 4. — Quid agere debeant confessarius aut parochus, quando inter nupturos vel nuptos detegunt impedimentum. | | |
| 286. | 1. De officio Confessarii. An teneatur pœnitentem monere ? 260 | 260 |

| Num. | | Pag. |
|---------|--|--------------|
| 287. | II. De officio <i>parochi</i> . 1°. Si impedimentum sit partibus notum. | 261 |
| 288. | 2°. Si sit ipsis ignotum, sive ante, sive post matrimonium initum. | 262 |
| | Aliquando non omittenda, sed differenda tantum monitio. | 263 |
| | CAP. V. — DE IMPEDIMENTIS MATRIMONII CIVILIBUS. | |
| 289. | Quatuor hic expendenda sunt. | 263 |
| ART. 1. | — <i>An possit princeps secularis statuere impedimenta matrimonium dirimentia.</i> | |
| 290. | Statu questionis exposito, | 263 |
| | Quatuor proferuntur opiniones. | 264 |
| 291. | I ^a OPINIO denegat auctoritatem principibus, <i>attentâ matrimonii naturâ</i> : hujus argumenta. | <i>ibid.</i> |
| | Quibusnam argumentis impugnetur. | 265 |
| 292. | II ^a OPINIO denegat <i>ex institutione sacramenti</i> : quomodo adstruatur et impugnetur. | 266 |
| 293. | III ^a OPINIO denegat <i>ex reservatione Ecclesiæ</i> . | 267 |
| 294. | IV ^a OPINIO tribuit absolutè hanc potestatem principibus. | |
| | I. <i>Argumenta sua educit</i> , 1°. Ex iis quæ allata sunt adversus tres priores opiniones. | 268 |
| 295. | 2°. Ex praxi principum per plura secula. | 269 |
| | Quid huic praxi reponant aliarum opinionum patroni. | 270 |
| 296. | II. <i>Impugnatur</i> pluribus argumentis, quorum vim elidere conantur ejus patroni: nempe 1°. Ex auctoritate S. Thomæ. | <i>ibid.</i> |
| 297. | 2°. Ex concilio Tridentino. | 271 |
| 298. | 3°. Ex auctoritate SS. Pontificum. | 272 |
| 299. | 4°. Ex variis responsis Congregationum Romanarum. | 273 |
| 300. | 5°. Ex auctoritate theologorum. | 274 |
| 301. | 6°. Ex ratione, seu ex incommodis. | <i>ibid.</i> |
| ART. 2. | — <i>An legislator in Galliis voluerit statuere impedimenta strictè matrimonium dirimentia.</i> | |
| *302. | Status questionis: duplex opinio. | 276 |
| *303. | I. Qui <i>affirmant</i> , arguunt 1°. Ex textu legis. | <i>ibid.</i> |
| *304. | 2°. Ex discussionibus codicis civilis. | <i>ibid.</i> |
| *305. | 3°. Ex auctoritate jurisperitorum. | 277 |
| *306. | 4°. Ex principiis quibus imbutus fuisse apparet legislator, 1. circa unitatem matrimonii; 2. circa legislationem connubialem; 3. circa jus principum in matrimoniis. | <i>ibid.</i> |
| *307. | 5°. Ex consutatione sententiæ oppositæ: lex restringi nequit 1. ad effectus civiles; 2. nec ad forum externum. | 278 |

| Num. | | Pag. |
|--------|--|--------------|
| * 308. | Multi aliter ratiocinantur de impedimento ex morte civili. | 278 |
| * 309. | II. Qui <i>negant</i> , arguunt et ipsi 1°. Ex discussionibus Codicis. | 279 |
| * 310. | 2°. Ex impedimento mortis civilis. | <i>ibid.</i> |
| * 311. | 3°. Ex dispositionibus legis circa divortium. | <i>ibid.</i> |
| | * 4°. Ex natura impedimentorum. | 280 |
| * 312. | Cæterum, etiam admissâ principis voluntate, quidam dubitant an justè voluerit. | <i>ibid.</i> |
| 313. | Quænam sit natura nullitatum. 1°. Non sunt pleni juris, excepto casu mortis civilis. | <i>ibid.</i> |
| 314. | 2°. Sunt vel absolutæ, vel relativæ; istarum natura duplici modo explicatur. | 281 |


ART. 3. — *Quænam sint impedimenta civilia apud nos admissa.*

| | | |
|--------|---|--------------|
| * 315. | Breviter percurruntur juxta ordinem impedimentorum canonicorum. | 282 |
| | * I. Amentia. II. Error. III. Vis, seu metus. | <i>ibid.</i> |
| * 316. | IV. Impotentia. V. Ligamen. | 283 |
| * 317. | VI. Votum. VII. Ordo. | <i>ibid.</i> |
| * 318. | VIII et IX. Cognatio et affinitas. X. Honestas publica. | 284 |
| * 319. | XI. Disparitas cultûs. XII. Conditio. | 285 |
| * 320. | XIII. Raptus. XIV. Crimen. XV. Claudestinitas. | <i>ibid.</i> |
| 321. | XVI. Defectus consensûs parentum. | <i>ibid.</i> |
| 322. | XVII. Defectus præsentiae officarii civilis. | 286 |
| 323. | Requiritur insuper 1°. promulgatio <i>banquorum</i> ; non tamen ordinariè sub pœna nullitatis : | 287 |
| 324. | 2°. Celebratio publica : plura includit quorum ommissio non semper irritat matrimonium. | 288 |
| | Hinc non irritantur matrimonia <i>secreta</i> , vel <i>in extremis</i> . | 290 |
| 325. | Quædam adhuc præscribuntur ab officario civili peragenda, sed non sub pœna nullitatis. | <i>ibid.</i> |
| 326. | SCHOLIUM. — I. A quibusnam et quatenus invocari possint variae nullitates per impedimenta civilia iuductæ : | 291 |
| | 1°. De nullitatibus <i>absolutis</i> . | <i>ibid.</i> |
| | 2°. De nullitatibus relativis. | 292 |
| 327. | II. De dispensatione ab impedimentis civilibus. | <i>ibid.</i> |

ART. 4. — *Quid in praxi agendum quoad impedimenta civilia.*

| | | |
|------|--|--------------|
| 328. | Unde oriatur difficultas. | 293 |
| | I. Si matrimonium <i>nondum sit ullo modo celebratum</i> . | |
| | 1°. Fideles debent coram officario civili se sistere. | <i>ibid.</i> |
| | 2°. Antea non debent ad matrimonium coram Ecclesia admitti; | 294 |
| | Saltem generatim loquendo. | 295 |
| 329. | II. Si matrimonium sit celebratum <i>civiliter tantum</i> , sed <i>cum aliquo impedimento civili</i> . 1°. Si nullitas sit ir- | |

| Num. | | Pag. |
|------|---|--------------|
| | reparabilis aut nondum purgata, supersedeat sacerdos. | 295 |
| | 2°. Si sit jam purgata, potest ministerium suum præbere. | <i>ibid.</i> |
| 330. | III. Si matrimonium sit celebratum <i>coram Ecclesia</i> , et <i>non civiliter</i> . 1°. Generatim curandum ut civiliter ineatur. | 296 |
| | 2°. Si iniri non possit, quid in praxi servandum. | <i>ibid.</i> |
| | 3°. Non permittendum est novum matrimonium. | <i>ibid.</i> |
| 331. | IV. Si matrimonium celebratum sit <i>prius civiliter cum una persona et postea religiosè cum altera</i> ; vel vicissim. In praxi quid servandum. | <i>ibid.</i> |
| 332. | V. Si matrimonium sit celebratum <i>primum civiliter cum una persona, subinde religiosè et civiliter cum altera</i> , aut vice versâ : Idem statuendum ac in casu præcedenti. | 297 |
| 333. | VI. Si matrimonium celebratum sit <i>in utroque foro</i> , sed <i>cum impedimento civili</i> : solutio pendet a specie nullitatis. | <i>ibid.</i> |
| 334. | Concluditur quodnam sit discrimen practicum inter varias opiniones de impedimentis civilibus. | 298 |





On trouve chez le même Libraire,

PRÆLECTIONES *Theologicæ Majores, in seminario
Sancti Sulpitii habitæ : DE MATRIMONIO, operâ et
studio J. CARRIÈRE. Parisiis, 1837. 2 vol. in-8. 12 fr*

PRÆLECTIONES *Theologicæ Majores, in seminario
Sancti Sulpitii habitæ : DE JUSTITIA ET JURE, operâ
studio J. CARRIÈRE. Parisiis, 1839. 3 vol. in-8. 20 fr.*

COMPENDIUM *ejusdem operis, ad usum theologiæ
alumnorum. 1 vol. in-12. 2 fr. 50 c.*

Le savant auteur s'occupe en ce moment du *Tractatus de Contractibus*.

DISSERTATION sur la Réhabilitation des Mariages
nuls, où l'on traite en particulier des dispenses *in
radice* ; par un professeur de théologie ; suivie des
instructions de Benoît XIV et du cardinal Caprara
sur la même matière, pour servir de supplément au
Traité des dispenses de M. Compans. 2^e édition,
revue et considérablement augmentée. Paris, 1834.
In-8. 1 fr. 50 c.

JURIS CULTOR THEOLOGUS, *circa obligationes
Restitutionis in genere theorico-practice instructus ;
auctore R. P. Josepho VOGLER, societ. Jesu. Tertia
editio diligenter recognita, plurimis notis et observa-
tionibus locupletata, inprimis de præstatione culpæ
juridicæ et de ordine servando inter creditores, ex
jure civili Gallico. A. J. CARRIÈRE. Parisiis, 1833.*
In-12. 2 fr. 50 c.